

This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + Refrain from automated querying Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at http://books.google.com/



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.


Nous vous demandons également de:

- + Ne pas utiliser les fichiers à des fins commerciales Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + Ne pas procéder à des requêtes automatisées N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + Rester dans la légalité Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres


En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse http://books.google.com







n:21



• .

MÉMOIRES

DE LA VIE DU MARÉCHAL DE VIEILLEVILLE.

TOME SECOND.

a v

THE THE PARTY OF T

MÉMOIRES

DE LA VIE

DE

FRANÇOIS DE SCEPEAUX,

SIRE

DE VIEILLEVILLE

ET COMTE DE DURETAL, MARÉCHAL DE FRANCE;

CONTENANTS plusieurs Anecdotes des Regnes de FRANÇOIS I, HENRI II, FRANÇOIS II, & CHARLES IX.

Composés par VINCENT CARLOIK; fon Secretaire.

TOME SECOND.



A PARIS.

Chez H. L. GUERIN & L. F. DELATOUR : rue S. Jacques, à S. Thomas d'Aquin;

M. DCC. LVII.

Avec Approbation & Privilege du Rois

DC 112 766 C28

 $\frac{1}{2} \sum_{i=1}^{n} \frac{1}{2} \sum_{i=1}^{n} \frac{1}$

\$ not give a set dwg - \$

BOOGGOOGGOOGGO

TABLE

DES CHAPITRES

Contenus dans le fecond Volume.

SUITE DU TROISIEME LIVRE.

CHAPITRE XIII. M. de Vieilleville protege un Conseiller du Parlement de Bordeaux chez qui il étoit logé, page 1

CHAP. XIV. Punition de quelques Gendarmes qui avoient maltraité un Curé,

CHAP. XV. Le Connétable & le Duc d'Aumale vont dîner chez M. de Vieilleville,

CHAP. XVI. M. de Vieilleville mene de Xaintes la Compagnie du Maréchal de Saint André: Sa conduite envers les habitants de cette Ville, 26

CHAP. XVII. M. de Vieilleville rend visite au Prince & à la Princesse de la Roche-sur-Yon. Conseils qu'il leur. Tome II.

donne pour la conservation de leur fils
qui étoit en nourrice, 35 CHAP. XVIII. Mariage de Mademoi-
selle de Scepeaux, fille aînée de M.
de Vieilleville, avec le fils du Marquis
d'Espinay,
CHAP. XIX. M. de Vieilleville refuse une donation qu'on lui offre de la
confiscation de ceux qui seroient con-
damnés comme Luthériens en diverses
CHAP. XX. Entrée du Roi Henry II à
Paris: Opulence de cette Ville au
temps de ce Prince : Guerre avec l'An-
gleterre: Le Roi va attaquer la ville
de Boulogne, CHAP. XXI. Le Roi enleve aux Anglois
tous les Forts qu'ils avoient autour de
Boulogne: Combat fingulier entre M.
d'Espinay & un Seigneur Anglois, 73 CHAP, XXII. L'armée du Roi se retire
de devant Boulogne, 83
CHAP. XXIII. Générosité du Marquis
d'Espinay à l'égard du Seigneur An- glois qu'il avoit vaincu, 88
CHAP. XXIV. Le Roi fait la paix avec
le Roi d'Angleterre, 94

DES CHAPITRES. iij CHAP. XXV. M. de Vieilleville retourne

dans ses Terres,
CHAP. XXVI. Il reçoit le Roi & toute

la Cour au Château de Durestal, 104

CHAP. XXVII. Le Roi reçoit une ambassade du Roi d'Angleterre, & lui envoie le Maréchal de Saint-André,

110

CHAP. XXVIII. Arrivée du Maréchal de Saint-André à Londres, 116

CHAP. XXIX. Le Roi d'Angleterre reçoit le collier de l'Ordre de Saint Michel,

CHAP. XXX. Retour du Maréchal de Saint-André en France, 132

LIVRE QUATRIEME.

CHAPITRE I. Les Princes d'Allemagne envoyent des Ambassadeurs au Roi, pour lui demander du secours contre l'Empereur,

CHAP. II. Entretien de M. de Vieilleville avec le Comte de Nassau, 145

CHAP. III. Autre Entretien de M. de Vieilleville avec le Prince d'Orange,

156

CHAP. IV. Le Roi donne à M. de Vieil
leville une place dans le Conseil d'E-
tat, 162
CHAP. V. Le Roi donne audience aux
Députés des Princes de l'Empire. Il
tient Conseil sur la réponse qu'on leur
fera, 174
CHAP. VI. L'avis du Connétable, sur
la réponse que l'on devoit faire aux
Députés d'Allemagne, entraîne les
suffrages de presque tous les Membres
du Conseil, 182
CHAP. VII. M. de Vieilleville ouvre un
avis contraire à celui du Connétable :
Griefs contre l'Empereur, 186
CHAP. VIII. Avis des autres Conseillers
d'Etat : M. de Vieilleville propose au
Roi de s'emparer de Metz, Toul &
Verdun, 196
CHAP. IX. Le Roi approuve cette propo-
fition, 202
CHAP. X. Le Roi déclare sa résolution
au Conseil, 206
CHAP. XI. Le Roi donne à M. de Vieil-
leville le commandement de sa Cor-
nette, 217
CHAP. XII. Festin donné par le Roi aux
The first of the second

268

Députés des Princes de l'Empire, 222 CHAP. XIII. Le Roi assemble une grande armée & s'empare de Metz, 230 CHAP, XIV. Entrée du Roi dans la ville de Metz. M. de Vieilleville refuse le Gouvernement de cette Ville: Motifs de son refus, CHAP. XV. Le Connétable fait donner le Gouvernement de Metz à M. de Gonnor ; 247 CH. XVI. Le Roi entre en Alface, 251 CHAP. XVII. Ceux de Strasbourg refusent l'entrée de leur ville aux François: Ils consentent à recevoir le Roi, pourvu qu'il ne fût accompagne que de quarante Gentilshommes, CHAP. XVIII. M. de Vieilleville conseille au Roi de ne pas entrer dans Strasbourg avec si peu de monde, & son conseil est suivi, CHAP. XIX. Le Roi marche vers Ha. guenau, dont les habitants sont forcés de le recevoir avec ses troupes : Libéralités de ce Prince envers les familles de quelques Officiers Allemands exécutés à mort par ordre de l'Empereur pour leur attachement à la France,

CHAP. XX. M. de Vieilleville eft en-
voyé à Spire : La Chambre Impériale
lui donne audience : Description de
cette Assemblée, 275
CHAP. XXI. Harangue de M. de Vieil-
leville à la Chambre Impériale de
Spire, 279
CHAP. XXII. Réponse de l'Assemblée à
M. de Vieilleville, 285
CHAP. XXIII. Le Duc Maurice de Saxe
donne avis au Roi de son accommode-
ment avec l'Empereur, 290
CHAP. XXIV. Retour de l'armée du Roi
en France, 298
en France, CHAP. XXV. L'armée se retire partagée
en quatre corps : Celui que le Duc
d'Aumale commandoit souffre de gran-
des incommodités dans sa marche:
l'armée réunie assiége Rodemach, 306
CHAP. XXVI. La Reine de Hongrie,
fœur de l'Empereur, entre en Champa-
gne avec une armée : On délibere si
l'on attaquera cette Princesse: Avis du
Connétable & de M. de Vieilleville,
CHAP. XXVII. Le Roi affiege Damvil-
liers & le prend : Siege d'Yvoy, 324

DES CHAPITRES. vii CHAP. XXVIII. Prife d'Yvoy. M. de Vieilleville est fait Marechal de Camp. Prise de Mont-Médi. CHAP. XXIX. Prise de Lumes, 337 CHAP. XXX. Butin immense trouvé dans la Ville de Lumes, 342 CHAP. XXXI. La Maréchale de la Mark entre dans Lumes pour se saisir du butin que le Roi lui avoit donné, 345 CHAP. XXXII. Le Roi s'empare de plusieurs Forts : Ensuite il licentie son armée, 351 LIVRE CINQUIEME. CHAPITRE I. M. de Vieilleville part pour aller à son Château de Durestal, 357 CHAP. II. Le Roi mande à M. de Vieilleville de se rendre à la Cour,

CHAP. III. Le Roi envoye M. de Vieille-

CHAP. IV. M. de Vieilleville fait fortifier la ville de Verdun : L'armée de l'Empereur investit la ville de Metz,

377

ville à Verdun.

viij	T	A	В	L	E	,	&c.

CHAP. V. M. de Vieilleville je met a la
tête d'un détachement de la garnison de
Verdun, & enleve un convoi de vivres
aux Impériaux, . 393
CHAP. VI. Il se rend maître du Château
de Conflans, 405
CHAP. VII. Il surprend la ville d'Es-
tain, 413
CHAP. VIII. M. de Vieilleville force le
village de Rougerieules, 418
CHAP. IX. Il retourne à Verdun où il
reçoit un ordre du Roi de se rendre à
Toul, 426
CHAP. X. Il envoye à Pont-à-Mousson
un espion qui trompe les ennemis, 432
CHAP, XI, Il attire les ennemis dans
une embuscade, 440
CHAP. XII. Il surprend la ville de
Pont-à-Mousson, 447
CHAP. XIII. Dom Alphonse, battu &
fait prisonnier, meurt de chagrin,
d'une lettre qu'il reçoit du Duc d'Albe :
Colere de l'Empereur sur le peu de
Succès du siege de Metz, 455
Fin de la Table des Chanitres

Fin de la Table des Chapitres du second Volume.

MÉMOIRES



MÉMOIRES

DE LA VIE DU MARÉCHAL

DE VIEILLEVILLE.

TROISIEME LIVRE.

CHAPITR XIII.

M. de Vieilleville protege un Conseiller du Parlement de Bourdeaux chez qui il étoit logé.

TIERCEMENT, au dernier villaige ou la compaignie logea à une lieue de Bordeaulx, & qui luy fust donné pour garnison, M. de Vieilleville Tome II.

HENRI II.

= la laissa entre les mains des sieurs HENRI II. Fervaques & de Chazeron, après avoir donné l'ordre qui y estoit nécessaire: & vint loger le lendemain de l'entrée de M. le Connestable en la ville de Bordeaux, au logis qui luy estoit retenu; auquel ses gens apprester. luy avoient faict acoustrer à disner,

fuivy de plusieurs gentilshommes & Capitaines. Et ayant mis pied à terre, M. Valvyn, Confeiller de la Cour de Parlement, son hoste, se presenta à la porte pour le recevoir; se disant très-heureux de loger ung tel Seigneur, duquel il esperoit pour la grande & bonne reputation qui en couroit ung bon traictement, nonfeulement pour le regard de ses biens & famille, mais beaucoup de faveur envers M. le Connestable, veu son credit, fur les faulses accusations defquelles on commençoit à le molester. ayant esté desja constitué prisonnier en sa maison; luy recommandant en toute humilité sa personne & son bon droit; & qu'il estoit le trèsbien venu. A quoy M. de Vieilleville

15480

respondict; que l'honneste racueil que presentement il luy avoit faict. HENRI II. l'obligeoit grandement à le conserver, & tout ce qui luy appartient, & de prandre sa cause en main; aussi que son port & sa façon ne le jugeoient pas de maulvaise affaire, ny de seditieuse humeur; & qu'il ne se devoit estonner de son emprisonnement, estant ceste forme de proceder en tel cas ordinaire, qui ne se faict à aultre fin que pour empescher les habitans d'une ville de conferer ensemble & faire quelques menées ou monopoles; & que après disner ils en parleroient plus amplement, le priant de difner avecques luy.

Et entrez en la salle, Madamoyfelle de Valvyn accompaignée, entre aultres, des jeunes Damoyselles fes filles d'excellente beauté, se prefenta semblablement, mais si esperdue de l'aprehension de quelque violence que l'on avoit voulu faire la nuict precedente au logis de sa sœur, aussi femme d'un Conseiller, mais veufve, & dont fes deux niepces non moins

= belles que leurs cousines, avoient HENRI II. esté contraintes de se retirer chez elle, parce qu'il n'y avoit poinct encores d'hoste, qu'elle ne luy peust dire aultre chose, sinon, luy recommander l'honneur de ses filles & niepces, les luy presentant toutes quatre. Et comme elle se vouloit prosterner à genoux, M. de Vieilleville la foubsleva, luy difant; qu'il avoit semblablement des filles, en fouvenance desquelles il traicteroit avec tout honneur & honnesteté les fiennes; & que pluftoft il luy coufteroit la vie qu'elles receussent auleun mal ou deplaisir, quand bien le duc d'Aumalle qui estoit le plus grand de l'armée le vouldroit entreprendre : à quoy il estoit tenu & obligé, nonseulement par sa qualité, mais par le devoir de Chrestien, & de l'obeiffance aux commandemens de Dieu. Et dès lors les print en sa protection, & les luy bailla comme à leur mere & tante en garde. De quoy le pere & la mere & ces quatre honnestes Damoyselles le remercierent trèshumblement; non fans beaucoup de = larmes, entremessées toutesfois de HENRI II. grand affeurance & de contantement: car elles avoient entendu que, à la furie de la premiere arrivée, l'on en avoit bien abusé; & intimidoit-on tout le monde d'avoir sonné le tocfainct.

La mere se voyant asseurée par ce langaige, commença à discourir de ses niepces ; accusant les gens de l'hoste de sa sœur, qu'elle nommoit le comte de Sancerre *; & principalement ung jeune gentilhomme qui voulut rompre la porte de leur chambre pour leur faire desplaisir; mais faulterent par les fenestres sur les fagots, & s'estoient faulvées auprès d'elle. M. de Vieilleville leur demanda, sy ce n'estoit pas le bastard de Bueil b: toutes respondirent d'une voix qu'il s'appelloit ainsi. » Il one le fault, dit-il, trouver estrange: » car avec ung fils de p... il n'y a ja-

ze de Sancerre, grand Boutteiller de France. (b) Louis de Bueil, fils

(a) Louis de Bueil, com- | naturel de Louis, Compe de Sancerre, grand Bouttellier de France.

mais paix ny seureté pour les filles HENRI II. » d'honneur en telles choses ; à cause » du creve-cœur qu'il a que toutes les » femmes ressemblent à sa mere ».

> Estants sur ces propos, la Veusve arrive se voulant retirer du tout chez fa fœur, penfant qu'elle n'eust poince d'hoste; parce que ce bastard la vouloit oultraiger, & incessamment la tourmentoit pour luy representer fes filles. Mais M. de Vieilleville luy promist de luy en faire une bonne reprimande en la presence du comte de Sancerre. Et en attendant, tous & toutes disnerent avecques luy, tant que deux bons plats & opulamment fervis se peurent estendre; qui estoit de tout temps son plus commun ordinaire.

Caccueil.

Après disner il alla veoir M. le Connestable, qui luy fist le racueil accoustumé. Et le trouvant prest d'aller au conseil, il y entra avecques luy, ensemble plusieurs aultres Seigneurs. A l'issue duquel, il print le Comte de Sancerre par la main; & luy ayant fait entendre les infolences

de fon advoué fils, ils l'envoyerent = querir, & tous deux le galopperent HENRI II. de telle façon d'injures & de pouilles, qu'il eust voulu estre mort. Mais le comte de Sancerre pour regaigner fes hostesses, vint avec M. de Vieilleville en son logis où il souppa, leur faire les excuses du passé, avec promesses, protestations & ferments qu'il ne leur adviendroit jamais rien de tel pour l'advenir, & les prioit instamment de retourner. Mais elles n'y vouleurent jamais entendre; fe doubtants bien qu'il estoit de la partie. Et tant que l'armée sejourna au Bordelois, elles ne sortirent du logis de M. de Vieilleville, dont bien leur en print ; car elles furent exemptes, tant de ceste force, ou pour le moins de la peine d'y refifter, que de l'ignominie generale en laquelle tous les habitans de la ville, hommes & femmes, furent condampnez, comme il s'ensuict.

Pour ce qu'il sembla à M. le Connestable, assisté du conseil de tous ces Seigneurs, & de six ou sept Maîtres

A iv

des requestes, ensemble des Prevosts HENRI II. & aultres Juges de fa suite à luy ordonnez par le Roy, (car la Cour de Parlement de Bordeaux estoit interdicte): que toute la ville estoit coulpable de la mort du feu sieur de Monnys, & de la barbare cruauté de l'avoir laissé tout nud trois jours entiers sur le pavé sans sepulture; tous les habitans de la ville, fans respect de sexe ny de qualité, furent condampnez à faire amande honorable, & à genoux, devant le corps dudit de Monnys desterré, puis enchassé en du plomb, là present, en la grand rue du chapeau rouge; demandants pardon à Dieu, au Roy & à Justice, ainsi qu'il a esté dict en l'unziefme chapitre de ce livre ; & devoient confesser l'avoir inhumainement, proditoirement, & mefchamment tué; de forte que si ung homme ou une femme fe cachoit, qui que ce fust, leurs voisins les accusoient au Prevost pour les forcer de comparoistre & obeir comme eux à l'arrest, & participer en ceste honto.

DE VIEILLEVILLE, LIV. III. 9

Suivant cela, tous les voisins de M. Valvyn, ung peu devant l'heure HENRI II. dicte, vindrent en son logis pour le contraindre, sa femme, sa sœur & leurs filles de se trouver audit lieu; & amenerent des archers du Prevost pour mieux se faire obeir. Quant à Valvyn il s'excusa sur son emprisonnement; mais au reffus qu'en firent les femmes, ils voulurent enfoncer le logis; & Dieu sçeit s'il y eust des coups de baston departis; mais de telle forte, que les archers & la populasse se retirerent plustost que le pas. Ce qu'estant rapporté à M. le Connestable, il envoya dire à M. de Vieilleville par ung gentilhomme nommé St. Supplice, qu'il trouvoit ceste façon fort estrange; & que resoluement il falloit que ses hostes comparussent pour obeir à ce qui avoit esté ordonné, & où luy-mesme avoit esté present, ne fust-ce que pour la consequence. Sur quoy il luy fist responce; que si ses hostes estoient contraints de s'y trouver, qu'il iroit quant & eux faire amande honorable;

1548.

I 548.

mais qu'il se pouvoit asseurer qu'il y HENRI II, auroit bien du bruict, quoy qu'il en deust arriver.

Encores que ceste parolle fust bien dure & poulsée de grand colere, mesme à ung tel homme qui estoit ung second Roy en France; si est-ce que M. le Connestable, pour l'amitié & respect qu'il luy portoit, n'en fist aultre instance ny semblant : aussi, qu'il consideroit que les Capitaines des vieilles Bandes qui gardoient les portes de la ville, estoient ceux-là que M. de Vieilleville avoit si bien traictés en Piedmont, & traictoit encores à Bordeaux, car ils le fuivoient ordinairement par-tout; toutesfois pour obvier à plus grand trouble, il envoya ung aultre gentilhomme nommé Lufarche, avecques vingt harquebuziers de sa garde pour faire retirer le peuple, s'il y estoit encores; mais il y trouva cinq ou six des Capitaines susdicts, qui y estoient desja venus avec environ deux cents harquebuziers, pour affister M. de Vieilleville, pensants que ce fust à luy qu'on en

DE VIEILLEVILLE, LIV. III. 11

voulut : de quoy il n'estoit besoing, = car ils n'y trouverent personne; ayant HENRI Il le baston amorty ceste furie. Ce qu'ayant Lufarche rapporté à Monsieur le Connestable, il jugea bien que M. de Vieilleville luy avoit mandé par St. Supplice la verité, & faidt connoistre son affection envers fes hostes; mais qu'il l'en falloit gratiffier, deffendant à Lusarche d'en parler à personne, de crainte que les aultres Seigneurs ne voulussent femblablement exempter leurs hoftes & hostesses de ceste infamie. Mais personne ne s'y hazarda; advertis de sa colere. Et commanda de despescher diligemment l'execution de ceste amande générale, qui fut fort pitoyable & fans mercy: car tous les grands & aultres de la ville luy demanderent pardon à genoulx : & furent bruflez en public toutes les panchartes, anciens privileges, remembrances, & vieux enseignemens, octrois, tiltres, franchises & immu- firmations nitez données par les Roys à l'hostel privileges. de ville de Bordeaux.

1548.

12 MÉMOIRES DU MARÉCHAE

Cela parachevé, M. le Connestable HENRI II. envoya à M. de Vieilleville le pardon du Conseiller Valvyn, qui estoit prifonnier en sa maison pour y avoir logé le Colonel de la commune l'espace de six jours, durant lesquels il fist de merveilleux & horribles massacres; mais il s'excusoit sur deux points qui estoient bien recebvables: le premier qu'il estoit son parant, & avoit encores quelque part * en la maison: l'autre, que s'il luy eust reffusé l'entrée, il y eust logé par force, en danger d'estre tué; car il s'y presenta avec cinq ou six mille hommes : que s'il eust eu moyen de évader, & la luy abandonner, il l'eust faict de très-bon cœur; mais il luy fust impossible, estant environné de toutes parts. Cependant M. de Vieilleville ne voulut pas remercier M. le Connestable de ceste gratuité par procureur; mais y alla en personne bien accompaigné, & luy mena fon hoste, qui se prosterna à genoulx;

^{*} C'est-à-dire , & avoit encore interest dans quelque portion de cette maison,

DE VIEILLEVILLE, LIV. III. 13

puis estant levé luy allegua les sufdictes raisons, dont il eust son ab- HENRI II. folution par escrit, & remis en son elfat.

1548.

CHAPITRE XIV.

Punition de quelques Gendarmes qui avoient maltraité un Cure

ET POUR le quatrieme, du villaige où estoit logée la compaignie, distant seulement d'une lieue de Bordeaux, les gensdarmes & archers alloient & venoient en la ville avecques congé de l'Enseigne ou du Guidon, pour recevoir les commandements de leur Capitaine, apprendre des nouvelles, & veoir les criminelles executions, chacun à leur tour, & puis s'en retournoient en leur quartier. Desquelles executions ung homme d'armes & deux archers voulurent faire leur proffit, mais à leur ruine & perdition. Car ayant

intimidé le Curé du villaige, luy HENRI II. firent acroire qu'ils s'estoient trouvez à la mort de deux que l'on pendoit, qui le chargeoient d'avoir avec eux sonné le tocsaince dedans le clocher de son église; & qu'ils estoient commandez de le mener prisonnier; mais ils le feroient evader s'il leur vouloit donner une bonne fomme: & commencerent à luy mettre la main sur le collet & le garotter.

Le pauvre Curé qui sçavoit les nouvelles de Bordeaux; & qu'on les faisoit mourir sur une simple accufation, sans confrontation de tesmoings ny aultre forme de procès, se taxa librement, plustost que d'aller là, à huit cens escus; aussi qu'il se fentoit ung peu coulpable. Mais non contants de cela, estants advertis que depuis deux mois il avoit mis en ung cachot tous les calices, croix, reliques & aultres meubles d'argent, avec des chasubles, chappes & plufieurs riches ornements de drap de foye, pour les faulver des incursions & furie de la commeune, & mesme

DE VIEILLEVILLE, LIV. III. 15

de l'armée, le forcerent, la dague sur = la gorge, de leur descouvrir ceste HENRI II. musse. A quoy l'apprehension de la 1548. mort luy fist promptement obeir; & le lierent en une chambre escartée. affin qu'il ne fut veu & ne parlast à personne; en deliberation, leur main

faicle, de le tuer.

Mais le neveu du Curé vint en diligence à Bordeaux advertir M. de Vieilleville de ceste volerie; qui monta incontinant à cheval, & entrant au desceû des galands dedans le presbytere, il les trouva faisants trousser leur bagaige pour desloger, ayant trois chevaux chargez de riche butin. Et de prime abordade, poulsé de grand colere, tua le premier qu'il rencontra, s'escriant: Poultrons, sommes-nous Lutheriens, pour courre sus aux Prestres & voler les Eglises ! Les deux aultres ne pouvant fuir furent arrestés. Mais parce que M. de Vieilleville avoit, en venant, protesté & juré de les faire pandre, les sieurs Dolivet de Bretaigne & Lachesnaye de Craonnois les tuerent, pour n'avoir

- la honte de veoir pandre leurs com-HENRI II. paignons portants mesmes couleurs & livrées : car ils eussent esté defaicts en leurs cafacques. Le neveu qui avoit enseigné à M. de Vieilleville le passaige du jardin pour entrer ceans sans frapper à la porte, le mena en la chambre où estoit son oncle prisonnier qu'il trouva lié sur ung banc, & deux valets chacun ung poignard fur l'esthommac pour l'empescher de crier : les valets bien esbahis se jetterent à genoux; mais ceste humilité peu leur servit, car ils furent mis en la place du Curé, & baillés en garde à fon neveu qui en fût fort foigneux, avec l'aide qu'on luy donna; & furent toutes choses restituées à l'Eglise de son oncle.

Le pauvre Curé se prosterne à genoux devant M. de Vieilleville, pour le remercier du rescouvrement de sa vie & de ses biens. Mais il luy commanda bientost de se lever, & de faire enterrer ces trois corps, fans oublier une chanterie & service accoustumé, affin de prier Dieu pour

eux.

eux. Il ne fault point demander de = quelle diligence & devotion il s'ac- HENRI II. quitta de ceste charge; veu que les valets pressez de dire verité, confesserent devant luy qu'ils avoient commandement de le tuer incontihant que leurs maistres seroient prests à partir, de peur que l'on ne courust après eux, & demandoient pardon; mais envain; car ils furent pandus devant l'Eglise dudict villaige sans aultre forme de procès.

1548.

Ceste meschante entreprise se pouvoit aisément executer par ces miserables gentilshommes; car le Curé n'avoit point d'hoste, ayant toujours eû M. de Vieilleville ceste maxime d'exempter les presbyteres; & en tout lieu où il a eu commandement, il ne permit jamais que perfonne y logeast, quelque necessité qu'il y eust de logis, fondé sur une raison affez legitime, qu'il estoit malaifé & quasi impossible à ung prestre de celebrer dignement le service divin parmy tant de bruict & de tabut, de veoir semblablement

tapage

18 MÉMOIRES DU MARÉCHAL

HENRI II.

dissiper son bien, & qui plus est, d'estre en ceste continuelle crainte & apprehension au desloger de ses hostes d'avoir pis; car l'ordinaire du soldat, est de jamais ne payer son hoste, mais plustost de le ransonner avecques blasphemes execrables & entremesses d'injures & de coups.

CHAPITRE XV.

Le Connétable & le duc d'Aumale vont dîner chez M. de Vieilleville.

A PRE's que M. le Connestable eust très-dignement executé sa charge, & laisse ung exemple immortel à tous seditieux & mutins de se contenir en l'obeissance de leur Roy, il delibera de licencier l'armée & renvoyer les compaignies tant de cheval que de pied, aux garnisons qui leur avoient esté assignées & departies par tous les pays de de-là, pour toujours tenir en bride la popu-

lace: mais ce ne fust sans premierement ordonner de leurs monstres, HENRI II. qui furent faictes au contentement d'ung chacun, mais contre l'esperance de plusieurs; car on pensoit qu'elles deussent estre riches, ou bien de quelque prest*, attendant l'argent: mais tous en général furent payez; ayant pourveu à cela fort dextrement M. le Connestable, mais en secret, & felon le pouvoir qu'il avoit fur les finances de France desquelles il disposoit comme des siennes propres; aussi disoit on-que cet argent avoit esté pris des deniers de la recepte générale de Guyenne & de sa seule authorité, encores que le Roy les eust destinez ailleurs.

Doncques se préparants toutes compaignies à faire monstre, M. le Connestable dist en riant & comme par gausserie à M. de Vieilleville, qu'il vouloit estre son commissaire; car il avoit entendu que la compaignie de

1548.

^{*} Ou de leur propre bien ou de celui qu'elles avoient emprunté dans le dessein de ne jamais payer.

M. le Mareschal de St. André n'es-HENRI II. toit pas en équippage de faire service au Roy, & qu'il sçavoit bien qu'il n'y avoit pas vingt chevaux de fervice. De quoy M. de Vieilleville le remercia avec ung modeste soubsris, le suppliant de ne l'espargner ny tous fes compaignons en la cafferie, s'il veoyoit qu'elle y escheust; mais s'il luy faisoit tant d'honneur que de faire luy-mesme sa monstre. qu'il print bien garde à foy, car il luy feroit comme aux aultres Commissaires. Et quoy ? dist Monsieur le Connestable, pensant que ce sust quelque mal : » Je leur donne à odifner, Monsieur, respond M. de » Vieilleville: que si vous me voulez »tant honorer que d'en prendre la » patience, je vous auray une gran-» dissime obligation; austi que pour » venir difner en mon quartier, vous ne vous incommodez nullement, » estant le village où est logée la » compagnie fur le chemin de vostre » couchée au partir de ceste ville ». Ce que Monsieur le Connestable en

riant à cœur ouvert, & s'apperçevant = de l'extreme desir qu'il en avoit, HENRI II. très-joyeusement luy accorda.

1548.

Le deuxieme jour après ceste promesse, M.M. les Connestable & duc d'Aumalle partirent de Bordeaux; & en une belle plaine assez près du village susdict, trouverent la compaignie en bataille qui tenoit ung grand pays, car elle paroissoit de plus de six cents chevaux, ayant commandé M. de Vieilleville aux valets qui estoient montez sur les seconds chevaux de leurs maistres, de se tenir aussi en bataille le long de ladite compaignie, un peu à quartier, & non derriere comme on a accouftumé. Lequel voyant venir toute ceste grande Seigneurie, s'advança pour les recevoir, monté sur ung coursier gris-pomessé que l'on estimoit deux mille escus avec tout fon équipage, leur montrant fon addresse & sa belle assiete à cheval & la franc-valeur de son coursier: & estant tous devant la compaignie qu'ils reviserent deux fois d'ung bout

Buj

22 Mémoires du Maréchal

1548.

à l'aultre, ils confesserent haultement Henri II. d'une commune voix n'en avoir jamais veu une telle, avec des louanges infinies; qui n'estoient, à vray dire, flateresses ny à tort, car il y avoit environ cinquante hommes d'armes, dont le moindre avoit deux mille escus de rente, que l'esperance de la paye n'y avoit pas fait entrer, mais la seule amitié qu'ils portoient à M. de Vieilleville: & par ce moyen, estant la compaignie de cent hommes d'armes bien complette, il s'y trouva plus de six vingts chevaux, que d'Hespaigne, que coursiers, chacun pour le plus beau, & ung grand nombre de roussins d'eslite, & la pluspart de Dannemarc qui sont communement de ligiere taille. Que s'il se trouvoit quelque homme d'armes qui se servit d'ung roussin de Cleves ou de Flandres aux grands pieds plats, on crioit tant après luy, au chartier, qu'il estoit contraint de s'en deffaire: aussi estoitce monture d'archer; qui estoit cause que ceste compaignie paroissoit la mieux montée de toutes les aultres,

non-seulement de l'armée, mais de toute la France. Et sur tous, les HENRI II. Seigneurs Italiens qui accompaignoient M. d'Aumalle, à cause du mariage pretenduavec la Princesse de Ferrare, l'admirerent & estimerent grandement, affermant qu'en toute l'Italie malaifément s'en pourroit-il trouver une pareille. Aussi M. le Connestable dist tout bas à M. de Vieilleville, qu'il eust esté bien marry que sa compaignie fust venue en l'armée, car il en eust rougy voyant ceste-cy: & par gaillardise luy fift lever la main pour prendre son serment de bien servir le Roy, laissant au Commissaire ordinaire des guerres à parachever le reste de la monstre; & luy fust reputé ce traid par toute l'assistance à une très-grande faveur, ne s'estant jamais M. le Connestable tant abbaissé, pas pour ung fils de France.

M. de Vieilleville semblablement. laissa la compaignie encores en bataille avec l'enseigne & le guydon, & vintaccompaigner fon grand Com1548.

Biv

24 MÉMOIRES DU MARÉCHAE

1548. ramée.

missaire pour luy donner à disner; HENRI II. à Monsieur d'Aumalle & à tous les Seigneurs de la fuite : qui fust soubs une ramade qu'il avoit faict induftrieusement dresser en un champ tout joignant le village, où ils furent aussi opulément & friandement traiclez pour six plats que l'on eust sceu estre dedans Paris. Dequoy toute ceste grande compagnie se loua à merveilles; non pas fans ung grand ébahissement d'avoir trouvé si à main & en ung tel lieu de si exquises & rares commodités, tant pour l'excellence du vin, que de l'ordre qui fust tenu au service d'une confuse trouppe.

> Le disner finy, la compaignie arriva, qui fist mille gentillesses devant MM. le Connestable & d'Aumalle, attendants qu'ils fussent prests à partir; & ne furent pas moins de deux bonnes heures voltigeants, maniants leurs chevaux au grand contentement de toute ceste Seigneurie: car aussi bien, la fuite de M. le Connestable avoit pris tout le village pour faire repaif-

tre leurs chevaux. Et estant M. le == Connestable monté à cheval pour HENRI II. s'acheminer au lieu de sa couchée, il fust conduict par la compaignie jusques à demye lieue, où les trompettes ne s'esparnerent pas ; & s'en trouva plus d'une douzaine; car M M. le Connestable & d'Aumalle, & la pluspart de ces Seigneurs en avoient. Mais comme ils vouloient marcher encores plus oultre, M. le Connestable pria M. de Vieilleville de se retirer avec sa trouppe, & luy difant adieu, & remerciant de fon bon traitement, luy fift de bonnes & grandes offres; M. d'Aumalle femblablement, & tous ces Seigneurs en particulier, qui prindrent la routte de Poictiers.

1548.



HENRI II. 1548.

CHAPITRE XVI.

M. de Vieilleville mene à Xaintes la compagnie du Maréchal de St. André: sa conduite envers les habitans de cette ville.

M. DE VIEILLEVILLE de retour à son village, y sejourna jusques à ce que la compaignie eust esté du tout payée; & ayant faict, suyvant fa coustume, contenter, jusques au dernier denier tous les habitans, il en deslogea deux jours après, à leur grandregret, sereputants très-heureux au prix de leurs voisins; & mena au partir de-là sa compaignie à Xainctes, ville establie pour sa garnison, où il fut fort honorablement receu des gens d'Eglise, de Justice, & Bourgeois ; jusques à venir audevant de luy, chasque trouppe à part environ quart de lieue hors la ville, avec offres de leur fervice, & priere trèshumble de les avoir en telle recommandation que ses vertus accoustu-

mées leur faisoient esperer, car le bruit de ses équitables & politiques HENRI IL ordonnances estoit parvenu jusques à eux; qui les rejouissoient extremement, & qu'ils n'estimoient pas qu'il eust encores à faire quelques recherches des choses passées, attendu qu'il leur sembloit que les arrests & executions faictes à Bordeaux y devoient

avoir mis la derniere main.

Sur quoy M. de Vieilleville leur respondit, après les avoir amyablement remerciez de leurs honnestes offres, qu'il n'estoit pas venu pour faire aulcune recherche; & quand M. le Connestable luy eust voulu commettre ceste charge, que pour rien il ne l'eust accepté, mais bien au contraire, que pour le service qu'il a voué à leur Evesque M. de Xainctes, Prince du fang, qui depuis fut Cardinal de Bourbon, il l'avoit diverty de la resolution qu'il avoit prise d'envoyer en leur ville cinq Enseignes de vieilles bandes francoises venues de Piedmont, n'ayant eû meilleur moyen de rompre ce

1548.

coup, qui estoit comme tout conclu HENRI II. & arresté, que par s'offrir soy-mesme à y venir, & la demander très-inftamment pour la compaignie de M. le Mareschal de Sainct-André. De quoy ces trois qualités de personnes le remercierent en toute humilité & à très-grande joye. Mais quand cela fut publié par la ville, il n'y eust habitant, de quelque sorte ou faculté qu'il fust, qu'il ne s'en rejouist au double: aussi pour la difference qu'il y a entre gens de pied & la gendarmerie; car le gendarme qui est communement gentilhomme de moyen, s'en va en sa maison & laisse en la garnison ses chevaux avec ung valet ou deux, qui se contentants des fournitures portées par les ordonnances du taillon, vivent paisiblement avec leurs hostes; là où le foldat qui n'a pas grand retraicte tourmente incessamment le sien, & le tient en une perpetuelle despense & fervitude. Davantage, ces cinq Enseignes à trois cents hommes chacune revenoient quasi à deux mille

hommes, qui estoit une surcharge ____ pour leur ville fort excessive, au HENRI II. pris de cinq ou six cents hommes, pour le plus : de forte que toute la ville, toutes ces choses considerées, estoit si esmeue en joye & allegresse, que merveilles; & se preparerent tous avecques leurs armes, selon que chacun en pouvoit fournir du reste de la confiscation, pour venir audevant de M. de Vieilleville & de fa compaignie, qui entra en armes & en fort bel ordre dedans la ville.

Si est-ce que le comble de toute ceste rejouissance ne provenoit pas seulement des raisons ny considerations cy-dessus, mais bien de se veoir hors du danger de la perquisition de leurs deportemens en ces troubles. Car toutes qualitez d'habitans, prestres, chantres, clercs du Palais aultrement Bazochiens, marchans & artifans en estoient généralement coulpables: estant chose très - certaine, qu'ils partirent de Xainctes en trouppe de six ou sept mille hommes, & vindrent allumer

30 MÉMOIRES DU MARÉCHAL

1548.

le grand feu de fedition à Bordeaux HENRI II. où ils firent sonner le tocsainct treze ou quatorze heures sans cesser; qui accreust leur nombre de plus de trente mille hommes. Mais auparavant sortir de leur territoire de Xainctonges, ils avoient fait paffer par les armes par les flechades ung prestre nommé Me Jehan Béraud, & ung fermier de la gabelle qui s'appelloit Chuche, & commis plusieurs aultres cruautez: de sorte que croyants & estants en ceste apprehension, que M. de Vieilleville venoit pour tout foudroyer, il ne se fault esbahir, après avoir entendu ceste bonne parolle accompaignée d'une franche volonté en leur endroit, s'il fust reçeû à cœur ouvert & très-grande joye.

> Il fust environ trois semaines avecques eux, & y fist sa feste de Toussainets. Durant lequel temps, pour les gratifier davantaige, il efcrivit à M. le Connestable estant à Poictiers, mais à leur instante requeste, pour le supplier, quand les habitants de Xainctes envoyeroient

devers luy leurs députés, pour obtenir du Roy une abolition générale HENRI IL & restablissement de leurs privileges, de les vouloir prandre en sa protection, & leur estre aydant, à ce qu'ils peussent avoir une prompte & favorable despesche. Sur quoy M. le Connestable luy fift une fort honneste response; qu'il les auroit pour recommandez, & qu'en sa faveur, il les affectionneroit sur toutes les aultres villes, & les feroit despescher de telle façon, qu'ils se pourroient louer de l'amitié qu'il luy porte; avecques plusieurs bonnes offres qui concernoient leurs repos & seureté. Dequoy les habitans demeurerent fort contents, & le supplierent de leur laisser ses lettres, pour s'en prévaloir à l'endroit de M. le Connestable, quand ils despescheroient leurs deputez. Ce qu'il leur accorda fort librement, avec promesse que s'il se trouvoit à la Cour, au temps de leurs députez, il leur feroit paroistre l'affection qu'il

32 Mémoires du Maréchal

porte au bien des affaires de leur Henri II. ville & communautez.

1548.

Par telles courtoifies & gratuitez, il gaigna les cœurs des habitants de la ville, de tous estats, non-seulement, mais il s'obligea les plus grands Seigneurs de Xainctonge, qui le venoient ordinairement visiter, aufquels il faisoit une fort magnifique & très-libérale chere, fans y espargner nullement la despence; à cause principallement de l'affluance de noblesse du pais qui accompaignoit ces Grands: à sçavoir, M. de Barbezieux a, qui estoit un jeune feigneur de grande esperance, & encore reluisant de la gloire que luy avoit acquise son pere à Marseilles, y estant Lieutenant-Général pour le roi François le Grand, quand l'Empereur attaqua à fa honte & confusion en son entreprise de Provence; le sieur de Montguyon b & son fils

⁽a) Charles de la Rochefoucaut, Seigneur de Barbefieux, dont le pere, nommé Antoine, avoit été Gouverneur de Marfeille.

⁽b) Louis de la Rochefoucaut, Seigneur de Montguyon & de Montendre,

1548,

de Montendre; les fieurs de Challais, de Touverac, de Montchaude, HERRI IL & plufieurs autres riches Seigneurs, qui estoient suivis d'ung grand nombre de gentilshommes, desquels la pluspart trouverent en la compaignie plusieurs de leurs parants & anciens compaignons de guerre, tant des forts de Boloigne que de Piedmont: nouvelles cognoissances qui accreurent les bonnes cheres, car ce n'estoient que fessins, & ouvrirent femblablement le pas aux nobles exercices; car il y fuft, entre aultres, couru en fix jours unze bagues, que plusieurs Dames & Damoyfelles donnerent; mais toutes gaignées par les Gendarmes & leurs Capitaines. Dequoy tous ces Xainctongeois receurent grandiffime defplaisir, mesme pour la riée qu'en firent celles qui les avoient données; car elles les renvoyerent, par mocquerie à l'escolle de la compaignie de M. le Mareschal de Sainet - André, soubs ce brave régent M. de Vieilleville, qui en avoit emporté Tome II.

HENRI I I.

quatre, & quasi à toutes les aultres donné atteinte; mais avecques les plus belles courses du monde, que l'on estimoit plus que tout le reste.

Après toutes ces bonnes cheres & passetemps, M. de Vieilleville délibéra de fon partement pour s'en aller en fa maison : & appella les Juges, Maire & Eschevins de la ville, ensemble les chefs de la compaignie, & ceux qui devoient demeurer en garnison, pour leur faire entendre sa volonté, à ce qu'ils eussent à se comporter modestement & vivre en toute tranquillité les uns avec les aultres, fuivant les ordonnances & édits du Roi. A quoy tous en general promirent d'obeyr. Qui fust fort aisé; car il n'y demeura pour tout chef que le Marefchal des logis, & environ quarante, que Albanois que Italiens, & quafi foixante archers François, qui tous n'avoient aultre retraicle que de la garnison; & aux aultres qui resolurent de s'en aller, le voyant partir, donna congé de se retirer en

leurs maisons jusques à la prochaine = monstre, s'il ne survenoit quelque HENRI II. urgente affaire pour le service du Roy. Ainsi il s'en alla fort regreté de tous les habitans, qui le vouleurent accompaigner jusques à la couchée; mais il ne le permist pas, se contentant de son train, & de huit ou dix Gensdarmes ses voisins, qui se jetterent à sa suicle.

1548.

CHAPITRE XVII.

M. de Vieilleville rend visite au Prince & à la Princesse de la Roche-fur-Yon. Confeils qu'il leur donne pour la conservation de leur fils qui étoit en nourrice.

IL PRINT fon chemin par Sain&-Jehan d'Angely, où il fut fort honorablement receu, en recognoiffance de ce qu'il avoit presenté à M. le Connestable leurs deputés à Bordeaux, & les avoit affistez de tout fon pouvoir contre quelques-

uns, & d'authorité, qui les avoient HENRI II. voulu calomnier d'estre participants en ces tumultes populaires; mais ils furent, malgré leurs ennemys, defpeschez à souhait, & emporterent, par la diligence & faveur de M. de Vieilleville, lettres d'exemption de toutes amandes, peines & interdictions aufquelles furent condamnées les aultres villes leurs voisines, & desclarez innocents, estant convié à embrasser leur bon droit par l'addresse que luy avoit faice M. Bouchart, chancelier de Navarre, residant en leur ville. La fille duquel avoit espousé le sieur de Maillé-Brezé fon subject, à cause de sa terre de Lezigny, en la comté de Durestal, qui pareillement les luy avoit par lettres recommandez, pour gratiffier fon beau-pere, cognoissant l'affection qu'il leur portoit.

Au partir de-là, il s'achemina droit à Mortaigne, où il arriva le troisieme jour, & y trouva M. & Madame la princesse de la Rochefur-Yon, qui furent extrêmement

la priere.

aises de le veoir. Mais ne luy donnerent pas le loisir de s'aller raffrais- Henri II. chir en sa chambre, à la descente de cheval, qu'ils ne le menerent veoir le petit fils que Dieu leur avoit donné; duquel M. de Sainct-Thierry son frere avoit esté parrain pour le Roy, il n'y avoit pas encore trois mois, & luy avoit donné le nom de Sa Majesté. Et estants en la chambre de l'enfant, Madame la Princesse luy dist: Mon cousin, voila Henry de Bourbon qui vous gardera bien d'estre mon heritier. Monsieur & moy avons telle fiance en vostre amitié, que vous prirez Dieu que ainsi advienne, & qu'il luy plaise le faire croistre en tout heur & prosperité. A quoy il respondit, que tous deux luy feroient un tort irreparable s'ils avoient aultre créance; mais bien plus, qu'il leur en desiroit encores aultant, pour mieux le priver de la succession, à laquelle il ne pensa jamais, sur son honneur & fur fon ame; & les advertissoit cependant de prendre garde de plus près à la nourriture de l'en-

C iij

= fant, & qu'il luy sembloit qu'ils ne le HENRI II. garderoient gueres, pour deux raisons: la premiere, que la nourrice estoit âgée, maigre & melencolicque; l'aultre, que la chambre n'estoit pas assez aërée, estant toujours les fenestres closes, qu'il falloit au contraire tenir ordinairement ouvertes; plus, luy donner une jeune nourrice des champs, & la traicter de grosses viandes à sa mode rustique; surtout deffendre sa chambre au medecin & à l'appotiquaire; car ils y alloient fans cesse faire des ordonnances, tant pour l'enfant que pour la nourrice, qui prenoit plusieurs brevages pour se faire abonder en laict, à la ruyne de tous deux; car en telles choses, le naturel passe tout artifice, & l'artifice corrompt le naturel.

> M. & Madame la Princesse ne rejecterent pas ce conseil, s'appercevant bien que leur enfant devoit avoir quelque maladie fecrete, d'aultant qu'il crioit incessamment. Et encore que la nourrice fust Damoi-

felle riche, & de bonne part, qu'ils = avoient fort curieusement recherchée HENRI II: pour nourrir leur enfant à la grandeur & principauté, si trouverentils ung honneste moyen de s'en deffaire: & firent ofter de dessus son berceau les ciels, poisses & daix qui y estoient, avec les rideaux & tour de lict, fuivant ceste grandeur, dedans lesquels il estoit comme estouffé; & par l'advis de M. de Vieilleville, luy rendirent le jour & le foleil à fouhait & à toutes heures, avec une nourrice de l'aage de vingt & deux ans, & fort faine: si bien que l'on cogneuft, en moins de huict jours qu'il sejourna avec eux, l'amendement de l'enfant; dont le Seigneur, la Dame & toute la maison benirent sa venue, & furent suivies de poinct en poinct toutes les ordonnances qu'il avoit faictes là-dessus, tant de la nourriture de la feconde nourrice, que de la deffence des Medecins. Puis s'en allerent tous enfemble à Beaupreau, une autre maifon de Madame la Princesse, qu'ils

= avoient faict ériger en duché, pour HENRI II. honorer ce petit Prince du tiltre de Duc. Auguel lieu M. le Prince luy monstra tous les vestements & preparatifs qu'il avoit faict faire pour l'entrée du Roy à Paris, & l'equippage de son beau cheval d'Espaigne, le tout très-riche & fort somptueux; car il y vouloit paroistre en Prince du sang, & n'estre des derniers en magnificence. Madame la Princesse, d'aultre part, luy fist apporter les siens pour l'entrée de la Royne, où elle n'oublia la couronne d'or que la Royne luy avoit desja envoyée, mais enrichie par elle d'un grand nombre de fort riches & excellentes pierreries; estant ce présent de toute ancienneté accoustumé par les Roynes aux Princesses du fang, à leurs entrées & couronnement en la ville de Paris.

Avant prendre congé, il les fupplia de le tant honorer que de se trouver aux nopces de sa fille aisnée, qu'il avoit promise à M. d'Espinay pour son fils aisné. Et luy deman-

dant avec quelles conditions; il leur : respondit, qu'il n'y en avoit encore HENRI H. une seule mise en avant, ni aulcunement proposée; mais que l'amitié estoit si grande & inviolable entre le pere & luy, qu'ils s'entredonnerent la carte blanche pour effectuer leur volonté, & qu'il n'y a subtilité ou traverse de conseil, ny rigueur de coustume, qui puisse empescher que cela ne se face, tant luy & moy l'avons d cour. » Car si le pere aime & » estime ma fille, je vous asseure que »je me trouve très-heureux de l'ef-» perance de son fils, que vous aimercz bien tous deux, quand il »aura cest honneur de se presenter » devant vous; car c'est un jeune »gentilhomme aultant bien né & » conditionné qu'il est possible, de »l'amitié duquel il n'y a alliance de »Prince qui me puisse divertir. Aussi ⇒ que ma parolle y est, que je ne » fausseray jamais, pour toutes les »grandeurs du monde; & plustost »la mort, que cela m'advienne ». M. de Vieilleville jecta ce langaige

1548.

= exprès, pour coupper court, comme HENRI II. l'on dist, la broche, à M. le Prince, de luy parler d'ung aultre mariage qu'il avoit en main, & duquel il se faisoit fort; car il en avoit esté adverty par ung gentilhomme de leans, nommé Lefroches, qui sçavoit tous les fecrets de fon maistre. De quoy il se prévalut fort à propos, d'aultant que s'il n'eust prevenu par le langaige susdict, & qu'il eust attendu la proposition de M. le Prince, il se fust trouvé fort combattu en son esprit, estant le mariage bien avantagieux pour sa fille, & produict par ung tel Prince, qui avoit sur luy toute puissance; & oultre ce, ne luy estant pas agreable, il eust esté contraint de dire les caufes de fon reffus, pour honnestement s'en excufer. En quoy il eust peult-estre depleu au Prince & à la Princesse; car ils affectionnoient merveilleufement la maison où ils vouloient loger fa fille, qui est des premieres du Poictou *; & se persuadoient qu'à

^{*} On voit, dans d'autres Mémoires manuscrits,

la fimple ouverture & priere qu'ils = leur en feroient, il y deust plier, HENRI II. d'aultant qu'elle n'estoit encores fiancée. Mais se voyant, par ceste determinée protestation, frustrez de leur esperance, ils se contenterent, fans parler d'aultre chose, de luy promettre, mais affez froidement, de se trouver aux nopces de sa fille, qu'ils appelloient leur petite coufine de Scepeaux, quand il leur en feroit scavoir le temps.

que le Prince & la Prin- | nom , & premier Duc des cesse de la Roche - sur-You avoient dessein de ne de Montmorency, marier Mademoiselle de Scepeaux à Louis de la contrat passé le 9 Juin Trémoille, troisieme du 1549.

Thouars, qui épousa Jeanfille du Connétable, par



HENRI II. 1548.

CHAPITRE XVIII.

Mariage de Mademoiselle de Scepeaux, fille aînée de M. de Vieilleville, avec le fils du Marquis d'Epinay.

L PRINT doncques congé de M. & Madame la Princesse de la Roche-fur-Yon, & s'en vint en fon chasteau de Sainct-Michel-du-Bois, où il sejourna environ trois mois, attendant le temps des nopces de Mademoyfelle Marguerite de Scepeaux sa fille aisnée; durant lequel fejour il ne fust pas inutile, comme aussi n'a-il esté en quelque lieu qu'il fe soit trouvé jamais; car il appointa plus de dix querelles entre braves & vaillants gentilshommes & Capitaines, pour le poinct d'honneur, qui estoient assez castilleuses; mais il les scavoit si bien debrouiller & poinctiller, par une longue routine, qu'il avoit pratiquée & acquise en la

frequentation de tant d'armées & = nations, que de toutes parts l'on HENRIII. avoit recours à luy en telles affaires, mesme les Mareschaux de France, aufquels telles decisions s'addressent, comme à juges souverains de l'honneur, de la noblesse, & des Capitaines de ce royaume, le faisoient rechercher pour s'ayder de son confeil, quand il se presentoit quelque querelle, principallement entre les

grands.

Parmy ces appoinctements, defquels il se delectoit nonpareillement, fans y espargner la despence, car c'estoit en sa maison qu'ils se disputoient, il ne laissa de donner ordre pour la conclusion de ce mariage. Et après avoir obtenu la dispense du parantaige du quart vis-à-vis, & envoyé à Tours pour les draps d'or, d'argent & de foye, il despechea quatre gentilshommes devers Mgnr.& Madame la princesse de la Rochefur-Yon, Mgar. le duc d'Estampes, gouverneur de Bretaigne, Mgnf. de

1548.

46 MÉMOIRES DU MARÉCHAL

1549.

Rohan * & de Gyé, aussi lieutenant-HENRI II. general au gouvernement de Bretaigne, pour les supplier de honorer de leur presence les nopces susdictes; qui tous luy tinrent promesse. Aussi y vindrent M. de Scepeaux fon aisné, M. & Madame de Thevalle, M. & Madame de Crapado, M. & Madame de la Tour-de-Meynes. Quant à fes voisins, comme M. de la Tour-Landry, qui se tenoit en une aultre sienne maison, nommée Bourmont, distant de St. Michel, trois lieues; M. de Montforeau, à Challain, qui n'en estoit pas tant efloigné; & M. de Montbourcher, au Bois-de-Chambellay, distant de quelques lieues davantaige. Il ne les fist semondre que du jour au lendemain, & tous se trouverent le vingt & quatriesme de Febvrier; car ce fut le vingt-cin-

* François de Rohan , | Severin fa seconde femme. Voy. l'Hift. généalog. des grands Officiers de la Cou-& fils de Charles de Ro- | ronne, Tom. IV. p. 69 &

petit-fils de Pierre de Rohan, Mareschal de Gyé, han & de Jeanne de St. 70.

quiesme en suyvant l'année mil cinq cens quarente-neuf, qu'elles furent HENRI IL celebrées en une fort grande & admirable compaignie. Car M. & Madame d'Espinay avoient amené de leur part M. & Madame d'Affigny, M. & Madame de Querman, M. & Madame de Gouleynes, M. de Trouarlet, le baron du Pont, M. de Guemadeuc, M. de Maulac, M. du Bordaige, M. du Boyforeaut, M.M. d'Olivet, de Rosmadec, de la Charonniere, du Hallay, & plusieurs aultres. M. de Sainct-Thierry, oncle de la mariée, y avoit semblablement convié de la sienne, M. l'évesque d'Angiers *, M. l'évesque de Dol, qui estoit de la maison de Laval; l'abbé de St. Melaine, de celle de Montejan, & plusieurs notables ecclesiastiques, & des principaux chanoines en dignité de l'église cathedrale d'Angiers, dont il estoit grand-doven; & specialement M.

d'Acigné:

veu du Chancelier Poyet. Il avoit été nommé à l'E-

^{*} Gabriel Bouvery, ne- | vêché d'Angers par François I. en 1542.

Phelippes du Bec, puisne de ceste HENRI II. maison illustre de Bourry, son jeune nepveu, qu'il nourrissoit sur esperance de luy laisser ses benefices & de le faire d'église. Mais par ses vertus & bonne renommée, il passa bien plus oultre, car il fut evesque de Vannes, puis de Nantes, & finalement il fut appellé, tant estoit grand & excellent personnage, à l'estat de Conseiller du Roy en son confeil d'estat & privé. En somme, il fe trouva tant de noblesse; que les villaiges, à trois lieues à la ronde de Sainct-Michel-du-Boys, estoient remplis des traints de tous ces dignes Prelats, illustres Seigneurs & Dames, & d'un si grand nombre de Gentilshommes & Damoyfelles d'honneur, que cela paroissoit nonfeulement la cour d'ung grand Roy, mais une groffe armée; car oultre les gros bourgs & villaiges susdicts, il n'y avoit mestairie, closerie, hameau, ny petite borderie, en toute ceste grande estendue de pays, qui ne

ne fust pleine & chargée de gens & == de chevaulx.

HENRI II.

D'entreprendre de specifier ou discourir des grandes choses qui s'y firent, de la diversité des passetemps qui s'y exercerent, de la somptuosité & rechange des vestements, de l'excessive despence qui y fust consommée; (car il y avoit quatorze tables. la moindre de quatre plats;) de l'opulente abondance de toutes fortes de vivres, & de l'apparat si bien ordonné pour le service d'une telle & quasi infinie assemblée, il feroit impossible d'en sortir à son honneur; car le subject surmonteroit le disant, de quelque suffisance qu'il peuft estre doué. Mais une chose s'y trouva très-admirable, & qui doict estre comme par grand miracle & finguliere grace de Dieu remarquée; qui est que, parmy tant de nations françoises, à sçavoir, Bretons, Normands, Angevins, Manceaux, & Poictevins; & en lieu où le vin n'eftoit non plus espargné que l'eau, il n'y fourdit jamais une seule querelle, Tome II.

1549. étincelle.

pas même entre les valets qui beu-HENRI II. voient à toutes brides, ny propos jecté à la traverse, qui en eust peû allumer la moindre scintille du monde, en fix jours que dura ceste brave & magnifique feste; desquels le dernier fut aussi bien & honorablement fervy que le premier, & avec telle abondance, fans diminution & retranchement quelconque : de quoy un chacun s'estonna, croyant parfaitement que Dieu avoit beny ce mariage, d'y voir abonder ainsi toutes choses, & les prandre en telle paix & tranquilité.

Les nopces finies, ceste très-illustre & très-grande compaignie se departit, avec ung contentement inexprimable du très-excellent traictement qu'ils avoient reçeu en ceste magnificque feste; & se retirerent les uns après les aultres, felon que leurs affaires les pressoient; principalement M. & Madame la Princesse qui brufloient d'envie de veoir leur petit-fils, & durerent ce deslogement & ces adieux environ deux

jours; les derniers furent les parants ____ plus proches, qui sejournerent en- Henri II. cores sept ou huit jours après les 15494 aultres, avec la chere acoustumée; & y eussent demeuré davantaige sans ung courier qui arriva de la part du Roy & de M. le Mareschal de St. André, pour haster M. de Vieilleville de partir & s'en aller à la Cour ; qui fut cause que tout le monde print congé : & demeura la maison vuide & deschargée de toutes sortes d'estrangers.



HENRI II. 1549.

CHAPITRE XIX.

M. de Vieilleville refuse une donation qu'on lui offre de la confiscation de ceux qui seroient condamnés comme Luthériens en diverses provinces.

M. DE VIEILLEVILLE donna incontinant ordre pour fon partement, & de Monsieur d'Espinay son beau-fils : car il se resolut de le mener avecques luy, d'aultant qu'il fçavoit bien, encores que l'entreprise fût fort secrette, que après l'entrée de Paris l'on iroit prandre les forts de Bouloigne; ne voulant pas qu'il perdît sa part de ceste guerre, qui estoit son premier cop d'essay, mesme en la presence de son Roy; & d'aultre part ayant esté créé du propre mouvement de sa Majesté gentilhomme de sa chambre, il estoit plus que raisonnable qu'il se trouvast en équippage digne de faire service à

Pemporta.

fon Prince, & felon le grand moyen = qu'il en avoit. Aussi, perdant ceste HENRI II. belle occasion, il ne la recouvreroit de long-temps, peult-estre jamais: qui furent les raisons pour lesquelles M. de Vieilleville en gaigna contre le pere & la mere du nouveau marié, & Madame de Vieilleville qui s'opposoit formellement pour le regard de fa fille avecque eulx & d'aultres à ce desseing. Si falut-il neantmoins, toutes oppositions contredites, passer par-là: car l'honneur qui est toujours estayé de la vertu en fust le maistre. On ne laissoit toutesfois de trouver ceste inopinée féparation & partement si precipité fort cruel & estrange, d'aultant que ces deux jeunes personnes ne furent pas quinze jours ensemble.

Arrivé que fut M. de Vieilleville à la Cour, qu'il trouva à Saint-Germain-en-Laye, il fist tous les devoirs accoustumés au Roy, Royne, Princes, Princesses & aultres Seigneurs, Dames de la fuite : en quoy il fust fort bien veu & reçeu

Diij

de tous, & principalement de font HENRI II. maistre, qui luy fist paroistre l'aise qu'il avoit de sa venue : en toutes lesquelles caresses & bienveignants il fift participer M. d'Espinay, qui tousjours par-tout l'accompaignoit.

Quatre ou cinq jours après, M. d'Apchon, beau-frere du Mareschal de St. André, M. M. de Sennectaire, de Byron, de St. Forgeul, & de la Roue, luy apporterent ung brevet figné du Roy & des quatre Secretaires d'estat, par lequel Sa Majesté luy donnoit & aux dessusdicts, la confiscation de tous les usuriers & Lutheriens du pays de Guyenne, Lymofin, Quercy, Perigort, Xainctonges, & Aulnys; & l'avoient mis le premier audict brevet, comme Lieutenant dudict fieur Mareschal. pour obtenir aussi plus facilement par sa faveur ce don, car il estoit estimé fort riche; luy demandants fa part de la contribution pour ung solliciteur qu'ils envoyoient en ces pays-là pour esbaucher la befogne; & pensants bien le resjouir, l'asseu-

roient par le rapport mesme du sol-Nciteur, nommé du Boys, l'un des HENRI II. Juges de Perigueux, qui s'en faisoit fort & en respondoit, qu'il y auroit de proffict plus de vingt mille escus pour homme, toutes despences desduices & précomptées, & auparavant quatre mois expirez; offrant ledict du Boys de leur faire touscher dix mille escus à departir entr'eux, incontinant après avoir vacqué ung mois en celte negociation, fur & tant moins de la somme promise.

Mais M. de Vieilleville après les avoir remerciez de la bonne souvenance qu'ils avoient eue de luy procurer ce bien en son absence, leur dist; qu'il ne se vouloit poince enrichir par ung si odieux & sinistre moyen, qui ne tendoit qu'à tourmenter le pauvre peuple, & sur une faulse accusation ruyner plusieurs bonnes familles : davantaige, qu'ils sçavoient bien que M. le Connestable avoit esté en ce pays-là avec une grosse armée, il n'y avoit pas encore demy an; qui avoit faict ung degast

Div

scintille, étincelle.

baloté.

infiny par-tout où il avoit passé; & HENRI II. de donner au pauvre peuple & subjects du Roy ce surcroit de misere & d'affliction, il n'y trouvoit une feule sentile de dignité, encores moins de charité; mais, qui plus est, il aimeroit mieux avoir perdu tout fon bien plustost que son nom fust tapoté par toutes les cours, barres, auditoires, parquets & jurisdictions d'une si grande estendue de pays & provinces où l'on feroit convenir, comparoir & adjourner les parties accufées, qui fans doubte en appelleront: » Et nous voilà, dist-il, enregistrez » aux Cours de Parlements, en repu-» tation de mangeurs de peuple; car » nostre procuration au folliciteur ocommun de nous tous en fera foy; » oultre ce, d'avoir pour vingt mille » escus chacun, les maledictions d'une » infinité de femmes, de filles, de » petits enfans qui mourront à l'hof-» pital, par la confiscation des corps »& biens à droit ou à tort de leurs » maris & peres, ce feroit s'abismer »en enfer à trop bon marché; joinct

DE VIEILLEVILLE, LIV. III. 57

oque nous entreprendrions fur les === scharges & pratiques des Advocats HENRI II. »& Procureurs du Roy, aufquels feuls »ceste recherche appartient par le »vray devoir de leurs offices; & les waurons, non-seulement pour par-»ties adverses, mais pour mortels » ennemis », Cela dist, il tire sa dague & la fourre dans ce brevet, en l'endroit de son nom : M. d'Apchon rougissant de honte, (car il avoit esté le premier autheur de ceste poursuite), tire semblablement la sienne & en traverse par grand colere le sien: M. de Biron n'en fist pas moins. Et s'en allerent tous trois, tirants chacun de son costé sans se dire mot ; laissants le brevet à qui le voulut prendre, car il fut jecté par terre.

Les sieurs de Sennectaire, de sainct Forgeul, & de la Roue, qui estoient fort jeunes, le relevent; mais extremement faschez, d'aultant qu'ils avoient fondé beaucoup d'esperance là-dessus, comme enfants de famille: car tous trois avoient leurs peres: 1549.

78 MÉMOIRES DU MARÉCHAL

1549.

encores disoit-on que ce du Boys HENRI II. leur avoit advancé mille ou douze cents escus à valoir sur les esmoluments de fa follicitation; & fe deffiants de leur credit de pouvoir faire renouveller ce brevet en leur nom, estants abandonnez des trois aultres, ils achevent par grand raige de le deschirer, despitants & maudissants avec blasphemes, chose ordinaire à jeunes gens, la venue de M. de Vieilleville, par la bonté duquel toutesfois & faiges remonstrances; ceste villainne recherche & tirannicque exaction sur le peuple, demeura inutile & de nulle valeur & effect.



CHAPITRE XX.

HENRI II.

Entrée du Roy Henry II à Paris: opulence de cette ville au temps de ce Prince: Guerre avec l'Angleterre: Le Roi va attaquer la ville de Boulogne.

Le Roy sejourna à St. Germain, faisant ses apprests en diligence pour l'entrée de Paris; poussé d'un trèsardent desir de s'en despescher, pour effectuer son entreprise de Bouloigne assin de prevenir l'hyver, d'aultant qu'en ce pays-là, dès le mois de Septembre, les vents & les pluyes commencent à s'esclorre d'estrange façon.

Elle se fist doncques le seiziesme de Juin, an 1549, sur le discours de laquelle il ne me fault amuser, ayant esté celebrée par une infinité de bons esprits, comme n'ayant eu sa pareille de memoire d'homme, en toutes sortes de magnificences: car le plus

grand Roy de l'Europe faisoit son HENRI II. entrée en la ville, de laquelle on dict par commun proverbe, que si le monde estoit un œuf, Paris en feroit le moyeu : & les estrangiers, Alemands, Italiens, Hespaignols, & Anglois, après l'avoir bien revisée respondent en latin, à tous ceux qui leur demandent que c'est que de Paris : orbem in urbe vidimus : faifants allusion de la rondeur du monde, à ceste monstrueuse cité. Or, Sa Majesté pour honorer sa grand ville, avoit faid convoquer tous les Princes, grands Seigneurs de son royaume, qui sont presque infinis, & toute fa maison en général, qui est composée d'un merveilleux nombre de grands & movens estats, (car il n'y en a point de petits, comme chacun fcailt), qui s'y trouverent, avec ung si superbe, riche & sumptueux appareil qu'il est impossible de le bien descrire ny representer; & estoit la Cour si grosse que l'on compta deux mille Paiges qui marchoient devant leurs maistres, portants lances, ar-

DE VIEILLEVILLE, LIV. III. 61

mets, bourguignotes, gantelets, = espieux ou aultres armes, montez HENRI II. fur grands chevaulx, en aultant brave équippage que ceulx des Enfeignes & Guydons des gensdarmes pourroient estre le jour d'une bataille: & pour ce que tous courtisans & aultres gentilshommes de moyen qui peuvent entretenir paiges, leur font porter leurs couleurs fur les sayes en toutes façons de broderies casaques & bigarrures; I'on euft dict proprement que c'estoient des prez fleuris, comme au mois de May, qui marchoient devant ceste admirable trouppe de principaulté, seigneurie, & noblesse; & estoit chose très-delectable & esmerveillable à veoir.

Les Parisiens, d'aultre part, pour n'estre veus ingrats envers leur Prince fouverain, firent merveilles de le bien recevoir: car il n'y avoit place, canton, carrefour ny carroy, qui ne fust garny, ou d'un théatre, ou d'un arc triomphant, ou d'une pyramide; ou d'un obelisque, ou d'un colosse de nos anciens Roys, ou d'un pegme; emblèmes

1549.

tous élabourez de très-excellents & HENRI II. très-ingenieux artifices, où l'or & l'azur n'estoient nullement épargnez; decorez au reste de festons & trophées, illustrez quant & quant, des très-doctes vers grees & latins de ce poëte royal d'Aurat, & des odes françoises & chants royaulx du divin Ronfard. Mais, qui est grandement à noter, & rare en toutes les villes du monde, oultre les monstres generales des habitants, qui se montoient à douze ou quinze mille hommes, marchants en ceste entrée en fort bon ordre, & acoustrez assez bravement, chacun felon fa faculté, il se trouva douze cents enfants de ville, en aussi brave, riche & somptueux équippage, eux & leurs chevaux, qui estoient de service, qu'eusfent peû être gentilshommes de vingt à trente mille livres de rente : & ce qui fist croire que leurs chevaux n'estoient pas d'emprunct, ils les manioient à passades, à courbettes & à voltes, comme s'ils eussent esté nourris toute leur vie aux écu-

ries des Princes. De quoy il ne se ___ fault esbahir, car il y a dedans Pa- HENRI II. ris plus de cent maisons de trente mille livres de rente chacune; environ deux cents, de dix mille; trois ou quatre cents, de cinq à six mille; & une vingtaine, pour le moins, de cinquante à foixante mille livres de rente, tant en fonds de terre, que en rente constituée. Je ne comprends en ce nombre les Eglises collegiales, Abbayes, Couvents, ny aultres maisons ecclesiastiques, desquelles il y en a quatre qui sont de plus de cent mille livres de rente chacune; sçavoir, l'Eglise de Notre-Dame, & tout ce qui en dépend; l'Hospital, que l'on appelle l'Hostel-Dieu; le couvent des Celestins & celuy des Chartreux. A ces derniers, la Cour de Parlement a esté contrainte de faire deffence de plus acquester, tant estoient avides & ardants de se faire grands en domaines & possessions, qui est toutesfois contre le voeu de la vie monastique, laquelle, en general, &

15490

= de quelque ordre que ce foit, n'est HENRI II. fondée que sur la pauvreté, qui les rend plus aptes & capables du jeusne & de l'oraison; aussy qu'ils ne se sont exclus du monde que pour vacquer aux œuvres de pieté & contemplation, & non pas aux terrestres.

Toutes ces pompes & festins de Roy, de l'Hostel-de-ville & de plufieurs particuliers, & toutes aultres magnificences incomparables, tant Royales que Parissennes, parachevées, il fallut entrer en affaires pour exécuter l'entreprise de Bouloigne, de sy long-temps projectée. Et pour y commencer, le Roy vint à Abbeville, où il sejourna environ quatre jours, attendant que son armée, qui se dressoit au village de Neufchastel, près la forest d'Ardelot, fust preste & remplie des forces desquelles il avoit faict estat, & si les troupes d'Allemaigne cy-dessus mentionnées, y estoient arrivées; & envoya Sa Majesté, M. de Vieilleville reconnoistre le tout, pour luy en rapporter certaines nouvelles.

Cependant

15496

Cependant, l'Empereur, comme tuteur du jeune roy Edouard, s'estoit HENRY II. approché à Sainct-Omer pour veoir les deportements de ceste armée, & file Roy * entreprenoit fur la vieille conqueste ; qui eust esté enfraindre le traicté de paix accordé entre les Roys François le Grand & Henry d'Angleterre, ainsi que nous avons amplement declaré au commencement du second livre. Ledit sieur Empereur voyant que l'armée s'eflargissoit bien avant en la comté d'Oye, & passoit, pour aller au fourraige, fort loin au-delà de Marquise, qui est le dernier villaige de France, tirant à Calais, il despescha ung herault devers le Roy à Montreul, où Sa Majesté estoit desja descendue, luy porter ceste parolle; que s'il ne faisoit resserrer ses gens, qu'il auroit juste occasion de se douloir & d'y mettre la main, ne pouvant plus tolerer tels degats & infolences, au prejudice du roy Edouard fon mineur, & que les plaintes des habi-

* Sur la ville de Calaise Tome II.

15490

= tants de Calais & de la comté d'Oye, HENRI II. qui font en sa protection, l'avoient incité à luy faire ceste remontrance.

Le heraud, qui s'appelloit Flandres, natif de Monts en Haynaud, ennemy mortel du nom François, comme font naturellement tous Bourguoignons, oublia sa créance, qui estoit assez honneste, encores qu'elle participast ung peu de la menace, ou qu'il en voulust forger une à sa santaisse. aultre à sa poste, selon son animosité, va dire au Roy; que l'Empereur son maistre luy mandoit, que s'il ne faifoit deffence aux foldats de fon armée de plus entrer en la comté d'Oye, & de passer oultre le villaige de Marquise, qu'il y donneroit tel ordre qu'il s'en repentiroit, & qu'il le traiteroit en jeune homme. Le Roy luy voulut faire donner les estrivieres ou le fouet à la cuisine, tant pour l'outraige de sa créance, que pour avoir elté si hardy que de parler fans congé; mais il en fust diverty par M. le duc de Vendosme, & M. le Connestable; & qu'il luy

DE VIEILLEVILLE, LIV. III. 67

falloit seulement respondre; que si fon maistre s'adressoit à luy, qu'il HENRI II. l'accommoderoit en vieux resveur.

1549.

Là dessus, M. de Vieilleville arrive pour faire fon rapport, qui estoit que toutes les troupes estrangieres estoient joincles en l'armée, & l'avoit laissée fort complette & très-gaillarde: & oultre ce, apporta nouvelles très-certaines, que l'Empereur avoit de grandes forces efparses par les Pays-Bas, & qu'il ne cherchoit que l'occasion de rompre la paix d'entre le feu Roy & luy; pourfuyvant fa coultume en mauvais naturel, tramer quelque fafcheux desseing, nous voyant empeschez contre l'Anglois; n'estant pas d'advis que le herauld Flandres luy portast ceste créance, ny qu'on luy fift aulcun desplaisir. Car si on l'irritoit, il pourroit faire beaucoup d'ennuy, & trop en a qui deux meine; mais luy sembloit meilleur, que Sa Majesté envoyast devers l'Empereur, pour sçavoir s'il advouoit Flandres, de la creance qu'il luy

Eij

I5+9.

= avoit apportée; & qu'on le retînt HENRI II. prisonnier, attendant sa response. Ce conseil ne fut pas rejecté, mais approuvé pour très - utile & necesfaire. Le herauld Picardie eust ceste charge; qui rapporta au Roy le desaveu de l'Empereur, & qu'il ne s'estoit pas tant oublié; luy permettant de le faire pandre comme ung yvrongne, & qu'aussi bien le seroit-il à son retour. Mais le Roy le renvoya fans luy mesfaire, & en remettoit la punition à l'empereur, qui fust nulle, comme nous entendismes depuis; car il estoit créature du chancelier Granvelle, qui possédoit entierement fon maistre.

M. de Vieilleville adjoufta à fon rapport, pour tenir Sa Majesté advertie de tout ce qui concernoit l'armée, qu'il avoit esté au lieu où se dressoient les estappes des vivres, où il avoit trouvé le sieur de Bourran, commissaire général des vivres, ensemble tous les aultres commissaires, clercs & marchants munitionnaires, avecques une si merveilleuse

abondance de toutes fortes de vivres requises en ung camp, principale- HENRI II. ment de farines & de pains desja boulangez, qu'il asseuroit Sa Majesté que son armée n'auroit faulte de rien. De quoy elle reçeust un grand contentement, & en demeura fort fatisfaite. » Mais j'ay ung extreme » regret, Sire, dist M. de Vieilleville, » de n'avoir peu attrapper le bastard » de la Myrande ». Comment! demanda le Roy: a-t'il faict quelque insolence au camp avec sa compaignie? car il est affez mutin. » Ha! Sire, respondit-il, le »meschant a abandonné vostre ser-»vice pour prandre celuy d'Angle-» terre; & y a mené sa compaignie » d'Italiens. Que si j'eusse esté adverty » d'une heure plustost de sa persidie, » je l'eusse chargé & deffaict avec qua-» rante ou cinquante bons chevaux » que j'avois pris pour m'accompai-»gner au camp faire ma visite; car sil n'avoit pas plus de sept vingts »hommes esparts, çà & là, & em-» barrassez parmy leur bagaige: mais mallant après, il estoit desja soubs

HENRI II.

» la faveur du canon du fort de Mont» lambert. Toutesfois j'en ay pris
» douze qui n'alloient pas fitost que
» les aultres, que j'ay laissez au pont
» de bricque soubs bonne garde: je
» m'attendois bien que le vilain deust
» tourner visaige & s'advancer pour

pour let re- soleur recousse sa.

Le Roy fort fachéde ceste revolte,

détourné.

commanda que l'on s'enquist d'eulx, s'ils fçavoient l'occasion qui avoit desmed leur Capitaine de son service; & luy en ayant esté amenez deux, ils respondirent qu'ils ne sçavoient aultre mécontentement, si-non, que Sa Majesté luy avoit reffusé ung estat de gentilhomme de la chambre vacquant, & encores avecques honte & opprobre; car il luy fust respondu en public & affez impudemment par ung commis de l'ung des Secretaires d'estat, que le Roy ne donnoit poinct de tels estats aux fils de p... ny bastards s'ils ne l'estoient de Princes. Mais estants sur ces enquestes, son pere le comte de la Myrande fort grand joueur, & qui avoit le jour precedent

gaigné six mille escus à la chance * = à trois dez, de Monsieur le duc de HENRI II. Nevers, François de Cleves, Lieutenant général pour le Roy en Champaigne & Brie, se presenta devant le Roy tout esperdu, disant en langaige bastard & meslé de François & d'Italien : Corps di Dio b, Sire, je son ruynat. Mon forfante de bastardin m'a robat trente mille escouz in oro, & tout ce que j'avia de riche & precioulx en quatre coffres ; & s'en est andat, con les coffres & miei muletti, rendre Anglois. Il n'i a pas mon colliero & mantello de l'Ordre qu'il ne m'a habbia

Le Roy pour toute consolation fe print à rire ; comme aussi firent tous les Seigneurs là presents, qui jugerent bien-toft, que non pas le

emportat, dispeto di Dio : que seray-je!

il est parlé dans Rabelais.

(b) C'eft-à-dire : Corps de Dieu, Sire, je suis ruiné. Mon coquin de bâtard m'a dérobé trente mille écus d'or en especes d'or, & tout ce que j'avois de riche & de pré-

(a) Jeu de dés, dont | cieux en quatre coffres; & s'est allé rendre Anglois, avec mes coffres & mes mulets. Il n'y a pas jusqu'à mon collier & mon manteau de l'Ordre qu'il ne m'air emporté, au mépris de Dieu. Que de viendrai-je?

E iv

72 MEMOIRES DU MARÉCHAE

reffus de l'estat *, mais la friandise Henri II. du larcin luy avoit faict changer de 1549 maistre.

> Le Roy demanda à ces douze foldats pourquoy ils avoient fuivy leur Capitaine en sa mechanceté; & si l'argent de France n'estoit pas aussi bon que celuy d'Angleterre. Ils respondirent assez fierement que si; mais, puisqu'il les avoit amenez en France, & qu'ils estoient patriotes, tous du Parmesan, il estoit plus que raisonnable qu'ils coureussent sa mesme fortune, & qu'ils ne l'abandonnassent jusques à la mort. Je vous asseure, dit le Roy que aussi ferez-vous: oar si je le tenois, je le ferois irremissiblement pandre; mais en attendant, vous irez devant. Et commanda à l'instant de les mettre tous douze entre les mains du Prevost de l'hostel, qui les fift bientost après brancher aux premiers chesnes de la susdicte forest d'Ardelot, fur le grand chemin.

^{*} Etat de Gentilhomme de la Chambres

CHAPITRE XXI.

1549.

Le Roi enleve aux Anglois tous les forts qu'ils avoient autour de Boulogne : Combat singulier entre M. d'Espinay & un Seigneur, Anglois.

LE Roy finalement entra en fon camp le 23 d'Aoust 1549, où il fut reçeu avec ung merveilleux tonnerre de l'artillerie & de scopeterie, de quarante Enseignes de gens de pied. nouvelles bandes, & de trente-deux de vieilles; fans les Legionnaires de Normandie, Champaigne, & Picardie, que l'on comptoit à quarente & quatre Enseignes : les estrangiers fusdicts estoient ailleurs. Et dès le lendemain de fon arrivée on alla affieger le fort de Salencques, qui fut salencques. battu de si grande furie que les Capitaines de dedans en furent tellement espouvantez qu'ils demanderent à parlementer: à quoy ils furent reçeus;

74 MÉMOIRES DU MARÉCHAE

HENRI II. 1549.

= mais ils fe montrerent en ceste negociation si mal entendus aux ruses & pratiques de guerre qu'ils vindrent de boucq-estourdy trouver M. le Connestable dedans ses tranchées, fans demander ny prandre hostaiges: lequel fift durer fi long-temps, en experimenté Capitaine, ce parlement, que nos soldats eurent tout loisir de forcer la place, où quelques-ungs se perdirent: mais pour revanche ils en tuerent plus de quatre-vingts, & tout ce qui leur fist teste à l'entrée dudit fort. Aussi n'y avoit pas là dedans en hommes & femmes plus de deux cents trente personnes. L'un des paiges de M. de Vieilleville, nommé Clerenbault, qui estoit venu coucher aux tranchées, pour aider aux valets de chambre à apporter les commoditez de leur maistre & de M. d'Espinay, voyant les soldats enfoncer de telle furie la bresche, qui n'estoit encores raisonnable, les fuivit, & se print à grimper comme les aultres, où il receust une harquebuzade en la cuisse; mais il ne laissa

pas d'entrer, & ne veid-on jamais = place, pour effre de reputation, litost HENRI II. rendue. Car depuis la premiere volée qui estoit de vingt & cinq pieces d'artillerie, jusques à la prise, il n'y eust pas six heures de temps.

1549.

Ceste si furieuse prise apporta un tel espouvantement à tous les Chefs & Capitainnes des aultres forts, qu'en moins de six jours, le Roy eust sa raison de tous. Car Ambletueil, qui estoit une très-forte place, & qui les furpassoit toutes en assiete, nombres d'hommes, fortifications, & abondance de toures fortes de munitions & vivres; mesme, que l'argent des monstres de toutes les garnisons d'autour de Bouloigne y effoit, se soubsmist à la misericorde du Roy, après avoir enduré quinze ou faeze volées de canon: Blacquenay n'attendist pas le fiege; mais celluy qui y commandoit, envoya devers M. le Connestable, le supplier de prandre sa place, aux conditions qu'il avoit accordées à ceux d'Ambletueil : à quoy il fut reçeu; mais non pas fans rire. Ceux

de si loing, qu'elles n'en furent aul-INRI II. cunement endommagées. Toutesfois elles se retirerent; mais, sans l'invention dudict fort, elles eussent raffraischy la tour, de gens, de pouldres, de vivres, & d'aultres infinies commodités, en despit de toute l'armée.

M. de Vieilleville se souvenant du duc de Sommerset qui avoit attaqué l'honneur de France en plein Confeil à Londres, ainsi qu'il a esté dict au commencement du second livre, pria M. d'Espinay, son beau-fils, de s'armer, se monter, & se mettre au meilleur & plus riche équippaige qu'il pourroit, comme pour le jour d'une bataille, & qu'il en alloit faire de mesme. Mais il desiroit qu'il fust prest dedans deux heures. Cependant il commande à trois gentilshommes des siens, de semblablement s'apprester; lesquels je veux bien nommer pour leur valeur. L'un, le sieur de Lachesnaye, de Craonnois; l'aultre, le sieur de Chenevelles, de Normandie; & le tiers,

1549e

le sieur de Taillade, Gascon, que = M. de Vieilleville print à fon fer- HENRI II. vice après la mort de M. de Laval, qui mourut à Paris; &, disoit-on, de nom & d'armes, parce qu'il y avoit plus de cinq cents ans que ceste grande seigneurie de Laval & de Vitré en Bretaigne, luy estoit venue depere en fils sans interruption; mais n'ayant poinct eu d'enfants de l'heritiere de Foix sa femme, sa maison tomba, par femmes, en celle d'Andelot, puisné de Chastillon, du nom de Colligny. Ce gentilhomme, après la mort de son maistre, fut recherché de trois ou quatre Princes de France, à cause de sa grande experiance & addresse à manier & dresser chevaux; à tous lesquels il prefera M. de Vieilleville. Lequel estant ainsi accompaigné, print ung trompette, sans faire bruit, & se presente à la porte de Bouloigne qui mene au Montlambert. Et la chiamade faice, on demanda ce qu'il vouloit. Il respondit, que si le duc de Sommerset estoit là-dedans, qu'il luy

25490

donneroit volontiers un coup de ENRI II. lance, & que c'estoit Vieilleville. Et encores que le bruict fust commun qu'il y devoit estre, sy luy fust-il respondu qu'il estoit malade à Londres. Et demandant s'il y avoit poinct quelque aultre brave Chevalier Millort qui voulust tenir sa place, qu'il le recepveroit de très-bon cœur; mais il ne se presenta personne. » Au moins, dist-il, s'il y a quelque fils » de Millort qui se vueille esprouver »contre un jeune Seigneur de Bre-» taigne, nommé Espinay, qui n'a »pas encores vingt ans, qu'il pa-»roisse, affin que luy & moy ne re-» tournions point au camp fans faire preuve de nos personnes; car il y »va beaucoup de l'honneur de vof-»tre nation, si quelqu'un ne se pre-» fente ».

> Lors, le fils du millort Dudlay qui estoit de pareil aage, genereusement se presenta, contre le gré toutesfois de tous les Seigneurs de leans, monté fur ung brave cheval d'Espaigne, & sortit de la ville, ac-

compaigné

15490

compaigné fort seigneurialement. Mais incontinant que Taillade l'eust HENRI II. veu à cheval, il dist à M. d'Espinay: »Je vous donne ce Millort. Ne » voyez-vous pas comme il chevau-»che à l'Albanoise? il touche des ge-» noulx quali à l'arfon : tenez ferme, »& ne couchez poinct vostre boys » que à trois ou quatre pas de luy; pcar le coucher de loing, faict tom-»ber le bout de la lance, & perdre » la mire à celuy qui la porte, d'aulatant que la veue s'esblouit parmy la » visiere «. Ce que M. d'Espinay n'oublia pas. De sorte que la capitulation fe fift & s'accorda, que qui porteroit fon ennemy par terre, il luy feroit loisible de l'emmener prisonnier, & fon cheval & armes acquifes au vainqueur. Et s'estant esloignez, M. d'Espinay luy donne ung si grand coup de lance, qu'elle se rompit, & le porte par terre, l'ayant attaint par le costé, à demy-pied au-dessus de l'arson. Quant à l'Anglois, sa lance passa tout oultre; & à sa cheute, la laissa tomber. Ce

Tome II.

que voyant Taillade, met inconti-RIII. nant pied à terre, & se faisit du cheval, monte dessus. Chesnaye prand l'Anglois, &, avec une grande reverance, le monte sur le sien, & luy, fur celluy de Taillade; le tout avec l'aide des valets, paiges & laquests qui les suivoient. Lors le trompette sonne victoire, puis retraite; & s'en retournerent au camp avec leur prisonnier, qui estoit un peu blessé en l'ayne, de l'estourdisfement du coup seulement, laissant les Anglois accompaignez de beaucoup de honte.

Mais ils ne furent pas à portée d'harquebuze du camp, que l'on vint dire à M. de Vieilleville, que le Roy avant entendu ceste nouvelle, s'en venoit au-devant de luy, accompaigné de bien peu de Seigneurs, & de quelques Capitaines & Archers de fes gardes, pour veoir la conqueste de son beau-fils. Et incontinant qu'ils l'eurent apperceu, ils mirent pied à terre; où M. d'Espinay presenta à Sa Majesté son prisonnier, le sup-

pliant de le prandre, comme si c'estoit le roy d'Angleterre; & que s'il HENRI II. estoit de cette qualité, il seroit plus hardy de luy en faire ung present. Mais Sa Majesté le luy rendant, & fort aise, tire son espée, & luy en donne l'accolade, le faisant Chevalier.

15490

CHAPITRE XXII.

L'armée du Roi se retire de devant Boulogne.

LES affaires du Roy se portoient merveilleusement bien en ceste entreprife, & avoit-on grande esperance, que non - seulement la tour d'Orde, que ce petit fort de Vieilleville avoit reduict en fort extrefme necessité, se deust soubsmettre à fa volonté, mais desja ceulx de Bouloigne commençoient à faire contenance d'entendre à quelque capitulation. Car, soubs pretexte de venir avec fauf-conduit visiter le pri-

84 MÉMOIRES DU MARÉCHAL

1549.

fonnier de M. d'Espinay, ils en jec-HENRI II. toient souvent plusieurs propos à la traverse, mauldissants la conqueste de Bouloigne, & qu'elle avoit épuifé l'Angleterre d'hommes & d'argent; & que s'ils estoient du conseil de leur Roy, ils luy persuaderoient d'entrer en quelque bon accord. Aussi bien n'y avoit - il poinct de droid; car son pere ne l'avoit poinct conquestée par vrayes & legitimes armes, ny de bonne guerre, mais par tradiment & vendition, qui derogeoit grandement à la reputation des Roys, & couronne d'Angleterre: tenants une infinité d'aultres langaiges, parmy la bonne chere qu'on leur faisoit aux tentes & pavillons de M. de Vieilleville & de M. d'Efpinay, par lesquels on jugeoit aisément qu'ils étoient ennuyés de ceste guerre, ou que, par la honteuse reddition de tant de forts, ils avoient perdu le couraige. Ce qui anima Sa Majesté à poursuivre sa bonne fortune, & faire commencer en toute diligence la batterie plus furieuse que

DE VIEILLEVILLE, LIV. III. 85

toutes les aultres, pour renverser = ceste tour, & luy dresser ung beau HENRI II. chemin d'aller assieger Bouloigne, qu'il esperoit forcer de ceste emprainte. De quoy l'on voyoit grande apparence; car ceux de dedans ne firent jamais que cinq faillies fur noftre armée, de peur de perdre leurs hommes, s'attendants bien d'avoir le siege; à toutes lesquelles, ils furent toujours rembarrez dedans leur ville, à leur perte & confusion.

Mais la fortune envyeuse du bonheur de Sa Majesté, ou pour plus chrestiennement parler, Dieu qui ne voulut, par quelque jugement occulte & à nous incongneu, faire abonder le Roy en tant de felicitez, envoya fur le mesme jour une bourrasque de vents & de pluyes, si vehemente & furieuse qu'il ne demeura tente ny pavillon debout; & furent contraints, ceux qui estoient logez aux pavillons de se sauver, la pluspart à nage; & fans les chevaux, il y

en eust eû beaucoup de noyez. En-

1549.

core s'en perdit-il plus de deux cents, F iii

= & grand nombre de bagaige. L'oraige HENRI II. dura toute la nuich de telle impetuosité, qu'il sembloit que la mesme terre deust fondre & se transmuer en eau: mais la pluye continua deux jours & deux nuicts fans intermission; dont le Roy fust contrainct, avec ung indicible regret, de rompre son camp. Et estant au pont de Bricque, licencia l'armée, après avoir garny de gens de pied & de cheval les forts dessussible dessus desquels, il n'est impossible de croire la celerité dont y usa Sa Majesté: car depuis le jour qu'il entra au camp, jusques à celluy de son departement, on ne comptoit que trois sepmaines.

> Si ceux de Bouloigne eussent conquis ung royaume entier, ils n'euffent pas esté si aises ny contants, que de veoir l'armée françoise se retirer: ce qu'ils firent paroistre, par les allaigresses, feux de joye, fougades, bruicts d'artillerie, fanfares de trompettes & aultres demonstrations de très-grande rejouissance; nous

DE VIEILLEVILLE, LIV. III. 87

faisants cependant jouir à souhait du benefice de ce proverbe, qui HENRI II. commande faire pont d'argent à l'ennemy qui se retire; car il n'y eust ung seul, qui entreprint de venir donner sur la queue de nostre armée : en quoy ils eussent merveilleusement proffité; car l'on estoit si battu du vent, trampé de la pluye, & les terres si patouilleuses ez fondrieres, qu'il estoit impossible, qu'eulx, fortants du couvert, & estants frais, n'y acquissent, avecques proffit, beaucoup d'honneur. Encores s'oublierent-ils d'ung merveilleux advantaige qu'ils avoient fur nous; car on sçait bien qu'en temps de pluye, principalement comme ceste-là qui tomboit incessamment à grosses undées, l'harquebuzerie est si peu ou moins que rien, & le foldat ne peult faire auleun effort, mesme que quasi toutes les mesches estoient estainctes; & il y avoit là dedans, mille ou douze cents archers, quinous eussent ruinez, voire exterminez de flechades : car la cavallerie ne pouvoit marcher ny avant ny arriere.

1549.

Toutesfois nous gagnasmes le Mont-HENRI II. lambert fans auleun dommaige : de quoy le Capitaine nommé le vicomte Nostre-Dame, qui commandoit làdedans pour le Roy, ne fift pas moins d'algarades, tant pour tant avec ses tambours, phiffres, & artillerie, nous voyant à faulveté, que les Anglois avoient faictes pour nostre retraicte.

CHAPITRE XXIII.

Générosité du Marquis d'Epinay à l'égard du Seigneur Anglois qu'il avoit vaincu.

LE JEUNE Dudlay voyant que nostre armée s'esloignoit de la coste de Bouloigne, supplia M. d'Espinay de le mettre en ranfon; & qu'il ne vouloit pas entrer plus avant en France. Sur quoy, il luy demanda s'il luy ennuyoit en si bonne compaignie; & s'il n'avoit pas volonté de venir au moins jusques à Paris: qui luy respondit que non; & qu'il

DE VIEILLEVILLE, LIV. III. 89

aymeroit mieux payer double ranson, == que de passer oultre ; ayant à despes- HENRT II. cher dedans ung mois une affaire de très-grande importance en Angleterre. Lors l'ung de ses gens tirant à part M. d'Espinay, luy fist entendre, qu'il estoit si amoureux de la fille du comte de Bethfort, que s'il ne repassoit bientost la mer pour l'epouser, suivant les accords desja fur ce faicts, il en pourroit tomber malade; mesme, que la Damoyselle estoit en une extreme peine de sa prison: qui fust cause que M. d'Espinay luy dist, qu'il s'en pouvoit aller quand il luy plairoit; luy promettant de luy faire donner ung bien ample passeport. De quoy l'aultre le remercia; le pressant tousjours très-instamment de le mettre en ranson ; & sur le poinct qu'il commençoit à faire declaration de ses facultez & moyens, M. d'Espinay luy va dire; qu'il n'estoit besoing d'entrer en ces termes, & qu'estants, à son opinion, leurs premieres armes à tous deux, il ne les falloit poince mettre à prix d'ar-

1549.

gent; aussi, que la guerre n'estoit HENRI II. pas finie entre les deux Roys leurs maistres, dont il luy pourroit arriver une pareille fortune; mais feulement le prioit de se souvenir du nom de la maison d'Espinay, de laquelle les Seigneurs ne vont poinct à la guerre pour se faire riches, car ils le sont naturellement affez, mais pour acquerir honneur, & entretenir leur ancienne reputation; & que fuivant jumens, ha- cela, il le quictoit pour quatre guilledines d'Angleterre, bien choisses & dignes d'estre presentées aux Princes & Princesses, ausquels en son cœur il les avoit vouées.

quenées,

Quand ce jeune Millort veid ceste grande & inesperée liberalité, (car il pensoit bien en avoir pour six mille escus de taillé), il vint embrasser M. d'Espinay de très-grande ardeur, luy offrant, & vouant à jamais trèsfidelle amitié & humble service, avecque promesse de luy envoyer les guilledines qu'il demandoit, de telle beauté & bonté, qu'il s'en contenteroit, & se loueroit toute sa vie de

fon prisonnier. Et voulant, M. d'Espinay, adjouter à celte premiere HENRI II. liberalité une seconde, luy redonna fon cheval d'Espaigne, qui estoit à la verité de grande beauté & valeur. Mais Dudlay jura & protesta, de plustost mourir, voire de ses propres mains, que de le reprendre; & qu'il estoit plus que raisonnable qu'il luy demeurast pour marque de sa victoire. Et affin, dist-il, qu'il vous souvienne aussi de moy, je luy veux presentement changer le nom; car il s'appelloit Bethfort, du nom de ma maitresse; il ne se nommera plus que Dudlay. Et de ce pas s'en allerent trouver M. de Vieilleville au logis du Roy: auquel M. d'Espinay discourut comme tout s'estoit passé: qui en fust bien esbahy; mais très-contant, qu'il eust usé d'une telle courtoisse en l'endroit de fon prisonnier; qui seroit à jamais remarquée pour très-infigne, principallement en Angleterre, où l'avarice regne fur toutes nations. Et le va faire incontinant entendre à Sa Majesté: laquelle admira & loua

1549.

1549.

ordonna, qu'en extreme diligence, HENRI II. l'on cherchast par toutes les races &haraz de guilledines d'Angleterre, pour les choisir à quelque prix qu'elles fe peussent monter, pour en acquitter promptement fon fils & les envoyer en France.

CHAPITRE XXIV.

Le Roi fait la paix avec le Roi d'Angleterre.

LE Roy arriva à Amiens, où il fejourna huit jours pour se resfraichir & toute la fuite, & pour donner femblablement loifir aux Seigneurs volontaires qui se vouloient retirer ; de prendre congé de Sa Majesté, & à elle aussi, de les remercier de leur fervice & assistance. De-là, M. le Connestable le mena par ses maisons de Chantilly, Escouan, & l'Isle-Adam: & après y avoir sejourné en chacune trois jours, nous prismes la route de Paris, où M. de Vieilleville

donna ordre à plusieurs affaires ; & = y demeura jusques à ce que le Roy HENRI II. en partit pour aller à Fontainebleau, & y accompaigna Sa Majesté par fon commandement, encores qu'il fist grande instance, dès Paris, d'avoir son congé pour s'en aller en sa maifon.

1549.

Et estant le Roy à Fontainebleau, il fust conseillé par M. le Connestable & quelques aultres Seigneurs, d'entendre à la paix avec le royEdouard d'Angleterre, lequel ne pouvant plus fournir d'hommes & d'argent pour fouftenir ceste guerre, la recherchoit à vive force, par l'entreprise d'un Florentin nommé Guidotti, regnicole d'Angleterre, qui, comme de luy-mesme, estoit venu à la Cour en faire la premiere ouverture. Mais les plus fins se doubtoient bien que le jeune Roy luy en avoit baillé les instructions; estant contrainct de venir là, tant pour les necessitez sufdictes, que pour ce qu'il estoit survenu de grands troubles en son Royaume pour la religion.

96 MÉMOIRES DU MARÉCHAL

1550.

Le Roy, comme debonnaire Prin-HENRI II. ce, voulut nommer des deputez pour aller à Bouloigne affin de conferer avec ceux du roy Edouard qui les v attendoient; & pria M. de Vieilleville, se confiant en son experience &fidelité, d'y aller avec la principale authorité, & comme congnoissant desja l'humeur de cestenation : mais il le supplia très-humblement de l'en excuser; & qu'il avoit necessairement affaire en sa maison, qui luy estoit de confequence de tout son bien; demandant congé d'y aller. A fon reffus, il en fut envoyé d'aultres, qui par leur negociation retirerent Bouloigne en payant * une grosse fomme d'argent, qui montoit à plus de quatre cents mille escus ; par le moyen de laquelle aussi, toutes les pensions que pretendoient les Anglois fur la couronne de France, furent amorties.

> de Léonard, le traité conclu entre le Roi Henri II & Edouard V I Roi d'Angleterre, pour la restitution de Boulogne à la

* Voyez dans le Recueil | France. Il est daté du 24 Mars 1549, Suivant l'usage de ce temps-la, où l'année commençoir à Paques.

M. le duc de Vendosme, Gouverneur & Lieutenant-général pour Henri II. le Roy en Picardie, tira M. de Vieilleville à part, pour luy dire; qu'il s'esbahissoit grandement comme il avoit ressusé une si belle charge, qui luy estoit donnée du propre mouvement du Roy, l'ordonnant chef & fur-Intendant de tous les aultres deputez, & pour faire la paix entre deux grands royaulmes, chose memorable à jamais à la postérité. » Pour »ce, Monsieur, respondit-il, que le »Roy est trompé & vendu en ceste otrame; car on luy fait faire ung »accord aultant prejudiciable à son shonneur que aultre sçauroit estre. » Ne luy alleguent-ils pas, Monsieur, » de belles raisons? Que beaucoup » de grands Seigneurs y pourroient eftre tuez, si on vouloit r'avoir »Bouloigne par les armes, & sa per-» fonne y pourroit demeurer; & qu'il » est plus seant de la retirer par arpgent que de hazarder tant de gens »de bien. Je vous jure, Monsieur, nque si le Roy attend encores jus-Tome II.

19.900

1550.

examiner.

== » ques au mois de Janvier, on la HENRI II. » luy rendra fans argent & fans com-»bat; car deux gentilshommes que »j'avois envoyez à Bouloigne exprès pour bien reviser les commo-»ditez & le train de là-dedans, » foubs ombre d'y accompaigner le » jeune Dudlay, m'ont rapporté qu'ils » y font si contraints, & reduicts à » telle extremité de toutes choses, » qu'ils ne sçavent à quel fainct se ovouer; joinct, qu'il n'y peult en-"trer ny fortir, foit par mer foit par »terre, chose qui soit; estant entou-» rée de tous costez de si grand nom-» bre de forts, & leur Roy est si af-» fairé des troubles qui font en fon » royaume, qu'il vouldroit Bouloigne pabismée; car il ne la peult nulle-»ment secourir. Et y a bien davan-"tage; que tous les foldats & mef-» naiges qui estoient dedans les forts ofont encores là-dedans, qui affament jusques à tout, la garnison ordinaire; car ils n'en peuvent ofortir. Il me desplaist doncques, » plus que je ne puis dire, de veoir

»le Roy achepter la paix de ceux »aufquels il la peult vendre & qu'il » foit servy avec telle infidelité. Comment donc, dist M. de Vendosme, one le remonstrez-vous, avant partir? » Je le vous remonstre, dit-il, Mon-» sieur, à vous qui estes un grand » Prince, & le premier du sang après »M. le Daulphin, & auquel plusque Ȉ pas ung cela touche, comme sayant part en l'heritage, & estes »Gouverneur de la province ; & vous dis bien plus; que vos depu-»tez ne perdront pas leur voyaige, » car ils auront ung bon pot de vin » pour accelerer la besongne : car je ofcay, que tout l'argent qui y est » desja affecté, n'entrera pas à l'ef-» pargne du roy d'Angleterre. Et là-» desfus, Monsieur, vous disantadieu, » je vous baise très-humblement les mains, & vous fuys très-humble n serviteur ».

M. de Vendosme, auquel ce langaige revenoit souvent au runge *, congneult à la pensée;

* Runge paroît être le substantif du verbe rouger ou ronger, qui dans l'ancien langage fignifioit ruminer ou rever à quelque chose. Gij

HENRI II. 15500

100 MÉMOIRES DU MARÉCHAT

bien qu'il y avoit grand apparence HENRI II. de croire qu'il y eust de la fraude en ceste legation; mais il ne s'ad-1550. vança jamais d'en parler, craignant d'irriter M. le Connestable, soubs l'authorité duquel tout ce negoce se démenoit ; lequel fust très-aise que M. de Vieilleville eust rejecté ceste charge, en laquelle il instala incontinant le fieur de la Rochepot fon frere *, qui fust le chef, sur le fieur de Chastillon; & les sieurs du Mortier, & Saffy Bochetel, ordonnez avecques luy, pour despescher ce traiclé en toute diligence, & pour

caufe.

* François de Montmorency, Seigneur de la Roinhepot, frere cadet du Connétable,



CHAPITRE XXV.

HENRI II.

M. de Vieilleville retourne dans ses terres.

SAICHANT, Madame de Vieilleville, que M. fon mary estoit party de la Cour pour venir en sa maison; elle vint audevant jusques à Angiers, & amena Mademoifelle d'Espinay quant & quant, où Monfieur de St. Thierry les receust à grand joye au Doyanné, & avec une chere incroyable & grand compaignie, toujours l'attendant ; car il avoit pris le chemin d'Orleans, & s'en venoit par la riviere de Loyre. Arrivez qu'ils furent, il ne fault demander si la joye redoubla; car le pere & le fils trouverent leurs moitiez, & la mere & la fille les leurs : & furent huict jours en ce contentement, difinants en une maison, & souppants en l'autre : car il y avoit alors de grandes & riches maisons en la ville d'Angiers, tant de gens d'Eglise,

G iij

102 MÉMOIRES DU MARÉCHAL

1550.

= que de judicature, qui les festoient HENRI II. à l'envy chascun à son tour; car, il n'y avoit juge ou officiers de Roy, en quelque qualité que ce fust, qui ne tint quali son estat pour sa faveur; les ungs, pour avoir eû moderation de taxe; les aultres, sans du tout payer finance; quelques-ungs, pour estre préferez; & plusieurs, pour avoir eû la dispense des quarante jours en une refignation; tant esfoit officieux à tous, principalement à ses patriotes; de forte si les Angevins eussent eu un Duc, il n'eust pas esté quasi mieux venu ny reçeu en sa ville d'Angiers, que M. de Vieillevile & le Duc luy-mesme, se fust reputé très-heureux d'avoir ung tel Seigneur pour vassal: & puis vindrent à St. Michel du Bois.

Or, il y a une coustume en France, de toute ancienneté observée, que l'on y appelle les Damoyselles de ce tiltre de Madame, quand leurs marys font honorez du grade de chevalerie; & font si friandes de cest honneur. qu'elles ne veullent pas perdre ceste

qualité, ny de faillir à marcher devant une plus riche, fi fon mary n'est HENRI II. chevalier. Mais Madamoyselle d'Espinay fust si respectueuse & discrette qu'elle ne voulut jamais estre appellée Madame, tant que Made d'Espinay fa belle-mere vesquist; & protesta qui plus est, de ne recevoir ce tiltre, que M. fon mary ne fust Chevalier de l'Ordre; mesprisant l'aultre sorte de Chevaliers comme trop commune, que les Roys departent indifferemment à toutes personnes en une armée, fans choix ny respect d'extraction ny de merite; & qu'elle auroit trop de compaignies, entre aultres, les femmes des gens de justice ; car elle cognoissoit une douzaine de Presidens & de Conseillers pour le moins, qui faisoient ronfler leurs contrat & ordonnances bien hautement de ceste qualité, qu'ils disent meriter pour avoir faict leurs cours entier aux loix, à cause duquel ils font passez Docteurs en l'un & l'aultre Droid.

1550.

HENRI II.

CHAPITRE XXVI.

Il reçoit le Roi & toute la Cour au Château de Durestal.

L'NVIRON l'année 1550, Monsieur de St. Thierry estant devenu Evefque de Dol par le bienfaict de M. de Vieilleville son frere, quica le sejour d'Angiers, & refigna son doyanné & d'aultres benefices à fon jeune nepveu de Bourry, cy-dessus mentionné; & tous deux se vindrent tenir à Durestal, ung fort - beau chasteau sur le Loir, & autant seigneurial que tout aultre scauroit estre en France, pour n'estre poinct de partaige de Prince; vivants tous deux fraternellement, & ne faifants que une maison. Or, n'ayant le Roy jamais descendu en Anjou ny en Bretaigne ; il luy print fanțafie de faire ses entrées à Angiers & à Nantes. S'efloignant exprès aussi le plus qu'il pouvoit, affin que les Anglois, que leur Roy envoyoit

devers Sa Majesté pour jurer la paix = faicte par leurs deputez en la red- HENRY II. dition de Bouloigne, eussent le plaisir de veoir la plus belle traverse & la plus agreable de tout son royaume. Car partant de Calais, & passant à Paris qui estoit leur chemin pour venir à Orleans, & prandre la levée le long de Loire jusques à Nantes, il y a une merveilleuse longueur de pais, & si decorée de grandes & riches villes & superbes chasteaux, & d'une infinité de magnifiques maifons, semée au reste & peuplée si dru de villaiges & villettes, que l'on diroit proprement, que de Paris à Nantes, ce n'est qu'ung fauxbourg. Et monstrant ceste grandeur aux Anglois Sa Majesté sçavoit bien qu'ils confesseroient avec admiration qu'il n'y avoit en toute l'Angleterre ny Hibernie rien de semblable.

Or, pour effectuer sa volonté, il s'achemina droict à Durestal; auquel lieu il sejourna quatre jours. De vous dire le traictement que fist M. de Vieilleville à toute la Cour, feroit

1550.

106 MÉMOIRES DU MARÉCHAL

1550.

peine perdue : car si, en aultres en-HENRI II. droits, vous avez veu ses magnificences & liberalitez, où il n'estoit poinct question de traicter son Roy, fon Seigneur & fon maistre, les Princes & Seigneurs qui l'accompaignoient, puis ses compaignons, & fes amys; vous pouvez bien croire qu'il y employa & le vert & le sec; car la table des Princes & grands Seigneurs estoit de dix plats; & celle des aultres moyens Seigneurs, Chevaliers, Gentilshommes de la chambre, Capitainnes, & Lieutenans de gendarmerie, & aultres gentilshommes, de six; & toutes fort exquifement servies. Mais, pour tenir toute la suite joyeuse & en allaigresse, il donna une grand cave, où il y avoit six-vingts pipes de vin d'Anjou excellent, à garder aux Suisses; de laquelle l'on puisoit le vin à buyes, cruches, barils, & bouteilles, comme s'il y eust eu là-dedans une fource de ceste vineuse liqueur; & l'aultre cave, où estoit le vin d'Orleans, de Magdon, de

Gascoigne blanc & clairet, & tous = les aultres vins de bouche, il y avoit HENRI II. quatre sommelliers, qui suivant leur roolle, portoient à tous repas deux bouteilles de blanc & clairet à chafcun de Messieurs du conseil privé, aux Evesques, aux Maistres des requestes, aux Secretaires d'estat, aux Tresoriers de l'espargne, des guerres ordinaires & extraordinaires de la maison du Roy, des parties casuelles, & aux Medecins: si bien, qu'il n'y avoit personne de la suice qui ne fut contant, & quine s'estonnast de ceste prodigalité; & tous menus officiers de Roy, jusques aux valets de pied, portiers, huissiers de salle, valets de fourriere serdeleau, y estoient à souhaict abrevez; & ce qui rendoit la chere très-admirable, estoit que si le maistre traictoit les hommes, Madame de Vieilleville s'estoit chargée de faire le femblable aux femmes; & tenoit maison aux Princesses, Dames d'honneur, d'atour, gouvernantes, & aux filles de la Royne; avec telle abondance de vivres, &

15500

ferdeau

108 MÉMOIRES DU MARÉCHAE

1550.

= ung si bel ordre pour le service, que HENRI II. elle en fust merveilleusement louée, & y acquist grand honneur: & disoiton, que le Roy print plaisir de venir en habit deguisé veoir, tantost la table des Princes que tenoit M. le Cardinal de Bourbon, tantost celle des Dames où estoit des premieres,

la duchesse de Valentinois.

Et s'esbahissant, Sa Majesté, d'un si grand apparat de vivres, encores plus de la fi longue continuation; car ce fust au disner & soupper du troisieme jour qu'elle fist ceste entreprise; elle fist appeller l'un des maistres d'hostel de M. de Vieilleville, foubs la conduicte duquel le tout se manioit, nommé Jehan Vincent de la Porte, aultrement, le feigneur Doux, gentilhomme Italien; & luy ayant demandé, le Roy, où se prenoit tant de vivres exquis, & comment on en pouvoit finer en telle abondance, & si à main. Il luy respondist: si Sa Majesté n'eust surpris fon maistre, & que l'on eust sçeu feulement quinze jours plustost l'ar-

trouver

rivée de la Cour en Durestal, que = I'on eust bien veu d'aultres choses. HENRI IL Sa Majesté n'en sceust tirer aultre reponce; qui estoit toutesfois gaillarde, & qui tenoit de la jactance de son païs, car il estoit de Naples où l'on se vante à l'Espaignole, & forty des comtes de la Biscopie, fort ancienne race, ayant esté nourry paige du prince de Besignan; & pour ce qu'il avoit perdu ses biens pour suivre le party de France, le Roy, tant en celte consideration, que de fa diligence & industrieuse conduite en tous ces admirables festins, luy donna une pension de deux cents escus de rente, sur son espargne, sa vie durante; & femblablement, en faveur de sa brave responce qui redondoit à l'honneur de son maistre, encores qu'il fust tout evident qu'il estoit quasi impossible de faire mieux.

1550.

HENRI II.

CHAPITRE XXVII.

Le Roi reçoit une ambassade du Roi d'Angleterre, & luy envoye le Maréchal de St. André.

Sa Majesté fust advertie que les ambassadeurs d'Angleterre estoient arrivez à Orleans : qui sust cause qu'il partist de Durestal, au très-grand regret d'un chaseun, pour accelerer son entrée d'Angiers, où il sust très-magnisquement reçeu, & selon que la ville est riche & somptueuse : car c'est la septiesme de France en toutes sortes de moyens & d'illustration que l'on peult requerir en une grosse & ancienne cité; & s'en contenta le Roy merveilleufement.

Estants les susdicts Ambassadeurs à Saumur, M. de Vieilleville sust ordonné pour les aller recevoir aux Roziers, où ils trouverent leur disner prest; car les Maistres d'hostel du Roy, & tous les aultres officiers

estoient partis le jour precedent pour = cest effect. Le duc de Suffort estoit HENRI II. chef de ceste ambassade, accompaigné du prince de Hores, & des contes d'Arondel, d'Herby, de Salebry, & de Solambre; avecques huict ou dix jeunes Millorts, & aultres gentilshommes de suicte; & pour dire le vray, c'estoit une très-belle trouppe d'eslite & fort bien choisse, qui pouvoit revenir à cent ou fixvingts chevaux, aultant bien en ordre qu'il est possible, & en très-riche équippage. Et n'eussions jamais pensé qu'il se peust trouver en toute l'Angleterre tant de civilitez; car nos plus mignons & gorriers * courtifans ne font mieux acoustrez ny plus lestement veftus. Ils furent tous logez aux fauxbourgs de Lisses; la personne du duc de Suffort à Casenoue: auquel

1550.

* Gorriers , vieux mot | qui signifie gens glorieux, mignons, vêtus à la mode, & couverts de galans, ou de galons. Voyez Villon en ses Repues franches. Ce mot vient de gorres, qui signifie des

rubans ou des livrées. Coquillare s'est servi de ce mot dans les vers fuivants qui en expliquent la fignification:

Gorriers mignons, hantans banquetz, Gentilz, fringans, dorelos.

112 MÉMOIRES DU MARÉCHAL

accueil.

= Sa Majesté donna audiance le len-HENRI II. demain de son arrivée. Quant au traicement, racueil, & cheres magnifiques, j'en laisse la charge aux heraux & chroniqueurs; pour le moins personne ne peult ignorer, puisque c'estoit en la maison d'un Roy de France, qu'elles ne fussent incomparables & nompareilles; car les aultres Roys de la Chrestienté, voirede l'univers, n'approchent nullement de nos excellentes delicatesfes, ny fingulieres façons de triompher en festins, ny leurs officiers, de si friandement & proprement acoustrer les viandes, ny les desguiser, comme les nostres; n'en voulant aultre temoignage, que tous les Princes estrangiers envoyent chercher des cuisiniers & pasticiers en France, & aultres serviteurs, pour l'usaige de bouche, & tout service de table, pour y estre duicts & nez, plus que toute aultre nation.

Le Roy ayant bien consideré la gaillarde somptuosité, & magnifique garbe de ceste trouppe Angloise,

projecta

projecta en foy-mesme d'envoyer == devers le Roy d'Angleterre quelque HENRI II. Seigneur pour jurer mutuellement aussi la paix en son nom, & porter semblablement l'ordre de France, Et le tout bien pensé & revisé, n'en sceust imaginer ung plus propre que M. le Mareschal de St. André, pour l'asseurance qu'il avoit, que une infinité de noblesse l'y vouldroit accompaigner; tant pour le desir de veoir l'Angleterre, que pour meriter fes bonnes graces, & se prevaloir en fa faveur. Et cependant que l'on conduisoit le duc de Suffort & sa trouppe par les belles maisons du païs d'Anjou, comme le Vergier, Durestal, Jarzé, Plessis-macé, Serrant, & aultres, & qu'on l'entretenoit de divers passe-temps par icelles, où la quinzaine de jours se passa en bonnes cheres, car les officiers du Roy marchoient toujours; Sa Majesté fist apprester en diligence ledict sieur Mareschal, pour les effects que desfus; & ne se trouva pas moins de soixante Seigneurs en sa trouppe, Tome II.

15500

114 Mémoires du Maréchae

1550.

dont le moindre avoit plus de dix-HENRI II. huich mille livres de rente; & s'en presenta d'aultres que l'on fust contrainct de remercier de leur bonne volonté.

> Estant à Chartres pour prandre le chemin de Paris, en deliberation de s'embarquer à Bouloigne, il eust advis, tant du Roy d'Angleterre, que de M. de Rochepot, Gouverneur du Boulonnois, qu'il y avoit au pas & destroict de Calais quatorze hourques * de Flandres, avec d'aultres vaisseaux legiers armez en guerre, qui estoient à la rade il y avoit plus de six jours, sans jamais avoir peu descouvrir leur desseing ny l'occasion de leur sejour; sinon, qu'ils estoient à l'Emperéur : qui fust cause que M. le Mareschal, laissant le chemin de Paris, print la routte de Rouan pour s'aller embarquer à Dieppe à son très-grand regret & de toute sa rouppe; car M. de Rochepot l'avoit isseuré du meilleur apparat, que le Roy d'Angleterre avoit faict dresser

^{*} Espece de navires

au port de Douvres pour le recevoir, = auquel il devoit faire veoir une ar- HENRI II. mée navalle de fix cents vaisseaux se battre, & y estre en personne. Mais les secrettes entreprises de l'Empereur nous firent perdre ce plaisir avec contraince de venir surgir en ung aultre port, qui s'appelle le Rie, auquel nous fumes fort incommodez; car il ne fe trouva pour nous monter à la descente des navires, que quatrevingts chevaux, qui furent pour les grands, le reste alla en charette à boeufs, encores bien aifes; car j'en vis plusieurs, vestus de satin & de velour, qui eurent la corvée d'aller à pied; entre aultres, le comte de Montgommery, fils aisné de Monsieur de Lorges; mais M. de Vieilleville le trouvant par les chemins. pria M. d'Espinay de luy prester la crouppe de son cheval. Toutesfois en la premiere maison où nous descendismes, qui estoit du Chancelier d'Angleterre nommé Mester Bacquel. tout le monde, jusques aux lacquests, fut accommodé de chevaux ; car il

15500

Hij

116 MÉMOIRES DU MARÉCHAE

HENRI II. M. de Gyé pour lors Ambassadeur en Angleterre, y estoit venu trouver M. le Mareschal.

CHAPITRE XXVIII.

Arrivée du Maréchal de St. André à Londres.

ARRIVEZ à Londres, M. le Mareschal fust logé en la maison royale nommée Westmester; & M. de Vieilleville, à Doromplex, le mesme logis qu'il eust en son premier voïaige, & tous les aultres Seigneurs confécutivement, selon leurs rancs; où dix ou douze Millorts des plus anciens, surent très-soigneux de les bien recueillir tous, suivant le commandement qu'ils en avoient: & y sejournâmes deux jours, tandis que l'on appressoit le chasteau de Richemont, qui est assez beau & logeable, sur la Thamise.

Et y estant venu, M. le Mareschal,

loger, il descouvrit le commandement secret qu'il avoit de son Roy, HENRI II. de ne recevoir ung seul traictement de la part des Anglois; ce qu'il observa fort curieusement : car incontinant que l'on apportoit des vivres, ils estoient plustost renvoyez. Auffy, c'estoient si grosses viandes que pour les plus delicates, on n'y voyoit que oisons, halebrans & principalement cigneaux, dont ils ont grande abondance; car la Thamise en est quasi couverte, pour les deffenses expresses & capitales d'y tirer: là où M. le Mareschal avoit trentefix chevaux de rencontre ; douze, qui venoient de Paris chargez de toutes fortes de gibiers & de fruicts excellents jusques à Abbeville; aultres douze, qui dudit lieu, portoient leur descharge à Bouloigne; & encores douze qui venoient de Richemont à Douvre prandre ce que les barques apportoient, ou à voile, ou à rames, & marchoit jour & nuict ceste diligence ; de sorte que les Maistres d'hostel du Roy d'Angle-H iii

1550.

118 MÉMOIRES DU MARÉCHAE

1550.

= terre cesserent de plus rien apporter. HENRI II. voyant le peu d'estime que l'on faifoit de leurs presents. Mais ce n'estoit fans ung très-grand esbahissement, de veoir tant de sortes de gibiers, & en si grande abondance : car en douze jours qu'il demeura là, il ne fult jamais fervy fur sa table qui estoit de douze plats, boeuf, veau ny mouton, que pour les potaiges qui estoient friands & de grands coufts, avec des fruits fi excellents, que tous ces Millorts mauldiffoient l'intemperature de leur climat d'estre si deffectueuse en telles raritez : & à chasque repas, il n'y en avoit pas moins de huict ou dix; car ils s'y entrefuivoient les ungs après les autres.

J'avois obmis la priere que le Chancelier d'Angleterre Mester Bacquel fit à M. le Mareschal, estant en sa maison, de la part du Roy son maistre; qui estoit, qu'il ne trouvast maulvais s'il ne luy permettoit de sejourner plus d'ung jour, ou à tout rompre, de deux en la ville de Londres; & que son bon plaisir fust, de

n'y faire dire la messe en public; = carla guerre estoit dedans le royaume HENRI II. pour ceste occasion. Ce que M. le Mareschal luy accorda fort librement; le priant d'asseurer le Roy son maistre, qu'il seroit très-marry d'animer fon peuple à quelque fedition, & d'abord, veû qu'il estoit venu pour y confirmer la paix; mais il la feroit celebrer fi secrettement en son logis, que personne de la nation Angloise, de quelque qualité qu'il fust, n'en auroit congnoissance; & qu'il avoit fes prestres & aulmosniers, sans appeller ceux d'Angleterre; & que cela estoit fort considerable, ne ignorant poinct, que si ung peuple à qui l'on faict changer par force de religion, fe trouve tant foit peu d'ouverture de rentrer en sa premiere, n'y hazarde fa vie jusques au dernier soupir. Et croyez, dist-il, Monsieur, qu'il ∞n'estoit besoing de me donner cest » advis; car avant mettre le pied en »ce royaume, j'avois resolu ceste » discretion avec M. de Vieilleville; »& qu'ainsi soit, le voilà qui devise Hi

1550.

120 MÉMOIRES DU MARÉCHAT

550.

»avec M. de Gyé: appellez-le, & NRI II, » luy demandez ce qui en est; vous » parlez bon françois ». M. de Vieilleville venu, le Chancelier luy demanda: Monsieur, estant encores sur la mer, la principale resolution que Monfieur, qui cy est, a prise avecques vous, quelle est-elle? » Je vous jure, responodit M. de Vieilleville, que c'est » de nefaire poinct dire la messe, tant o qu'il sera en ce royaume, qui vienne Ȉ la congnoissance de pas ung seul » habitant d'Angleterre : mesme la » pluspart de nostre suite n'y assis-» tera pas, pour le danger de la con-» séquence, qui pourroit estre aul-» tant pernicieuse à nous comme à » vous. Ce a esté toujours l'advis de M. le Mareschal, duquel vous pou-» vez croire qu'il ne changera tant oque j'auray cest honneur d'estre » auprès de luy; & si quelqu'un de nostre trouppe s'esforce d'y conptrarier, il fe peult bien affeurer p qu'il aura tramé une entreprise » vaine ». Lors M. le Chancelier fift ung très-humble remerciment à Mon-

15500

fieur le Mareschal, & print sa main pour la baifer; mais il ne le permit; MENRI puis vint embrasser M. de Vieilleville, Juy difant , qu'il avoit esté toujours amateur du bien de leur patrie, &

le fupplioit d'y continuer.

Il ennuyoit affez au Roy d'Angleterre, qu'il ne voyoit M. le Mareschal de St. André & sa belle troupe: & envoyoit fouvent devers luy pour sçavoir quand il seroit prest de faire la folemnité du serment & de l'Ordre. De quoy toutesfois il ne le vouloit presser, craignant qu'il attendit quelque chose de France qui deuft servir en ceste cérémonie : & quant à luy, il estoit tout appareillé d'en veoir l'execution. Sur quoy, M. le Marefchal le fupplia de luy donner jour ; & qu'il ne fauldroit d'aller trouver Sa Majesté en son chasteau d'Amptoncourt; ce qui luy fut accordé.



HENRI II.

CHAPITRE XXIX.

Le Roi d'Angleterre reçoit le collier, de l'Ordre de St. Michel.

LE JOUR venu, le Roy luy envoya douze Chevaliers de son Ordre en fort triomphant équipage, pour l'accompaigner jusques audict lieu : où arrivé, il le trouva en la grand falle du chasteau, en fort grande majesté: auquel il fift une bien humble & basse reverance; mais Sa Majesté ne se pouvant contenir d'aise, le vint embrasser fort joyeusement, luy disant en bon langaige françois; qu'il estoit le très-bien venu pour trois excellentes raifons. La premiere: »que c'estoit pour confirmer à per-» petuité une bonne paix, entre mon strès-cher frere le Roy de France ovostre maistre, & moy: que maul-»dict soit-il éternellement, qui jamais entreprendra de l'alterer. »L'aultre, qu'il luy a pleu députer » le Seigneur de France que je desi-

»rois aultant veoir, à cause de la = orgrande reputation qui en court, HENRI II. »pour me la faire jurer. Et la deroniere, qu'estant temoing du serment que j'en feray, car ce fera sentre vos mains, je m'asseure que » vous la nourrirez à jamais inviola-»ble entre nous deux : car je fçay sibien que vous estes si avant au 33 cœur du Roy mon bon frere, que » vous luy faictes hair & aimer ce »qu'il vous plaist. Vous soyez enocores une fois, M. le Mareschal, »le mieux que très-bien venu ». Et l'ayant laissé, il va prandre M. de Vieilleville; car quand M. le Marefchal fe presenta au Roy, il estoit entre luy & M. de Gyé; auquel il fift une fort cordiale careffe, luy difant : » Je vous prans à garant, » M. de Vieilleville, de tout ce que wj'ay dict à M. le Mareschal; & so jureray bien pour vous, que vous » ne ferez jamais cause d'allumer la »France contre l'Angleterre. Mais, M. le Mareschal, pour ce que je ⇒ fçay bien que vous m'enlevez Mon-

124 MÉMOIRES DU MARÉCHAL

1550.

= » sieur de Gyé que voilà, où j'ay HENRI II. strès-grand regret, car il fault que »je die qu'il m'est très-agreable, & » que c'est ung fort honneste Sei-» gneur, qui a très-dignement faict » fa charge, me laisserez-vous pas »M. de Vieilleville en sa place »? Nenny, Sire, respondit-il. » Et qui »donc, dift le Roy »? C'est ung gentilhomme, Sire, qui s'appelle M. de Theligny, aultrement, Boys-Daulphin ». Je vous prie que je le voye ». Et l'ayant fait approcher, car il estoit parmy la trouppe, le Roy fe detourne & les prend tous trois, leur difant bien bas en soubsriant : Vous me ferez recevoir une honte à cause de cet Ambassadeur; car ne trouvant pas en ce pais les delicatesses de France, il y maigrira; qui me sera un reproche perpetuel. Ils se prindrent à rire de la gaillardise de ce jeune Prince; & luy avecques eux, qui ne se pouvoit contenir de le regarder par sus leurs espaulles. avec ung esbahissement de veoir ung homme si hault, si gros & si gras. Cela faict, il se presente à bras

ouverts, & la teste nue à recevoir de rang tous les Seigneurs de la HENRI II trouppe; à chascun desquels il donna l'acollade avec ung visaige riant & très-joyeux : qui furent tous bien édiffiez de ce jeune Prince, qui n'avoit pas encore saeze ans accomplis, & sçavoit parler parfaictement trois langues oultre la fienne ; la Françoife, l'Espaignole & l'Italienne. Il parloit semblablement fort bon latin, & avoit très-beau commencement aux lettres grecques; aussi ils luy rompirent tellement l'esprit qu'il ne parvint jamais à l'aage de dixfept ans.

Le lendemain se fist la cérémonie du serment & de l'Ordre, où tous les Millorts, ce croy-je, d'Angleterre se trouverent : car il y en avoit ung merveilleux nombre; peult-estre aussi ne l'estoient-ils que par les acoustrements, parce que nous ne les congnoissions pas, & n'avions personne pour les nous qualiffier. Si faisoit-il beau voir ceste trouppe, qui s'estoit resserrée auprès de son

T26 MEMOIRES DU MARÉCHAE

ETTO

Roy, que l'on eust pris pour ung HENRI II. ange travesti en forme humaine ; car il estoit impossible de veoir une plus grande beauté en face, & taille de jeune homme, qui encores s'augmentoit par le lustre & esclat de ses vestements, estants si chargez de dyamants, rubis, perles, esmeraudes & faphirs, fi bien appropriez, que toute la falle en reluyfoit. M. le Mareschal estoit de l'aultre costé avec la sienne, au milieu de M. de Gyé & de M. de Vieilleville, avec environ foixante aultres Seigneurs de France que je ne puis tous nommer pour ne les congnoistre; mais je sçay bien que les sieurs de Thurenne, de Vantadour, d'Espinay, de Pompadour, de la Rochefoucault, d'Apchon, de Bourry, d'Aubeterre, de Jarnac, de Senneterre, de Saint-Chaumont, de Cruffol, de Levy, de Chambellay, de Montbourcher, de Bressieux, de Maugeron, de Montgommery, d'Urphé, de Riberé, de St. Jehan-de-Ligoure, & de la Caftine y estoient; la pluspart toute

jeunesse. Il y en avoit tant d'aultres, = quis'estoient trouvez à Dieppe, venus HENRI II. de Languedoc, de Guyenne, de Lymofin & de Perigort, qui estoient riches Seigneurs & parants de Madame la Mareschalle Madame Marguerite de Lustrac ; mais parce que je ne les avois jamais veus à la Cour, je ne m'enquis pas de leurs noms & qualitez. Il avoit aussi amené six paiges de la chambre du Roy: Scepeaux, Thevalle, la Noe, Puydufou, Chasteauvillain, & Avaretz. Les Anglois, cependant, s'esbahissoient merveilleusement de veoir une si excellente trouppe de François, & non moins riches de pierreries que leur Roy: car, seulement le sieur de St. Jehan-de-Ligoure, qui estoit des moindres pour le revenu, mais au reste, l'ung des beaux & agreables gentilshommes qu'on eust sçeu regarder, en avoit fur luy pour plus de vingt mille escus. De sorte que en ceste grande salle, parce qu'en devisant on se tourne & revire, souvent, ce n'estoient que rayons, estin-

15500

128 MÉMOIRES DU MARÉCHAL

LENGI II. soient la veue des regardants.

1550. Le Re

Le Roy, enfin, ayant esté assez long-temps en ceste falle, s'advance à l'ouverture de la chappelle qui y respondoit, & prand Monsieur le Marefchal par la main, & le mene là dedans, suyvi de toutes les deux trouppes, qui passerent par les gardes du Roy vestus de hocquetons de velour cramoify, deux grandes rofes de fil d'or. L'une devant, l'autre derriere, & le bas semé de la lettre E, qui signiffie Edouard, aussi de fil d'or, & tous couronnez de couronne Imperiale; revenants lesdicts gardes, à bien quatre cents, fort grands & puissants hommes, presque d'une taille, & tous blonds.

Le Chancelier d'Angleterre apporta un livre que l'on disoit estre la Ste. Bible ; sur laquelle le Roy jura à genoux la confirmation de la paix, aux mesmes termes & conditions qu'il est porté par l'acte qu'en despescha le susdict Chancelier ; & estant Sa Majesté levée, M. le Mareschal

reschal luy mist le collier de l'Ordre = de France au col, avec une grande HENRI reverance. Le Roy l'embrassa comme frere de l'Ordre ; puis M. de Gyé comme Ambassadeur de France & nommé dedans les instructions dudit fieur Mareschal; il ne voulut oublier M. de Vieilleville, semblablement, comme tesmoing deceste alliance & confederation & inferé dedans l'acte. Cela despesché, ce fut aux trompettes & hautbois à jouer le jeu; qui le demenerent si bien, que tout en retentissoit. Mais cependant les deux trouppes Angloise & Françoise s'entr'embrassoient si fort & si dru, que plusieurs d'aise & de contentement en pleurerent. Après cela on alla disner au festin royal, qui fut trèsmagnifique; & auquel, par ordonnance expresse, & pour faire place aux estrangiers, il ne se presenta ung feul Millort ny Seigneur d'Angleterre : en quoy ils ne perdirent rien; car M. d'Apchon, & M. de St. Jehan-de-Ligoure, qui tenoient la table de M. le Mareschal, servie Tome II.

15504

130 Mémoires du Maréchat

HENRI II. y menerent; tous se vantants au retour d'avoir gaigné au change.

Tout ce jour-là passa en seux de joye & allaigresse; non-seulement là, mais à Londres; & y sejourna, M. le Mareschal, le lendemain; où les passe-temps d'Angleterre, qui font ordinaires & tels que vous les avez veus au quatriesme chapitre du second livre de ceste Histoire, n'y furent pas espargnez: & le jour ensuyvant, le Roy mena toute la trouppe à Vindesore, ung aultre chasteau royal assez plaisant, où nous sejournasmes trois jours, avecques les mesmes cheres & passe-temps. Mais je ne veux obmettre ung brave traict qui sentoit bien son grand Roy; qui est que au partir d'Amptoncourt, pour venir à Vindesore, d'aultant qu'il y a quelque distance, comme de demye journée, il fut amené deux cents guilledines, desquelles il y en avoit fix-vingts avec les scelles & tout le harnois complet de velour de diverses couleurs, & toutes vives;

DE VIEILLEVILLE, Liv. III. 131

car il n'y en avoit une seule de noirtanné, gris, ny de feuille-morte, HENRI II, roze-passe, ny de verd de mer, & estrieux dorés; le reste de maroquin de levant de diverses couleurs : que nous admirasmes beaucoup; car tout estoit neuf, & comme faict exprès pour nous servir, seulement en ceste petite traice.

13500



HENRI II.

CHAPITRE XXX.

Retour du Maréchal de St. André en France.

LES TROIS jours expirez, M. le Mareschal delibera de son partement, & voulut prandre congé du Roy; qui fust à son grand regret : mais pressé par courrier exprès de partir, Sa Majesté luy recommanda fort affectueusement la manutention de ce qu'il avoit juré en sa presence, & comme entre ses mains ; l'asseurant que de fa part il n'en arrivera jamais inconvenient; n'ayant ung plus grand desir en ce monde, que de conserver ceste paix & amitié, & de participer en la felicité que luy apporteroit la veue du Roy de France son très-cher frere : » Ét fault que je vous die, Monsieur le Mareschal, » que jamais l'an ne passera, voyant »nostre paix bien establie, que je ne » recherche une entreveue entre luv » & moy; & yous prie de m'y aider.

»Ce ne fera pas chofe nouvelle; car = od'aultres Roys nos predecesseurs HENRI II. »ont bien aultrefois jouy de ce » plaisir; & lors nous pourrons nego-»cier quelque traicté qui redondera » au bien commun de France & d'An-» gleterre, comme vous sçaurez quel-» que jour ». Et cela dict, il commença ses embrassements & ses adieux. Et s'addressant à M. de Vieilleville, il luy dist qu'il avoit toujours creu & esperé, jusques à l'heure, qu'il estoit venu lever le siege à M. de Gyé; de quoy il reçevoit ung incroiable contentement: qui luy refpondit, qu'il y avoit ung merveilleux regret; & que si cela eust dependu de luy, il n'y auroit Prince en la chrestienté auprès duquel il eust plustost ny mieux defiré exerçer ceste charge. Le Roy l'embrassa encores une fois de grande affection; puis continua à tout le reste de ces Seigneurs: mais ce gentil Prince ne peult parachever tout le tour, fans nous faire paroistre par son visaige, le regret qu'il portoit de nostre par-

1550.

I iii

134 MÉMOIRES DU MARÉCHAL

19500

= tement. Et là dessus, les mesmes lengi II. chevaux d'Amptoncourt, en l'equipage susdict, nous porterent à Richemont, où arriverent le lendemain le Chancelier & les Secretaires du Roy, qui apporterent toutes les despesches concernant la negociation & voyaige de M. le Mareschal, & mesme des lettres escrittes de la main

de leur maistre à nostre Roy.

Le Millort Dudlay estoit desja à Richemont, qui vint trouver M. de Vieilleville & M. d'Espinay, pour les remercier en toute humilité de la grande courtoifie, avec une infinité d'offres & submissions ; & attendoit fon fils avec sa ranson, qui arriva le lendemain; & tous deux presenterent deux guilledines à M. de Vieilleville, & fix à M. d'Espinay, toutes aussi blanches que cignes, mais des plus belles que l'on euft sceu choisir, non pas en Angleterre, mais au reste du monde, & en bien aultre équipage que les chevaux d'Amptoncourt ; car il n'y avoit harnois qui ne fuft de velour cramoify à broderie de fil

d'or & d'argent; avec six levriers, = aux colliers de mesme, & aultant de HENRI II. dogues des mieux choisis; ensemble une douzaine d'arcs de fin bresil, accompaignez de douze trousses ou carquois de mesme parure que les scelles, chargées chascune de sa douzaine de fleches, telles que la Turquie n'en façonne poinct de plus belles. Quand M. de Vieilleville & M. d'Espinay virent choses si excellentes & tant rares, ils ne sçavoient de quelle façon les remercier, leur disant qu'ils avoient perdu en la courtoisie; car leur present valoit sans comparaison plus que six mille escus, oultre la peine qu'ils avoient prise au recouvrement de telles exquisitions, qu'ils estimoient dignes d'estre presentées au plus grand Roy du monde. Lors M. de Vieilleville mena le pere & le fils à M. le Marefchal, qui ne les avoit poinct encores veus; duquel ils furent fort humainement reçeus, & eurent des premieres places au difner : mais auparavant M. de Vieilleville fift escar-I iv

1550.

136 MÉMOIRES DU MARÉCHAL

1550.

ter tous ces beaux presents, & les HENRI II. mettre hors de veue, sçaichant bien qu'ils seroient importunez d'en départir; & les fift, avec ung passeport du Chancelier, passer incontinant la mer; & prindrent quant & quant les valets des chevaux & des chiens, qui desja les avoient accoustumés, pour les mieux panser: de quoy ils furent très-aises, tant de veoir la France, que de servir tels maistres.

> De Richemont, nous vinfmes à Londres, d'où les habitans ne s'eftoient encores declarés; mais voyants la paix bien faicte, jurée & establie, ils nous firent bien paroistre l'aise & contentement qu'ils en recevoient: puis descendismes à Grenouych, où l'armée navalle que vous avez veue au prénommé quatriesme chapitre du livre fusdict, ne nous fust pas espargnée. De-là à Douvre, où nous trouvalmes dix navires, six armez en guerre pour nous fervir d'escorte, & quatre pour les Seigneurs, leurs trains, & tous bagaiges qui estoient

grands: car on avoit achepté une = infinité de choses qui ne sont pas HENRI II. communes en France; entre aultres, grand nombre de dogues & de chevaux; & vinfmes furgir à Bouloigne, où M. de Rochepot fist merveilles de nous faluer de canonades & harquebuzerie, tant de la ville que des vaisseaux qui estoient au port & sur la rade.

M. le Mareschal avec toute sa trouppe vint à Amiens; duquel lieu chascun s'escarta, avec congé & remerciments, pour se retirer en sa maison. Mais M. de Vieilleville l'accompaigna jusques à la Cour, lors à Villiers-Costerets; & envoya son train, & celuy de M. d'Espinay: puis leur cour faicte pour quatre jours; & après avoir pris congé de leur Roy, ils prindrent le chemin de Durestal, où ils trouverent Madame de Vieilleville & Mademoiselle d'Espinay qui les attendoient.

Mais M. d'Espinay, pour perpetuer la memoire de la faveur que Dieu luy avoit faicte de vaincre Du-

138 MÉMOIRES DU MARÉCHAE

1550.

= dlay, & auffi pour employer les arcs HENRI II. & les fleches que sa victoire luy avoit acquifes, fift dreffer avec la permiffion de Monsieur fon beau-pere & pere d'honneur, qui l'eust très-agréable, des buttes à Durestal pour exercer leurs gentilshommes; à chafcun desquels il donna ung arc & carquoy : aultant en fist-il au chafteau d'Espinay, & de Sauldecourt; & dure encores jusques à present cet exercice parmy les siens, & en toutes fes maifons.



LIVRE QUATRIEME.

CHAPITRE PREMIER.

Les Princes d'Allemagne envoyent des Ambassadeurs au Roi, pour lui demander du secours contre l'Empereur.

LES PRINCES ESLECTEURS du St. Empire, & d'autres Princes & Pré- HENRI II. lats d'Allemaigne, ne pouvant plus fupporter la tyrannique domination de l'Empereur, irritez principalement de la dure & longue prison en laquelle il detenoit d'aultres Princes leurs parants, fans les vouloir mettre en liberté, leur faisant cependant fouffrir mille indignitez. comme de demeurer quelquefois une heure à genoulx devant luy, criants: misericorde : ne voulant semblable-

155 I.

140 Mémoires du Maréchal

ment permettre que les Princesses

Henri II. leurs semmes, silles ou sœurs, les
peussent veoir, ny communiquer avec
eux, delibererent de s'assembler,
pour regarder quel moyen ils auroient de se tirer de ceste cruelle
fervitude, appellants aussi les Bourguemaistres des villes franches, que
l'on dict Imperiales, pour consulter
par entre eux, sur ce mal commun
à tous les Estats de l'Empire, & y
apporter quelque salutaire remede
au recouvrement de leur ancienne
liberté.

Assignants doncques, pour cest esse, une assemblée generale, qu'ils appellent Diette, ils se trouverent tous en la ville d'Ausbourg, où après plusieurs deliberations, harangues, consultations, remontrances, ils ne peurent trouver aultre plus expediant moyen, que d'avoir recours à la bonté du roi de France; pour estre le Prince de la Chrestienté le plus puissant, & qui seul avoit le pouvoir, non-seulement de ressister à ce tyran Empereur, mais de

le contraindre, par les armes, à venir au poinct de la raison; mesme HENRI II. en une cause si juste, qui estoit de les tirer hors de ceste insupportable oppression, se souvenant que son pere François le Grand, l'avoit toujours rangé, par la force, à fa volonté; & que ledict Empereur, encores qu'il fust allié du roi d'Angleterre, des Potentats d'Italie, & semblablement de quelques Princes de leur nation, n'avoit jamais rien peu conquerir sur sa couronne; esperants aussi, que si Sa Majesté Royale avoit pris depuis peu de temps le duc de Parme en sa protection, à plus forte raison il auroit très-agréable d'embrasser la leur, & maintenir la liberté Germanique, tant parce que la pluspart des Princes Eflecteurs luy appartenoient de parenté, que de ce que la nation Françoise a pris son origine & extraction de la Franconie, principale province d'Allemaigne: & proposerent, en ceste diette, plufieurs aultres poincts, pour mieux

1551.

142 MÉMOIRES DU MARÉCHAE

1551.

2 & plustost faire condescendre ledice HENRI II. fieur Roi à leur requeste & devotion ; n'oubliants rien des histoires & exemples anciens & modernes, qui pouvoient servir en ceste occurrance, &

très-urgente negotiation.

Suivant ceste conclusion, le duc Maurice de Saxe, Eslecteur, & qui le premier avoit tramé ceste entreprife, luy ayant l'Empereur manqué de promesse de remettre les susdicts prisonniers en liberté, deputa, avec le consentement des aultres Princes & Communautés, le duc Georges de Symerch*, qui estoit du sang impérial de Bavieres, pour aller en France: lequel ils firent accompaigner de plusieurs Comtes, Seigneurs, Gentilshommes, & de quelques doctes personnaiges, nourris & entendus aux affaires d'Etat, avec trèsamples mémoires & instructions.

Ceste honorable ambassade, qui

Simmeren.

^{*} Simmeren est une ville | jourd'hui à l'Electeur Pad'Allemagne fituée dans latin; & du temps de le Palatinat du Rhin , fur | Henri II, elle avoit un la perite riviere de Sim- | Prince particulier. mere. Elle appartient au-

pouvoit revenir au nombre de cent chevaulx, fans y comprendre leurs HENRI II. chariots, ne fust pas si-tost acheminée & deslogée de Strasbourg, qui fust en Octobre 1551, que le Roy n'en receuft advertissement certain, par les pensionnaires & serviteurs occultes, que de tout temps nos Roys ont entretenus & entretiennent en Allemaigne; qui fust cause que Sa Majesté despeschea le Rhingraff, qui signifie en François, Comte du Rhin, nourry en France, & gentilhomme de sa chambre, jusques à Sainct-Dizier, qui lors estoit la premiere ville frontiere de France en ceste marche-là, pour recevoir ces Seigneurs, avec des Maistres-d'hostel & aultres officiers de bouche, enfemble ung Mareschal des logis & deux Fourriers, pour faire leurs logis, affin d'éviter la confusion; qui portoient lettres à tous les Gouverneurs, Juges & Maires des villes par où ils passeroient, de les favorifer en toutes fortes.

Ils furent doncques conduicts en

1551.

eft ordre, depuis leur entrée en HENRI II. France jusques à Fontainebleau, où pour lors estoit la Cour, & sur la despence du Roy, qui fust trèsgrande: car il n'y manqua rien dont ils se peussent plaindre; mais furent traictez à leur mode, qui est de ne faire que cinq ou six lieues par jour, du matin; & depuis disner, ne fortir de table que à neuf ou dix heures du soir. Et durant ce temps, on n'oseroit leur parler d'affaires, par la crainte qu'ils ont qu'on les veuille furprendre parmy leurs buvettes, qu'ils appellent schlofftroumert. Et avoient pris, par l'advis de leurs truchements, celte route, pour fe mieux abbrever; car depuis Sainct-Dizier, jusques audict lieu de Fontainebleau, l'on traverse les meilleurs & plus beaux vignobles quafi du royaume de France; comme de Chaallons-fur-Marne, Espernay & la montaigne d'Ay, Chasteau-Thierry, Nogent-l'Arthaud, & Rofay en Brie.

Arrivez qu'ils furent à Fontainebleau,

bleau, le Ringraff les mena, fans = entrer dedans, droict à Moret, vil- HENRI II. lette à deux petites lieues de-là, défignée pour leur logis. En laquelle ils furent accommodez à la royale, & eurent tous loisir de se raffraichir. reviser leurs mémoires, dresser leurs harangues, conferer & confulter enfemble fur les causes & principaux articles de leur voyaige.

15510

CHAPITRE II.

Entretien de M. de Vieilleville avec le Comte de Nassau.

LE Rov envoya devers eux, le lendemain, M. de Vieilleville, pour leur faire le bien-veignant de la part de Sa Majesté, & leur dire, que sur l'oppinion qu'il avoit qu'ils eussent entrez en son royaume pour quelque bonne occasion, qui devoit regarder le repos, non-seulement des deux nations, mais de toute la Chretienté, qu'ils estoient les très-bien

Tome II.

146 MÉMOIRES DU MARÉCHAL

1551.

venus; leur offrant, en ceste con-HENRI II. fideration, toute alliance & amitié; & que, quand il leur plairoit avoir audiance, il estoit tout prest de la leur donner. Le duc de Symerch, & toute fa trouppe, furent extrefmement aises de cette créance, de laquelle ils remercierent très - humblement Sa Majesté; & receurent fort honorablement M. de Vieilleville, tant pour en avoir plusieurs fois ouy parler, que pour le veoir si bien accompaigné, comme aussi estoit-il; car MM. de Matignon, d'Entragues, le jeune Humieres, aultrement Comtay, le jeune Lude, qu'on appelloit Illiers, & d'aultres jeunes Seigneurs de la Cour, estoient venus par plaifir & amitié luy faire compaignie. Et le prierent les fusdicts, de supplier Sa Majesté qu'elle eust agréable, que dedans deux jours ils eussent ceste permission de se presenter devant elle, & à telle heure que la commodité de ses affaires le pourroit permettre; mais qu'ils desireroient que ce fust du matin. Ce que M. de Vieil-

leville leur accorda fur le champ, = fuivant le pouvoir qu'il en avoit; & HENRI II. ordonna, avant partir, aux Maistresd'hostel & officiers susdicts, de continuer le service & traidement accoustumé, encores mieulx, s'il estoit possible, & que telle estoit l'intention de Sa Majesté. Et ceste ordonnance faicle, il print congé dudit Duc, & de toute la compaignie & Conseilliers d'Estat, pour s'en retourner devers le Roy, & faire son rapport.

Mais le comte de Nanssau, qui estoit des premiers de ceste trouppe, & ordonné par les Estats de l'Empire, foubs le duc de Symerch, Surintendant de ceste legation, comme mieux cognoissant les affaires, foules & necessités de la Germanie. aussi pour la langue Françoise, qui luy estoit autant familiere que la sienne propre, suivit M. de Vieilleville, le voulant accompaigner jufques à son logis. Mais sur le reffus & remerciement qu'il faisoit de ceste

Kij

15516

Naffaux

148 MÉMOIRES DU MARÉCHAE

= courtoisie, le Comte insista, luy di-HENRI II. fant qu'il avoit quelque chose d'important à luy dire; qui fust cause 11551. que, marchant ensemble, il l'aboucha de ceste façon.

»Je voy bien , M. de Vieilleville. » qu'il ne vous souvient pas, ou bien » que vous ignorez, que nous foyons » parants ». A quoy il respondit, qu'il luy faisoit beaucoup d'honneur, & luy en avoit une grandissime obligation; mais qu'il ne pensoit pas avoir des parants en l'Allemaigne. Sur quoy le Comte repliqua que si, à cause de la principaulté d'Oranges. M. de Vieilleville luy dift: » Le odernier prince d'Oranges, nommé »Philebert de Chaallons*, qui fut

* L'Auteur se trompe : | ce ne fut point Philibert de Châlons, Prince d'Orange, qui fut tué devant Saint-Dizier; ce fut René de Nassau, Prince d'Orange , dont le pere, Henri de Nasfau, avoit épousé la fœur de Philibert de Châlons, Prince d'Orange, tué au siege de Florence en 1530. Il en eut un als unique, nommé René !

de Nassau, qui hérita des biens de la maison de Châlons, du chef de fa mere, après la mort de fon oncle maternel, & qui fur tué en 1544 au fiege de Saint-Dizier. René ne laissa point d'enfants, & il fit un testament par lequel il institua son héritier Guillaume de Nassau fon cousin germain, fils de Guillaume de Naslau, Iss

stué devant Sainct-Dizier, & moy, ___ seftions parants, parce que son bif- HENRI II. aveul & ma bisayeulle estoient mfrere & fœur; mais d'aultant qu'il »n'avoit poinct d'enfants, & qu'il seft mort de nom & d'armes, je ne sofçay en quelle maison est tombée » la principaulté d'Oranges; ne m'en seftant pas donné beaucoup de peione, de regret que j'ay que ce trèsmancien & très - illustre nom de » Chaallons est mort au monde, ne » se trouvant plus de masse qui le preleve.

» Cela est bien vrai, dist le Comte; » mais j'ay espousé sa sœur *, & le

quel étoit frere de Henri | & oncle de René. Voyez l'Hift. des Princes d'Orange de la maison de Nassau.

P. 3 & 4. * Celui qui époufa la fœur du dernier Prince d'Orange de la maison de Châlons, se nommoit Henri de Naslau : il en eut un fils unique nommé René de Nassau, qui mourut fans enfans, & qui laissa tous ses biens à Guillaume de Naffau fon cousin germain, qui prit,

après sa mort, la qualité de Prince d'Orange. C'est ce dernier qui fut regardé comme le fondateur de la république de Hollande. Il étoit fils de Guillaume de Nassau, frere de Henri & oncle de René. René avoit été tué au fiege de Saint-Dizier; & il paroît que l'Auteur de ces Mémoires n'avoit pas bien débrouillé cette généalogie, puisqu'il suppose que celui qui parloit à M. de Vieilleville, étoit Henr? Kuj

155 L.

YOU MÉMOIRES DU MARÉCHAE

1551.

»fils que Dieu nous a donné, en MENRI II. preleve la seigneurie; car il s'ap-» pelle, par clause expresse de nostre » contract de mariaige, prince d'O-» ranges. Je le vouldrois bien veoir, adift M. de Vieilleville, pour luy soffrir mon fervice, en fouvenance » de son oncle, que j'avois à demy » gaigné & pratiqué, pour venir au » service du feu roy François, estant » sa principaulté enclavée dedans le » royaulme de France; ce qu'il m'apvoit accordé, & devoit eftre le » voyaige de Sainct-Dizier, le der-»nier qu'il feroit jamais au fervice » de l'Empereur : ainsi m'avoit promis & juré à l'yssue de l'avitaillement de Landrecy; mais Dieu en adisposa aultrement.

> de Nassau. D'où il s'en- | fuivroit, que son fils, qu'il avoit amené avec lui, étoit le Prince René de Nassau, qui étoir mort au siege deSaint-Dizier en 1544; au lieu que le Comte de Nassau, qui parloit à M. de Vieilleville, étoit Guillaume de Nassau, frere de Henri & oncle de |

René; & que le fils, dont il parle, étoit ce fameux Guillaume de Naffau, qui eut tant de part à la révolution des Pays-Bas, & qui fut regardé comme le fondateur de la république de Hollande. Hift. des Princes d'Orange de la maison de Nassaus pag. 3 & 4.

»C'est pourquoy, M. de Vieillewille, dist le Comte, je vous at HENRI I recherché de ceste cognoissance, » affin qu'il vous fouvienne de nous, »& que vous ayez nos terres de » France pour recommandées, fui-» vant le credit que je sçay que vous » avez auprès de vostre Roy, & la » reputation qui court de vostre très-» franche volonté à vous employer pour vos amis, quand vous l'en-»treprenez. Je prandray doncques, » sur cette esperance, congé de vous, » pour vous envoyer tout presentement mon fils le Prince, car il est en » cette compaignie; m'asseurant qu'en » faveur de la parenté d'entre vous » deux, & de son honneste commen-» cement, vous serez convié d'affec-»tionner son bien & sa fortune : car » c'est ung jeune gentilhomme qui a oung fort beau commencement, ac-» compaigné d'une ardante volonté » de bien servir & de parvenir ».

Mais M. de Vieilleville ne le voulut permettre; & puisqu'il estoit si près de son logis, où son disner 1551.

172 MÉMOIRES DU MARÉCHAE

1551.

s'apprestoit, il le supplia de luy HENRI II. faire ceste faveur de disner avec luy, & toute la jeunesse qu'il voyoit là presente. Dequoy il le pressa tellement, que le Comte fut contraince d'y consentir, & envoya querir son fils. Et entrant dedans le logis, le Comte susdict, va choisir sur la couverture du mulet qui avoit apporté les vivres & aultres commodités de fon difner, les armes de la principaulté d'Orange, qui estoient en faux escu ou chargeure sur les armoyries de M. de Vieilleville : de quoy il fust si joyeux & ravy, qu'il ne se pust contenir d'embrasser M. de Vieilleville bien ferré, luy disant: Monsieur mon cousin, je ne m'es-» bahy plus si mon fils a le cœur » François, & pense que si on le luy » ouvroit, on y trouveroit une fleurode-lys; car incessamment il a vos » Roys, vous & vostre nation, en la » bouche, & croy qu'il feroit très-» aifé de le reduire au fervice de la » couronne de France. Quant à moy, eje n'y mettray jamais empeschement, & ne l'en divertiray de ma »vie : aussi que je ne pense pas que HENRI ⇒ fa fortune puisse jamais beaucoup reluyre au fervice de l'Empereur; »car qui y veult parvenir, il fault seftre Hespaignol; & ne se sert de » ceux de nostre nation que à la necessité, & pour advantaiger ses desfeings. Tesmoing ce qu'il a faict Ȉ ces dernieres guerres pour la resoligion, au duc Maurice de Saxe, par la vaillance & admirable con-» duice duquel il a obtenu une mer-» veilleuse victoire, & quasi ruiné les » Maisons de Saxe, Palatinat & de » Hessen; & maintenant qu'il est au-» dessus de ses affaires, il n'en faict »cas, non plus que d'ung valet : & » qui plus est, il luy a manqué de promesse, ne luy voulant rendre » les Princes qu'il tient prisonniers, wil y a tantost cinq ans, ainsi qu'il »luy avoit promis & juré; mais au ocontraire, il le menace de luy ofter »l'Electorat de Saxe, qu'il luy a ∞donné par confiscation du duc » Jehan-Frederic son aisné, s'il luy

154 MEMOIRES DU MARÉCHAE

1551.

men faict plus d'instance; & de luy HENRI II. »faire, & à tous lesdices Princes. otrancher les testes; ne voulant, vainsi qu'il dict, estre importuné ny » forcé en ses entreprises & concepstions. Ne voilà pas, Monsieur mon ocousin, une belle recompense?

»D'aultre part, il a quasi ruyné »la pluspart des villes Imperiales ; » aux unes, enlevé leur artillerie : odes aultres, il a exigé tant d'ar-»gent, qu'elles en sont reduic-» tes en ung très-miserable estat; & Ȉ la pluspart, rompu, enlevé, & placeré leurs anciens privileges: qui eft cause que nous venons devers »vostre Roy, pour implorer son ayde & faveur, & nous prendre, par » commiseration chrestienne, en sa » fauve-garde & protection; ayant otous les Estats de l'Empire, ceste »ferme esperance qu'il ne nous fermera pas les portes de sa debon-» naireté accoustumée, à nous, qui » fommes fortis les ungs des aultres; » puisqu'il a usé, en l'endroict d'es-» trangiers Italiens, de ceste clemence

» & bonté. Vous priant, Monsieur === mon cousin, au nom de tous les HENRI II. ofusdicts Estats, de nous y estre ay-» dant, quand cefte nostre legation » se traictera en vostre Conseil de »France; & y employer tous vos moyens, amis & credit; car nous » sçavons bien, il y a long-temps, o que vous estes bien avant au cœur ode vostre Roy, & qu'il vous es-» coute volontiers ».

1551,

» Vrayment, Monsieur, dict lors M. de Vieilleville, je ne m'y esparsegneray en forte quelconque; & and il n'y auroit aultre respect » & confideration, que de la nouvelle cognoissance & mutuelle » amitié que nous venons de former » par ensemble, je puis vous jurer, ofoy de gentilhomme d'honneur, » que vous cognoistrez, avant sortir » de France, que je m'y suis de toute naffection employé, encores que je »ne soys pas du Conseil privé du Roy, ny de celluy de ses affaires; » qui font grades & estats reservez paux Cardinaux, aux Princes, aux

156 Mémoires du Maréchal

1551+

= »Gouverneurs des provinces, Che-HENRI II. » valiers de l'Ordre, & quelquefois » aux Capitaines de Gendarmes en »chef; mais encores faut-il bien de » la faveur. Ainsi se gouverne nostre »France; qui m'esloigne fort de ceste mesperance, n'estant que Lieutenant » de Gensdarmes ». Dequoy le comte de Nanssau fust très-esbahi, disant qu'en la cour de l'Empereur, il en alloit bien aultrement; car on ne regardoit ny aufang, ny aux grands biens ou estats, mais seulement à l'experiance & aux fignalez fervices.

CHAPITRE III.

Autre entretien de M. de Vieilleville avec le Prince d'Orange.

Sur ces propos & discours, le prince d'Oranges arriva, qui estoit ung jeune Seigneur très-agréable, & de façon fort modeste; lequel, fans attendre que son pere le presentast,

fe vint jecter entre les bras de M. de Vieilleville, avec une bien hum- HENRI II. ble reverance, luy difant, que ce qui l'avoit faict entreprendre ce voyaige, provenoit du feul desir de le veoir, & luy offrir son service; faichant qu'il n'avoit que luy parant en France, avec lequel il fouhaitoit vivre & mourir, pour la grande reputation qui couroit de ses vertus, à la faveur desquelles il eust bien voulu fur-tout faire fon apprentiffage & façonner sa jeunesse.

» Nous estions, respond M. de » Vieilleville, après l'avoir dignement remercié, sur ces termes de vous faire bon François, M. le » Comte vostre pere & moy, à vostre » arrivée; qui n'a pas moindre vo-» lonté que moy, que vous changiez » de climat & de party; & nous » semble à tous deux, que ce seroit »vostre meilleur, pour une infinité » de raisons que je remets à vous raire entendre une aultre fois; car » l'heure nous presse de disner; des-

» quelles la plus pregnante est, que

1551.

178 Mémoires du Maréchat

1551.

= »la terre dont vous portez le tiltre; HENRI II. » est dedans le royaume de France.

> »Je le croy bien, dict le Prince; mais ce n'est pas la meilleure ny »la sixieme partie de mon bien, qui est entierement dedans les Pays-Bas. Toutesfois, il y a ung poinct » qui me paroist bien convier à suisvre vostre desir; qui est, que le »Prince d'Hespaigne*, sans en pou-» voir descouvrir l'occasion, ne m'aime nullement, & ne sçaurois faire »faire chose en ce monde, qui luy » foit agréable; & ne pouvant penofer ny imaginer d'où luy provient » ceste animosité, car je ne saiche men ma vie l'avoir offense. Vous vivez donc en grande misere, dict »M. de Vieilleville; car vous pou-»vez bien quicter vostre part, queloque service que vous faciez, des » grands estats de l'Empire & d'Hef-» paigne, puisqu'il doit succeder à so tout cela. Il y a bien plus, dict le »Prince, quelque personnage qui se

^{*} C'étoit le Prince Phi- | depuis Roi d'Espagne par lippe, fils de Charles V, & | la démission de fon pere-

»cognoist aux horoscopes & revo-» lutions des nativitez, & qui a mer- HENRI II. » veilleusement profondy celte caba-» lesque science, m'a predit que je » dois mourir de sa main, ou par » animeuse conjuration tramée de sa » part contre ma propre vie. Qu'atstendez-vous doncq poure Prince, » dict M. de Vieilleville, que vous ne croyez le conseil de M. vostre » pere & le mien ? Car ceste apprehensible oppinion est affez bastante » pour vous faire mourir; croyant » parfaictement que ce Devin n'enstend, par sa magie, aultre espece »de mort, que l'imagination que » vous en avez, qui vous nourrira » toute vostre vie en ung mortel & » langoureux ennui, & la vous pourora abbreger. Je le pense, dict le »Prince; mais l'intime amitié que »me porte l'Empereur son Seigneur »& pere, accompaignée des gran-» des faveurs qu'il me depart, m'a si ofort enchatené à sa suite, qu'il ne enchaine. »m'est possible, quand bien je verrois la mort toute presente, de

1551.

160 MEMOIRES DU MARECHAT

1551.

= »m'esloigner, ny d'abandonner son HENRI II. » service. C'est assez, repliqua M. de » Vieilleville; que si j'eusse sçeu ceste »vostre derniere resolution, je ne »vous en eusse jamais faict ouver-»ture, & ne vous en parleray tant » que je vive ». Et là-dessus ils s'en allerent disner, où le traistement fust merveilleux, & à sa mode accoustumée. Aussi le comte de Nanssau & le Prince son fils, estoient venus fort bien accompaignez; qui furent tous retenus, entre aultres, le comte de Bisch & le plus jeune des enfants du duc des Deux-Ponts, deux des principaulx Juges de la Chambre Imperiale de Spire, & les Bourguemestres de Strasbourg & de Niremberg; estant ces quatre derniers defnommez en la legation : les aultres estoient venus pour veoir la France & pour plaisir.

Nuremberg.

Après disner, voyant le comte de Nanssau, que M. de Vieilleville s'en vouloit retourner devers le Roy, le vint tirer à part, pour luy donner ung advis bien secret & de grande

importance,

importance, car il fervoit grandement à la matiere ; & fans lequel Sa Majesté n'eust pas beaucoup affectionné ceste protestation, ny entré en une si excessive despence de dresfer une telle armée, mais s'en fust excusée. Et parce qu'ils furent quasi une heure en ce petit colloque, ces quatre Juges & Bourguemaistres en entrerent en jalousie, & commencerent à parler Allemand au Comte, & assez rudement : lequel tourna dextrement leur courroux en risée, difant tout hault, car ils n'entendoient pas françois: » Messieurs, ne trouvez » pas estrange si ces Allemands sont men colere; car ils n'ont pas accouf-» tumé de se lever sitost de table. »après avoir faict une si bonne & » delicate chere, & beu de si excel-»lents vins. Or, adieu, Monsieur »mon cousin : d'icy à deux jours » que nous acheverons le reste ». Et appelle fon fils qui devisoit à l'escart avec le jeune Humieres : & ainst chacun tirant sa routte, se departirent.

Tome II.

HENRI II ISSI.

HENRI II.

CHAPITRE IV.

Le Roi donne à M. de Vieilleville une place dans le Conseil d'Estat.

ARRIVÉ qu'il fust devers le Roy. il luy discourut bien amplement de tout ce qui s'estoit passé avec ces Messieurs; & comme dedans deux jours, fans compter le present, ils s'attendoient d'avoir audiance. Et luy descouvrit tout le fond de leur legation, & de ce qu'ils avoient à propofer, mefine les justes occasions qui mouvoient les Estats de l'Empire à faire ce remuement, & le rechercher, fur tous les Princes du monde. à les prendre en sa protection. De quoy Sa Majesté demeura fort satisfaicte & contante; luy disant qu'il avoit cela de bon, que jamais il ne le despescheoit en lieu quelconque qu'il ne luy rapportast une entiere & certaine resolution de toute sa charge, & tousjours quelque bon discours; davantaige, qu'il luy don-

noit beaucoup d'aise & de plaisir; car il luy avoit recité l'elbranlement Henni II. du prince d'Orange de se faire François & venir à son service. Mais il s'estoit cependant reservé le secret advis que luy avoit donné le comte de Nansfau au départir, le remettant à une occasion plus convenable pour le luy faire mieux goufter, affin que Sa Majesté en tirast l'honneur & la commodité qui en pouvoient réuffir.

Le mardy au foir, affez tard, dont le lendemain se devoit donner l'audiance à ces Ambassadeurs, M. de la Bordaiziere, maistre de la garderobbe, vint trouver M. de Vieilleville en fa chambre, qui tout le jour n'en estoit sorty, ayant pris une ligiere purgation; auquel il dist telles parolles : Monsieur, le Roy m'a envoyé vous dire, que demain au plus matin vous vous trouviez à son lever, & qu'il n'y ait faulte. » Je me doubte bien, respond M. de Vieilleville, soque c'est pour aller querir les de-» putez d'Allemaigne ; car c'est à

15514

164 MÉMOIRES DU MARÉCHAE

1551.

» demain l'assignation de leur audian-HENRI II. »ce. Vous vous trompez, dist M. de » la Bordaiziere ; car M. de Creve-» cœur est ordonné pour cest effect, » & s'en est allé desja coucher à Mooret, pour lesamener de bon matin »au chenil que j'ay faict preparer » pour les recevoir. Pour quoy donc » seroit - ce? Je ne sçay, respond »l'aultre; mais le Roy m'a commandé de vous bien enjoindre de on'y faillir; & yous dire d'avantage, » que pour ce qu'il veult parler à vous Ȉ part, il va coucher exprès avec » la Royne; & vous sçavez, quand »il est là, que personne du monde »pour grand Prince qu'il foit, ou » favory, même M. le Connestable, » ne se presente ou s'ingere de frapper Ȉ la porte ou d'y entrer : la gou-»vernante des filles de la Royne »est commandée de vous attendre and e pied coy pour vous ouvrir quand » vous y frapperez. Par ainfy, Mon-» fieur, n'y faillez pas, & fur les » huich heures : je vous donne le bon ofoir w.

1551.

Ceste créance toutesfois troubla = fort l'esprit de M. de Vieilleville; & HENRI ne pouvant imaginer qui auroit occasionné le Roy d'envoyer le sieur de Crevecœur les querir, puisqu'il estoit allé les bien-veigner de sa part; & luy sembloit ce traict très-estrange, prenant oppinion, que ceste traverse devoit necessairement provenir de quelque maligne imposture, & qu'on luy eust presté quelque charité. Mais il s'asseuroit de n'avoir point failly en sa charge; mesme, que le Roy s'estoit fort loué & contenté de son rapport. Si est-ce qu'il ne scavoit qu'en penser, ny à qui s'en prendre. Et ce qui plus le tenoit en telle inquietude, estoit que Sa Majesté s'estoit descouchée de sa chambre pour parler à luy à part. Sur quoy il fantastiqua tant de choses, que toute la nuit il ne feist que dorveiller; demandant, plus souvent que toutes les heures, s'il estoit jour.

Le jour venu, il s'achemina droict à la chambre de la Royne, attendant I heure propre pour se presenter de-

Lij

166 MEMOIRES DU MARÉCHAE

1551.

= vant le Roy; & y allant, rencontra HENRI II. M. le prince de la Roche-fur-Yon tout prest pour aller à la volerie; qui luy demanda, s'il n'y vouloit pas venir; car puisque le Roy couche chez la Royne, tout le monde a liberté d'aller à l'esbat, d'aultant que la chambre est close à toutes fortes de gens, mesme aux valets de chambre. Mais M. de Vieilleville va luy déclarer tout ce que M. de la Bordaiziere luy avoit dict; & qu'il attendoit l'heure pour entrer. De quoy M. le Prince entra en une indicible peine, pour l'amitié qu'il luy portoit; & se fist desbotter fur le champ, envoyant dire à fes gentilshommes, & faulconniers, qu'il remettoit la partie à une aultre fois. Et dist à M. deVieilleville, qu'il vouloit veoir la fin de cecy : car la créance de M. de la Bordayziere le mettoit en une terrible fantaisse. Et entrerent en la falle de la Royne, où ils ne se pourmenerent gueres, que la gouvernante des filles entr'ouvrit la porte de la chambre, & feist signe à M. de

Vieilleville de venir : qui dict à M. le == Prince: » Je ne fçay que c'est, Mon- HENR » fieur; mais vous voyez bien qu'il y a quelque partie dressée. Toutes-» fois je me fie en mon innocence & men mon espée; que si quelqu'un » m'en a presté d'une, je jure au Dieu vivant, il se peult asseurer » que je luy en donneray deux : Al-»lés, mon cousin, dist le Prince, » que si l'on vous a calompnié, & si » vous prenez pour soustenir vostre » droict aultre second que moy, je » renonce à jamais à voltre alliance » & amitié; & je ne partiray de ce » lieu, que je ne vous ave veu fortir ».

Estant entré, il trouva le Roy desja tout prest, mais devisant avecques la Royne qui s'achevoit d'habiller. Et après avoir faict la reverence deue & accoustumée à leurs Majestez, le Roy luy commanda d'entrer au cabinet de la Royne, & qu'il avoit quelque chose à luy dire, ce qu'il sist, où estoient M. le Chancelier & M. de l'Aubespine: de quoy il sust assez esbahy. Et les

Liv

168 MEMOIRES DU MARECHAD

1551.

= ayant faluez, il leur demanda de HENRI II. quoy il estoit question. Mais M. le Chancelier luy respondit, que c'estoit au Roy à le luy faire entendre, & non pas à eux. » Il ne reste plus, dist M. de Vieilleville, » qu'à veoir le grand Prevost pour me faire penser en ma conscience. »Si cela estoit en termes, respond » M. le Chancelier, il n'en fauldroit » poinct d'aultres ». Mais M. de Vieilleville repliqua, que le tout dependoit de la capture, & qu'ils n'estoient pas affez forts pour l'arrester; leur monstrant la fenestre du cabinet qui respondoit sur ung jardin, qu'il eust plustost franchie qu'ils n'y eussent pansé: dont ils se prindrent tous trois bien fort à rire. Et entrant Sa Majesté sur ceste risée, il en demanda le motif; qui fust, après l'avoir entendu, à cœur ouvert, de la partie.

Ce plaisir passé, le Roy dist à M. de Vieilleville, qu'il l'avoit envoyé querir pour luy remonstrer, que par cydevant il l'avoit voulu honorer de

beaucoup de grades & estats : premierement, de le faire Chevalier de HENRI II. l'Ordre par le feu Roy; puis de Juy donner les cinquante hommes d'armes du feu sieur de Chasteaubriand; une aultre fois, la moitié de la compaignie du Mareschal du Biez: ce que toutesfois il auroit reffusé, à son grand regret, pour le desplaisir qu'il recevoit en son ame de le veoir si peu advancé, l'ayant fuivi & fervy par si longues années, & avoir esté employé en tant d'importantes & hazardeuses charges, desquelles il se seroit tousjours acquicté avecques gloire & honneur & au contentement de ses maistres,

Que si maintenant il s'oppiniastre, comme par le passé, à s'excuser de prendre ung estat qu'il luy veult donner, & qui n'est que pour le rendre digne de marcher au ranc des plus grands de son royaume, il fe peult asseurer que de sa vie, il ne luy parlera d'advancement quelconque; mais que au contraire, il fe pourra bien retirer en fa maison

170 MÉMOIRES DU MARÉCHAE

1551.

= pour y vivre privément & y para-HENRI II. chever ses jours. A quoy M. de Vieilleville respondit, avec une très-humble reverence, que puisqu'il plaisoit à Sa Majesté ainsi haultement le pourvoir, il estoit tout prest, quoy que ce fust, de l'accepter; & en remercioit très-humblement Sa Majesté, louant Dieu, que ce bien luy venoit selon & au desir du serment qu'il avoit faict, de jamais ne briguer, folliciter ny importuner Sa Majesté, de luy donner auleun office, grade ou estat.

Alors le Roy print des mains de M. le Chancelier, les lettres d'estat de Conseiller du Roy en son privé conseil, au nom de M. de Vieilleville, toutes scellées; & les luy donna, disant : » Je vous honore de » cest estat, Monsieur de Vieilleville, » pour aulcunement cognoistre vos »bons fervices; & ce, pour ung » commencement de quelque remu-» nération, m'asseurant que vous m'y » fervirez ausi fidellement, comme » vous avez faict en tout ce que le

»feu Roy Monseigneur & pere & = moy, vous avons jamais comman- HENRI II. » dé; & pour ce que vostre suffisance » & valeur, prudence & fidelité, me » font affez cognues, je n'en voul-» drois nullement prendre le ferment » de vous ; mais estants ceste forme » & usance, en tel cas accoustumée, » & de toute ancienneté observée, » Monfieur le Chancelier, faictes lever »la main ». Et cependant entra en la chambre de la Royne. Le ferment presté, M. de Laubespine l'endossa bien-tost sur ces lettres sur le champ: & entrerent en ladice chambre, de laquelle leurs Majestez estoient prestes à fortir.

Mais, auparavant, le Roy dist à M. de Vieilleville, à part, qu'il estoit venu coucher là exprès, pour ofter à ung chacun l'oppinion que d'aultre que de luy, & de son propre mouvement, il avoit esté promeu à ceste dignité : car fi cela fust advenu en fa chambre, tout le monde eust panfé que la faveur du Mareschal de St. André y fust intervenue : mais 15,10

172 MÉMOIRES DU MARÉCHAL

1551.

= il vouloit que l'on creuft qu'il n'avoit HENRI II. esté convié à l'honorer de ce grade, que par foy-mesme, & du desir qu'il avoit de l'advancer, en recognoisfance de ses merites. De quoy M. de Vieilleville le remercia très-humblement, jusques à donner du genoil en terre ; priant Dieu qui luy feist celte grace, de si fidellement s'en acquitter, que Sa Majesté en reçeust à jamais contentement, & ne se peuft repentir de le y avoir colloqué. Là dessus, ung huissier de la chambre du Roy le vint advertir, de la part de M. le Connestable, que les Allemands estoient arrivez; qui fut cause, que Sa Majesté print congé de la Royne, pour aller trouver son bon compere, & adviser ensemble de la forme qu'il falloit tenir pour leur donner audiance, en quel lieu. à quelle heure & en quelle compaignie: & fortit par une petite porte qui respond sur la chappelle.

M. de Vieilleville qui avoit laisse M. le prince de la Roche-fur-Yon en peine de luy, le voulut bien

lever de cest eschec; & le trouvant = encores en la falle, luy dist qu'il HENRI avoit eu si grande haste d'aller devers le Roy, qu'il n'avoit pas eu loisir de le remercier très-humblement de l'offre volontaire qu'il luy avoit faicle de le seconder au cas que mal bastat ce qu'il faisoit presentement ; mais il le supplioit de continuer ceste bonne volonté, ayant plus que jamais besoing de son assistance; car il luy falloit combattre deux des plus maulvais & dangereux garçons de toute la Cour. Et le pressant le Prince, comme desja tout esmeu de colere, de les luy nommer, M. de Vieilleville ne luy peut donner la bourde toute entiere; car, forcé de rire, il luy nomma M. le Chancelier & M. de l'Aubespine, luy monstrant tout aussitost ses lettres d'estat de Conseiller du privé conseil, avec son serment desja endossé : & luy discourut tout au long comme toutes choses avoient passé; sans oublier le très-honneste langaige que le Roy luy avoit tenu, qu'il estimoit plus que tout le reste.

174 Mémoires du Maréchat

De quoy ledit sieur Prince demeura
Henri II. infiniment aise & contant: qui ne

fust, sans hault louer Sa Majesté
d'une telle discretion; car il avoit
aultant ou plus cher le bien & advancement de M. de Vieilleville que
le sien propre. Et s'en allerent trou-

CHAPITRE V.

ver le Roy, fort joyeux & contans.

Le Roi donne audiance aux Deputés des Princes de l'Empire. Il tient conseil sur la réponse qu'on leur fera.

LE CHENIL dont nous avons parlé cy-dessus, estoit ung superbe bastiment composé de deux longs & grands corps de logis, où estoyent deux belles salles, & neuf ou dix chambres assez spacieuses, avec galleries haultes & basses, & escuyries pour cinquante ou soixante chevaux, & deux cours qui contenoient dix

ou douze loges separées les unes === des aultres, pour toutes sortes de HENRI IL chiens, chacune accompaignée de sa chambrette pour les valets des limiers, qui respondoient sur l'estang, pour la commodité de tant de meuttes de chiens courants, pour le fauve & pour le noir, que ce grand & magnifique Roy François avoit faict ainsi bastir dedans le pourpris de sa maison de Fontainebleau. Et estoit ce logis voué & dedié pour le grand Vaneur de France, & tout son attirail de chasse; assin que luy, qui aimoit ce plaisir plus que aultre Roy qui l'ait precedé, n'allast chercher les lieutenans, picqueurs & tous aultres officiers & valets de sa vannerie, plus loing que de mille pas au sortir de sa chambre; pour ordonner de l'affembler quand il y vouloit aller; & ne prenoit pas plaisir, qu'aultre que luy s'en entremist; ny d'y estre suyvy, que de ceux qu'il nommoit aux mesmes Vaneurs.

De ce lieu-là, M. le Connestable, accompaigné quasi de toute la Cour, 1551.

vennerie.

176 MÉMOIRES DU MARÉCHAE

15510

horsmis des Princes, mais de ce HENRI II. qu'il y avoit de Chevaliers de l'Ordre, tous avecques leurs grands colliers de l'Ordre, vint en grande magnificence prandre le duc de Symerch & les aultres deputez d'Allemaigne, pour les mener & conduire devers le Roy, luy baifer les mains, qui les attendoit en la grande falle de Fontainebleau, que l'on appelle du Bal. La Majesté duquel les receust fort humainement, & n'y en eust ung seul des principaulx & plus apparants, qu'il ne favorisast de l'accolade; les aultres de la main. Dequoy ils demeurerent fort contants & bien édiffiez, de la familiere privaulté d'un si grand Prince. Après cela, la segregation faicle par euxmesmes de leurs deputez d'avec les aultres qui n'estoient que de la suite, ils entrerent avec le Roy en la falle du Conseil, où le duc de Symerch proposa en latin le desir que les Estats du St. Empire avoient d'entrer en alliance avec Sa Majesté. En quoy il fust assez brief; mais il prefenta.

féparation.

fenta le comte de Nanssau pour luy = faire entendre les occasions de leur HENRI II. legation, & parachever le reste. Duquel, le discours fut fort long, mais non ennuyeux, d'aultant que ce fut en très-élegant langaige françois : dequoy toute l'assistance receust bien grand contentement. Si est-ce que en toute & principale substance, sa harangue ne contenoit que les poinces que vous avez veus au commencement de ce livre, avec une infinité d'exemples, tant vieils que modernes; une longue deduction de l'origine des deux nations; fubmissions & offres merveilleuses de leurs biens, facultez, & de leur vie; fur-tout très-amples louanges de la nation Françoise, des Roys & de la Couronne de France. Dequoy Sa Majesté les remercia fort humainement, & commanda à M. le Chancelier de leur faire entendre son intention; qui s'en acquitta dignement. Aussi en estoit-il tout preparé, par le rapport qu'en avoit faict M. de Vieilleville à Sa Majesté. Et pour Tome II.

15510

178 Mémoires du Maréchat

1551.

= ce que le faict meritoit bien une HENRI II. meure deliberation de Confeil, il leur en remist le reste au lendemain, que le Roy auroit pris l'advis & l'oppinion des Princes de fon sang & de ses plus feaux Conseillers & ferviteurs. Ainsi se departit l'assemblée, que M. le Connestable remena au cheinil, & les y traicta, comme grand-Maistre de France, où ils ne veirent de leur vie ung tel apparat, fi abondant, ny tellement ordonné; & tant que le difner dura, les violons & haultsbois ne manquerent chacun en leur tour. La musique en après, tant de la chappelle du Roy. que des chantres de sa chambre, leur dirent graces avec motets & chansons sans nombre. A l'yssue de quoy, confitures & dragées leur furent apportées en toute abondance ; puis ils furent reconduits à Moret par le sieur de Crevecœur, attendants la réfolution du Confeil de Sa Majesté.

Le Roy, qui vouloit depescher ces Allemands, commanda à M. le

Connestable de faire convoquer le = Conseil, auquel il desiroit entrer HENT incontinant après disner. Dequoy tout aussi-tost ceux qui en estoient. furent advertis par les Huissiers. Et toute la compaignie assemblée, & chacun affis felon fon ranc, Sa Majesté leur remonstra que la proposition que les Deputés des Estats de l'Empire avoient faicte ce matin, n'estoit pas de petite conséquence; fur laquelle il les prioit tous affectueusement de bien pezer le succès du dommage ou du proffit qui luy pouvoit provenir de ceste protection; & que, tout premierement. ils considerassent qu'il estoit fort bien avecques l'Empereur; & que de resveiller ou irriter ung si puisfant & dangereux ennemy, il estoit à craindre, s'il en survenoit quelque inconveniant préjudiciable à fon Estat, que toute la Chrestienté ne luy en donnast le tort, d'avoir si ligerement rompu ceste fraternité, qui estoit à son advis bien stable & arrestée, encores qu'il n'y eust rien M ij

180 MÉMOIRES DU MARÉCHAL

1551.

de juré entr'eux par acte solempnel HENRI II. de paix ou de treve, & qu'on imputast ceste entreprise au vice d'ambition. Plus, qu'ils se souvinssent qu'il avoit pris n'agueres en sa protection le duc de Parme, pour laquelle maintenir il auroit envoyé une grosse armée de-là les monts, dont il demeuroit quali épuisé de finances, estant contrainct, pour son honneur, de l'entretenir, puisqu'il l'avoit entrepris. Item, la guerre qu'il a eue en Picardie contre les Anglois, pour le recouvrement de la ville de Bouloigne, en quoy femblablement il auroit soustenu une excessive & quasi incroyable defpence.

Qu'il luy fembloit qu'ayant mis, par la grande grace de Dieu, fin à tout cela, il ne devoit plus rien entreprendre, mais laisser reposer ses subjects de toutes qualités; car generalement tous ont paty & patissent, quand les armées passent & repassent si souvent par son royaume; qui ne se peuct faire sans une

pitoyable oppression & foule du pauvre peuple ; joinct les ordinaires HENRI IL commissions de creues & recreues, que l'on distribue par toutes ses provinces, caufées fur levées des deniers, pour la subvention de ses affaires; & que d'aultre part, sa gendarmerie & noblesse, qui sont les principales forces & appuys de fa couronne, & les aultres gens de guerre, se retrouvent de ceste heure fi harraffez, qu'il est besoing desormais de leur donner quelque respit & relasche. Que à ceste cause, il les prioit non-feulement, mais fommoit, fur le ferment & l'obligation qu'ils ont au bien de son service, de luy donner conseil en saine conscience, fur une telle & si importante affaire.

1551.



HENRI II.

CHAPITRE VI.

L'avis du Connétable, sur la réponse que l'on devoit faire aux Députés d'Allemagne, entraîne les suffrages de presque tous les membres du Conseil.

ENCORE que fussent en ce Conseil les cardinaux de Bourbon, de Lorraine, de Guyse, trois ou quatre Princes du fang & aultres grands, comme les princes & ducs de Guyse. de Nemours & Daumalle, mesme le Chancelier de France, auquel seul il appartient, à cause & pour le devoir de son estat, de prendre tousjours la proposition du Roy, pour la deduire, ampliffier, & mieux faire gouster, par son sçavoir, à l'assistance; toutesfois M. le Connestable, fans aultre respect, suivant sa couftume de ne jamais ceder à personne. print incontinant la parolle, difant que le Roy, qui leur demandoit

conseil, le leur avoit donné luymesme, & faict fort amplement en- HENRI tendre sa conception, qu'il falloit fuivre de poince en poince, sans aulcunement y contrarier, n'ayant en ses remonstrances rien de proposé, qui ne fust très-équitable & bien congneu à toute la compaignie; laquelle il supplioit, en bien pezant & considerant le tout, de donner conseil & advis à Sa Majesté, selon la congnoissance qu'il avoit des affaires de ce royaume, & leur desir au bien du service de ceste couronne; & quant à son oppinion, il aimeroit mieux, non-seulement perdre ses estats, mais tous ses biens, qu'elle fust aultre que celle de Sa Majesté: adjoustant, qu'il ne luy pouvoit entrer en la fantaisse que le duc Maurice se fust tourné & bandé si-tost contre l'Empereur, l'ayant fait chef de la maison de Saxe, de laquelle il n'estoit que cadet, pour l'avoir investy, par la confiscation de son aisné Jehan Frederic, de l'electorat de Saxe, avec quinze ou saeze bonnes villes

15514

M iv

184 Mémoires du Maréchae

HENRI II. 1551. Talers, monnoie d'Allemagne. qui en dependent; desquelles le revenu monte par an à quinze ou faeze cents mille talarts. Et que pour ceste raison, il ne pouvoit moins que faire conjecturer qu'il se tenoit couvert de quelque sinistre entreprise contre la France, foubs ce très-honorable tiltre de protection. Davantage, que les Allemands font quelquefois fubjects à se desvoyer aussi souvent de l'entendement comme de l'estommac, & ne sont pas trop certains en leurs promesses; alleguant quelques exemples de plusieurs Colonels de leur nation, qui manquerent de leurs levées de gens de cheval & de pied au feu Roy, pour avoir été gaignez par l'Empereur, qui leur haulsa leur folde, & servent commeunement à qui plus leur donne. Mais premier que de rien accorder avec eux, feroit necessaire, en tout évenement, d'envoyer en Allemaigne sept ou huict habiles hommes bien entendus en la langue germanique, qui se retireroient chez les pensionnaires que le Roy y entretient, pour ensemble

descouvrir & donner lumiere diligemment & en toute fidelité, s'il y HENRI II. a quelque venin caché dessoubs telles & si liberalles offres. Que telle estoit fon oppinion, & pria M. le cardinal de Bourbon de dire la sienne.

Lequel ne la feist pas si longue, fe doubtant bien que le Roy & son bon compere avoient parlé & opiné par la bouche l'un de l'autre; & ce qui plus le luy faisoit croire, estoit que M. le Connestable s'estoit advancé contre son rang & tout l'ordre accouftumé, au Conseil, principalement le Roy présent, de prendre ainsi indiscrettement la parolle, & en dire le premier, fans aulcune defference, son advis; ce qu'il avoit faict, ce luy fembloit, affin de prevenir toutes aultres opinions, & pour imprimer à tout le reste la sienne : de sorte que sans trop despendre de langaige, ny ennuyer la compaignie, il va conclure aux mesmes fins.

Tout de mesme en userent les Cardinaux & Princes fuldicts, Chancelier, Mareschaux de Sain&-André

186 MÉMOIRES DU MARÉCHAL

1551. * la Marck. enune affaire

= & de la Marche *, & six ou sept HENRI II. Gouverneurs de provinces, qui firent bientost courre le pacquet, ainsi que ont accoustumé faire les Advocats sur un bareau en cause de petite peu confidépratique, que l'on appelle ad idem. Mais quand ce vint au ranc de M. de Vieilleville, qui avoit pris langue du comte de Nanssau, & entendu de luy ceste particularité à Moret, ne put acquiescer aux precedents advis; mais ayant tousjours la veue fichée devers la face de fon maistre, & luy addressant sa parolle. commença à parler ainfy.

CHAPITRE VII.

M. de Vieilleville ouvre un avis contraire à celui du Connétable : Griefs contre l'Empereur.

» J E NE vous sçaurois assez exprimer, Sire, l'extresme desplaisir que » je reçoy en mon ame, que pour ma » premiere entrée en ceste très-illus-

stre & respectable compaignie, qui -»n'est que d'aujourd'huy seulement HENRI II. » que j'en aye esté honoré par Vostre » Majesté, je soye contrainct de dire mon oppinion qui ne peult estre so en ma conscience que toute con-» traire à ce qu'il vous a pleu nous » proposer, & aux oppinions de tous » Messieurs les reverendissimes Car-» dinaux, illustrissimes Princes, & » grands Seigneurs qui m'ont pre-»cedé; car il semble qu'ils vous » veullent ravir des poings, & de » dessus le front, la plus grande » gloire qui puisse estre offerte, ny parriver à un Roy de France, de le »choisir protecteur du St. Empire » de la Chrestienté; qui est plus » estimable, quasi, que si on vous » presentoit le mesme diademe im-»perial: d'aultant que l'on vous a »esleu fur tous les Roys & Princes » du monde, digne de controller les »actions d'un Empereur tiran, & » de le contraindre par les armes à ofe rendre subject aux loix de l'Em-» pire, & de le chastier de ses mal-

188 MÉMOIRES DU MARÉCHAL

== »versations. Encores, Sire, ne sçau-HENRI II. »roit-on juger à quel évenement & » conséquence pourra réussir ceste mentreprise; car il ne fault poinct » doubter, que l'indignité de ses ortirranicques oppressions, & le mes-»pris qu'il a tousjours faict depuis » son election de tous les estats de » l'empire, principalement des grands » Princes qui y sont, n'ayent telle-» ment irrité toute la Germanie, que » quand on verra vostre armée ap-» procher du Rhin & joindre celle » du duc Maurice, qu'il ne foit en » danger de perdre sa couronne ; & » vous, en hazard de vous la mettre » sur la teste.

> » Quant à la bonne intelligence, ⇒ que Vostre Majesté allegue se pou-»voir maintenir entre vous deux; » ses vulpines ruses & cauteleux de-» portements, dont il a tousjours » usé jusques icy, vous en doivent »donner toute preuve. Car de sa » vie il n'a faict ouverture d'amitié savec le feu Roy, & Vostre Ma-» jesté, que pour y gaigner quelque

advantage, & se prevaloir, par » cest amusement, des desseings qu'il Henri II, » projecte contre ceste couronne qu'il » a mortellement odieuse. Car toute »la Chrestienté sçait assez, que sans » les valeureuses resistances du pere »& du fils, il en seroit aujourd huy » paisible Monarque. Mais voulez-» vous, Sire, un plus certain tesmoi-» gnage de son infidelité, que de son » passaige par la France; pour lequel » obtenir, parce que, sans ceste faveur, il perdoit indubitablement »tous les Païs-Bas, il se soubsmist » quasi à la carte blanche : toutes-» fois estant hors le royaume, il se » mocqua de toutes ses promesses; » car il n'en tint pas une : & se » voyant dedans Cambray, dist au »Prince de l'Infantasque telles parol-∞les: Que le Roy de France ne se mette pas, s'il est sage, en ma misericorde, comme j'ay esté en la sienne; car, je jure au Dieu vivant, qu'il n'en seroit pas quicte pour la Bourgoigne & Champaigne; mais je vouldrois aussi la Picardie, & les clefs devers les champs de la bas-

1551.

de l'Infan-

190 Mémoires du Maréchal

HENRI II. vie, ou estre confiné en une perpetuelle

1551. prison jusques à l'entier complement de
ma volonté.

» Ne voilà pas, Sire, & vous tous » Messieurs, ung estrange remercie-"ment? Et se pourroit-il imaginer » au monde une plus perverse & fe-"lonne ingratitude, que ceste-là, "après avoir esté honoré d'une enstrée par toutes les meilleures villes adu royaume de France, si pom-» peuse & magnifique, que nous ne » lisons poinct que jamais nos Roys sen avent faict une pareille? Car oultre les triomphes, fomptuolitez, e festins & riches presens qui luy furent faicts; toutes les prisons luy »furent ouvertes, & n'y avoit criminel de quelque forte de crime »qu'il euft esté convaincu, fans nul sexcepter, à qui son chancelier Gran-»velle ne donnast la grace soubs » seing & scel de son maistre, & » contre-figné de ses Secretaires od'estat. Davantaige, par toutes les »villes où il passa, il y avoit ung

Prince du fang ordonné pour le == Frecevoir. Et vous, M. le Connes- HENI »table, l'allastes recueillir à Bayonne si pour l'amener à Loches où le Roy » & la Royne sa sœur l'attendoient, » par lefquels il fust accompaigné, » après tant d'excellentes & incom-» parables magnificences, que malaisofement pourroit - on maintenant mimiter ny representer, jusques à Sainct-Ouentin. Et vous-mesme, "Sire, affisté de feu M. d'Orleans voltre frere, & fuivy de Messieurs » de Vendosmes, d'Anghien, prince se de la Roche-fur-Yon, de Nevers, » d'Aumalle & de plusieurs aultres "Princes & grands Seigneurs, le vin-» tes conduire en fa ville de Valen-»ciennes; & pour toute recompense ade tant d'honneurs, innombrables » peines, & excessives despences, »avoir eu regret & un despit enragé, »qu'il ne tenoit encores le feu Roy prisonnier, pour forcer oultre tout "droict divin & humain sa volonté; » & au deffault de ce, le menacer "de le faire mourir. De forte, Sire,

192 MÉMOIRES DU MARÉCHAL

1551.

ague ce vilain, fauvage, & barbaref HENRI II. » que traict, qui procede d'une très-»mechante ame, vous doit bien » faire defraciner du cœur & de l'efsprit, toute esperance de jamais » pouvoir former avecques luy une » parfaite amitié; mais au contraire, »aultant de fois qu'il vous en fera » parler par ses Ambassadeurs, vous » devez de tant plus près & soigneu-» sement prandre garde à vos affaiores, fans yous amuser, ny jamais » plus s'arrester à ses frauduleux ap-» pasts & perfides attraicts.

»Et pour venir au duc de Parme, » que Vostre Majesté a pris en sa protection; penseriez-vous bien, »Sire, que le Pape fut chef & prin-»cipal entremetteur de cette guerre? »Rien moins; mais croyez, qu'il en » est seulement le manteau, soubs »la couverture duquel l'Empereur »fournit d'hommes & d'argent. En »voulez un meilleur tesmoignage, » que ce fust luy-mesme qui fist mas-»facrer Pierre-Loys Farneze, pere »de ce Duc, & que tous les chefs, Capitaines,

» Capitainnes, & la pluspart de toutes -»les trouppes qui font service à sa HENRI II. » Saincteté en ceste entreprise, sont »Imperiaux, & qui toute leur vie » luy ont faict serment & service en ofes guerres d'Italie : Vostre Ma-» jesté, & la pluspart de ceste com-» paignie, les congnoist tous ; qui me » gardera de m'estandre à les vous » nommer, pour vous remonstrer, non » pas en saine sincerité seulement. mais en toute sainceté de conf-»cience, que vous faictes un tort »irreparable à la reputation de vofotre couronne, de reffuser ceste si » honorable charge & élection que »le St. Empire vous presente; car » puifqu'ainsi est, que l'Empereur, par ofoubs main, vous faict la guerre; mayant desja, oultre les precedentes » preuves, faict mener en son chaf-∞teau de Milan les Capitainnes & sentilshommes François qui ont mesté pris en combattant devant Darme & la Mirande; il la luy fault ofaire tout ouvertement, & à la veue » de tout le monde, sans couvrir son Tome II.

15510

194 MEMOIRES DU MARECHAL

== » jeu, ny aultrement dissimuler. Et HENRI II, sone sçauriez mieux, ny plus gene-» reusement commencer, que par ce » beau & fuperbe voyaige d'Allemaigne, affin qu'il esprouve de plus men plus l'invincible puissance de oceste couronne : qui est telle, que de quelque costé qu'il se soit jamais marmé, ny de quelque part qu'il sait tourné ses forces, tant par mer m que par terre, il a tousjours trouvé celles du feu Roy vostre Seigneur & pere, & les vostres, pour luy »faire teste, qui ont arresté tout »court, voire dissipé & reduit à néant toutes ses entreprises.

> "Il ne se fault poinct, au reste, » excuser sur la necessité; car la »France est inexpuisable; s'y trouwant ordinairement mille movens m de lever deniers, sans fouler le peu-»ple, ne fust-ce que des empruncts » volontaires fur les plus aisez de ce »Royaume. Et quant à moy, je pense eftre le plus pauvre de la compaingnie, au moins des plus malaisez; mais j'ay encores pour quinze mille

»francs de vaiselle, tant de cuisine = » que de buffet, blanche & vermeille, HENRI II. » que j'offre liberalement mettre en-»tre les mains de ceux que vous sordonnerez, pour en faire ce qu'il »leur plaira, affin de subvenir aux » frais de ceste si louable entreprise. » que Dieu par fa faincte grace & » bonté, d'aultant qu'elle est fondée » sur toute justice & équitté, sera » reussir à la gloire & honneur de » Vostre Majesté, & reputation de la » nation françoise; remettant à vous » faire entendre quelque fecrete par-»ticularité, que l'un des principaux o de ceste ambassade m'a dicte, après » que tous ces dignes personnages, » qui doivent oppiner après moy » auront achevé de parler; & m'af-» seure, que la vous ayant décou-» verte, vous emploirez toutes vos » forces & moyens pour effectuer ce » que je vous propose, car oultre ce » qu'il y va de vostre supreme gran-» deur, vous bastirez des boulevarts, ocourtines, & imprenables remparts » pour la perpetuelle conservation de » tout voltre eftat ». Nij

15510

HENRI II.

CHAPITRE VIII.

Avis des autres Conseillers d'Etat: M. de Vieilleville propose au Roi de s'emparer de Metz, Toul, & Verdun.

A PRÉS que M. de Vieilleville eust ainsi hardiment oppiné, M. de la Caze-dieu, auquel il escheoit de

parler, va commencer ainsi:

»Sire, il ne se peult rien adjouter
» à l'oppinion de M. de Vieilleville,
» ny diminuer aussi; & me semble
» qu'elle est très-digne d'estre suivie;
» & sinon que j'estime que Vostre
» Majesté l'a bien retenue, je la re» capitulerois volontiers, pour le
» très-grand plaisir qu'il y a de la
» redire & de l'escouter: car son
» zele très-ardant à la grandeur de
» ceste couronne, & les moyens qu'il
» a si promptement trouvez, s'enga» geant le premier à la subvention
» par luy proposée, vous doivent
» bien faire ouvrir le cœur & les

yeux, non-feulement, mais l'ef-» prit & l'ame, à l'entréprise de ce Henri II. ovoiage; & pour ne rien farder, mais dire du vray, le vray seroit so une par trop grande honte & in-» dignité, de reffuser une si hono-» rable, & pour mieux dire, celeste » élection, projectée de si longue main, » jurée par tels & tant de Princes, » fondée fur une si faincte occasion. » presentée & offerte par si excellens » Ambassadeurs, & pourchassée par sune telle nation, qui est la plus » grande, non pas de la chrestienté, mais de toute l'Europpe. Et quant Ȉ moy, je pense avoir environ vingt mille livres de rente du bienfaict » de nos Roys; j'en donne liberalement la moitié, tant que le voyage » durera pour subvenir aux frais de » l'armée ».

Parce que M. de la Caze-dieu estoit fort respecté du Roy, & de toute la compaignie, en estime d'un fort homme de bien, & qui avoit eu promesse des sçeaulx, torsque le Chancelier cuyda mourir, il n'y 1551.

Nij

1551.

pour juger un proces.

= avoit que demy an ; tous les Evef-HENRI II. ques & Maistres des requestes qui estoient environ saeze, oppinerent ad idem, offrants, en semblable, tous leurs moyens & facultez plutost que ce voiage ne se resolust : desorteque, si ce conseil se fust tenu pour les parties, M. de Vieilleville l'emportoit, parce que dix-fept Conseillers avoient fuivy fon oppinion, & quatorze seulement celle de M. le Connestable. Mais en matiere d'Estat, principalement pour la guerre, & le Roy present, tous les resultats deppendent de la conclusion de Sa Majesté, par laquelle bien souvent il renverse toutes oppinions, ou n'en prend, finon ce qu'il luy en plaist.

Le Roy voyant qu'il le falloit quicter * pour n'encourrir une si universelle honte par toute la chrestienté; aussi que les Cardinaux & Princes ne voulants demeurer des derniers en l'offre de leurs moyens, avoient changé d'advis, demanda à M. de Vieilleville quelle estoit ceste

^{*} Qu'il falloit abandonner l'avis du Connétable.

Tecrette particularité qu'il refervoit = à dire : lequel respondit à Sa Ma- HENRI II. jesté, s'il luy plaisoit se retirer à part, qu'il la suy feroit entendre : & s'estant le Roy & tout le conseil levez, il s'approcha de Sa Majesté, qui appella M. le Connestable ; &

luy discourut de ceste façon:

"Sire, vous avez bien fceu, comme l'Empereur s'est faezy des villes »Imperialles de Cambray, Utrecht, »& du Liege qu'il a énervées de D'Empire, les ayant unies & incor-» porées à fa Comté de Flandres; »& en a faict ung rempart à tous ofes Païs-bas, au grand détriment ode toute la Germanie; & parce poque les Princes Electeurs du St. » Empire ont descouvert, qu'il a prosjecté en son esprit d'en faire aulmatant des villes Imperialles de Metz, Strasbourg, Thoul, Verdun, &aulotres villes fur le Rhin qu'il pourra »attrapper; ils ont avisé secrettement d'avoir recours à vos forces. sans lesquelles ils ne peuvent defstourner ce malheureux & detestable

15510

200 MÉMOIRES DU MARÉCHAL

J551.

» desseing, qui seroit la totale ruine lenri II. » de l'Empire, & la perte manifeste » de vostre royaume. D'aultant que » par ceste investiture, vous seriez Ȉ jamais esclave, & privé de toute »l'intelligence que vous avez en »Allemaigne; car il vous osteroit »tout moyen d'y faire, pour l'ad-» venir, laulcune levée; & vous sça-∞vez que c'est le grenier de vos »forces, aimants trop mieux, les » Princes susdicts, que vous en sae-» zissiez, que aultre Prince quel qu'il » soit, & principalement luy; car »si vous endurez qu'il y entre le ⇒ premier, vous aurez tous jours, voi-»re de mois en mois, nouvelles » forces fur les bras, ausquelles il »ne vous sera possible de resister: »car il ne vous en sçauroit venir » de ce costé-là, pour l'empesche-» ment qu'il y mettra. Par ainsi, em-»parez-vous doulcement, puisque » l'occasion s'y offre, des susdictes » villes, qui seront environ quarente » lieues de païs gaigné sans perdre wyng homme, & ung inexpugnable

» rempart pour la Champaigne & la = »Picardie; en oultre, ung beau HENRI IL »chemin & tout ouvert, pour en-» foncer la Duché de Luxembourg, » & les pais qui sont au dessoubs. »jusques à Brucelles; plus, vous » faire maistre à la longue de tant » de belles & grandes villes, que l'on » a arrachées des fleurons de vostre » couronne; & de recouvrer, pareil-»lement, la fouveraineté de Flan-» dres que l'on vous a si frauduleu-» sement ravie, qui appartient aux » Rois de France, il y a plus de mille mans, & de toute immemoriale an-» cienneté ».

1551.



HENRI II.

CHAPITRE IX.

Le Roi approuve cette proposition.

C'EST ce que m'a dict, Sire, le » comte de Nanssau : à quoy je veux »bien adjoufter quelque chose du » mien, qu'il vous plaira ne trouver maulvais; qui est, que Vostre Ma-»jesté ne considere pas, que tous oces Princes, qui font grands, vous mpreferent à leur Empereur; que ils » vous aiment mieux pour voilin ogu'un Prince de leur nation ; & » que pour vous favoriser, ils ne » craignent pas d'offencer son frere "l'archeduc Ferdinand, qui doit » estre Empereur après luy, estant » desja Roy des Romains. Que si, » par crevecœur du reject que vous » voulez faire de ceste protection » qu'ils vous presentent avec tant de » courtoisse, ils se rallient avec l'Em-» pereur, vous n'aurez pas moins de » quarante mille chevaux, & cent mille hommes de pied devant la

»fin de Novembre, en vostre fron-»tiere de Champaigne. Où sont vos HENRI II oforces, ny apprests pour leur faire »teste? Quel estat pourrez-yous »faire de vostre royaume, ny de »quelle esperance nourrirez - vous » M. le Dauphin de regner après vous? » A ceste cause, Sire, meurissez bien, s'il vous plaist, celte consideration men vous-mesme, premier que de » conclurre le reffus. Et quant à ce »que vous avez allegué, Monsieur, » addressant sa parolle à M. le Con-»nestable; que vous en conjecturez » qu'il y ait quelque perfidie cachée ofoubs si belles offres ; j'aimerois mieux avoir perdu tout mon bien » pour le service que je vous ay toute ma vie voué, que ceste parolle » parvînt jusques à leurs oreilles : ocar si tels Princes que ceux-là, & oqui font fouverains, dont l'un met » la pomme ronde en la main gau-»che d'un Empereur à sa création, oqui denote la monarchie; l'aultre, » l'espée en la droicte pour se la maintenir; & le tiers, le diademe impe-

1551.

204 MÉMOIRES DU MARÉCHAL

1551.

= »rial fur la teste, n'ont ny foy ny HENRI II. » parolle; en quelle race de gens la » pourra-t-on trouver ? Croyez haradiment, Sire, qu'ils y procedent and la franche marguerite; & qu'il ne s'y couve que une parfaite amitié o qu'ils veulent former mutuellement »avecques vous & la couronne de »France, qui se convertira en une » haine pernicieuse & inimitié immorstelle, si vous la mesprisez. Il vous » plaira doncques, Sire, commander » à toute l'affistance de se rasseoir, & » faire là-dessus entendre hault & clair » vostre intention. 3

> Le Roy ayant attentivement compris toutes les remonstrances de M. de Vieilleville, diftà M. le Connestable: qu'il n'y avoit que tenir, & qu'il croyoit que Dieu l'avoit inspiré d'avoir en ce jour créé M. de Vieilleville de son conseil; car sans luy il eust rejecté ceste protection, en quoy il eust faict une grande playe à sa reputation, & fappé de fonds en comble tout fon estat. Mais M. le Connestable, qui se sentit picqué de

ceste parolle, la recouppa incontinant, disant : que ce qu'il avoit HENRI II, oppiné n'estoit que pour valider & foustenir sa proposition; & qu'il en ordonnast ce qu'il luy plairoit : qui fut cause que Sa Majesté ordonna à tous ces Messieurs de reprandre leurs places. Mais, premier que se rasseoir, M. de Vieilleville luy dist à part, (M. le Connestable toutesfois present, car personne ne parloit jamais au Roy qu'il ne se jectast à la traverse), que le comte de Nansfau luy avoit expressement enjoinct de tenir secret l'emparement des susdictes villes : car si elles en estoient adverties, vous n'en auriez pas si bon marché; mais se feroient crever pour la manutention de leur liberté, d'aultant qu'elles s'intitulent villes franches Imperialles ou de l'Empire; qui ne reçoivent édits, loix, commandements, fubfides, maletostes d'un Empereur, ny subjection, que telle qu'il leur plaist, & ont feance & voix deliberative aux diettes qui sont convoquées pour le

15510

206 Mémoires du Maréchat

bien commun de toute la Germanie HENRI II. Et en ceste grande trouppe d'Ambassadeurs que vous voyez, il n'y a que le 1551. duc de Simmerch, & le comte de Nans-

sau, qui le saichent.

Sa Majesté luy dist qu'il luy avois faict ung très-grand service de l'en advertir; car ce eust esté le premier propos qu'il eust mis en avant, pour honnestement couvrir sa propolition; & commença, ayant repris sa place, à parler ainsi:

CHAPITRE X.

Le Roi déclare sa résolution au Conseil.

∞ M es chers cousins, & vous » tous mes bons serviteurs & amys 2 » je ne me puis assez louer de la »franche volonté que vous avez au »bien de mon fervice, quand fi »liberalement m'avez offert moyens & facultez pour foulaiger • & soustenir mes entreprises; de

• quoy je vous remercie de tout mon » coeur, reservant à en tirer ma com- Henri 1 modité, si tant est que mes finances »n'y puissent satisfaire. Toutessois »j'espere, avec l'aide de Dieu, que pje n'en auray aulcun besoing; car pj'ay encores beaucoup de fonds en mon espargne, & au tresor du Louwvre. Aussi, que je ne suis nullement men arriere pour le reste de ceste ⇒année 1551; estant ce dernier quar-"tier d'Octobre, Novembre & De-»cembre, encores tout entier à re-»cevoir & entrer en mes coffres: ∞& que, d'aultre part, les assigna-»tions de toute ma gendarmerie, » qui est de quatre mille cinq cents whommes d'armes, sont departies, »& desja envoyées aux lieux où ∞elle est en garnison, esparse en » divers lieux de mon royaume, pour »faire monstre pour ce present quarotier; qui me vient fort à propos, »car j'ay deliberé & resolu en mon •ame de suivre le conseil & advis » de M. de Vieilleville, & accepter »ceste tant honorable protection qui

208 MEMOIRES DU MARÉCHAE

* invité.

= »ne peut que redonder à ma gloire HENRI II. » & honneur, y estant semonds * & ap-» pellé pour une infinité de pregnan-» tes raisons que vous sçaurez quelo que jour. Nous avons encores quaortre bons mois de loisir pour mettre » sus une gaillarde armée; de laquelle » je veux que le rendez-vous foit fur » la fin du mois de Mars 1552, aux senvirons de Jouynville, & fur les »limites de la frontiere de Cham-» paigne. Et quand ce voyage ne fe-» roit entrepris que pour refveiller » l'ardante jeunesse qui est à ma suicte, » de plusieurs Princes & Seigneurs qui ofont pour le present inutiles, en-∞cores ne trouverai-je la despence »mal employée; & veux, oultre » ma gendarmerie que j'augmenteray mencores de cinq cents lances, rem-»plir mon armée de six mille chewvaux ligiers, cent pour compai-»gnie; desquels, dez maintenant, »je fais & constitue Colonel mon »cousin le duc de Nemours; & ne » vacqueray, tout le reste de ce mois » d'Octobre, que à distribuer & despescher

» pescher des commissions pour les = » levées de ladice cavallerie; & pour HENRI II. ocent enseignes de gens de pied, nouvelles bandes de trois cents » hommes chacune, & de foixante » compaignies de harquebuziers à »cheval, cent hommes pour com-» paignie; avecques quarente ensei-» gnes de vieilles bandes, que je ti-»reray, tant de Piedmont, que des »aultres villes frontieres de mon royaume, qui font de deux cents »chacune; & despescheray en Al-» lemaigne, à mes bons fideles penionnaires, les Colonels de Piftol-»liers & Lanfquenets, de m'amener vingt cornettes de gens de cheval. Ȉ trois cents hommes chacune, & » six regiments de gens de pied, à » dix enseignes par regiment, de or cinq cents hommes chacune; & m'asseure que mes bons confede-» rez les cantons de Suysse, me fourmiront, aussi - tost que mandez, and douze mille bons hommes; fans »compter les legionnaires de Normandie, Champaigne & Picardie, Tome II.

1551.

210 Memoires du Maréchat

HENRI II,

» qui pourront revenir à doûze mille » hommes; & environ huict ou dix » mille bons chevaulx des arriere-» bans de la noblesse casaniere de » mon royaume. De toutes lesquelles » forces je veux que mon armée foit » composée; oultre que je m'asseure oqu'il fe trouvera plus de huict mille braves gentilshommes volon-»taires, que je n'estime pas moins » que ma gendarmerie, & où il fe » trouve beaucoup de Seigneurs qui » vouldront entreprendre ce voyai-⇒ge, & y paroistre pour me faire »fervice, acquerir honneur, & fe wyanter, à leur heureux retour, d'a-» voir abbrevé leurs chevaux en ceste » tant renommée riviere du Rhin. Et soultre tout cela, je feray publier, » que toute ma Maison se trouve au-» dict mois de Mars en armes, pour » accompaigner ma cornette; font » encores deux mille bons chevaulx. »& gentilshommes de nom & de » marque: doncques, chacun fe pre-» pare de bonne heure de se mettre sen équippage, felon fes moyens &

» facultez, pour me fuivre, esperant, = savec l'ayde de Dieu, que le tout HENRI II. préuscira à bien; estant mon inten-» tion fondée sur toute équité, & pour rembarrer ung si pernicieux ennemy de mon Estat & de ma nation. » & qui se baigne & delecte à tourmenter, fans aulcun respect, toutes » sortes de gens. Que si Dieu me fai-» soit ceste grace, de le trouver si à » poinct en bataille bien rangée & sordonnée, que je le puisse com-» battre, ou son fils le Prince d'Hef-» paigne, je m'estimerois trop heu-» reux d'y perdre la vie. »

Après que le Roy eust achevé de parler, & ainfy disposé de l'estat de son armée, toute l'assistance fist demonstration d'une incredible joye, par ung applaudissement d'allegresse nompareil; difant tous, de voix commune, que ceste prompte volonté luy provenoit d'une inspiration divine, que Dieu conduiroit à très-heureuse fin, veu qu'il n'y avoit aulcune tache d'ambition, ny animosité de vindicte; mais ung desir

1551.

I551.

charitable de fecourir une pauvre HENRI II. nation affligée, & mettre beaucoup de grands Princes en liberté. A quoy adjousterent tous les Princes, tant du fang que aultres, qu'il falloit que generalement tous les bons fubjects du Roy, principalement les nobles, & aultres de moyen, y employassent les biens & la vie, pour faire espaule à une telle & si saince entreprise; & que quant à ceux qui tenoient, comme Princes, le premier ranc en ce royaume, ils estoient tous prests de commencer, pour donner courage, par leur exemple, à tout ce qui estoit au-dessoubs de leur qualité, de les ensuivre, & faire le femblable. Dequoy Sa Majesté demeura infiniment contente & fatisfaite: & tous unanimement louerent Dieu, de ce que M. de Vieilleville avoit esté ce jour créé & receu en ceste compaignie; sans l'advis duquel, qui avoit combattu & renversé les oppinions des plus grands de ce Conseil, & acheminé les aultres à suivre la sienne, la cou-

ronne de France estoit en hazard = d'encourrir une irreparable honte. Henri Mais comme ils se vouloient lever, M. de Vieilleville dist tout hault, qu'il estoit très-necessaire de licentier l'Ambassadeur de l'Empereur, & le faire fortir du royaume; & par consequent retirer celuy de Sa Majesté: " Car nous sçavons bien, dist-»il, que oultre descouvrir les deis-» seings du Roy, il taschera de de-» guiser les actions de son maistre, » comme il a faict par cy - devant, » de l'execution de justice qui fut » faicte à Auxbourg dernierement, du » brave colonel Sebaftien Volgeberg » & de deux de ses Capitaines; car » il fist accroire au Roy, à M. le Con-» nestable, & à tout son Conseil, » que son maistre leur avoit fait trenscher la teste pour leurs voleries, »violements, & aultres malversa-»tions; & jure devant Sa Majesté, » fur mon honneur & fur ma vie, que »ne fust que pour avoir fait service Ȉ la Maison de France; mesme que »le bourreau, tenant encore l'espée

ISSI

O iii

214 MÉMOIRES DU MARÉCHAL

ISSI.

» fanglante, prononça tout hault; HENRI II. » que tous ceux qui iroient doresna-» vant faire fervice au Roy de Fran-»ce, feroient punis de mesme supplice; & qui me croira, il aura » dès ce soir son congé, affin qu'il » desloge de bon matin ». Ce qui fust encores treuvé le meilleur du monde par le Roy & toute la compaignie, & ne se pouvoient garder de hault Iouer sa prevoyance & bon entendement. Si est-ce que à deux heures après l'yffue du Conseil, la Cour estoit pleine de ce propos; que M. de Vieilleville avoit bien taillé de la befogne au Roy & à la Couronne de France; que ce royaume se fust bien passé de ceste folle entreprise, & quand on eft bien à fon aife, on ne s'y peult tenir. Mais on descouvrit aussi - tost de quelle boutique estoit sortie ceste calomnie, en despit de laquelle toutesfois, la jeunesse de la Cour bruyoit de ce voyage & s'en rejouissoit. M. de Nemours, entre aultres, embrassant M. de Vieilleville, le remercia d'avoir esté si

ferme en son oppinion; car s'il eust = plié comme les plus grands, il fust HENRI II. demeuré sans charge, & toute sa vie inutile. C'estoit ung jeune Prince gaillart, fort volontaire & avantureux, & qui ne manquoit poinct de valeur, forty puisné de sa maison de Savoye : & pria M. de Vieilleville de luy donner ung Lieutenant pour fa compaignie colonelle, jurant & protestant qu'il n'en auroit

que de fa main.

A fon imitation, M. d'Anghien, & M. Loys de Bourbon, qui depuis fut appellé prince de Condé, freres de Monfeigneur Anthoinne de Bourbon, duc de Vendosme, luy en demanderent; comme aussi fist le joune duc de Longueville, en semblable René Monsieur de Lorraine, & le Grand-Prieur de France, freres, & tous deux enfants de feu Monfeigneur Claude de Lorraine, duc de Guyfe, & d'aultres jeunes Seigneurs; de forte que M. de Vieilleville tira de la compaignie de M. le Marefchal de Sain&-André, vingt & ung O iv

1551a

216 MÉMOIRES DU MARÉCHAL

1551.

= hommes d'armes, qui furent tous HENRI II. Lieutenants de compaignies nouvelles de gendarmerie ou de cavallerie ligere, & mist les vieux archers en leurs places; puis remplit la compaignie de jeunes gentilshommes de Bretaigne, d'Anjou & du Meyne, puisnez de bonnes maisons, que leurs peres ou freres aylnez, en la faveur, misrent en bon équippaige pour paroistre en ce voyaige. Car d'y mettre, comme font plusieurs Capitaines de gendarmerie, leurs valets de chambre, & ceulx de leurs femmes, argentiers, fourriers, brodeurs, appotiquaires & barbiers, il estoit si homme de bien, d'honneur & de conscience, qu'il eust plustost quicté pour jamais les armes, voire choify la mort, que de commettre une telle faute: » Car c'estoit, disoit-il, ung »larcin manifeste faict au Roy, d'aulstant qu'ils tirent la paye, & n'ont schevaux ny armes, l'addresse ny »le couraige de luy faire service; pencores moins la hardiesse de re-» garder par mal le moindre de ses

» ennemis, tant s'en faut qu'ils osaf-» fent le combattre ».

HENRI II.

CHAPITRE XI.

Le Roi donne à M. de Vieilleville le commandement de sa Cornette.

CE VOYAGE d'Allemaigne ainfy conclud & arresté par la propre bouche du Roy, M. de Vieilleville fust ordonné, par Sa Majesté, d'aller le matin devers les Ambassadeurs à Moret, pour le leur annoncer. Il est impossible d'exprimer de quelle joye & allegresse ils receurent ceste bonne nouvelle, ny de quelles caresses & embrassements ils le festoyerent. Mais il leur fist bien redoubler l'aife, quand il leur affeura des forces dont le Roy avoit faict estat en plein Conseil, desquelles il vouloit que fon armée fust composée, pour l'heureuse entreprise de ce voyage. Puis les pria, de la part de Sa Majesté, de venir le Dimanche ensuivant dis-

220 MEMOIRES DU MARÉCHAE

HENRI II.

» vous ne sçavez encore ce que le »ciel vous garde en l'evenement de » cefte très-haulte & fublime entre-» prise ». Qu'il advienne, dist le Roy, ce qu'il plaira à Dieu; mais j'en verrai la fin : & n'en demande aultre recompense, sinon que ces Princes-là, & leur nation, se puissent louer de ma bonne volonté, à laquelle j'adjousteray, moyennant sa grace, de si braves effects, qu'il en sera memoire à jamais; mais surtout, je ne desire rien plus que de rencontrer mon ennemy, pour le payer tout à la fois des traverses, persidies & meschancetez qu'il a exercées toute sa vie contre cest Estat, ou y mourir. Et puis luy demanda quelles nouvelles ils en avoient, où il pouvoit estre, & s'il estoit fort? A quoy il respondit, que par les dernieres qu'ils avoient receues, il estoit à Linx; mais que le Roy des Romains avoit l'armée à Ingolstat, & qu'il y avoit longtemps qu'ils raudoient fur les bords du Danube, & qu'ils ruinoient tout ce pays-là. Sa Majesté luy demanda, s'il ne

Lintza

vouloit pas prandre une compaignie = nouvelle de gendarmes. Dequoy il HENRI le supplia de l'excuser; car il estoit si obligé de parolle & d'amitié à M. le Mareschal de Sain&-André, qu'il ne pouvoit quicter sa Lieutenance qu'après le voyage; & n'y avoit pas vingt & quatre heures qu'il le luy avoit ainfy promis. Ausli, que sa compaignie demeureroit la plus descousue de toute l'armée, s'il l'abandonnoit en ceste extresme & très-urgente occasion. Doncques, dist le Roy, je veux que sa compaignie & celle du Duc de Guise accompaignent ma cornette, tant que le voyaige durera; & ordonne des-à-present, que vous y commandiez generalement. Dequoy il remercia très-humblement Sa Majesté, comme de charge plus honorable mille fois que une compaignie nouvelle de gensdarmes; d'aultant qu'il s'y jecte plusieurs grands Seigneurs qui n'ont poinct de charge, pour marcher foubs la cornette du Roy, & estre tousjours veus de Sa Majesté, Là - dessus sur-

1551

222 Mémoires du Maréchat

HENRI II.

= vint M. de Guyse, que nous appellions ci-devant duc d'Aumalle, auquel Sa Majesté fist entendre son intention, qui l'en remercia aussi trèsdignement, disant que de meilleure main ne pouvoit estre commandée, l'asseurant que ces deux cents hommes d'armes, foubs ung tel & si valeureux Chevalier, passeroient tousjours sur le ventre de cornettes de Reithres ou Pistolliers; & qu'il n'eftoit plus en peine du ranc que devoit tenir sa compaignie en ce voyage; & que quant à fa personne, il l'avoit vouée, aux pieds de Sa Majesté, pour ne l'abandonner jamais qu'ils ne fussent de retour en France.

CHAPITRE XII.

Festin donné par le Roi aux Députés des Princes de l'Empire.

LE DIMANCHE venu, qui fust environ le xx d'Octobre* 1551, tous

* Le xx d'Octobre 1551, étoit un Mardi. Les Dimanches de ce mois combent le iv, le xj, le xviij, le xxv.

1551.

ces Allemands vindrent du matin à = Fontainebleau, conduicts au Chef. HENRI II. nil pour se raffraischir & accommoder; puis furent amenez en la grande falle, qu'ils trouverent si richement parée, & le couvert de quatre longues tables, si bien ordonné, qu'ils en tomberent en une inexprimable admiration; avec les armoiries de l'Empire, parmy lesquelles il n'y avoit rien meslé de la Maison d'Austriche; ensemble toutes celles des Deputez & des villes Imperiales, avec festons, trophées, & merveilleuse abondance de clinquant d'or & d'argent, qui voletoit par-dessus, donnant grandissime lustre à tout cest appareil; en l'afpect & contemplation duquel, il ne leur ennuyoit nullement, en attendant Sa Majesté: laquelle arrive là-desfus, qui les salua pour la seconde fois, accompaignée de si grands Princes & Seigneurs, & avec fi riches & fumptueux veftements, qu'on les eust tous pris pour eftre Roys.

Sa Majesté print le duc de Sym-

224 MÉMOIRES DU MARÉCHAL

1551.

merch & le comte de Nanssau pour NRI II. deviser. M. le Connestable & les Princes, en devis avec d'aultres & leurs truchements. M. de Vieilleville s'accosta du prince d'Oranges, qui desja le cherchoit; si bien que pas ung d'eux ne demeura seul à faulte d'entretien, attendant le service.

> Lequel apporté, chacun desdicts Ambassadeurs fust assis selon sa qualité specifiée au roolle qu'avoit envoyé le comte de Nanssau à M. de Vieilleville; & tousjours ung Prince du fang, ou d'aultres, entre deux; le Roy esloigné de tous, non pas tant qu'il n'eust pû parler avec le duc de Symmerch, en disant par les truchements.

> De m'estendre & deschiffrer par le menu l'excellence de ce festin. feroit une superfluité subjecte à mocquerie; mais seulement je diray, que aux nopces d'une fille de France. I'on n'eust peu faire mieux; hormis que M. le Connestable ne servit de son estat de Grand-Maistre, mais le premier à l'aultre table, après celle

du

du Roy, où estoit le reste des Deputez des Princes du St. Empire & HENRI I des Villes; & à la troisiesme, quelques jeunes Princes & Seigneurs Allemands, qui estoient venus pour leur plaisir veoir la France; à la quatriesme, grand nombre de gentilshommes de suice, & aultres honnestes ferviteurs; tousjours un Seigneur de la Cour entre deux, comme dict est.

Le disner finy, le bal commença, où la Royne, toutes les Dames, filles de la Royne, & aultres Damoyselles se trouverent, ornées, parées, & si richement accoustrées, avec tant de graces & de beautez, que ces Allemands demeurerent comme ravis de chose si rare, admirable; & non accouftumée en leur region. Et après la dance royale, qui de deux à deux, que le Roy avoit commencée & menée, on leur fonna des allemandes, parce que c'est leur dance ordinaire, & qu'ils entendent le mieux; & parmy elles, des gaillardes, pour leur monstrer la difposition & bonnes graces de nostre Tome II.

226 MÉMOIRES DU MARÉCHAE

1551.

jeunesse Françoise. Après laquelle; il ne s'y presenta pasung seul de leur trouppe, fors le prince d'Oranges, qui s'en acquitta fort dextrement, & eust emporté le prix de la gaillarde, si avec ses despostes, capriolles, tours & destours, fleurettes drues & menues, gamberottes, bonds & faults fort ligiers & adroicts, il eust ob-

fervé la cadance.

Tous ces passe-temps parachevés, & la collation de confitures prise, qui fut très-somptueuse, le Roy aboucha le duc de Symmerch, faifant le comte de Nanssau le tiers. tant à cause de la langue, que de l'authorité & prééminence qu'il avoit en ceste legation; & furent en ce parlement environ une heure : puis monterent à cheval pour s'en retourner à Moret, affin de partir le lendemain. Mais le Roy les accompaigna jusques au bout de la forest, qui dure lieue & demye de ce costé-là. Et auparavant que d'y arriver, Sa Majesté qui avoit commandé au sieur de Marconnet, lieutenant de la vanerie, de luy faire lancer un cerf

fur le chemin, donna ce plaisir à = ces Allemands; car ledit Marcon- HENRI II. net, qui estoit fort experimenté vaneur, n'y faillit pas, & le fist lancer fort à propos : si bien qu'ils le coururent à veue plus de demyelieue, en une grande & longue lande; & comme il voulut gaigner le boys, il trouva dix levriers en teste, qui luy firent rebrousser chemin & le prindrent. Dequoy les Allemands furent très-aises, car il leur fut entierement departy; mais merveilleusement estonnez, de veoir cent ou fix - vingts picqueurs, qui avec leurs trompes disoient la mort du cerf; car en leur pays, ceste façon de chasser ne s'exerce pas, ains chassent seulement avec la harquebuze ou arbalestre, & l'abbayeur. Et 1eur dict adieu Sa Majesté, tout de cheval. Ils virent bien toutesfois les presents qui les suivoient, conduicts par les sieurs de Crevecœur, de Soubize, & d'ung valet de chambre du Roy, nommé Griffon, avec les officiers qui les devoient porter à la

1551. veneur.

Pij

228 MÉNOIRES DU MARÉCHAE

fuicte desdicts sieurs, qui estoient chargez de les presenter. Sçavoir, quatre bussects d'argent, celuy du Duc, doré, de vingt-cinq pieces; les aultres, sans dorure, & de dixhuict pieces chacun; trente & quatre chaisnes d'or, dix de quatre cents escus chacune, dix aultres de deux cents, & le reste de cent; à toutes, les médaillons d'or de l'essigie du Roy; avec douze pieces de draps de soye, quatre de velour noir, quatre de fatin violet, & quatre de

Tous lesquels presents furent departis suivant les qualités, rancs & prééminences specifiées au roolle qu'avoit envoyé le comte de Nanssau à M. de Vieilleville; de sorte que toute ceste trouppe partit le lendemain matin, si contante que merveilles. Quant aux quatre pieces de tassetas blanc, elles estoient dediées & reservées pour la distribution des escharpes: & n'y avoit, depuis le plus grand jusques aux laquais, valets de cochiers, garsons de cuy-

fine & de table, qui ne portast, au = partir de Moret, l'escharpe blanche, HENRI IL. avec une allegresse nompareille; accompaignez cependant, qui estoit le comble de leur joye, des mesmes officiers du Roy, pour les conduire jusques à Sainct-Dizier, où ils les avoient pris, avec le traictement accoustumé.

1551.

Par toutes lesquelles despences, tant de celle qui fut faicte depuis leur entrée jusques à leur fortie du royaume, que durant leur sejour à Moret & à Fontainebleau, qui fust tousjours sur les coffres du Roy, comprenant la valeur & richesse des prefents, comptant aussi douze chevaux coursiers d'Hespaigne, avec ung fort sumptueux équippaige, que le Roy donna aux jeunes Princes d'Allemaigne qui estoient venus avec les Deputez pour veoir le Roy & la France, on peult bien juger que la grandeur d'ung Roy de France furpasse & excelle tous aultres Roys, & n'y en a aulcun, en tout cest univers, qui luy foit comparable,

P uj

230 Mémoires du Maréchau

Aussi, quand ils veulent deputer lenri II. quelque Ambassadeur devers nostre Roy, les plus grands Seigneurs de leur pays briguent à vive force ceste charge, & se battent à la perche pour y estre préserez.

CHAPITRE XIII.

Le Roy assemble une grande armée; & s'empare de Metz.

Ces Princes d'Allemaigne ainsi partiz, & les nouvelles receues qu'ils estoient hors le royaume, le Roy sist publier l'entreprise & resolution de son voyage, & ordonna du departement de sa gendarmerie, comme de sa principale sorce; & sist semblablement publier pour les arriere-bans de France, & convoquer toute sa Maison, pour se trouver tous generalemet, au dixiesme de Mars ensuivant 1551*, au lieu du

^{*} En ce remps-là , l'année commençoit à Pasques ; ainsi , le mois de Mars appartenoit à la sin de l'année

rendez-vous cy-dessus mentionné. Et ne fault poinct demander de HENRI II. quelle allaigresse & affection ung chacun s'excita à s'y preparer. En quoy tout l'hyver se passa : & n'y avoit bonne ville où les tambours ne se fissent ouyr pour faire levée de gens de pied, où toute la jeunesse des villes se desroboit de pere & mere pour se faire enrooller; & la pluspart des boutiques demeurerent vuides de tous artisans, tant estoit grande l'ardeur, en toutes qualitez de gens, de faire ce voyage, & de veoir la riviere du Rhin. Aussi falloit-il bien du monde, pour rendre promptement complettes cent compaignies de gens de pied, à troys cents hommes chacune.

Parmy lesquelles il se jecta ung grand nombre de jeunes gentilshommes, qui n'avoient pas moyen de se mettre à cheval; car il y avoit en ce temps-là, aux bandes Françoises, des places pour honorer la

1551, & au commencement de 1552, selon notre maniere de compter. Piv

135 In

232 MÉMOIRES DU MARÉCHAL

noblesse, quand elle se vouloit rana II. ger avec les gens de pied pour faire Ieur apprentissage d'armes : sçavoir, douze lansespessades en chasque compaignie, à trente livres par moys chacune, & quatre payes royales, à quarente livres par moys aussi chascune, qui estoit ung assez honneste appoinctement pour entretenir & dreffer beaucoup de braves gentilshommes, & estoient reservées lesdictes places à foldats de ceste qualité, que les Capitaines ne donnoient pas, mais les Lieutenants de Roy aux villes & provinces frontieres (fur lesquels ils se reposoient); & estoit leur secrette charge d'esclairer les actions des Capitaines, n'estant subjects ny obligez à aultre faction que de faire les rondes à leur tour, après lesquelles ils se retiroient en leur logis: car de passer les vingt & quatre heures en garde, ils en estoient, & par faveur, & par mérite, exempts; & pour armes ordinaires, portoient le corselet, & jamais la harquebuze: mesme que le gentilhomme François

qui fuit les bandes, desdaigne la = halebarde, c'est-à-dire, faire l'estat HENRI II. de fergent, encores moins d'estre appellé capporal, alleguant que font charges mecaniques; car fi ung foldat a enfrainct les ordonnances, ou failly en sa faction, ils sont tenus de luy mettre la main fur le collet, & bien souvent de l'attacher eux-mesmes au carquan ou collier, ou de l'appliquer à l'estrapade, ou bien de l'amener jusques au lieu où il fault qu'il passe par les armes : si c'est par les picques, de le pousser dedans les rancs en la misericorde de fon parain; si c'est par les harquebuzades, de l'attacher eux-mesmes au pousteau; qui sont traicts que le gentilhomme abhorre, pour le moins en nostre nation Françoise: mais en tout le reste du monde, l'on n'en use pas ainfy; car les plus estimés & redoubtez, sont les officiers de la justice, & principalement en Allemaigne.

Enfin l'armée se trouva par trouppes, au moys de Mars, sur la fron15510

234 MÉMOIRES DU MARÉCHAE

1551.

= tiere de Champaigne, devers Jouyn-HENRI II. ville, comme nous avons dict, où le Roy sejourna quelques jours, à cause de la maladie de la Royne; mais la voyant asseurée de sa santé, il commencea à marcher & fuyvre M. le Connestable, qui, avec le gros de l'armée, s'estoit desja emparé de la ville de Metz, par les ruses & stratagemes celebres en plufieurs histoires, tant françoises que latines; encores y a-t-il des Allemands qui en ont laissé quelques memoires en leur langue; ung, entre aultres, en latin, nous appellant trahistres, & use de ces propres termes contre nostre Roy : Hostis pro hospite, sub spe & fide protectionis, Germaniam invasit & proditorie, cum omni persidia, Metim, Tullum & Verdunum, olim clavem sancti Imperii, amplissimas & immunes civitates sibi asciscere ausus est.

Mais ce pedant yvrongne, estoit ignorant du fonds de ceste entreprise; car toute la perfidie, s'il y en avoit aucune, provenoit des Princes de sa nation, qui pousserent Sa Ma-

jesté à ceste investiture, suyvant l'advis qu'en donna M. de Vieilleville, HENRI II. à la persuasion du comte de Nanssau, pour les raisons que nous avons amplement deduictes au huictiesme chapitre de ce quatriesme Livre.

1552.

CHAPITRE XIV.

Entrée du Roy dans la ville de Metz. M. de Vieilleville refuse le Gouvernement de cette Ville: Motifs de son refus.

LE Roy, avant entrer dedans Metz, voulut veoir en la plaine son armée, qu'il trouva plus grosse de quatre ou cinq mille chevaux, que le project, qu'il en avoit par ci-devant faict, ne portoit. Mais la noblesse de France luy fist paroistre l'affection qu'elle portoit à son Roy. Dequoy il fust aussi esbahy que contant; car il y en avoit plus de cinq cents, des maisons & des noms desquels il n'a1552.

voit jamais ouy parler; toutesfois; HENRI II. avec contenance & façons de braves guerriers, & l'équippage de mesme; qui luy fist prononcer ces mots: Je ne doubte plus, à ce que je voy, que je ne soye le plus fort & puissant Prince de la Chrestiente; & ne tiendra que à moy, au lieu d'estre protecteur de l'Empire, que je ne me fais Empereur. Et ayant faict mettre en bataille ces cinq cents volontaires à part, qui estoient tous quasi de Bretaigne, de Normandie & du Meyne, qui faisoit ung hôt fort gros & furieux, il fe presenta à la teste, & pour les envisager tousjours en marchant, & les remercia en general de leur bonne volonté.

> Puis ayant demandé à M. de Vieilleville, qui estoit tousjours près de fa personne, accompaignant sa cornette, comme dict est, où estoit Espinay, il se presenta incontinant; car il n'abandonnoit jamais fon beaupere, auquel il dict : Espinay, vous n'avez poinct de charge en ceste armée; je veux que vous commenciez par ceste-

cy, & que vous commandiez à ceste belle = trouppe volontaire; & que Scepeaux *, HENRI II. qui est sorty n'agueres de Paige de ma chambre, en porte la cornette. Sa Majesté sçavoit bien aussi qu'il estoit chef du nom & des armes de M. de Vieilleville; & commanda aux Mareschaux de camp de leur bailler quartier, tant que l'armée marcheroit, & jusques à la fin du voyaige; à quatre Mareschaulx de logis avec fix Fourriers, de les loger d'ordinaires, & aller querir le pain & aultres vivres d'amonnition, quand il en feroit befoing, & jamais ne les abandonner.

Le Roy doncques, après avoir bien revisé son armée, bataillon pour bataillon de gens de pied, hôt pour hôt de gendarmerie, & tous scadrons de cavallerie ligiere & harquebuzerie à cheval, non fans ung trèsgrand contentement & indicible allaigresse, & avoir faid ronsler son artillerie, qui estoit de soixante pie1552.

^{*} Guy de Scepeaux, qui fut fait depuis Capitaine de so hommes d'armes, & Chevalier de l'Ordre,

238 Mémoires du Maréchat

ces de tous calibres, jusques à trois ENRI II. fois, oultre la scopeterie de toutes les bandes, que vieilles, que nouvelles, & de si grand nombre d'harquebuziers à cheval, qui dura plus de deux heures, fist son entrée en la ville de Metz, le lundy de Pasques dix-huitiesme d'Apvril 1552, marchant après son armée, qu'il fist traverser toute la ville, entrant par la porte Sainct-Thibault, & fortant par celle de Saincte-Barbe, en belle ordonnance : où le Maire, Eschevins, & aultres Magistrats, n'oublierent rien de leur devoir à Sa Majesté; comme du poisse, de la harangue, & aultres ceremonies accoustumées en France; lequel ils conduisirent jusques à la grande Eglise, pour adorer, & se loger au Palais épiscopal.

Tout ce que dessus, estoit fort bien, avec grande grace & admiration, executé; mais le séjour de Sa Majesté en la ville, qui fust de neuf ou dix jours, luy apporta beaucoup de préjudice; encores plus ce qu'il sist

avant desloger, à faulte de croire confeil; car le mardy au foir, après HENRI IL la huitaine passée, il appella M. de Vieilleville, auquel il dift; qu'il estoit plus raisonnable qu'il demeurast Gouverneur & fon Lieutenant-général à Metz, que nul aultre, puisqu'il avoit esté le premier qui en avoit sceu le secret, fans la declaration duquel, & sa ferme oppinion au conseil qui en avoit esté tenu à Fontainebleau, qui avoit renversé la sienne & toutes les aultres, il n'eust jamais entrepris ce voyage; le bon fuccès duquel, dont il voyoit desja de belles apparences, luy devoit estre entierement repputé. A quoy M. de Vieilleville respondit, après l'avoir très-humblement remercié, qu'il n'estoit pas d'advis que Sa Majesté y establist auleun Gouverneur; mais qu'il laissaft ceste charge au Maire & Eschevin, & commander en sa presence aux huict Capitainnes de vieilles Bandes, qui y demeurerent avecques leurs compaignies, de luy obeir; & qu'il ne les met

15529

que pour la file des vivres de fon RIII. armée, & la seureté des allants & venants en France, principalement 552. des courriers; & fon advis estoit, qu'il luy devoit laisser ung maistre d'hostel, avec d'aultres officiers pour luy entretenir fon plat, & honorer ensemble les aultres magistrats de riches presents, pour les gaigner & rendre affectionnez à fon service, avec promesse de faire fortir les sufdits Capitainnes & toutes leurs trouppes, ensemble tout ce qui sera du nom & de la nation françoise, & leur faire accroire qu'il n'avoit entrepris ceste protection sur aultre volonté, que pour faire rendre à tous les estats du St. Empire leur premiere & ancienne liberté: » Car: » Sire, adjousta M. de Vieilleville, s'ils » voyent que vous mettiez ainsi des » Lieutenants par les villes que vous »passerez, & des garnisons, vostre mentreprise est descouverte; & peradrez par ce moyen ces belles villes, » de Strasbourg, Spire, Vormes & * tant d'aultres qui sont sur le Rhin; lesquelles

» lesquelles n'ont pas failly d'envoyer = » des espions en ceste ville pour es- HENRI Il. » clairer vos deportements, affin de » fe gouverner en vostre reception, » suivant le traistement que vous »ferez à ceux-cy : je ne sçay qui » vous donne ce conseil, mais je le » trouve fort pernicieux pour l'avan-» cement de vos affaires; car quand vous aurez les fusdictes villes du »Rhin, celles qui font au deça ne vous peuvent fuir ny faillir; & n'est » pas en la puissance de trois empires »de vous empescher d'en jouir. A »ceste cause, Sire, il vous plaira y penser; & vous en supplie très-» humblement. Et quant à l'estat dont mil vous plaist m'honorer, je ne le » veux nullement accepter, aimant mieux mourir, qu'il me soit repro-»ché, & à ma posterité, que pour al'ambition d'ung gouvernement » j'aye frustré la couronne de France » d'une frontiere de telle & si grande » estendue, qui vous ramene & fai& orentrer au royaume d'Austrasie » qui est la premiere couronne de Tome II.

15520

242 MÉMOIRES DU MARÉCHAY

E5520

» nos anciens Roys. Il y a assez d'aul-HENRI II. atres gouvernements au cœur de »vostre royaume que je ne reffu-»zeray pas, quand l'occasion se pre-» sentera. Et vous suppliray seule-»ment de me garder ceste bonne » bouche en vostre cœur, quand Dieu » vouldra qu'il en vienne à vacquer.

» Comment seroit-il possible, dist »le Roy, que je laisse ung Lieute-»nant estranger en pays estrange, » duquel je n'ay le serment de fide-»lité que depuis vingt & quatre »heures, encores avec toutes les » difficultez & disputes du monde; »jusques à respondre à ceux que »j'avois députez, pour le prendre » de luy & de son conseil, que l'on »appelle les traeze, qu'ils n'avoient ∞que ung ame, ung cœur & ung » honneur; ne pouvants à ceste oc-» casion faire deux serments; & que, » de tout temps immemorial, ceux » qui ont exercé les charges où ils » font colloquez, l'ont tous jours pref-»té en la chambre imperiale establie Ȉ Spire, pour estre, tant qu'ils exer-

»ceroient leurs estats, fidelles & » obeissants subjects & serviteurs du »St. Empire; ce qu'ils ont sembla-» blement faict. Duquel ferment, fi non les vouloit descharger, leur »honneur faufve, ils estoient tous » prets de me jurer fidelité, avecques prealable refervation de leurs an-»ciennes libertez, privileges, franochifes & immunitez : & fi mon »compere * n'y fust survenu, qui les y a contraincts, mesprisant toutes » leurs allegations, ils n'eussent ja-» mais passé oultre : de façon qu'il »n'y a poinct d'apparence que je » m'y doive fier ; au contraire, feroit »ung moyen de perdre la ville & »mon armée, & faire coupper la » gorge à tout ce qui passeroit d'icy »en France, & qui de-là me vienadroit trouver a.

Mais M. de Vieilleville rembarrant ce propos en guerrier & homme confumé ès affaires d'effat, luy refpondit ainsi: » Je trouve, Sire, que

HENRI 11.

^{*} Le Roi appelloit ainsi le Connestable de Montemoreney.

Q ij

244 Mémoires du Maréchat

HENRI II.

»l'onn'a gueres advancé vos affaires; » de les avoir pressez & contraincts » de vous faire le serment; car tous » leurs voifins en feront bientoft ad-» vertis, si desja ne le sont; qui cuira »extremmement; & trop toft le ofentirez; & de craindre que ce maistre eschevin, qui s'appelle "Tallanges, vous peuft, commanodant en estat de gouverneur, faire »ung maulvais office, c'est mal senotir de sa suffisance, qui ne mist » jamais le nez qu'en ung poisse pour » boire carroux *, & vous deffier des » braves moyens que vous avez pour » prevenir toutes les ruses & lubti-»litez que l'on pourroit inventer »pour troubler vostre service. Car ne laissez-vous pas en ceste ville le » capitainne Boisse, qui est Mestre-» de-camp général de toutes les Ban-» des françoises de deçà les Monts, » pour commander aux dix compai-» gnies de vieilles Bandes, que vous

^{*}Boire carroux, ou faire | boire jusqu'à ce que tout carroux ou carrousse, signisse faire la débauche, | mand garrhausse.

»fort experimentez, qui ont veu » toutes les guerres de Piedmont, & »la pluspart de leurs soldats, depuis » vingt ans, ne font-ils pas vos » Lieutenans? Ignorez - vous, que » quand ceste idole de Me. Esche-» vin aura donné le mot, qu'ils ne »le changent par entre eux? Entreraot'il une ame vivante en la ville, » de qui ne prennent langue, premier que de luy presenter? Ne po-» feront-ils pas jour & nuict ung so corps de gardes devant son logis, » soubs pretexte de le conserver, pour voir qui fort ou qui entre? »Se promenera-t-il jamais qu'il ne » soit accompaigné de quelqu'un de »vos Capitainnes pour esclairer ses »actions? car en dix compaignies, »il y a trente Capitainnes, en comportant les Lieutenans & Enseignes; »toutes les rondes au demeurant ne » se feront-elles pas par vos Capior tainnes, & les foldats tirez des corps »de garde? Encores faudra-t-il

1552.

Qij

246 MÉMOIRES DU MARÉCHAL

15520

mettre trois ou quatre compaignies HENRI II. » de cavalerie pour refister aux cour-» ses des garnisons de Luxembourg; oqui sera tousjours un renfort pour » Vostre Majesté. Que pourroit-il » doncques faire au prejudice de cest mestat? Mais au contraire, il ne servira » que d'un o en chiffre. Davantage, »Sire, quand vous l'auriez instalé » Gouverneur & vostre Lieutenant, » le vouldriez-vous intituler de vof-"tre nom? De qui doncq, dist le Roy? » Mais M. de Vieilleville repliqua, » que c'estoit encores pour achever » de tout perdre & gaster; & qu'il s falloit, pour contenter tous les Prin-» ces de la Germanie, qu'il s'intistulast Gouverneur & Lieutenant genépral en la ville de Metz & pays Mefofin, pour le St. Empire, soubs la prostection de Henry deuxiesme très-Chresatien Roy de France.



HENRI II. 1552,

CHAPITRE XV.

Le Connestable fait donner le gouvernement de Metz à M. de Gonnor.

L OUTES ces remonstrances qui estoient très-considerables, remuerent fort l'esprit de Sa Majesté, ausquelles à la verité il y avoit beaucoup d'apparence, & meritoient bien d'estre suivies; mais elle en demeura comme entredicte fans advancer aul- interdites cune replique; feulement luy demanda, s'il estoit resolu de restuser ce gouvernement. A quoy M. de Vieilleville respondit, qu'il ne le pouvoit prendre, en faine conscience, veu les raisons cy-dessus; mais supplioit Sa Majesté de les bien peser, & s'y arrefter fans mespris ny rejection, aultrement ce voyage se reduiroit au quart seulement de ce que l'on en devoit esperer, avecques une profusion inutile de si excessives

O iv

248 MÉMOIRES DU MARÉCHAL.

2552.

= finances, qui ne feroit fans une HENRI II, mocquerie pour la couronne de France & la nation françoise parmy les

estrangiers.

Le Roy, là-dessus, se retira en son cabinet tout penfif, & faid appeller MM. le Connestable, le duc de Vendosme, le cardinal de Lorraine & le duc de Guyse son frere, ausquels il commença à dire, qu'il craignoit de se repentir du long sejour qu'il avoit faict à Metz, & qu'il en devoit estre party dès le troissesme jour après son arrivée; & puis leur difcourut de poind en poind tout ce que M. de Vieilleville luy avoit dict & confeillé, mais comme de luymesme & s'il l'eust pris en son ceryeau ; & qu'il estoit bien d'advis qu'on en passast par-là affin d'avoir la raison des aultres villes avec la mesme ruse & doulceur que ceste-cy.

Desja les trois commençoient à applaudir & plier à ce confeil, comme très-utile; mais comme ils voulurent ouvrir la bouche pour l'approuver avecques louange, M. le

Connestable s'advancea, luy disant = assez effrontément, que celluy qui HENRI II. luy avoit mis ceste oppinion en la cervelle, l'entendoit fort mal; & qu'il entreroit dedans Strasbourg & les aultres villes du Rhin comme dedans du beurre; & qu'ils n'estoient pas plus spirituels que ceux de Metz, estant tous de mesme paste & de nourriture; & qu'il avoit en l'esprit quelque project, de quoy ils ne se doubtoient pas. Au reste, qu'on luy en laisse faire; car c'est à luy, puisqu'il a si bien commencé, que l'on doibt remettre le parachevement de la befogne, fans que nul aultre s'en mesle; & s'en reposer sur luy. Et puis luy demanda, si celluy à qui il avoit voué le gouvernement de Metz, l'avoit accepté. Sa Majesté respondit que non: Car après luy avoir remontré les raisons que je vous ay dictes, il l'a reffusé tout-à-faict, craignant d'alterer mon service. » C'est tout ung, dist le » Connestable. J'ay icy M. de Gon-» nor * Lieutenant de ma compai-

* Artus de Coffé, Comte de Secondigny & Sei-

15520

250 Mémoires du Maréchae

1552.

signie, & mon parant, qui fera fore HENRI II. » dextrement & en toute fidelité »ceste charge: j'en responds. Il vous » plaira, Sire, commander à M. de »l'Aubespine, que voilà, qu'il luy » despesche son pouvoir ». Ce qui fut incontinant ordonné: & le lendemain au plus matin presta le serment au lever du Roy, devant quasi tous les Princes & Seigneurs de l'armée, le tenant ledit sieur Connestable par la main. De telle façon se laissa mener le Roy & forcer en sa volonté : de quoy il reçeust honte & dommaige, comme nous dirons cy-après. Par où l'on peult cognoiftre qu'il n'y a rien si pernicieux à ung grand Prince, que de se laisser posseder par ung serviteur qui brusle, après estre gorgé, d'advancer ses parants & fes favorits.

> gneur de Gonnor, étoit | que fon frere. On l'ap-frere cadet du Maréchal | pella le Maréchal de Gonde Briffae: il obtint dans | nor , pour le distinguer la fuite la même dignité | de son frere aîné.

CHAPITRE XVI.

HENRI II. 1552.

Le Roi entre en Alsace.

ARMÉE s'estoit desja esloignée de Metz de trois lieues, & logée à Raucourt: & en partit, Sa Majesté, pour l'aller joindre le xxij Avril 1552, (car lors nous prenions le milliaire à Pasques), accompaigné des Princes & Seigneurs de l'armée, & de toute sa maison, & des compaignies de MM. de Guyse, & Mareschal de St. André, ordonnées, comme dict est, pour la cornette du Roy; aufquelles commandoit M. de Vieilleville, fuivant l'advis duquel préalloqué, furent laissées pour ren- rapporté ciforcer la garnison de Metz, la compaignie de M. le Daulphin, & celle d'harquebuziers à cheval du sieur de Lancques. Et poursuivant le voyaige, nous passasmes toute la Lorraine & le pays de Vauges avec assez de commodité; car les habitants n'avoient abandonné leurs logis ny les villa-

252 MÉMOIRES DU MARÉCHAL

1552.

ges : aussi estoient-ils respectez, en ENRI II. faveur de M. de Lorraine, desja pretendu gendre du Roy. Mais quand nous fumes entrez fur les terres d'Allemaigne, le François monstra bien fon insolence au premier logis; qui effraya si bien tout le reste, que nous ne trouvasmes jamais depuis ung seul homme à qui parler; & tant que le voyage dura, il ne se presenta perfonne avec sa denrée, sur le passaige; & failloit faire cinq ou fix lieues pour aller au fourrage & aux vivres, mais avec bonne efcorte, car dix hommes n'en revenoient pas. De quoy l'armée fouffrit infinies pauvretés. Et nous commençea ce malheur à l'approche de Saverne, chambre Episcopale de Strasbourg.

> Duquel lieu le fieur de Lezigny, aultrement Pierre Vive, fur-Intendant général des vivres de l'armée, partit avec lettres du Roy, & vingt ou trente Commissaires, & aultant de clers des vivres, pour aller à Strasbourg faire sa charge; accompaigné d'ung trompette de Sa Ma-

jesté. Et s'estant presenté aux portes 📥 de la ville, après que la trompette HENRI II. eust commencé sa chamade de bien loing, on leur ouvrit fort courtoifement, attendu leur qualité, & qu'ils apportoient de l'argent. Et usa de telle diligence pour l'acheminement des vivres, qu'il en fist partir dès le mesme jour, & la matinnée du suivant, pour vingt mille francs, qui raffraichist merveilleusement l'armée.

M. le Connestable, qui commençoit à se deffier de ses projects & desseings, avoit donné au susdict sieur de Lezigny une aultre secrette & particuliere charge, de bien remarquer leur actions, & fentir tout de loing leur volonté fur la reception duRoy, & parler luy-mesme aux plus apparants du magistrat, pour les asseurer de la sincere & très-certaine affection de Sa Majesté en leur endroict; & que la feule caufe d'avoir laissé garnison à Metz, a esté pour avoir seulement ceste clef, pour le libre & feur passaige des vivres qui viennent de France & la seureté

1552.

15520

d'ung nombre de gentilshommes qui IENRI II. le suyvent encores, & arrivent journellement en fon camp, femblablement pour les courriers & les pacquets; & qu'estant cela bien certain, pour le repos de ses affaires, Sa Majesté passeroit par leur ville, en compaignie, non pas telle qu'il appartient à ung si grand Prince pour les ofter de tout soupçon, mais fort petite. Et luy bailla de tout ce que dessus une lettre de créance à part, & de ce qu'il y pourroit adjouster du bien : car il eltoit homme d'entendement; & oultre ce, il devoit prier MM. de Strasbourg de permettre aux Ambassadeurs du Pape. de Venize, de Florence, & de Ferrare d'entrer en leur ville ; qui avoient une extreme envye de la veoir pour fa beauté, & qu'ils devoient partir le lendemain après difner pour effectuer leur entreprise. Ce que ces magnifiques Seigneurs accorderent fort gratieusement; & qu'ils seroient les très-bien venus en faveur de Sa Majesté. Cependant ledit sieur de Le-

zigny faisoit filer vivres en abondance, & très diligement, se doub- HENRI IL tant de ce qui arriva.

CHAPITRE XVII.

Ceux de Strasbourg refusent l'entrée de leur ville aux François : Ils consentent à recevoir le Roi, pourvu qu'il ne fût accompagné que de quarante gentilshommes.

L'APRÉS-disner du lendemain, ces quatre Ambassadeurs deslogerent de Saverne, qui n'avoient entrepris ce voyaige que à la fuscitation du Connestable, qui leur avoit baillé deux cents braves foldats portants valifes & malettes, comme valets de leur train ; aussi qu'il s'estoit jecté parmy eux beaucoup d'honnestes hommes, pour veoir femblablement la ville soubs leur faveur, qui avoient groffy merveilleusement la trouppe. Mais incontinant qu'ils furent à la 1552.

portée du canon, on leur fist une IENRI II. terrible salve; car il en fut tué environ dix ou douze; & s'ils ne fe fussent escartez, qui çà, qui là, à toutes brides, il y en fust bien demeuré davantage, car ils tirovent incessamment.

> Le sieur de Lezigny adverty de ceste adventure, vint parler au Magistrat, leur remonstrant que ce déportement ne respondoit pas aux gracieuses parolles qu'ils luy avoient dictes le jour precedent sur sa créance de M. le Connestable. Mais ils le rembarerent de grand colere, disants que ceux de Metz, pour ce qu'ils parlent françois, fe font laisfez furprendre à des François; mais ceux qui ne parlent que allemand, ne se veulent laisser tromper par des Franchimants *; & que le Connestable ne pense pas avoir affaire à des bestes qui laissent entrer en leur ville six compaignies fous ung drapeau; mais qu'il s'asseure que le Roy ny entrera poinct avec plus de quarente gen-

^{*} C'est ainsi qu'ils appelloient les François. tilshommes

tilshommes, dont il en fera l'un; & = qu'il ne pense pas faire sa trouppe à part : quant à luy, qu'il forte incontinant avec fes munitionnaires; & que bien luy a fervy d'user de diligence pour la despesche de ses vivres, cariln'en eust pas eusi grande quantité pour une fois : ils ne reffusoient pas ce neantmoins d'en raffraischir le camp du Roy, peu à-peu, en payant, tandis qu'il marchoit fur leur territoire; car ils en avoient befoing, pour la nourriture des forces qu'ils faisoient venir, affin de resister aux usurpations qu'il pretendoit faire sur les limites de la Germanie. Et comme il fortoit de la ville, il veid du costé du pont du Rhin deux regiments de Lanfquenets & fix cornettes de pistolliers qui entroient dedans, & le faisant passer exprès le long des fossez devers Saverne, il ne tint que à luy qu'il ne veid deux mille pionniers qui faisoient rage de travailler aux remparts & fortifications.

Marchant Lezigny avec fa troup-

HENRI II.

1552.

pe, pour venir en l'armée, il trouva HENRI II. à demye lieue du camp, ung gentilhomme de M. le Connestable, nommé Courcou, qui le mena droict à fon maistre, auquel il discourut tout au long de ce qu'il avoit faict à Strafbourg; du langaige & froide affection du Magistrat, de la rigueur qu'on luy avoit tenue, & du danger où il avoit esté à la venue des Ambassadeurs; conclusion, qu'il ny avoit poinct d'esperance que le Roy y peust entrer, avec seulement une compaignie de gens de pied; & qu'ils ne veulent pas estre trompez comme ceux de Metz : » car ils sçavent bien. » dist-il, Monsieur, que vous fistes mentrer six compaignies de gens de » pied bien complettes, & fleur d'ar-» mée, en leur ville, & n'y avoit » qu'une enseigne arborée; & les »appellent bestes & grands fots, de » s'estre ainsi laissez surprendre & » abuser; mais que si le Roy veult mentrer avec quarente gentils-hommes, dont vous ferez l'un, il fera » le bien venu, & luy feront toute

50 l'honneur dont ils se pourront adwyifer ». Le Connestable bien fasché HENRI II. luy deffendit d'en rien dire à personne, non pas même au Roy: puis le laissa aller.

15520

Mais le Roy l'envoya querir incontinant, auquel il fift les mesmes enquestes, luy commandant, sur sa vie, de n'en rien desguiser; qui fust cause qu'il luy discourut au vray, comme tout s'estoit passé, laissant Sa Majesté fort mescontente, & si indignée, qu'elle, par grand colere, prononcea ces mots: Je voy bien que M. de Vieilleville est parmy nous, ce qu'estoit Cassandre parmy les Troyens, qui leur conseilloit tousjours le bon & la vérité, mais elle n'estoit jamais creue, dont son pere le roy Priam en perdit son Estat & sa vie; mais je proteste à Dieu, que pour l'avenir il n'en ira plus ainly, & ne sera pas dict que toutes mes affaires dependent de l'opinion d'une seule teste. Et usa d'aultres parolles qui n'est besoing de redire.

M. le Connestable, qui n'avoit faulte d'amys auprès du Roy, fust

Rij

260 MÉMOIRES DU MARÉCHAE

incontinant adverty de ce courroux: HENRI II. Pour auquel remedier, il ne sceust trouver moyen plus expedient que 1552. de faindre le malade, & s'alicta, faifant courrir le bruit, par son medecin, qu'il estoit faezy d'une grosse fievre : qui ne fust pas frustré de son esperance; car Sa Majesté le vint tout ausli-tost visiter, & sans luy parler nullement du passé, ny de de sa santé. Strasbourg, luy demanda de son portement: & ayant les medecins refpondu pour luy, il commencea à dire que le plus grand de son mal provenoit de la malice de ceux de Strafbourg; & qu'il praticquoit maintenant le vieil proverbe qui dict : Garre le derriere pour les Allemands; car ils n'ont poinct de tenue ny de resolution, & ne fault que la veue d'une bouteille pour les faire varier, & perdre la fouvenance de tout ce qu'ils ont promis. Mais le Roy re-

> pliqua, qu'il ne parlast point de cela, & que seulement il se sorceast de guerir; car il falloit desloger de Saverne, & passer oultre devers Ha-

guenau, où leur fortune seroit meilleure.

HENRI II.

1552.

M. le Connestable fust d'advis qu'il devoit aller à Strasbourg avec la compaignie qui luy estoit limitée; ne fust que pour veoir la contenance de ces magnifiques : » Que quand »chascun des quarente aura ung » Paige, c'est le moins que les Prin-» ces & Seigneurs que vous choisirez » pour vous accompaigner, peuvent pavoir; & par ainfi, il y peult en-»trer beaucoup de monde à la file: » au fort, Sire, vous avez à leur dire o que vous attendez la derniere reofolution du duc Maurice & des Effats; & que meilleur sejour ne » pourriez - vous choisir pour cest meffect, avec leur permission; & ce » qui viendra, vous le leur commu-» niquerez, comme estant du corps » desdicts Estats, sans oublier de leur »faire particulierement quelques » presents, pour les y plus facilement induire; car c'est une nation » fort subjecte à l'argent, & sur touates les aultres, la plus venale; &

Rin

262 MÉMOIRES DU MARÉCHAL

1552.

= »fauldra faire ung roolle de ceux Henri II. » que Vostre Majesté vouldra qui le

my accompaignent m.

Ce conseil fust trouvé très - bon par Sa Majesté, & les Princes & Seigneurs qui l'avoient accompaigné en ceste visite, selon l'aptitude naturelle du François, qui est de favorifer & applaudir tousjours au dire des grands. Donc le roolle fust incontinant commandé, mais avec trop grande promptitude; le Roy en nomma vingt & cinq; le Connestable le reste: & y avoit en ce nombre, fix Princes, tous les aultres grands Seigneurs & favorits; car il y avoit grand brigue à s'y faire inscripre & preferer.



CHAPITRE XVIII.

HENRI II.

M. de Vieilleville conseille au Roi de ne pas entrer dans Strasbourg avec si peu de monde, & son conseil est suivi.

M. DE VIEILLEVILLE, qui estoit hors de ceste deliberation, en son quartier, distant du logis du Roy d'environ une lieue, sust adverty par le premier valet de chambre nommé Grisson, ayant ce commandement de son maistre, de se tenir prest & en brave équippage, sans armes, pour accompaigner Sa Majesté, qui devoit faire son entrée le lendemain à Strasbourg, & qu'il estoit sur le roolle.

Il monta, ce commandement receu, incontinant à cheval, & vint trouver le Roy, auquel il parle à part de ceste façon: » Quelle en-»treprise, Sire, est ceste-cy, de »vous aller engaiger avec quarente

Riv

264 MEMOTRES DU MARÉCHAL

155201

personnes, la fleur de la grandeur HENRI II. » de toute la France, en la miseri-»corde d'une nation estrangere & » barbare, dont les habitants sont du ocorps des Estats de l'Empire, & y mont fait le serment! Ne seroient-ils » pas tenus pour trahistres & perfides Ȉ leur nation, s'ils ne vous arrefotent prisonnier, pour vous faire » rendre Metz, Thoul & Verdun, adont vous avez desja faict eltat, » pour l'estendue des limites de vostre » couronne? Voulez - vous hazarder » Vostre Majesté à mille indignitez, aque tant d'ivrongnes vous pour-» ront faire recepvoir, vous voyant » si foible, seul & en leur puissance? »Y a-il rien de plus à craindre que vune furie populaire & d'une commune? Pensez-vous, au demeurant. »Sire, que si quelques Princes sont mennemys de l'Empereur, qu'il n'ait pas dedans les villes de la Germa-» nie une infinité de serviteurs obli-»gez, jurez, gaigez & affectionnez, » qui seroient bien aises de vous dres-» fer une querelle d'Allemaigne, &.

*peut-estre vous tuer avec vostre ____ »trouppe, pour faire service très- HENRI »agréable, en esperance d'une très-»grande remuneration? Car si aul-"trement, ce grand Prince-là auroit perdu son temps, ayant tenu par si » longues années le sceptre & diademe » Imperial, aussi que l'inimitié mor-»telle qu'il vous porte, leur est assez » cogniie & repandue par toute leur mation. D'aultre part, Sire, vous »fçavez que par-tout où l'armée a » passé, nous avons ravaigé comme sen terre d'ennemys; il est certain oque les maistres des lieux & maiso fons que nous avons ainfy ruinez, ofont là-dedans refugiez. En pen-∞ feriez-vous fortir fans les recompenfer? Par ainfy, s'il vous plaist »me croire, Sire, rompez ce def-∞ feing; car l'exécutant, vous estes sen danger de courir une très-maul-» vaise & très-honteuse fortune; & » si elle advient, que deviendra vo-»ffre armée, qui demeurera sans "Chef, Prince, ny Capitainne? car avous menez tous les principaulx

266 MÉMOIRES DU MARÉCHAL

»avecques vous, & en pays estrange ENRI II. » où nous fommes desja mal voulus » pour nos infolences & indifere-»tions. Quant à moy, je m'en re-»tourne en mon quartier, compai-» gnonner & rire avec mes deux cents » gentilshommes d'armes ausquels je » commande, prest à marcher quand »vostre cornette sera aux champs, » mais non pas-là». Et après une très-

grande reverance, se retira.

Sa Majesté demeura en une merveilleuse perplexité, ne sachant laquelle des deux oppinions il devoit prendre. Toutesfoys ayant bien pezé & gousté ceste derniere, il se resolut de la suivre : aussi estoit-elle la meilleure; car elle le tiroit hors du danger d'une honte, & peult-estre de la mort : & fist, avant soupper, apporter le roolle, & venir tous ces Princes & Seigneurs qui y estoient inscrits; lesquels desja s'estoient preparez en équippage fort triomphant, chacun felon fes moyens, esperants partir le lendemain.

Et le silence faict, il leur dict,

qu'il avoit changé d'advis, pour plufieurs raisons, qui concernoient son HENRI II. honneur, sa vie, & le falut de son armée, leur alleguant toutes les remonstrances que luy avoit faictes M. de Vieilleville, comme prises en sa teste. Puis, en la presence de tous, rompist ce roolle & le mist en pieces, commandant que chascun se retirast en son quartier, qui en l'avantgarde, qui à la bataille, pour y exercer fa charge à laquelle il estoit destiné; car il vouloit dessoger demain, & passer le long de Strasbourg, pour tirer droict à Haguenau. Et furent, tout en l'instant, ordonnez les Mareschaux de camp, avec la cavallerie ligiere, pour recognoistre & asseoir le logis de l'armée. Et cela dict, toute l'assistance print congé, louants Sa Majesté de ce changement d'advis; car il y avoit grande apparence de croire, difoient-ils, que ceste entrée eust apporté quelque desastre, ne fust-ce que de mettre la personne du Roy, & de tant de Princes & grands Sei-

1552.

gneurs, en la misericorde d'une
Henri II. effrontée multitude de vilains. Ainfy chacun se retira très-contant,
horsmis M. le Connestable, qui
voyoit ceste conclusion faicte aux
despens de la reputation de son entendement; car il avoit donné ce
conseil.

CHAPITRE XIX.

Le Roi marche vers Haguenau, dont les habitants sont forcés de le recevoir avec ses troupes: Liberalités de ce Prince envers les familles de quelques Officiers Allemands executés à mort par ordre de l'Empereur pour leur attachement à la France.

Doncques, le Roy deslogea de Saverne, le dixiesme jour du mois de May audist an 1552; & passa le long de Strasbourg, à une lieue près, au deuxiesme logis que fist

l'armée; & au troisiesme, vint camper devant Haguenau, dont les ha- HENRI IL bitans firent fermer leurs portes, & ne laisserent entrer personne : mesmes, il fut respondu au Cardinal de Lorraine, qu'il n'y entreroit que luy troisiesme. De quoy Sa Majesté advertie par le Ringraff qu'elle avoit envoyé devant pour les praticquer & adoulcir, elle dist que toutes ces rudesses provenoient des lourdes faultes que l'on avoit faicles en la prize de Metz, & qu'elle n'en esperoit pas moins de toutes les aultres; & qu'il falloit adviser du retour en France; aussi, que depuis son entrée en Lorraine, il n'avoit pû entendre aulcunes nouvelles du duc Maurice.

Mais M. le Connestable irrité du mescontentement de Sa Majesté, faict marcher l'avantgarde, à laquelle il commandoit, quasi contre les murs de la ville, & bracquer quatorze canons en diligence; avec menaces, que s'ils ne font ouverture au Roy, qui venoit pour leur liberté, & les tirer hors de la tirannie de l'Empe-

1551.

270 MÉMOIRES DU MARÉCHAL

IENRI II.

reur, il les feroit tous pandre, & fouldroyer leurs maisons & la ville.

Eux, effrayez de l'apprehension de ce tonnere, duquel ils voyoient les nuées prestes à s'esclorre, car l'artillerie alloit jouer, demanderent termes de deux heures, pour confulter par entre eux fur ceste affaire. Il leur manda pour la seconde fois, que s'ils attendoient encores demie heure à se resoudre, & que l'on eust tiré une volée, ils n'esperassent plus de misericorde; & avoit faict desja renger en bataille, en lieu assez eminent, & qui se pouvoit veoir des murailles de la ville, six mille corcelets, & quatre mille harquebuziers, preparez à l'assault ; qui fut cause, qu'ils vindrent se presenter en toute humilité à M. le Connestable, qui les rabroiia fort asprement, les accusant d'ingratitude, & leur commanda de rentrer en la ville pour convoquer le Clergé, carils estoyent Catholiques, & les aultres habitans, pour venir audevant du Roy avec honneur & reverance; qui les trai-

teroit comme alliez & confederez; = & cependant il se saezit de la porte, HENRI II. & y mist la compaignie du capitainne Ste. Colombe. Cela ainsi ordonné, Sa Majesté se presente à la porte, devant laquelle les habitans des qualitez susdictes, qui l'attendoient, se prosternerent, le suppliants de leur pardonner ceste faulte qu'ils avoient commise par le maulvais conseil des villes leurs voifines. Mais il les fist lever, & les receust fort amiablement, les appellant ses confederez; & le conduisirent avec la croix & le poisle jusques à la principale Eglise, qui est bastie & de fondation de nos premiers Roys de France; & fuivant la coustume de ses predecesseurs, mist pied à terre pour adorer. A l'iffue de là, il deffendist que personne entrast en la ville, que les Officiers de sa maison & de quelques Princes & favoris, avec les munitionnaires; de façon qu'elle fust conservée, comme si elle eust esté en vray cœur de France.

Or, encores que le Roy y eust

1552.

272 MÉMOIRES DU MARÉCHAL

15520

= trouvé une abondance infinie de vi-ENRI II. vres, & d'aultres grandes commoditez pour son armée, si ne prenoitil pas plaisir d'entrer ainsi par la force & menaces dedans les villes, qui devoient, à fon oppinion, envoyer audevant de luy deux ou trois lieues, le sentant approcher, & offrir leurs moyens & fervices; mais il sçavoit bien d'où venoit la faulte. Et après avoir revisé toutes les antiquitez du lieu, qu'il recogneust estre pour la pluspart de ses predecesseurs Roys de France, il en partist le douziesme jour de May pour aller à Wissembourg, aussi ville Imperiale, où il fult receu fort honorablement, fans aucun contraste, ny apparence de reffus, mais fort ouvertement, & avec toute humanité; jusques à luy vouloir fournir de vivres sans argent, que le Roy ne voulut accepter, ains en fist prendre, en payant, ce qui estoit necessaire par le rapport des Munitionnaires.

Sa Majesté y sejourna trois ou quatre jours, durant lesquels, les

gens

gens de guerre, tant de cheval que = de pied, venoient à la file achepter HENRI II leurs commoditez; mais aussitost en fortoient : en quoy l'ordre fust si bien observé, par la providence des capitainnes Ste. Colombe & Glenay; qui gardoient la porte devers Spire, toutes les aultres fermées, qu'il n'y furvint jamais trouble ny confusion. Semblablement, les habitans alloient fe promener par le camp, qui estoit tout autour de la ville; & les femmes en avoient le plaisir fur le parapet des murailles, des clochiers, & plus haultes maifons. Les plus riches toutesfois, & les plus gros bourgeois & apparants, s'estoient reffugiez à Spire, & avoient emmené leurs femmes & filles, & tous leurs mesnaiges, craignants la furie & indignation du Roy, causée d'une très-juste occafion; car ils avoient livré le colonel Sebastien Volgeberg, & quatre de ses Capitainnes leurs concitoyens, prisonniers & serviteurs de la maison de France, à l'Empereur, pour le gratifier, qui les fist mourir à Aux-Tome II.

274 MÉMOIRES DU MARÉCHAL

1552.

= bourg, comme nous avons dift cy-HENRI II. dessus. Mais Sa Majesté n'en parla jamais, & ne voulut faire congnoiftre à pas ung de ceux qui estoient demeurez en la ville, qu'il eust ceste lascheté en la fantaisse, ny desir d'en tirer vengeance. Seulement, se contenta de faire venir tous les parants des fusdicts Colonel & Capitainnes, hommes & femmes, qui furent tous mis en la tente du Roy, vuide de toutes aultres gens; & distribua aux anciens de l'un & de l'autre sexe, & aux filles, pour les marier, environ dix mille escus; & aux jeunes hommes, fift donner armes & accoustremens, & les donna aux Capitainnes des vieilles bandes, pour y estre entretenus toute leur vie; car on sceit bien que ung voyage finy, les nouvelles vont à Saint Cassant .. Quant aux garfons, qui estoyent en-

* C'est-à-dire : On sçair | congédie. Aller à St. Cas-

bien que quand les nou-velles bandes ont fini leur ler proverbiale qui fignifie voyage, & que l'on n'a etre casse; ou, comme on plus besoin de leur servi- parle aujourd'hui être séce , on les caffe & on les formé.

viron neuf, que fils, que nepveux des susdicts, il en print quatre pour HENRI II. paiges de la petite écurie; & les aultres il donna à des Princes & Seigneurs de sa suite, les leur recommandant, & se souvenir de quelle main; qui eurent tous son present très-agréable, avec promesse de leur donner moyen de vivre.

15520

CHAPITRE XX.

M. de Vieilleville est envoyé à Spire : La Chambre Imperiale lui donne audience: Description de cette Assemblée.

A PRÉS que le Roy eust ainsi exercé ceste très-charitable & plus que liberale remuneration, digne à la verité d'un si grand Prince, au contentement & admiration de tout le monde, principalement des estrangiers, il luy entra au cœur, d'envoyer devers ceux de Spire, pour fonder de quelle affection & volonté

Si

276 MÉMOIRES DU MARÉCHAE

ils le vouldroient recepvoir s'il se leurs portes avec son armée, qui ne leur feroit non plus de dommaige qu'elle a faict à Wysfembourg; & sçavoir, semblablement, la façon de son entrée, & de quel nombre de gens ils vouldroient qu'il sust accompaigné.

Sa Majesté ayant pris ce conseil avecques foy-mesme, sans le communiquer à personne, envoya querir M. de Vieilleville, auquel elle se descouvrit; & luy commanda de prendre ceste charge: qui l'entreprist très-volontiers, bien qu'elle fust fort chatouilleuse; mais ce ne fust sans luy dire, que les mesmes raisons qu'il luy avoit par cy-devant déduictes pour le divertir de l'entrée de Strasbourg, pouvoient servir pour ceste-cy: C'est tout ung, dist le Roy: je veux que vous y alliez: car quand andmeme. Ores, ils me l'accorderoient, il ne s'ensuit pas que je m'y veuille presenter, ny que

je l'accepte.

Là dessus, M. de Vieilleville s'achemine, & prend seulement vingt

Gentilshommes d'honneur & deux = Trompettes; l'ung desquels il fait HENRY II. débander de sa trouppe, avec ung truchement, pour éviter le hazard que coururent les Ambassadeurs, afin de leur annoncer sa venue; & qu'il venoit de la part du Roy leur dire

quelque créance.

Il ne se fust pas sitost presenté à la porte, qui estoit fort bien gardée, fur-tout de corcelets, que deux Bourguemaistres, estants à cheval, le vindrent recepvoir, luy disant, en beau langaige françois, qu'il eftoit le très-bien venu, puisqu'il venoit de la part d'ung si grand Prince, auquel la Germanie avoit une infinie obligation, d'avoir pris tant de peine que d'estre venu en personne la mettre en liberté, avec une si brave armée, que dès long-temps ils n'en avoient veu une pareille; & le menerent descendre à la Couronne pour fe raffraichir; mais qu'ils avoient charge de ne l'abandonner, qu'il ne fust prest, pour le conduire au Palais ou hostel de ville, où les Seigneurs 1552.

Siij

278 MÉMOIRES DU MARÉCHAL

HENRI II.

& chefs de la chambre Imperiale de Spire l'attendoient : qui fut cause qu'il se diligenta pour ne faire trop tarder ny les ungs ny les aultres.

Estant conduist par les susdicts, en la chambre Imperiale, il veid soixante personnes assises en beau ranc, tous l'epée ceinte, à fourreau de velours, & grands bouts d'argent; chacun fa chesne d'or en escharpe, hormis dix, vestus de robbes longues, qui estoient au milieu des cinquante, & vingt-cinq de chasque costé. Et comme il entra, estant au milieu des deux Bourguemaistres, ils se leverent tous, fans rompre ny abandonner leur ranc, & le saluerent fort reveremment; puis feraffirent; & les deux dessus de menerent en une chaire qui estoit là preparée vis-à-vis, & à l'opposite des soixante, & aultant élevée que leur siege, couverte de velours cramoisi, & ung daix dessus; comme austi y en avoit-il ung aultre fur les dix : item, un siege plus bas, tappissé, pour les gentilshommes qu'il avoit amenez ; le tout en un rond

fort magnifiquement dressé. Et faifant, M. de Vieilleville, approcher le truchement du Roy, nommé Baptiste Braillon, Abbé de Bourgmoien, les foixante, tous d'une voix, luy dirent, qu'il parlast françois, & qu'il n'y avoit pas ung en la compaignie, qui n'y eust estudié, & le sçavoit fort bien. Alors M. de Vieilleville commença à parler ainsi :

HENRI II. 1552.

CHAPITRE XXI.

Harangue de M. de Vieilleville d la chambre Imperiale de Spire.

SI J'EUSSE pensé, magnifiques » Seigneurs, trouver une si excellente » & spectable compaignie, je n'eusse » pas accepté ceste charge, plustost »l'eusse-je déferée à ung Connesotable ou Mareschal de France; Et » quand le Roy mon maistre eust » deputé devers vous ung Prince de » fon fang, il ne se fust faict aucun otort; car je ne verray jamais assem-

Siv

280 MÉMOIRES DU MARÉCHAL

1552.

= »blée qui mieux me representast le IENRI II. » conseil privé de sa très-Chrestienne Majesté, où il y a nombre de Prin-»ces, grands Seigneurs, & très-»doctes hommes, que celle que je voy devant mes yeux : toutesfois, » puisque cest honneur m'est escheu, » par la beneficence de Sa Majesté, » & comme d'une influence celefte. pje vous supplie, Messieurs, avoir » agréable ce que je vous propoferay ode sa part; & vouloir adjouster »aultant de foy à la créance qu'il » m'a donnée, comme si vous l'en-» tendiez de sa propre bouche : & » pour commencer je vous diray:

» Que Sa Majesté, bien advertie » de la fouveraine authorité que vous mayez fur tout ce qui concerne l'honmeur, la grandeur & conservation » du St. Empire, & que généralement les villes qui sont decà, & » sur le traict & ligne du Rhin, de-» puis sa source jusques à son embou-»cheure en la mer, païs & region » d'une merveilleuse estendue, dependent de ceste Chambre, & y

viennent comme en dernier resfort ochercher la justice ; mesme que HENRI II. otoutes les importantes affaires d'ef-» tat vous font communiquées pour avoir fur iceux vos faiges advis & » premeditées oppinions; Sa Majesté, » dis-je, a une extreme envie de conferer avec vous pour entendre »ce qu'elle doit plus entreprendre » pour ce voyage, ne pouvant avoir » aucunes nouvelles du duc Maurice, ony de ses conféderez; ou si elle adoit poursuivre plus avant, ou du »tout s'en desister; & pour cest meffect, elle n'a peu prevoir ung » plus expedient moyen que de venir pen cefte ville.

» Mais, premier que de s'y acheminer, elle vouldroit bien scavoir »quelle est vostre volonté sur sa » reception, & si vous avez agréable » qu'elle face approcher fon armée » de vostre ville ; qui n'y fera non » plus de dommaige ny degast, qu'elle ma faict autour des murailles de » Wyssembourg où elle campe encores aujourd'huy; & s'il luy vient en

1552.

1552.

= »fantaisie d'entrer en vostre ville. HENRI II. men quelle compaignie il vous plaist

» la recepvoir.

»De vous arrester sur ce qui s'est »passé en la ville de Metz : rien »n'y a esté faict qui ne se desface à » la simple priere du duc Maurice; »car vous ne ignorez poinct, qu'il »ne foit si amateur de sa patrie, » & jaloux de l'honneur & grandeur » du St. Empire, qu'il ne vouldroit, » pour mourir, tolerer ny fouffrir, » que une telle ville en fust énervée »par fon moyen, & que ceste repu-»tation en demeurast à sa posterité; »car il est trop grand Prince. Mais » la principale occasion de ceste sae-»zie, après la premiere, a esté, de » crainte que les ferviteurs de l'Em-» pereur, au gouvernement du Du-»ché de Luxembourg, ne la fur-» prinsfent, estants si proches voisins »pour enclore nostre Roy & son » armée affin de nous coupper le paf-» faige & ofter tous moyens de pou-»voir retourner en France. Quant Ȉ la premiere, elle est assez con-

» gneue & manifeste à tout le monde, = or qui est pour la file de nos vivres HENRI II. » & pour la seureté du passaige de » France en Allemaigne; car il arrive »tous les jours des gentilshommes, » Capitainnes, & François, ennostre marmée; d'aultant que le Roy eust on si grand haste de vous venir secou-»rir, qu'il ne donna pas loisir à la noblesse de son royaume de le venir pjoindre, premier que d'en fortir; » & pour recompence, les payfants » de toute ceste contrée les assomment & massacrent, s'ils ne mar-»chent en grande trouppe & cara-» vanne; semblablement, pour la » seureté des pacquets & advertissements que les Gouverneurs des pro-» vinces de France, qui sont en grand » nombre, despeschent à Sa Majesté, » pour l'advertir du bon portement ode tout fon Estat: car nous avons » des ennemis par-tout, & de très-» grandes affaires en Angleterre & » Italie, aufquelles toutesfois Sa Ma-» jesté a preferé vostre liberté. » Qui sont les plus pregnantes &

1552.

284 MÉMOIRES DU MARÉCHAL

1552.

»pertinentes raifons qui ayent meu HENRI II. » Sa Majesté à faire ceste investiture, » qui ne durera que jusques à ce que »nostre armée campe, & se pour-» meine en vostre spacieuse fertile & » très-delectable Austrasie. Ne craimgnez, donc, magnificques & specatables Seigneurs, d'ouvrir vos cœurs » & vos portes au Roy vostre bon » amy & confederé, pour l'honneur » & reception, non-feulement felon » sa grandeur & merites, mais pour » vous acquitter de l'obligation que » vous avez à ung si grand Prince, oqui n'a poinct craint d'exposer sa » propre personne pour vous tirer de » captivité, & de la tirannicque ser-» vitude en laquelle l'Empereur vous » a par si longues années reduicts & » oppressez ».



CHAPITRE XXII.

HENRI II.

Réponse de l'Assemblée à M. de Vieilleville.

QUAND M. de Vieilleville eust achevé de parler, les dix en se levant se departirent, cinq d'ung costé, & cinq de l'autre; & allerent aboucher les cinquante à gauche & à droiste; & puis se rassemblerent tous les soixante, qui surent pour le moins une bonne heure en ce collocque; & après s'estre rassis, l'un des dix, nommé Chœlius, commençea à parler ainsi:

»Noble & illustre seigneur, M. de »Vieilleville, nous avons ouy fort »attentivement, & meurement com-»pris la créance que vous avez pro-»noncée, de la part de la très-Chres-»tienne Majesté, & tenons à grand »faveur qu'elle vous ait député de-»vers nous, & preseré à ung Con-»nestable ou Mareschal de France, »voire à ung Prince de son sang; »car nous nous arrestons plus à la »bonne renommée d'un Chevalier 1552.

= »d'honneur, craignant Dieu, valeu-HENRI II. soreux & homme de bien, que à » toutes les grandeurs du monde; mestants si bien informez des depor-» tements de vostre armée, que nous savons fceu, avec toute verité, que »par tous les villaiges où elle a » passé, on ne sçauroit trouver en » maison qui soit, portes, fenestres, ⇒ grilles ny meubles, qui n'ayent efté » brizez, rompus, enlevez ou bruf-»lez; & beaucoup de maisons, horsmis ceux où vous avez logé avec odeux cents hommes d'armes que » vous commandez & conduisez, en »la confervation desquels vous vous » estes si soigneusement employé, » que vous avez tousjours laissé vingt »& cinq ou trente gentilshommes men vos logis derriere, & jusques à »ce que l'armée fût toute passée, » pour empescher toutes insolences » & cruaultez; & qui plus est, nous » avons bien sçeu que vous avez touf-» jours envoyé de bonne heure demander aux Mareschaux de camp » vostre quartier, pour aller audevant

ande vos hostes, les attester, & asseu-» rer qu'ils n'auroient auleun mal ny HENRI II. » dommaige en leurs personnes, meubles ny bestiaux, mais bien »payez de ce qu'ils fourniront; de » quoy, plus de six cents mesnages » qui s'y font fiez, se sont bien » trouvez, & plusieurs s'en louent » encores par ceste ville; là où par otous les aultres villaiges que l'on »n'en pouvoit pas tirer meubles ny » bestial, à cause de la subite frayeur » de vostre armée, & principalement » la cavallerie ligiere en a usé comme men terre d'ennemy. Par ainfi, vous » estes le très-bien venu; & de meil-» leure ny de plus agréable bouche » ne pourrions-nous entendre la con-» ception de Sadicte Majesté.

» Pour à laquelle respondre, nous »vous disons, que nous remercions »très - humblement sa très - Chres-» tienne Majelté, de la grande affis-» tance qu'il luy a pleu & plaist en-» cores nous faire, pour repousser les » torts & injures faictes à nos Princes » & confederez de tous les estats de

1552.

288 MÉMOIRES DU MARÉCHAL

15524

= »l'Empire; nous laissant, par ceste HENRI II. strès-grande obligation, ung regret » perpetuel de ne nous en pouvoir

» jamais acquitter.

» Mais, que son armée vienne cam-» per auprès de nos murailles, c'est » chose que nous ne vouldrions pour » mourir permettre. Que si le Con-»nestable le luy vouloit persuader, » & l'entreprandre, nous ferons con-» traincts de nous jecter sur la deffen-» sive ; mais de faire son entrée en mostre ville, nous le luy accordons » de très-franche volonté, & luy » ferons tous l'honneur qu'il nous » sera possible. Et tout ainsi que » nous voulons paroistre plus advisez » que les Messins, nous ne voulons » pas austi estre si rigoureux que ceux » de Strasbourg, qui ne luy accor-»derent que quarente gentilshommes; car nous luy permettons d'y pentrer avec cent de tels qu'il luy »plaira choisir : oultre lesquels, » pour vostre respect & reputation de » vos vertus, vous prions de l'accom-» paigner avec la trouppe que vous avez

» avez amenée, & que nous voyons = sici presente, qui nous semblent HENRI II. » gens d'eslicte & de maison ».

A ceste offre, M. de Vieilleville fe leva pour les remercyer fort dignement : aussi estoit-elle très-honneste; & adjousta, que Sa Majesté n'avoit de quoy se douloir, & qu'elle devoit se contenter, pourveu qu'ils luy accordaffent ung aultre poinct pour avoir son entrée & son yssue en toute liberté, qui estoit, que la porte devers son armée, seroit gardée par ung de ses Capitainnes, & sa compaignie ne seroit que de cent hommes bien comptés. Mais tous, d'une voix, s'elcrierent sur celte parolle, difant: Nullement, nullement; & qu'on les voulloit traicter à la comme ceux Messine; & rompirent de colere l'af- de Merz. semblée, se levant avec murmure, M. de Vieilleville semblablement; & s'en alla en son logis de la Couronne, tousjours accompaigné de ces deux Bourguemestres, qui le voulurent deffrayer, fuivant le commandement qu'ils en avoient; mais il ne Tome II.

290 MÉMOIRES DU MARÉCHAL

le voulut fouffrir, & qu'il avoit bon

1552.

Estant monté à cheval, il fut esbahy de veoir toutes les ruës, depuis son logis jusques à la porte par où il devoit sortir, pleinnes de soldats des deux costés, l'ung de corfelets & l'aultre de harquebuziers; & la grande place, couverte de gens de cheval en bataille, où nous comptasmes six cornettes, qui tous nous firent de belles salves, tant les harquebuziers que pistolliers.

CHAPITRE XXIII.

Le Duc Maurice de Saxe donne avis au Roi de son accommodement avec l'Empereur.

OR LE Roy avoit envoyé l'un de fes valets de chambre nommé Oriz avec M. de Vieilleville, fous pretexte de veoir la ville. Mais il avoit commandement de bien observer tout ce qui se passeroit à Spire en sa

negociation, & prendre les devants = pour l'en advertir fidellement, & HENRI II; qu'il n'en oubliast une seule parolle. Lequel n'y faillit pas; car incontinant que ce conseil fut levé, il monta à cheval, & vint trouver au grand galop Sa Majellé, laquelle il certiffia de tout ce qu'il avoit veu & entendu.

15520

Estant sorty M. de Vieilleville, & desja en la campaigne, il demanda Oriz; mais personne ne luy en sceust répondre, ny qu'il estoit devenu. Et estant arrivé devers le Roy, Sa Majesté luy discourut tout au long le fonds de sa charge, sa belle harangue au confulat, si promptement prononcée, leur honneste response, & la reputation en laquelle ils le tenoyent : semblablement, leur courroux sur la garde de la porte, qui fist bien penser à M. de Vieilleville, que Oriz avoit passé par-là. Dequoy il fut hien marry; car il devoit avoir, ce luy sembloit, l'honneur de satisfaire Sa Majesté, puisqu'il en avoit eu toute la peine.

Tij

292 MÉMOIRES DU MARÉCHAL

1552.

Cependant le Roy loua grande-HENRI II. ment M. de Vieilleville, luy disant qu'il n'avoit rien obmis en sa charge, & qu'il l'avoit aussi exactement executée, que si le Chancellier & tout son conseil luy en eussent donné les mémoires & instructions; mais qu'il voyoit bien, que la prise de Metz, ainsi precipitée, le contraindroit de planter à Wissembourg le bourdon; & qu'il falloit penfer du retour, non pas d'aller plus oultre. Là-dessus, il arriva des Ambassadeurs des archevesques de Trieves, Mayence, Coloigne & aultres Princes, devers Sa Majesté, qui n'en tint pas grand compte; & leurs harangues faicles, aufquelles le cardinal de Lorraine Charles respondit sur le champ en très-élegant latin, ils furent despeschez du foir au lendemain, & fans ceremonie, & s'en retournerent.

Le lendemain du partement des Ambassadeurs, le Roy receut la lettre du duc Maurice, par ung gentilhomme Allemand nommé Glaris, avec créance qui portoit l'extresme

desplaisir qu'il avoit receu, que l'on eust failly la ville de Strasbourg & les aultres de la ligne du Rhin; & que quiconque avoit conduict ceste entreprise, s'estoit grandement oublié, d'avoir attaqué les villes du plat pays, & par cest amusement faict une telle perte; car on les eust tousjours fort aisement recouvrées : mais voyant qu'il n'y avoit plus d'ordre de pour suyvre plus oultre leurs desfeings, puisqu'ils estoient descouverts, d'autant que les susdictes villes prennent garde à elles, & se fortifient d'hommes, de remparts, & toutes munitions, il supplioit Sa Majesté de se retirer & s'en retourner en France; car il n'en viendroit jamais au - dessus, non pas d'une feule, qu'avec le hazard de deux ou troys batailles ; & que, quant à luy, il n'oseroit se presenter à son fecours, il luy feroit imputé à trop grande perfidie contre sa patrie; mais que celuy qui avoit pris la ville de Metz, avoit fort mal profondy approfondi la consequence de cest évenement.

HENRI I 1552.

204 MÉMOIRES DU MARÉCHAL

C'est le sommaire de la créance que HENRI II. Glaris rendit fidellement au Roy. M. le Connestable seul present.

> Quant au subject des lettres, il remercioit très-humblement le Roy de son assistance, en vertu de laquelle, l'Empereur, craignant que Sa Majesté passast le Rhin avec son armée, luy avoit accordé tout ce qu'il avoit projecté de luy demander par l'entremise du Roy des Romains, qui s'estoit monstré, en cest accord, fort favorable à fon party, entre aultres de la reddition des Princes, qui tous estoient avecques luy en liberté, & les garnisons Hespaignoles mises hors des villes Imperiales, où elles estoient par cy-devant; & ausdictes villes, seur artillerie rendue, & les daces & tributs supprimez & annullez; & qu'ils effoient, de ceste heure, bien reconciliez, & tous les Estats de la Germanie fort fatisfaits. Dequoy il luy avoit une immortelle obligation; & qu'il pouvoit, en recompense, faire estat de fa vie, de son service, & de toutes

fes forces & moyens, pour les employer envers & contre tous, ex- HENRI II. cepté le St. Empire; offrant, sur son honneur & falut, de luy fournir tousjours vingt mille hommes de pied, & dix mille chevaux, pour passer sur le ventre à tous ses ennemys; ne voulant que aultre Capitainne les conduisift & hazardast à fon fervice, que luy en personne, fa vie la premiere; & qu'il se pouvoit vanter par tout le monde, d'avoir ung Eslecteur du St. Empire à fa devotion. Que si les aultres six tomboient en mesme concurrence de volonté avec la sienne, il se pourroit bien asseurer du diademe Imperial, advenant la mort de ceftuy-cy: encores n'en fault-il poinct perdre l'esperance; car , si le vivant alloit faillir au monde, il a tant de credit & d'authorité envers ses compaignons, que sa voix fera tousjours plier les leurs à une partie de ses desirs, & ainsy le luy promettoit, en foy & parolle de Prince d'honneur.

1552.

206 Mémoires du Maréchae

15524

Ceste lettre contenta merveilleu-LENRI II. sement le Roy; mais le Connestable se despita fort de la créance de Glaris; car c'estoit à luy qu'elle s'addressoit. » Eh bien, luy dist le Roy, vous avez faict de grands trophées nde ceste prise de Metz; mais vous »voyez en quelle indignité nous en sofommes envers ce Prince, & le mescontentement qu'il en a, qui » estoit nostre estoille, à la lueur de » laquelle nous marchions. Vous ne m'avez jamais voulu croire; encopres si vous eussiez laissé ung genptilhomme de la ville pour gouver-» ner, suivant l'advis de M. de Vieilpleville, qui en reffusa l'estat, pre-∞voyant ce qui en est advenu, nous » eussions executé une partie de l'en-» treprise, & n'eussions pas jecté le » manche après la coignée. Or c'en mest faict, & n'y fault plus penser; » mais seulement deliberer de nostre »retour en France, avec nostre » courte honte ». Le Connestable, qui cognoissoit sa faulte, demeura comme interdict, n'ayant que repli-

quer là-dessus, & se retira, bien fasché, de la presence de son maistre. HENRI II.

1552.

Voilà comme, pour s'arrester en fon oppinion, & desdaigner ou mespriser toutes les aultres, ce brave & superbe voyaige, ensemencé de tant de Princes, Seigneurs & grands Capitainnes, qui devoient porter une armée entiere; & de ceste groisse, enfanter à la couronne de France une centaine de bonnes villes pour le moins, avorta de neuf moys; encores à male peine en portast-il trois bien complets; car nous commenceasmes à camper le sixiesme de Mars, & tournaîmes la teste de l'armée devers France, le 23 du moys de May.

groffeffe.



HENRI II.

CHAPITRE XXIV.

Retour de l'armée du Roi en France.

partager.

Doncques, fust advisé de partir l'armée en quatre. Le Roy, le duc de Vendosme, le Connestable & le duc d'Aumalle en prindrent chascun leur part, qu'ils devoient mener par divers chemins: mais celluy du duc d'Aumalle fut le pire des quatre, éstant pays estroict, montueux, sterile, & fort mal peuplé de villaiges; & pour ce que c'estoit ung jeune Prince, non encores gueres experimenté; le Roy commanda à M. de Vieilleville de l'affister, avec la compaignie de M. le Mareschal de St. André, oultre son quart d'armée, qui estoit composé de dix aultres compaignies de gensdarmes, de quatre mille chevaux ligiers, desquels il fut créé fur le champ Colonel, & distraicts de l'obéissance du duc de Nemours, qui en estoit General, de vingt enseignes Françoyses nouvel-

les bandes, de dix vieilles, un regiment de Lansquenets, cinq cents HENRI II. harquebuziers à cheval. Et M. de Vieilleville y fit venir M. d'Espinay, avec les cinq cents gentilshommes volontaires, desquels le Roy luy avoit donné la charge. Le departement de l'armée ainsy faict, & comme l'on faisoit les apprests pour desloger le lendemain au plus matin, & prandre chacun fa routte, ceux de Spire envoyerent quarante mille pains, & cinquante pippes de vin au Roy; & avoient chargé ceux qui conduisoient ce raffraichissement, de s'addreffer à M. de Vieilleville, pour en faire le present, qui amenerent le tout en son quartier; & avoient, quant & quant, avec le charroy, particulierement pour luy, de la part desdicts de Spire, beaucoup de fingularitez; fçavoir, quatre pippes de vin, une douzaine de faulmons du Rhin, & en paste à leur mode, tous entiers; cinq cents d'avoyne, deux charniers, l'un plain de venaison de cerf. l'aultre de san-

1552.

300 Mémoires du Maréchat

glier, & une cacque de faulmon fallé.

HENRI II.

Ces Depputez arrivez devers M. de Vieilleville, il les presenta à Sa Majesté, à laquelle il testissia leur present estre en son quartier. Restoit d'envoyer les Commissaires des vivres pour s'en faezir, & en tenir compte. Cependant Sa Majesté remercia fort humainement, par lettres, les Seigneurs de la Chambre Imperiale de Spire, de ceste très-grande & trèsliberale courtoysie, comme faicte fort à propos, & en l'urgente necessité, & remunera en grand Roy ceux qui en avoient este les conducteurs, qui s'en retournerent trèscontants à Spire, & dès le mesme foir; car il n'y a pas plus de deux heures de chemin de Wyssembourg jusques-là, & belle plaine.

M. de Lezigny, accompaigné de sa squadrille de Commissaires & Clercs des vivres, avec force charroy, vint au quartier de M. de Vieilleville, pour prendre le present de Spire; mais se doubtant que le com-

mandement de M. le Connestable = feroit sans misericorde, & qu'ils HENRI II. avoient charge d'enlever le tout, en avoit desja faict partir toute nuict, justement la moitié, monstrant aux dessusdicts, l'autre. Lesquels indignez de ce retranchement, dirent qu'ils s'en plaindroient au Roy & à M. le Connestable, & qu'il n'estoit pas raisonnable que le serviteur taillast à son maistre les morceaux; & tout à plain d'aultre langaige inutile, qui ne passoit pas oultre toutesfois, car ils cognoissoient l'humeur de l'homme. A quoy il respondit, qu'ils le prinssent s'ils vouloient; car s'ils partoient de-là fans l'enlever, ils ne le y trouveroient pas dedans une heure: & leur monstra une carte de la cosmographie du traist du Rhin, par laquelle il leur fist veoir, que au chemin qu'ils alloient prendre, qui estoit de trente lieues, il n'y avoit que vingt & deux villaiges; & s'il faisoit son debvoir, il se saeziroit de tout le present, veu que tous les aultres carts de l'armée

15520

du course

n'ont, par leurs chemins, que belles
plaines, ung milliasse de villaiges,
se grand nombre de bonnes villes;
se que, à cause des destroicts se pasfaiges mal accessibles du sien, il avoit
ressuré de l'artillerie, contraincts de
changer tous leurs charroys en mulets se sommiers.

Ces Commissaires ne furent pas oppiniastres, & enleverent incontinant ceste moitié. Mais ils n'oublierent pas à faire leur plainte; fur laquelle M. le Connestable se courroucea asprement devant le Roy, taschant à rendre odieuse ceste hardiesse, & à le faire entrer en colere : jusques à dire, qu'il falloit envoyer toute l'armée pour la recousse de ceste moitié; car elle y avoit generallement interest. Sa Majesté voyant la chose preparée à une mutinerie. veult entendre que c'est; & envoye querir M. de Vieilleville, qui n'avoir pas attendu ce messaige; car il estoit aux trousses des Commissaires. & se presenta, peu s'en fallut, aussitost, fort bien accompaigné, difant:

» Qu'il plaise à Vostre Majesté, Sire, commander à M. le Connestable HENRY II. » de prendre le chemin que vous »avez ordonné à M. d'Aumalle, anous ferons très-contants de luy aquicter tout ce que nous avons pris, »& de nous acheminer par le sien : » que si vous scaviez les necessitez, » incommoditez, famines & mefailes. »qui nous conviendra pastir par ce »chemin - là, tant s'en fault que » nous vouluffiez ofter ce que nous avons, que vous nous devriez ho-» norer de tout le present de Spire; »& avoir regret d'avoir si mal par-» taigé ce jeune Prince; car je ne » pense pas que la moitié de nos » trouppes en puissent revenir. Et "qu'ainsi foyt, Sire, il plaira à Vos-» tre Majesté veoir & bien considerer » ceste carte de la cosmographie du » traist du Rhin; en combien de peorils & dangiers nous allons en-» goulfer, par ung chemin estroict » de trente lieues de long, où il n'y »a une seule ville, & pour le plus, strente & deux villaiges s. Le Roy,

15520

= encores qu'il fust bien tard, print la Henri II. peinne de bien reviser ceste carte, & trouva le dire de M. de Vieilleville si veritable, que s'il eust peu revocquer l'ordonnance des chemins, il l'eust faict très-volontiers : mais voyant la rudesse & sterilité de ce pays-là, declaira en l'instant la prise des vivres, que avoict faicte M. de Vieilleville, fort bonne, & la luy adjugea; deffendant à M. le Connestable, pour éviter quelque trouble ou fedition en fon armée, d'en plus parler: car tel estoit son plaisir. Dequoy il cuyda crever de raige & de despit; car il pensoit bien, par son credit, que Sa Majesté commanderoit que le tout fust ramené, qui estoit desja au premier logis que l'on devoit faire le lendemain, & très-malaifé à forcer, si on l'eust entrepris; car M. de Vieilleville, premier que de venir parler au Roy. avoit faict partir tous les harquebuziers à cheval, & deux mille à pied. pour garder le passaige.

Mais Sa Majesté ne se pouvoit garder .

garder de hault louer M. de Vieilleville, difant qu'il luy apprenoit sa HENRI II, leçon, & que, à la verité, ung chef d'armée ne doit jamais marcher sans une carte, non plus qu'un bon pilote, ou patron de galere, sans sa calamite *, pour cognoistre la portée des païs où il marche, la distance des lieux, les difficultez des montaignes & rivieres, & que de sa vie il n'y fera faulte : luy donnant ce los & honneur, d'en avoir le premier apporté l'invention en France.

L552.

* C'est-à-dire, sa bouffole. Calamite, en vieux langage, fignifie aiman, ou pierre d'aiman,



HENRI II.

CHAPITRE XXV.

L'armée se retire partagée en quatre corps: Celui que le duc d'Aumale commandoit, souffre de grandes incommodités dans sa marche: L'armée réunie assiege Rodemach.

Donc Ques, le lendemain, qui fut le 25°. de May 1552, l'armée ainfy departie commencea à marcher par les chemins ordonnez. Le Roy s'en alla devers la duché des Deux-Ponts. M. le Connestable le suyvoit d'une journée. M. de Vendosme retourna sur ses voyes; c'est-à-dire, reprint le chemin que l'armée avoit tenu de Metz à Wyssembourg. Et M. d'Aumalle ensourna ce destroiet qui representoit le chemin de Chamberry au Montcenys, horsmis que les torrents n'estoient pas si impetueux & ravyssants, ny les precipices si espouvantables. Toutes-

fois, en plusieurs endroicts, il failloit que les gastadours & pionniers HENRI IL eslargissent le chemin pour les mulets & reste du bagaige. En quoy nous pastismes beaucoup, & campions le long des cousteaux & collines; car il se trouvoit bien peu de plaines, encores gueres spacieuses; poinct de villaiges, ny ung seul paisan qui nous apportast aulcun raffraichissement. Ce que voyant M. de Vieilleville, envoya le Mareschal-des-logis de la compaignie, nommé Moyfandiere, avec six hommes d'armes & dix archers, traverfer la montaigne & reconnoistre ce qui estoit au-de-là, & dire, s'ils trouvoient des peuples, qu'ils apportaffent leurs denrées, & les affeuraffent qu'ils seroient bien payez à leur mot. Ce qu'ils firent; & à leur retour au quatriesme logis, car il y avoit troys lieues de traverse par pays tousjours montueux jusques à trouver la plaine, ils amenerent avec eux soixante paysants chargez de toutes fortes de commoditez, Vii

15530

308 Mémoires du Maréchat

dequoy ils furent bien payez, & re-HENRI II. conduicts en toute seureté; qui abbreverent toute ceste plaine de no-1552. stre courtoysie, que à mesure que nous marchions, nous trouvions tousjours des paisants avecques vivres, mesmes des femmes chargées de fourmages, de jonchées; dequoy elles remportoient bien de l'argent, & s'en retournoient tous fort contants: qui nous fust un grand soulaigement. Aussi, sans ce bon ordre & police, qui n'estoit à son de tambour & de trompette, que sur la vye à qui raviroit seulement une prune, nous estions ruynez; & le faisoit M. de Vieilleville si rigoureusement observer, soubs l'authorité de M. d'Aumalle, qu'il n'eust pas pardonné à son propre frere. Mais le vin du

present de Spire nous estoit fort

paignies, comme si nous eussions esté assiegez; encores, ceste providence de M. de Vieilleville de departir, d'une telle ruze, voire hardiesse avec le Roy, ce present, nous

petitement. escharsement distribué par les com-

Toulagea grandement. Toutesfois on ____ ne peuft tant faire, qu'il n'en tom- HENRI II. bast beaucoup de malades, à cause que tout le monde estoit logé à l'estoille, & campoit à la haye, à faulte de trouver villaiges. Nous trouvions bien quelques chasteaux, fans aucune maison au pied, mais si hault encruchez, qu'il n'en failloit esperer aucune commodité; aussi que nous n'avions point d'artillerie. Nous marchasmes ainsy douze jours en extresmes necessitez durant lesquels il n'y eust que les grands & aifez qui coucherent en licts qu'ils faisoient porter; le reste de toute l'armée ne se despouilla jamais.

Au quatorziesme jour, nous vismes la plaine, qui nous donna une telle rejouissance, qu'il ne nous souvenoit plus des peinnes & necessitez passées; mais elle estoit toute couverte, à perte de veue, de sappins si haults & droicts, que la Savoye ny toutes les Alpesn'en portoient poinct de pareils; parmy lesquels il se trouvoit, quasi de lieue en lieue fur nostre chemin,

1552.

V iii

310 MÉMOIRES DU MARÉCHAE

35520

= de bons & gros villaiges que M. de HENRI II. Vieilleville conserva comme son propre heritaige; & filmes deux journées de camp à traverser celle très-agréable & nompareille forest; & payoit on si bien par- tout où l'on passoit, que les habitants d'une forte, plaisante & belle ville, mais très-ancienne, nommée Kaifer-Lutern, qui fignifie en Francoys, Clair-Empereur, vindrent au-devant de M. d'Aumalle, & luy en apporterent les clefs, avec offre de fervice, & presents de beaucoup de vivres. Mais M. de Vieilleville ne luy confeilla pas d'y laisser entrer une seule compaignie, ny de cheval ny de pied, mais fa personne seulement, & les Seigneurs qui l'accompaignoient; & que l'armée camperoit autour de la ville, sans rien brifer, ny faire auleun degast, non plus que à Wyssembourg : & prindrent tous nos malades, qui estoient environ deux cents, avec promesse de les bien traicter pour leur argent. & leur donner bonnes & feures

guydes pour s'en revenir à Metz. Ce ____ qu'ils promirent, en consideration HENRI II. & recognoissance que le Roy & son armée estoient cause, que leur Prince, Seigneur & maistre, le comte Palatin, eslecteur du St. Empire, par cy-devant prisonnier de l'Empereur, estoit en liberté, & qu'ils en avoient eu depuis trois jours certainnes nouvelles. Dequoy M. d'Aumalle les asseura davantaige, leur monstrant le double de la lettre que le duc Maurice avoit escrite au Roy, de laquelle Sa Majesté avoit faict faire plusieurs doubles, pour en departir à tous les Princes & Seigneurs de son armée : dequoy les desfusdicts habitants firent une telle & fi grande allaigresse, qu'ils menerent, par tous les quartiers de nostre camp, environ vingt pippes de vin, où il fe fist une chere merveilleuse; en quoy le regiment des Lansquenets ne fust pas oublié; car il y avoit trois Capitainnes & soixante soldats natifs de là-dedans : & après nous estre raffraischis deux bonnes jour-

1552.

312 MÉMOIRES DU MARÉCHAL

= nées, avec si bons amys, nous pris-II. mes la routte de Metz, sans avoir crainte, pour l'advenir, de tomber en aulcune necessité.

Enfin nous rejoignismes l'armée, qui s'estoit desja ralliée à Rodemach, que l'on commençoit à battre; dequoy il n'estoit besoing, car il se fust bien rendu à la simple sommation d'ung laquais, d'aultant qu'il n'y avoit que des payfants & des femmes dedans, qui estoient si efperdus, de ce que le Capitainne de la place & ses soldats les avoient abandonnez, & si ignorants de traicts, usances, loix, pratiques, & factions de la guerre, que pas ung seul n'eust l'esprit ny hardiesse de se presenter avec fignal fur la muraille, pour parlementer, ny dire qu'ils se vouloient rendre; mais se misrent tous à genoulx, à l'entrée de la porte, qu'ils ouvrirent, criant misericorde, où les foldats exercerent beaucoup de cruautez; & ne peust-on y arriver si à temps, qu'il n'en fust tué la pluspart, & beaucoup de femmes &

filles forcées. Le Roy y vint luymesme, l'espée au poing, qui fauva Henar II. le reste, & commanda lever une banderolle blanche, fous laquelle ce peuple & les femmes, au nombre desquelles y avoit trente ou quarente Damoyselles, furent rangées, avec deffenses, sur peine de la hart, d'y toucher, non pas même d'en ap-

procher.

M. de Vieilleville, qui avoit laissé M. d'Aumalle malade au quartier, & venant trouver le Roy, rencontra environ vingt & cinq foldats qui fe retiroient du camp, & emmenoient chacun fa femme, où estoient unze Damoyfelles, avecques un grand & riche butin, les chargea luy feptiesme de telle furie, qu'il les deffic, & ramena ce famail foubs la banderolle blanche, pour les conserver avec les aultres, abbandonnant le butin aux fiens. Et ce qui ne fust tué fur le champ, passa par la corde: car ils ne peurent eschapper devant chevaux de fervice, qui courent mieux que bidets, & estoient la

15524

cette troups de femmes,

314 MÉMOIRES DU MARÉCHAE

Henri II.

pluspart à pied, & combattus en une plaine. Le Roy luy en sceust un grandissime gré: aussi qu'il sust adverty que c'estoient Lorrains que l'on avoit enrollez aux bandes Françoyses pour faire le voyage, qui se vouloient retirer, quittants le service, avec ceste derniere main, & se trouvants quasi rendus en leurs maisons.

CHAPITRE XXVI.

La Reine de Hongrie, sœur de l'Empereur, entre en Champagne avec une armée : On délibere si l'on attaquera cette Princesse:

Avis du Connétable & de M. de Vieilleville.

Après la prise de Rodemach, il fust advisé d'y laisser garnison pour quelque temps, & de le fortisser, assin de suyvre la royne de Hongrie, soeur de l'Empereur, laquelle, avec

une armée affez forte, estoit entrée = fur les frontieres de Champaigne & HENRI 11 Lorraine, pris la ville de Stenay, & bruslant par-tout où elle passoit, en intention de faire retirer le Roy de l'entreprise d'Allemaigne, & desgaiger fon frere d'un si grand & puissant ennemy, qui estoit à la verité ung stratagesme de guerre de très-fubtile invention, mais executé trop tard; car l'Empereuravoit desja rendu les abbois, & faict toutes submissions proposées par le duc Maurice, qui encores entreprist nonobstant la retraicte de nostre armée, de l'affieger à Inspruck.

Ceste Princesse avoit avecques elle de grands Seigneurs, comme le comte de Mansflet, gouverneur de la duché de Luxembourg, les comtes de Challain, de Maisgue, & de la Chau; & oultre ce, ung très-experimenté Capitanine, nommé Martin Vanroux, Mareschal de Cleves, & plusieurs aultres vaillants Capitainnes, qui l'avoient animée à mettre sus cette armée, composée

1552.

316 MÉMOIRES DU MARÉCHAL

1552.

de quinze mille hommes de pied, IENRI II. de tout ce qu'ils avoient peû ramaffer de Flandres, Claives, Gueldres, Haynault & aultres Vallons, de deux mille Hespaignols, de quatre mille chevaulx des ordonnances de Bourgoigne, & de deux mille aultres chevaulx de noblesse.

Une telle armée meritoit bien qu'on y eust esgard; car encores que une femme en fust le chef, si n'estoit - elle commandée ny conduice que par les advis & ordonnance des Seigneurs cy-dessus, grands guerriers, & qui avoient faict plufieurs foys preuve de leurs experiances & valeurs, à nos despens; & principalement ce Martin Vanroux, qui avoit par cy - devant repris en moins de * fur le feu duc d'Orléans, frere du Roy, la duché de Luxembourg, qu'il n'avoit peû conquerir qu'en quatre moys; & de les suyvre à la debandade, seroit se mettre au hazard de recevoir, oultre la honte, ung irreparable dom-

^{*} Il y a ici une lacune dans le manuscrit.

maige: qui fust cause que Sa Majesté, pour ne rien entreprendre le. HENRI II. gerement, voulut mestre ceste affaire en meure deliberation du Confeil; qui, pour cest effect, fut assemblé le 28 de May, estant encores à Rodemach, assez près de Théonville, place que l'on ne vouloit pas attaquer. En ce temps-là on la tenoit

pour imprenable.

M. le Connestable, qui ne doubtoit poinct que l'on ne suyvist son advis, d'aller après la royne de Hongrie, parle le premier en ce Conseil, selon sa coustume, disant au Roy & à l'assistance, que l'on perdoit temps, & demandoit ce que l'on vouloit faire de ceste armée, puisque l'on ne vouloit attaquer Théonville; & que la royne d'Hongrie a beau faire ce qu'il luy plaist, est en état puisqu'on luy en donne le loisir; mais qu'il s'affeure bien qu'elle se retirera belle erre de dedans Bruxelles, in- bien vîres continant qu'elle se verra suyvie; & que ce retardement est de trop grande consequence. Tous les Princes &

318 Mémoires du Maréchat

Seigneurs, Gouverneurs de provin-Henri II. ces, s'accorderent bien-tost à cela; 1552. & luy, desja comme de cause gaignée, se vouloit lever & rompre l'assemblée: mais le Roy commanda le silence, & à tous de demeurer, voulant entendre l'oppinion d'ung chacun, & qu'ils n'estoyent assis là,

ny appellez pour néant.

Lors M. de Vieilleville, auquel il eschéoit de parler, va dire ainsy: »Plustost, Sire, que de laisser » voltre armée inutile, il seroit plus » que necessaire de suyvre l'advis de » Messieurs les Princes, & d'aller paprès ceste Royne, que l'on ne » trouvera pas si espouvantée comme "l'on pense; car elle a de fort af-» feurez Capitainnes avecques elle, » que Vostre Majesté cognoist tous ; » mais si vous acqueescez à ce con-»feil, Vostre Majesté se va precipi-»ter en deux fort pernicieux incon-» venients. Le premier, qui regarde » la pitié de vos subjects de Cham-» paigne & de Picardie; car puisque » vous estes bien adverty, que par-

»tout où elle passe, le seu y a esté = mis, les poures gens, qui après son HENRI II. » passaige se seront retirez en leurs » maisons à demy - brussées, & rac-»commodées de ce qu'ils avoient »peû faulver, avecques leurs femmes & enfants, seront de rechef » tourmentez & parachevés en ruy-»ne par vostre armée; desorte qu'il »n'y aura espece de malediction que »ce peuple, qui est vostre, ne vous » donne, se voyant ainsy affligé, sur » affliction, & par fon Roy, qui les odoit foubflever de leur misere. » Telle est leur esperance, veû les »tailles & suscides qu'ils vous payent pordinairement.

» Quant à l'aultre, Sire, qui con-»cerne voltre armée, pense Voltre » Majesté qu'elle ne mauldisse pas » femblablement tous ceux qui l'au-»ront conduicte en ces villaiges » bruflez, chercher toute incommo-» dité & la famine, car elle n'est pas ode malheur affez harraffée : mais » je dis bien davantaige, qu'elle est "diminuée du tiers, d'aultant que 155%

qui vous appartiente

320 MÉMOIRES DU MARÉCHAL

fans être conviés.

__ stous ces volontaires, incontinant HENRI II. » qu'ils ont trouvé le chemin de »France ouvert, se sont quasi tous »escoulez, & plusieurs aultres qui » font fur vostre estat, & beaucoup » de Capitainnes, soubs faincte de maladie; & si vous asseureray, » que des cinq cents gentilshommes » dont vous avez honoré mon fils » d'Espinay, il n'en est pas demeuré »plus de trois cents : ils estoyent venus fans convy, auffi fe font-ils oretirez fans dire adieu, ny vous oremercier. Et d'aultre part, vous meustes hier nouvelles que les trois » cents malades que vous aviez » laissez en la ville des Deux-Ponts, » font tous morts; parmy lesquels il »y avoit beaucoup de noblesse, & » vingt & deux fignalez Capitainnes, » qui est une trop importante perte; » & des deux cents que nous avions » laissez à Kaiser-Lutern, il n'en est » revenu à ce matin que trente & ortrois: & tant d'aultres morts par-» cy par-là; car nous n'avons jamais »faict logis qu'il n'en foit demeuré plus

» plus de fix, fans compter le nombre = minfini de chevaulx que nous y avons Henri II. perdus. Par ainfy, il n'y a aulcune »apparence que une armée, ainfy » desbiffée, doive entreprendre de »courre après une aultre, fraische, » gaillarde, reposée, & où il y a » bien des hommes, qui est souste-» nue, nourrie & raffraichie de toutes » les commoditez que l'on sçauroit adesirer des Païs - Bas, & comme »estant sur son fumier. Mais affin » que la vostre, Sire, ne demeure minutile, il me femble, faulf meil-» leur advis, puisque nous sommes » portez en la duché de Luxembourg, » que nous la devons tout presen-»tement enfoncer, & aller de ce » pas affieger Danvilliers. Je tiens » les chefs de l'armée ennemye, si » vaillants & couraigeux, qu'ils enstreprendront de nous faire lever le » fiege. Dieu veuille qu'ils y viennent, & nous trouvent feulement prepofez de troys jours! Aultrefoys, » le feu Roy, vostre Seigneur & pere, » a bien dressé une armée exprès pour Tome II.

155Z.

322 MÉMOIRES DU MARÉCHAL

HENRI 11.

wvenir conquester ceste duché, que wous pretendez vostre vray & naturel heritaige; & maintenant que nous sommes dedans par cas fortuit, il vous tourneroyt à grand reproche d'en sortir sans tenter la fortune: & m'asseure que nous l'emporterons; car l'ennemy ne s'en doubte pas. C'est, Sire, ce que je vous doy remonstrer, en saine conscience de très-humble & très-fidele serviteur de Votre Majesté ».

Ainfy que M. de Chastillon, colonel des bandes Françoises & nepveu de M. le Connestable, se vouloit descouvrir pour en dire son advis, car c'estoit son ranc, le Roy luy imposa silence, disant qu'il n'en vouloit pas ouyr davantaige, & qu'il s'arrestoit à ceste oppinion, se resolvant de la suivre, comme bien recherchée sur les choses passées & presentes; & qu'il ne se pouvoit dire mieux ny rien au contraire. A ceste cause, commanda audict Colonel d'advertir les Capitainnes sous sa

charge, de se tenir prests pour marcher le lendemain; & qu'il vouloit accelerer ce siege, premier que l'ennemy fust adverty; & fist pareil commandement à tous les Capitainnes de gensdarmes, là presents, & aux Colonels de la cavallerie ligiere, ducs de Nemours & d'Aumalle, Et puis fe leva, laissant bien faschées quinze ou vingt personnes d'honneur, qui avoient encores à dire; mais furtout M. le Connestable, qui se voyoit ainsy renverser. Et au sortir de la tente où s'estoit tenu le Conseil, M. de Vendosme * vint acoster M. de Vieilleville, auquel il dict tout bas, en riant, telles paroles : Escoute, hau, esprit de contradiction, & qui tousjours en gaignes, je te prie, de parent & d'amy, viens-t'en soupper avecques moy, car j'ai quelque chose à te dire: Ce qu'il luy accorda; & pria M. le comte de Sault, ung jeune Seigneur de Provence, qu'il aymoit, d'aller tenir sa

Henri II.

l'emporte:

^{*}Ancoine de Bourbon, depuis Roi de Navarre, & pere de Henri IV.

X ij

324 MÉMOIRES DU MARÉCHAL table, qui estoit d'ordinaire de qua-HENRI II. tre bons plats.

HENRI 11 1552.

CHAPITRE XXVII.

Le Roi assiege Damvilliers & le prend: Siege d'Yvoy.

Doncques le Roy partit le lendemain, qui estoit le premier de Juin audict an 1552, pour son voyage de Danwilliers; & envoya M. le Cardinal de Lorraine, sous pretexte de prendre possession de son Evesché de Verdun, avec grosses troupes, prevenir l'ennemy, & s'en saezir: car s'il s'en fust advisé le premier, toute ceste entreprise evenoit à néant, n'estant la distance que de quatre lieues de l'une & l'autre ville, & ceste-cy, grande, riche & opulante, d'où nostre armée tira infinies commoditez pour le siege. Lequel Sa Majesté planta le cinquiesme jour dudict mois, après son partement d'entre Rodemach& le mont St. Jehan; en quoi

la diligence fust si grande, & la = batterie si furieuse, de trente canons, HENRI II. que ceux de dedans voulurent entrer en capitulation: mais ils n'y furent reçeus; & leur fust repondu, que s'ils ne se rendoient promptement à la volonté du Roy, ils estoient pour jamais exterminez & perdus: à quoy ils obeyrent; au grand regret des soldats, qui s'attendoient bien d'avoir ceste curée, lesquels desja se couppoient les chausses aux genoux, pour traverser jambes nues, allant à l'assault, l'eau qui estoit dedans les fossez, à l'imitation des grands qui avoient couché aux tranchées, parce qu'ils l'avoient veu faire à M. de Vieilleville: car en ce temps-là, toutes qualitez de gens, j'entends de gentilshommes, de gens de guerre, & des honnestes hommes, & d'estat des villes, portoient les chausfes entieres, le hault tenant au bas; & ne parloit - on lors des gregues ny de provensalles, qui ne sont venus en usaige que depuis que les bas X iii

1552.

326 Mémoires du Maréchat

HENRI II.

de foye, raz de Millan, & d'estame, ont eu le cours & la vogue en ce

royaume.

De pareille diligence & furie, fut affiegé Yvoy, ville encores plus forte, & où il y avoit beaucoup de cavallerie des ordonnances de Bourgoigne, qui se peult comparer en vafeur à nostre gendarmerie : aussi n'estce que une mesme nation; mais la diversité des Princes, provenant des anciens appanaiges des fils de France, nous a ainfi divifez & rendus ennemis : car de tout tems immemorial les vieux Ducs de Bourgoigne, & les Comtes de Flandres effoient François, parants & ferviteurs de la couronne, & qualiffiez de ce beau tiltre de Pair de France.

Or, la fentinelle du clocher defcouvrit de loing une grosse trouppe de cavalerie françoise, qui venoit avec les Mareschaux de camp recognoistre les quartiers pour l'armée, & faire l'assiete du camp : de quoy il advertit leur gendarmerie, qui ne faillit pas de sortir au son de la

fourdine *, jusques au nombre de = trois cents, armez à écu t; car ils ne HENRI II. portoient avec leurs harnois, que des bas de faye, & les nostres les sayes boucliers. tous entiers, mais fans manches; & attendirent en un vallon fort large & spacieux ceste trouppe d'environ quatre cents cinquante chevaux ligiers que conduisoit M. le duc de Nemours, à bien demie lieue de leur ville, & les chargerent de telle furie qu'ils les rompirent, & furent en danger d'estre tous tués ou pris. Toutesfois la generosité de ce jeune Prince foustenoit le combat jusques à ce que son cheval luy faillit & les fiens femblablement pour n'avoir poinct la honte ny le reproche de l'avoir laissé perdre. Mais le tout eust esté envain, si non que de bonne fortune M. de Vieilleville arrive là, qui alloit executer une aultre entreprife avec fix-vingts bons chevaux

† armés de

* La Sourdine est faite | On se sert de la Sourdine à la guerre , lorsqu'on l'ennemi entende le son

d'un morceau de bois qu'on pousse dans le pa- veut déloger sans que villon de la trompette, pour en affoiblir le son. de la trompette.

328 Ménoires du Maréchae

1552.

= & bien armez jusques à la haulte HINRI II. piece & garde-bras; qui se jecte entre la ville & les ennemis, & les attacque si furieusement & à l'improviste fur la queue qu'ils furent contrainds de tourner teste pour y resister. Le duc de Nemours & les tiens favorisez de ce secours reprindrent couraige, & tous ceux qui vouloient gaigner la guerite se rallierent si bien & recommençerent à combattre, que les Bourguignons furent mis à vau-deroutte, & en demeura de morts sur la place environ quatre-vingts & aultant de prisonniers entre lesquels estoient les sieurs de la Chau, de Vergy, de St. Falles, Haraucourt, du Paroy, le jeune Haussonville, & huict ou dix gentilshommes de nom; le reste qui se sauva ne peust rentrer dedans Yvoy, mais se retira à toutes brides dedans Montmedy.

Après ceste dessaicte Monsieur de Nemours dist à M. de Vieilleville telles parolles : » Mon pere, je ne » vous puisnier que je ne vous doive, » après Dieu, l'honneur & la vie; car

»pour ne vous rien desguiser, je = » m'estois desja rendu à Haraucourt HENRI II. » fur le poinct que vous feistes la »charge, & que l'on ouit crier » France & Vieilleville; de forte que » je suis à vous, faictes de moy ce » que vous voudrez ». Et n'est possible d'exprimer de quels remerciments & accolades il le caressa. Sur quoy M. de Vieilleville loua Dieu de ce qu'il s'estoit trouvé si à propos pour luy faire ung si bon & signalé service. Et commençerent à recongnoistre la ville, faire l'assiete du camp, prandre les quartiers, & se loger attendant le gros de l'armée, qui arriva à trois ou quatre heures après, qui fut ung lundy vingtiesme de Juin que le Roy y planta le siege, & dès le mesme jour sur le soir, on commençea à prendre le tour des tranchées, qui se trouverent conduites le lendemain jusques sur le bord des fossez par la diligence des Suysses que avoit amenez Monsieur l'amiral d'Annebaud, qui estoyent bien aises de gaigner de l'argent extraordinai-

1552.

rement; aussi fust-on contrainct de RI II. s'en servir & les bien payer avant la main, à cause de la grande perte que le tra- l'on avoit faicte de pionniers par l'Allemaigne. Aufquelles tranchées furent incontinant arrangées & poinctées trente & quatre pieces en batterie qui firent en deux jours une bresche merveilleuse, & sembloit que le Roy voullust mettre la ville en pouldre, car il fift encores bracquer auprès de la porte du pont dix-huit canons; qui espouvanta grandement ceux de dedans. Mais le comte Ernest de Mansfelt qui y commandoit leur donnoit couraige, avec affeurance de les bien faire recompenser du service qu'ils feroient à l'Empereur; à quoy les Bourguignons s'obligerent, avec promesse d'y faire leur devoir & y mourir tous; mais les Allemands qui estoient sa principale force reffuserent de souftenir deux si grandes bresches, dont il cuyda crever de despit, parce que c'estoit sa nation; cependant fut contrainct de se rendre à la volonté du Roy; aimant mieux,

par humilité, experimenter sa misericorde, qu'en combattant, l'animer HENRI II. à la cruauté contre ses foldats & les habitants.

CHAPITRE XXVIII.

Prise d'Yvoy. M. de Vieilleville est fait Maréchal de camp. Prise de Mont-Médi.

LA VILLE d'Yvoy rendue à si bon marché contre toute esperance, car elle ne cousta pas vingt hommes de marque ny trente pionniers, l'on fist retirer à son de tambour, arriere de la ville plus de quart de lieue, toutes les bandes de gens de pied de quelque nation qu'elles fussent, fans fçavoir pourquoy; mais après cela Monsieur le Connestable y fist tout aussitost entrer sa compaignie & celle de fon fils aisné Montmorency pour la garde d'icelle. Dequoy les bandes françoifes & de lanfquenets irritées, y entrerent par la petite

1552.

= bresche de la porte du pont, de HENRI II. quoy l'on ne se donnoit pas garde, & la faccagerent & pillerent, quelque ordre que l'on y sceust mettre; disants qu'ils avoient eu toute la fatigue, estre tousjours aux tranchées & à la bouche du canon, & qu'on les privoit de leur esperance contre toutes les usances & loix de la guerre; eftant chose non jamais encores ouye, veue ny praticquée par tous les status anciens & nouveaux de l'ordre & discipline militaire, que les gens de cheval fussent preferez en faict de garde de ville aux gens de pied; mesmes les Grands s'en mutinerent, principalement Monsieur le prince de la Roche-fur-Yon, Monsieur de Nemours, Monfieur d'Aumalle, & aultres qui maintenoient, que si celte garde appartenoit aux gens de cheval, elle devoit estre reservée à M. de Vieilleville pour y installer le sieur d'Espinay son fils ou aultre qu'il luy plairoit. Car depuis qu'il eust deffaict la cavallerie qui estoit là-dedans, ils n'avoient faict aucune sail-

lie, & perdirent si bien couraige, = qu'ils ont plus pensé depuis ceste HENRI II, routte à cappituler & à se rendre, que à combattre; & luy en doit estre totallement la gloire de la prise attribuée. Mais c'estoient des moindres traicts de Monsieur le Connestable, lequel, en toutes ses conceptions ne croyoit, que foy-mesme. Cependant il cuida pour sa peine de novalizer ainsi & pervertir l'ordre ancien des choses, faire une grandiffime perte; car voulant fondict fils empescher le sac de la ville, frappant à tors & à travers fur les foldats, on luy tira une harquebuzade qui donna dedans l'arfon de la felle d'armes, que si elle eust esté plus haulte d'un doigt il en avoit tout droict dedans le ventre; mais le Guydon de son pere y fut tué, & le Mareschal de logis de sa compaignie; & perdirent tous deux douze ou quinze gentilshommes de leurs compaignies; qui fut cause qu'ils se retirerent. Car on sçeit bien quel advantaige les gens de pied en une ville peuvent

35520

innover

15520

= avoir fur la cavalerie par les fenes-HENRI II. tres, portes & boutiques des maifons. Mais les foldats ravagerent & emporterent ce qu'ils voulurent. De quoy Sa Majesté receust ung merveilleux desplaisir, & ordonna pour Gouverneur de la ville le fieur de Bleneau, auquel furent donnez trois compaignies de gens de pied, dont le Capitainne de la principale, car elle effoit des vieilles bandes, se nommoit la Molle. On voulut se jetter fur les informations; mais tous les lansquenets, qui estoient quatre regiments, se mutinerent si asprement, que ce fust aux Prevosts de l'hostel de la Connestablie des Mareschaux & des bandes à se retirer, encores y eust-il trois archers de son Prevost estropiez; car on n'en vouloit qu'à eux, scaichants bien que ceste ordonnance provenoit de luy, qui fut pour celte fois fort peu respectée : ausly, que le Roy, pour obvier à plus grand inconvenient, non fans grandes considerations, fist cesser ceste chicanesque entreprise.

L'ordre qui estoit necessaire pour = la garde de la ville d'Yvoy donné, HENRI II. & le comte de Mansfelt & aultres prisonniers envoyez en toute seureté au bois de Vincennes, Sa Majesté en deslogea le xxiv de Juin; mais à cause de la feste, il ne fist que une lieue ce jour-là, & demeura à Maladoy, auquel lieu les fieurs Pierre Strozzy & de Bourdillon, Marefchaux de camp, la vindrent supplier de leur donner encores ung compaignon, d'aultant que le troissesme, le sieur de Langey, Messire Martin du Bellay, estoit si valetudinaire, qu'il ne pouvoit exercer la charge qui leur revenoit à trop grande fatigue; & quant ores il seroit bien sain, il en escherroit bien ung quatriesme, estant l'armée augmentée quasi de la moitié pour la venue de Monfieur l'Admiral avec les Suysses, qui mene une fort belle arriere-garde. Sur quoy pour leur fatisfaire, Sa Majesté fit venir M. de Vieilleville auquel elle dist telles parolles : Vous avez ouy leurs remonstrances, je n'en sçaurois

15526

336 Mémoires du Maréchae

1552.

= choisir un plus experimenté ny qui l'enlenri II. tende mieux; qui faict que je vous donne ceste charge de Mareschal de camp; elle vous sera pour presaige de l'estre quelque jour de France; & si je vy encores six ans vous en sçauriez certainnes nouvelles. Ce que M. de Vieilleville, après l'avoir très-dignement remercié, fort volontiers accepta, laissant le commandement de la compaignie de M. le Mareschal de St. André au sieur de Fervacques qui en estoit Enseigne; mais au grand regret de tous les compaignons; car ils perdirent ceste bonne table: & print avec luy vingt & cinq gentilshommes de ladicte compaignie, ses plus favorits.

Quant à Montmedy, les Capitainnes qui estoient dedans, effrayez de la prise de Danvilliers & Yvoy, qu'ils estimoient imprenables, s'offrirent à la capitulation, premier que d'estre fommez: qui leur fust imputé à grande lascheté & couardize ; car ils estoient environ deux mille hommes de guerre bien armez; & rendirent la place,

leurs vies, armes & bagues fauves, avec une seule enseigne arborée, & un tambour battant; mais ils laisserent toute l'artillerie & munitions de guerre.

HENRI II.

Ceste sotte composition rapportée au Roy qui estoit allé à Scedan, parce qu'il commençoit à se trouver mal, dist, que c'estoit quelque brasseur de bierre, que la Royne de Hongrie avoit instalé en ceste charge, en faveur de sa nourrice; & y mist, Sa Majesté, pour Gouverneur, le Capitainne Baron.

CHAPITRE XXIX.

Prise de Lumes.

ILY AVOIT auprès de Scedan une aultre place assez forte, nommée Lumes, de laquelle le seigneur s'appelloit Buzancy, le plus insigne voleur de toute la contrée: car ce chasteau estoit sur les marches de Champaigne, pour aller aux PaysTome II.

338 Mémoires du Maréchat

Bas, & sur le chemin des marchands
Henri II. frequentans les soires d'Anvers & de
1352. Francsort; & paix ou guerre, amis
& ennemis, il faisoit ordinairement
de grandes prises & butins. De quoy
M. de Nevers avoit infinies plaintes,
qui avoit bien juré & protesté, si
jamais il le prenoit, de le faire pendre au portal de son chasteau: mais
quand il sçeust la prise de Danvillier
& d'Yvoy, il mourut de peur & de
desplaisir.

de la Marck.

Madame la Mareschal de la Marche, fille aisnée de Madame la duchesse de Valentinois, saichant les immenses richesses qui estoient là dedans, vint supplier la Royne qui estoit desja arrivée à Scedan, de demander au Roy la consiscation de ce chasteau, pour recompenser son mary & leurs subjects de Scedan, des dommaiges, pertes, courses & volleries que la garnison de Lumes saisoit incessamment, & avoit saich depuis dix ans sans discretions de treves ny de paix, sur leurs terres: qui luy sust incontinant accordée. Et ayant retiré le

brevet du don, elle-mesme vint supplier Sa Majesté, de vouloir com- HENRI II. mander à M. de Vieilleville de s'aller presenter devant le chasteau avecques quelques trouppes, & de le faire fommer; & qu'elle sçavoit bien que le fieur de Malberg, nepveu du feu sieur du Busancy, le rendroit à la premiere fommation, car tous les foldats l'avoient abandonné. Ce que le Roy accorda; mais ce ne fust fans luy demander, pourquoy elle avoit plustoft choify Vieilleville que ung aultre Capitainne de l'armée: » Pour ce que, Sire, dist-elle, que » premierement, je le cognois pour oung fort advisé Chevalier, qu'il » fcaura fi bien conduire ceste charge, » que Malberg, encores qu'il foit fin »& rufé, ne luy fera aulcune super-»cherie; après, c'est ung très-homme de bien, & ne cognois gentil-» homme ne Capitainne en toute la »France, plus fidele observateur de » vos commandemens que luy: oultre »cela, il n'est nullement avare, & screveroit plustost que de s'enrichir

155%

340 Mémoires du Maréchae

"du bien d'aultruy: davantaige, je

Henri II. "sçey qu'il vouldroit gratiffier Madame la Duchesse ma mere en tout
ce qu'il luy seroit possible; car il
me souvient bien de la peine qu'il
print de la mettre d'accord avec
M. le Mareschal de St. André, pour
l'estat de Mareschal que tient mon
mary, & de la venue qu'il donna,
mais bien verte, à M. le Connestable, pour cest essex; m'asseurant
au reste qu'il me rendra bon compte
de toutes les richesses qui sont là
dedans, & ne se appropriera de pas

fenter devant le chasteau de Lumes.

M. de Vieilleville print deux compaignies de cavallerie ligiere; & avec ses vingt & cinq gentilshommes, sist sommer le sieur de Malberg par ung trompette, de se rendre; que s'il attendoit une volée de canon, qu'il n'esperast aulcune misericorde

» une, que de mon consentement » & à mon sçeu ». Ce que le Roy trouva fort bon; & l'ayant faid venir, il luy commanda de prendre quelques trouppes, & de se pre-

15524

ny tout ce qui estoit leans, dont il fçavoit le nombre ; & qu'il n'y avoit HENRI, II. que ses valets avec des femmes : car puisque les fortes places se rendoient fans fouffrir qu'on tirast seulement une canonade, comme Montmedy, il n'estoit pas raisonnable qu'une telle bicocque se fist trop prier de se sousmettre à l'obeissance & volonté d'un si grand Roy.

Le sieur de Malberg se presenta fur le rampart, demandant qui estoit là devant; auquel il fust respondu, que c'estoit M. de Vieilleville, gentilhomme ordinaire de la chambre du Roy, & l'un des quatre Marefchaux de camp en ceste armée royale. De quoy il fut très-aise, car il le cognoissoit; & demanda à parler à

luy.

M. de Vieilleville luy envoya les fieurs d'Orvaux & de Montbourchés, pour le faire fortir & demeurer là pour hostaiges, jusques à son retour; mais il les avoit bien enchargez de foigneusement reviser le dedans de la place, quel nombre de gens il y

X III

342 MÉMOIRES DU MARÉCHAL

HENRI II. vaux fortist pour luy en faire sidel 1552. rapport.

CHAPITRE XXX.

Butin immense trouvé dans la ville de Lumes.

ESTANT Malberg devant luy, il loua Dieu que la reddition de la place se devoit faire entre ses mains, pour l'asseurance qu'il avoit, que les richesses qui estoient là dedans seroient conservées à l'heritiere, nommée Madamoiselle de Bourlemont, fa cousine germaine; lesquelles richesses estoient dedans une salle, de laquelle il luy monstra les cless que M. de Vieilleville print incontinant; & luy en demanda l'inventaire, affin qu'il ne fust rien esgaré ny soustraict : ce que luy promit Malberg, le fuppliant qu'il n'y entrast poinct de gens de pied. Lors M. de Vieilleville luy fift veoir les deux cents chevaux

ligiers en bataille, & les vingt & = cinq hommes d'armes bien armez HENRI IL & montez de mesme, & puis son train. Là dessus Orvaux arrive, qui rapporte qu'il n'y avoit d'hommes entout comptant, lacquais & valets,

qu'environ douze.

Après difner, luy & Malberg l'inventaire en main, entrent en la falle avec un tiers, en qui M. de Vieilleville se fioit comme en soy-mesme; & furent jusques à six heures du soir à faire reveue de tous ces riches meubles, fuivant les articles, où il ne fust trouvé aulcun desfaut, jusques aux chemises, ny pareillement du coffret où estoient les bagues : & puis allerent foupper. Mais M. de Vieilleville enferma dedans ce tiers, auquel fust donné à soupper par une petite fenestre, avec commandement de n'ouvrir à personne ; & s'il entendoit du bruit, & qu'on voulust rompre, ou porte ou feneftre, qu'il appellaft, car il y avoit en celte trouppe de vingt & cinq hommes d'armes, sept ou huict que Gascons, Y iv

1551a

344 MÉMOIRES DU MARÉCHAL

1552.

que Lymousins, se disants parents de HENRI II. M. le Mareschal de St. André, qui estoient d'assez maulvaise conscience.

> Le lendemain, par ce tiers mesme, il envoya querir Madame la Marefchale de la Marche; & luy apporta pour guide cest inventaire; lequel, quand elle eust veu : Comment ! distelle: trouverai-je tout cela en estat? Je vous en puis bien asseurer, respondit-il, Madame, car je y ay couché ceste nuict, tout ainsi que me voyez. Alors elle luydonna une petite chefne qu'elle avoit au col, avec ung ruby qui y pendoit. Vous ne vous appouvrissez poinct, Madame, pour ce present, car vous en trouverez pour plus de vingt mille escus de pareilles. Et luy presenta l'inventaire du coffret qui estoit à part : mais il la pria de fe hafter, car M. de Vieilleville l'attendoit à disner.



CHAPITRE XXXI.

HENRI II.

La Maréchale de la Marck entre dans Lumes pour se saisir du butin que le Roi lui avoit donné.

ARRIVÉE qu'elle fust, on se mist à table; & après disner, M. de Vieilleville la mene en ceste riche salle; & y entrerent sans Malberg, qui se trouva fort esbahy, avec seulement deux Damoyselles, & ce tiers: & les meubles confrontez avec l'inventaire, qui estoit fort aisé; car dès le jour precedent ils avoient mis les meubles à part, selon le cours des articles; M. de Vieilleville luy dist telles parolles:

» Madame, voilà ce que le Roy » vous a donné qui est un très-riche » present; car je l'estime à plus de » soixante mille escus; mais ayez » pitié de ceste pauvre heritiere, & » ne doubtez pas que de telle cour-» toysse dont yous vous comporterez

346 MÉMOIRES DU MARÉCHAL

1552.

== »en son endroit, Dieu ne permette Henri II. » que de pareille l'on n'use envers »ceux que vous laisserez après vous; »& ne ignorés poince que nous ne ofommes nez que pour estre ususofructiers de tout ce que nous pos-» sedons en ce monde. Quant à ceste » place, j'emmeneray Malberg avecsiques moy, pour le presenter au »Roy, affin qu'il le mette fur son seftat ; & feray fortir tout ce qui sest icy de sa part, & tout presenstement : la fille est à vous, comme ofont trois femmes qu'elle a; vous » avez amené assez de gens pour gar-» der la place, jusques à ce que le » Roy la face desmanteler: & adieu, » Madame, je m'en vais penfer du » partement pour aller au camp. » Comment, Monsieur de Vieilleville, dist-elle! Je jure au Dieu wivant qu'il n'en ira pas ainsi; car »je veux que vous particippiez au »present qu'il a pleu au Royme faire, » & que nous partissions pour le moins » des deux parts au tiers. J'aimeo rois mieux n'avoir jamais esté, dist-

wil; je vous vendrois trop cher mon _ ofervice : contez feulement que j'ay HENRI II. » faict en toute fidelité ce qu'il a pleu Ȉ Sa Majesté me commander : & » adieu encores une fois ». Là dessus il partit; mais il fist fortir tout le train dudit Malberg, & vint trouver le camp à Douzay. Mais pour ce qu'on luy dist que le Roy estoit bien malade, il en partit le lendemain, qui fut le 29 de Juin, & s'en vint à Scedan où il trouva desja la Marefchale de la Marche, qui avoit faict une incroyable diligence; car toute nuich, elle avoit faich transporter à Scedan tout ce qui estoit dedans Lumes, au desceû de tout le monde; encores qu'il y eust plus de soixante chariots, failant dire & femer partout, que c'estoient vivres & munitions que l'on menoit au camp de Douzay; mais elle n'avoit pas oublié de hault louër M. de Vieilleville au Roy, & qu'il luy avoit donné une très-grande occasion de luy demeurer à jamais parfaicte & très-obligée amie.

15520

Douzy.

348 MÉMOIRES DU MARÉCHAL

1552.

Elleavoit aussi presenté à la Royne HENRI II. Madamoiselle de Bourlemont * qui fust mise sur l'estat des filles de la Royne; & fift appeller Madamoyfelle Janne de Scepeaux, seconde fille de M. de Vieilleville, qui effoit aussi des filles de la Royne, qu'on appelloit, Vieilleville, à la Cour, à laquelle elle fist present d'un tour de col & de braffelets de fines perles orientales, d'une piece entiere de velour cramoify, & d'une saincture d'or du poids de dix-vingts escus : laquelle estoit fort favorite de la Royne, sa Maistresse, tant pour le respect des fignalés services de son pere, que pour son gentil esprit & sagesse, &

> * Elle étoit fille de Re- I né d'Auglure, Baron de Bourlemont, & d'Antoinette d'Aspremont : elle est nommée dans la liste que Brantome nous a laiffée des filles de Reine. On n'y trouve point le nom de Mademoiselle de Scepeaux; mais Brantome a eu foin de nous avertir lui - même, qu'elles n'y font pas toutes nommées : En nommerai-je encore da-

vantage, dit-il? Non, car ma mémoire n'y sçauroit fournir; ainfi il y en a tant d'autres Dames & Filles que je les prie de m'excuser si je les fais passer au bout de la plume, non que je ne les veuille fort prifer & estimer , mais je n'y ferois que resver & amuser par trop. Voyez les additions de M. Le Laboureur, aux Mémoires de Castelnau, t. I. P .329.

qui ne cedoit à pas une en beauté, principalement en naifve blancheur, HENRI II. qui est le tainct le plus excellent & recommandé en visaige de femme, quelque chose que puissent dire les ferviteurs des claires brunes; car bien fouvent, foubs ceftuy-cy, il fe couve une revesche & bizarre humeur, & l'autre porte tousjours telmoignage de fa doulce simplicité &

pure innocence.

Si Madame la Mareschale eust bien fes esplingues des esmoluments de l'armée, son mary ne faillit pas d'avoir encores plus richement ses efguillettes; car incontinant que Bouillon fut pris, le Roy luy en fift ung present, avec la Duché qui valloit de vingt-cinq à trente mille livres de rente; & en porta toute sa vie le titre, laissant celluy de la Marche, qui luy fut ung très-grand advantaige & merveilleux repos; car il avoit une infinité de querelles & d'alarmes de la garnison de Bouillon qui couroit incessament en temps d'hostilité sur ses terres de Scedan,

1552.

350 Mémoires du Maréchat

1552.

= & les ravageoit jusques aux portes & HENRI II. barrieres; & aultant de proces à fouftenir & à vuyder en temps de paix, avec les Officiers de la Duché pour les hommaiges, fiefs, denrées de cenfives, & tous les aultres droicts feigneuriaux, à cause de la voisinance des terres que chacun pretendoit luy

appartenir.

Le Roy commençeant de fe guerir, partit de Scedan, & arriva en fon camp le quatriesme Juillet, où fust faict grandissime allaigresse pour fa reconvalescence; & des le douziesme jour d'après, fut advisé de marcher fans s'arrefter, finon pour combattre les forts que l'on rencontreroit fur le chemin de Guize, où l'on avoit projecté de conduire l'armée : & n'eusmes pas faulte d'exercice; car de lieue en lieue il s'en trouvoit quafi, & mesme des petites maisonnettes sur le hault des chesnes & ormes bien haults, où il y avoit des Prestres & quelques paisants qui tiroient harquebuzades & garrots d'arbalestre sur nostre bagaige. Mais depuis qu'on

tire.

eust trouvé l'invention de coupper = les arbres à belles canonades, ils se HENRI II. sauverent de vistesse ; & ne trouvasmes plus de tels empeschements de si petite resistance.

CHAPITRE XXXII.

Le Roi s'empare de plusieurs Forts: Ensuite il licentie son armée.

LY AVOIT d'aultres forts où il fallut mener les mains, faire tranchées, & poincter le canon : comme Symay, Trelon & Glajon; en l'expugnation desquels nous perdismes beaucoup d'hommes : entre aultres, le fieur Destaugues fust tué à Trelon : de quoy M. le Connestable irrité, car il estoit fon parent, & ung jeune Seigneur de belle esperance, fist razer de fonds en comble le chasteau, & n'y demeura pierre fur pierre; qui estoit l'un des plus beaux de toute la contrée.

Glajon fust semblablement brussé.

11 11 10

372 MÉMOIRES DU MARÉCHAE

1552.

= Mais s'en retournant, M. de Vieil-HENRI II. leville, d'appaiser une sedition qui s'estoit esmeue entre les Suysses de l'arriere-garde & les nouvelles bandes françoises de la bataille, pour le pain, il trouva dix foldats François qui avoient esventré quinze ou feize corps morts des Bourguignons, & desvidoient leurs trippes comme les trippieres à la riviere ; & furmonté de colere, se rue dessus, & les charge du baston qu'il tenoit, comme portent communément tous Seigneurs qui ont commandement en une armée; & les battit bien, & les fift battre & fouller aux chevaux par ceux de sa suice; & s'en alloit avecques cela; mais par grand malheur l'un d'eux va dire : » Par la mort d..., Monsieur, vous nous aymez aultant pauvres que riches. »On nous a affeurez qu'ils ont avallé » leur or & leurs escus : estes-vous marry que nous les cherchions de-» dans leur ventre »? A ceste parolle il se irrita davantaige, & despita tellement, qu'il protesta devant Dieu qu'il

qu'il les feroit tous presentement == pandre; & les fist arrester, envoyant HENRI II. en diligence querir le Prevost des bandes, leur disant : » Tigresque acanaille, quel oprobre faictes-vous Ȉ nature! quelle abhominable » cruauté avez-vous aujourd'huy exer-» cée au christianisme! & de quel odeshonneur avez-vous avilly les armes, & foullé aux pieds la bonne » renommée de nostre nation, qui » est estimée la plus courtoise de toustes celles de l'univers ! Je jure à »Dieu, que vous en mourrez ». Le Prevost demeura trop à venir; qui fut cause que passants par là quatre ou cinq cocquins, qui mesme avoient horreur d'une telle abomination, ils s'offrirent de les pandre, en leur donnant leurs depouilles; ce qui leur fust promptement accordé. Ainsi finirent miserablement leurs jours ces barbares fauvaiges, & detestables trippiers.

Après la prise & le sac de ces trois braves forts, Trelon, Symay & Glajon, le Roy partit de Roquigny,

Tome II.

15524

354 MÉMOIRES DU MARÉCHAL

1552.

de peine.

= & vint à Montreul-les-Dames : au HENRI II. desloger duquel lieu, y ayant sejourné deux jours, il falloit, pour tirer païs, traverser une grande forest & fort dangereuse, pour les ambuscades des ennemis; car il estoit bien en leur puissance de nous faire beaucoup d'ennuy, & en avoit-on des advertiffements. M. de Vieilleville, comme Mareschal de camp, donna cest advis, que M. l'Amiral passeroit le premier avec toute l'arriere-garde, & que le Roy le suivroit : qui fust trouvé fort bon, & fust ainfy faict. Estants à my-chemin de ceste forest, qui duroit deux grandes lieues, nous eusmes une alarme, qui contraignit le Roy de mestre armet en teste; mais ce ne fust rien, & la passâmes du tout sans en avoir d'aultre. L'on croyoit que l'incommodité des pluyes, qui estoient grandes & continues, divertit l'ennemy de rien entreprendre dadvantaige, dont bien nous en print; car s'ils eussent eu de l'esprit & du couraige, ils eussent gaigné pour le moins nostre artille-

rie, qui ne pouvoit aller qu'à force de leviers, à cause des fondrieres HENRI IL où elle s'enterroit ordinairement; & y fallut employer les Lanfquenets

15520

& les Suysses.

Ceste vilaine forest eschappée, nous arrivalmes le 26e, jour de Juillet à Estrée - au - Pont, où le Roy fust contrainct de rompre son camp, à cause de la continuation des pluyes, & du pais, qui estoit si détrempé, que l'on ne pouvoit quasi marcher; & y sejournâmes trois jours pour faire les monstres de la gendarmerie & cavallerie ligiere. Lesquelles faictes, M. de Vendosme emmena la moitié de l'armée en Picardie, pour le recouvrement de Hedin, & le Roy licentia le reste; & chascun fe retira en fa maison, ou en sa garnison.

Telle fust la fin de ce voyaige d'Austrasie, qui dura environ trois mois & quatorze jours, que l'on pouvoit fort aisément empieter & réincorporer à la couronne de France, de laquelle ce pays-là, admira-

Zij

356 Mémoires du Maréchat

= ble en beauté & abondance de tous HENRI II. biens, a esté autrefois le premier & 1552. principal fiege: dequoy tout homme qui s'y fera pourmené demi-an feulement, ne doubtera jamais. Car toutes les Eglises Cathedralles, & groffes Abbayes, font baffies & fondées de nos Roys; comme aussi sont les tours & anciens chasteaux, & la pluspart des murs & enceinces des meilleures villes; mesme ung seul Roy, nommé Dagobert, a fondé douze beaux monasteres sur la riviere du Rhin, & estably Strasbourg en Evesché, imitant en ceste devotion le Roy Clothaire son pere, qui en avoit fondé trois ou quatre, & érigé Trieves en Archevesché. Mais si ceste augmentation n'est advenue à la France, il est facile à juger, par le discours de ceste histoire, d'où en provient la faulte, & à qui on la



doict imputer.



LIVRE CINQUIEME.

CHAPITRE PREMIER.

M. de Vieilleville part pour aller à son château de Duretal.

Apre's que l'armée eust esté ainsy = licentiée à Estrée-au-Pont, & que le HENRI II. Roy euft pris fon chemin vers Folembray, la pluspart des Princes & Seigneurs, fatiguez de si longue traicte, fans jamais avoir sejourné en aucun lieu, plus de quatre ou cinq jours, avecques infinies incommoditez, s'escarterent çà & là pour chercher les bons logis & les villages non mangez ny ruinez des armées, tant du Roy que de la Royne de Hongrie. En quoy M. de Vieilleville ne fust des derniers; car il vint à Varvins, Vervins, Ziij

15520

378 MÉMOIRES DU MARÉCHAL

15520

fuivy de quarante ou cinquante gen-HENRI II, tilshommes plus que de son train, qui ne l'abbandonnerent poinct, ayants faict preuve, durant le voyaige, des commoditez ordinaires qui fe trouvoient à sa suicle, pour le trèsbon ordre qu'il y avoit donné par fes officiers & pourvoyeurs; ayant tousjours M. d'Espinay son fils avecques luy, lequel avoit donné fort honnestement congé à la noblesse volontaire qui estoit soubs sa charge; mais ce ne fust sans les avoir prefentez au Roy, avant qu'il deflogeaft : lesquels Sa Majesté remercia fort gracieusement de leur assistance & service; & en demanda le roolle, qui luy fust incontinant livré; & le bailla, après l'avoir leu, & qu'il les eust tous faict passer devant luy, montez & armez, nom pour nom, & comme en une monftre devant ung Commissaire des guerres, à ung Secretaire d'Estat, pour le luy garder, & n'en perdre la mémoire. De quoy ceste jeune noblesse receust ung fort grand contentement; & fe rep-

puterent très-honorez & fatisfaits de leur despence, que le Roy & Prince HENRI II. souverain eust daigné prendre la peinne & l'ennuy de faire leur monstre; car Sa Majesté y passa toute une après - disnée; & n'oublierent auffy de retirer chacun ung certificat de leurs services, signé de la main du Roy, pour s'en ayder là où le besoing seroit, principalement pour les arrieres-bans : car c'est une loy ancienne, & comme fondamentalle en France, que quand le Roy marche en personne, avecques son armée, tous les nobles de son royaume, ayants terres & seigneuries fieffées & hommaigées, qui ne sont poinct de compaignie, ny en aulcun estat royal, font tenus de luy venir faire service en bon équippaige d'armes & de chevaulx, felon leurs moyens & revenus, pour l'affifter tant que le voyaige durera, & d'en rapporter certificat aux Juges soubs la jurisdiction desquels leurs terres font affises; aultrement, les Procureurs du Roy esdictes jurisdictions, Z iv

1552.

15520

= feroient faesir leurs terres, & oultre HENRI II. ce, payer groffes amandes. Mais la pluspart de ceux-cy, & quasi tous, estoient aisnez & puisnez de bonnes maisons, qui ne jouissoient encores de rien; & n'avoient retiré les certificats susdicts, que pour les monstrer; les ungs à leurs peres, pour ne regretter leur despence; les aultres à leurs maistresses, pour en tirer quelque faveur ou louange; mais la pluspart, pour s'en vanter aux bonnes compaignies, & d'avoir veu le Roy, parlé à luy, & leurs noms gravez au cœur & en la mémoire de Sa Majesté; & pour ce, s'appelloient - ils volontaires, car ils n'y estoient nullement tenus.

Ainfy fe retirerent par bandes privées en leur pais & maisons, avec une infinité d'humbles remerciemens & offres de leurs services & biens à M. d'Espinay leur capitaine, qui les avoit si heureusement comman-

dez & conduicts.

En ce lieu de Varvyns, M. de Vieilleville sejourna six jours pour se raffraichir, & son train; car il y

en avoit grand nombre de malades, pour leur donner loisir de se ravoir HENRI II. & remettre, parce qu'on y trouvoit de tout en abondance, & principallement d'Appotiquaires & Medecins, ayant esté la ville exempte de toutes incursions; semblablement pour reposer ses grands chevaulx, courtaux, mulets de coffres, & aultres chevaulx de somme & de bagaige, qui estoient à demy recreues par tant de corvées.

1552,

Saichant M. le duc de Nemours qu'il s'estoit arresté là, luy envoya ung cheval d'Hespaigne des plus beaux & meilleurs qu'il estoit posfible de veoir, & que M. de Sipierre, premier Escuyer du Roy, avoit pris plaisir, en faveur de ce Prince, de dresser en toute perfection; lequel fust estimé par les gensdarmes & aultres gentilshommes qui l'accompaignoient, pour sa beauté & disposition, & pour la richesse de son harnoys & équippaige, à deux mille escus.

Le gentilhomme qui le luy presenta,

362 MÉMOIRES DU MARÉCHAE

1552.

luy dictelles parolles: » Monsieur, M. HENRI II. » de Nemours mon maistre vous faict present de ce cheval d'Hespaigne, » qu'il a nommé Yvoy, en souvenance » de la recousse que vous fistes de sa » personne devant la ville d'Yvoy, ∞ qu'il vous supplie le prendre, d'aussi »bon cœur qu'il le vous donne, avec »asseurance que vous ne trouvarez »jamais personne en France, qui » vous ayt plus voué d'amytié que »luy, ny fur qui vous ayez plus de » puissance; aussi que vous le y avez » très-fort obligé. Voilà, Monsieur, »la lettre qu'il vous en escrit; elle »n'en contient gueres davantaige ».

M. de Vieilleville la prenant, luy dict, qu'il l'en remercieroit par sa responce; & que quant à luy, il n'avoit pas perdu sa peinne ny son voyaige. Il luy fist donner une chaisne du poids de cent escus, de fort belle façon, & une espée, dague & saincture, le tout couvert de veloux cramoify, gardes & fers dorez de mesme parure, ouvrage de Milan; & au palefrenier qui l'avoit amené,

affin qu'il ne s'en retournast à pied, ung bidet de vingt escus, & pareille HENRI IL somme en sa bourse.

1552.

Ceste despesche faicte, nous nous acheminasmes droict à Durestal, par Orléans, le long de la riviere de Loyre; & approchants du lieu, nous trouvasmes desja tous les signalez Seigneurs & gentilshommes d'honneur du pais, ses parents & voysins, qui saichants le jour de sa venue, s'estoient advancez de luy venir au - devant, pour le bien-veigner: du nombre defquels estoyent MM. de Clermont d'Amboyse, comte du Lude, de Jarzé, baron d'Ingrande & de Champaigne, parants; les sieurs du Gast, de la Barbée, du Pinpean, de Chemans, du Grip, Venevelles, Patrix, la Mothe, Garnier, Gastines, Sainct-Loup, d'Aulnieres, & plusieurs aultres. Tous lesquels, tant d'une part que d'aultre, à la premiere veue, mirent pied à terre en sa forest de Durestal, aultrement de Chambiez, où se passa une bonne demy-heure à s'entrembrasser & saluer; & ayants

364 MÉMOIRES DU MARÉCHAL

1552.

faict quart de lieue à pied, en telles HENRI II. caresses, remonterent à cheval pour venir au chasteau, où ils trouverent la bande des Dames, la pluspare femmes, filles & parantes des dessusdicts, & d'aultres, qui accompaignoient Madame de Vieilleville & Mademoiselle d'Espinay sa fille aisnée, qui les attendoient fur la belle terrasse de Durestal, qui n'a poinct fa pareille en France, au jugement mesme du Roy & de tous les Princes qui l'ontveue; qui estoit si chargée d'aultres gentilshommes, Damoyfelles & habitants de la ville, que l'on ne s'y pouvoit quasi tourner, encores qu'elle soit fort grande & spacieuse; mais le tout, avec une telle joye & allaigresse, qu'elle no se peult exprimer. Et entrant dedans le chasteau avec toute ceste trouppe. il trouva M. l'Evesque de Dol son frere, qui l'attendoit pour le recevoir à bras ouverts; lequel fortant d'une grosse maladie, dont il estoit encores fort foible, se sentit tout reconvalessé de ceste veue.

Tout le moys d'Aoust, & environ douze jours en Septembre, se pas- Henri II serent en telles festes & visites. Et estoyent les compaignies si alternatives, que quand les unes se retiroient, il en revenoit d'aultres; de façon, que durant tout ce temps, jamais la maison ne fust sans survenants & grande affluence de noblesse. En quoy Madame de Vieilleville fist bien paroistre son bon esprit & saige conduicte en l'œconomie; car il n'y eust jamais faulte de vivres de toutes fortes, ny selon les jours; mais elle y en faisoit venir de toutes parts en une merveilleuse abondance.

1552.



HENRI II.

CHAPITRE II.

Le Roi mande à M. de Vieilleville de se rendre à la Cour.

MAIS environ le quinziesme dudict mois de Septembre, il arriva ung courrier, de la part de Sa Majesté, à M. de Vieilleville, avec lettres qui contenoient, que l'Empereur, le duc Maurice, & les aultres Princes confederez, & generalement les Estats de l'Empire, estoient d'accord; mais que se voulant, iceluy Empereur, ressentir de la bravade qu'il avoit faicte, de s'estre presenté avec son armée sur le Rhin, par laquelle il se disoit avoir esté forcé à condescendre en cest accord, il entreprenoit de venir assieger la ville de Metz, s'asseurant de la prendre, ayant des forces incroyables, qu'on estimoit à plus de cent mille hommes; & pour ne donner loisir de la fortiffier, fon armée estoit desja advancée aux environs de Strasbourg,

& plus de la moitié passée au-deçà = du Rhin.

HENRI II.

Et que à ceste cause, il le prioit, & néantmoins commandoit de diligenter ses affaires, & de s'acheminer incontinant après l'arrivée de ce porteur; & qu'il luy vouloit commettre une charge fort honorable en ceste importante occurrance d'affaires, dont il auroit occasion de se contenter; car il luy donnoit moyen de luy faire de grands & signalez services.

L'arrivée de ce courrier, qui se nommoit Corbye, valet de chambre du Roy, troubla grandement toute la compaignie; & y apporta, ce que faict en temps gay & serain, une nuée épaisse & obscure, de laquelle en crevant il ne sort que de la pluye. Aussi, Made. de Vieilleville, qui n'avoit pas jouy plus de troys sepmaines de la presence de son seigneur & mary, le voyant desja eschaussé sur les preparatifs de son partement, ne se peust contenir de descouvrir son ennuy & tristesse par les larmes; qui sust incontinant se-

368 MÉMOIRES DU MARÉCHAL

1552. de toutes ces femmes.

= condée par les afflictions particulie HENRI II. res, generalles & naturelles, de tout ce famail : car ce fexe fe descharge communément de toutes ses passions & angoisses par les yeux; de sorte, que par toute la maison, ce n'estoient que plaintes & pleurs : qui fust ung estrange & trop subit changement, à cause duquel, les violons, haults-boys, & tous les aultres passetemps bien-tost se retirerent.

> Mais ce qui augmenta l'oraige, car il n'y avoit plus d'esperance de le retenir, fust la venue de l'Escuyer de M. le Mareschal de Sain&-André, nommé la Rocque, qui arriva le mesme jour sur le soir, après Corbye, avec lettres de son maistre, desquelles la substance estoit telle : Qu'il sçavoit bien que le Roy luy vouloit donner une charge fort honorable, qu'il n'avoit peu encores descouvrir, s'estant Sa Majesté reservé à le luy dire en luy offrant; mais qu'il avoit tant de confiance en fon indiffoluble & très-ancienne amytié, que jamais il ne le vouldroit abbandonner

abbandonner en ceste très-urgente = occasion; & que, sur le certain adver- HENRI II. tissement de la descente de l'Empereur, le Roy luy avoit commandé de fe jecter dedans Verdun avec sa compaignie, & celle des chevaulx ligiers du comte de Sault, & six enseignes de gens de pied, pour la faire fortifier, & prevenir tous les desseings dudict Empereur; & avoit faid pareil commandement à M. le duc de Nevers, gouverneur de Champaigne & Brie, d'entrer dedans la ville de Thoul, pour les mesmes raisons. Que si maintenant il le veult laisser, il prevoit une terrible breche en sa compaignie; saichant que, quasi tous les gensdarmes & archers, y sont sous fa faveur & par son amytié, qui s'en retireront, s'il quitte sa lieutenance, pour le suyvre; qui luy reviendroit à une honte perpetuelle, ayant le terme trop brief pour en remettre fus une pareille; & que, à ceste occasion, il le supplioit, de frere, de loyal compaignon, & parfaict amy,

de ne l'abbandonner en ce très-ex-

Aa

Tome II.

1552.

370 Mémoires du Maréchat

1552.

= trefme befoing, mais luy faire pa= HENRI II. roiftre les effects & les fruicts d'une si longue & très-ancienne amytié; & fur ceste esperance, il s'en alloit devant à Verdun, le priant de s'y acheminer en toute diligence, & de faire estat qu'eux deux y departiront l'authorité & le commandement, & ainfy le luy promettoit, en foy d'homme de bien, de vray amy, & de gentilhomme d'honneur.

Sur ceste lettre, M. de Vieilleville fe trouva fort combattuen fon esprit; car de reffuser l'honneur que le Roy luy presentoit, il n'ignoroit poince le desplaisir que Sa Majesté en recevroit, en hazard qu'elle luy en fist quelque reprimande à l'accoustumée; d'abbandonner aussi M. le Mareschal en ceste furieuse fluctuation d'affaires, il penseroit offenser grandement la foy qui estoit de si long-temps entr'eux deux jurée, & rompre du tout la courtoisie : car c'estoit chose bien certaine, que quicant fa lieutenance, plus de foixante-dix hommes d'armes, & cent archers, mais des plus

braves & mieux montez, car c'eftoient tous gentilshommes de marque & de moyen, quicteroient semblablement la compaignie, estants tous de Bretaigne, d'Anjou & du Meine, qui ne s'y estoient faict enrooler qu'en sa faveur, & pour son respect : d'aultre part , il ne pouvoit imaginer de quel poids effoit ceste charge, de quelle qualité, ny en quelle province on le vouloit employer; qui le tenoit en une merveilleuse anxiété; & trouvoit bien estrange, que M. le Mareschal de St. André ne l'avoit apprise du Roy, qui ne luy celoit jamais rien pour l'en advertir. Mais ne pouvant croire qu'il ne la sçeust, il entra incontinant, suivant la promptitude de son esprit, en ce soubçon que ledict sieur Mareschal en avoit destourné Sa Majesté, pour ne le perdre, ou qu'il luy avoit donné quelque traist de ruzé courtisan en cest endroiet; en quoy il ne fust poinct trompé, comme il se pourra veoir par ce qui s'ensuict. Car estant en ce doubte, il arriva

HENRI II.

372 Mémoires du Maréchae

fur le foir du mesme jour ung jeune HENRI II. homme de la part de Malestroit, 15520 l'ung des Secretaires de M. le Mareschal de St. André, qui fust si advisé que la Rocque ne le veid poinct; mais fur la retraite de M. de Vieilleville en sa chambre, il se presenta à luy en fecret, luy baillant les lettres de son maistre, qui estoient, fans y rien adjoufter ou diminuer, de cemesmesubject: » Monseigneur, »je ne veux faillir de vous advertir » que l'on vous a donné une terrible » venue. Car faichant, mon maistre, a que le Roy vous avoit choify fon »Lieutenant-general en la ville de » Thoul, il a passé exprès, allant à » Verdun, par la ville de Rheims où mestoit M. le duc de Nevers, qu'il a » tant harrassé, tourné & reviré, qu'il »l'a faict partir pour s'en aller audict » Thoul, fans en attendre le commandement du Roy ny fon pou-» voir; mais a envoyé son Secretaire » Vigenayre en Cour, pour le faire » despescher & l'apporter après luy,

TISA

» avec une lettre qu'il escrit à Sa Ma-

pjesté, qui est de telle substance : ___ o qu'a personne mieux que à luy ceste HENRI II. ocharge ne peult appartenir, estant » la ville de Thoul frontiere de son » gouvernement de Champaigne; & » quand l'Empereur verra que ung » Prince bien accompaigné sera de-»dans, il ne se precipitera pas de »l'attaquer; & qu'il a mené avec luy »toutes les compaignies, tant de » cheval que de pied qui estoient de-» meurées en garnison en son gou-» vernement, à la rupture du camp » d'Estrée-au-pont ; & luy a semblé » faire plus de service à Sa Majesté, » de s'advancer bien avant en pays, » & y attendre l'ennemy, que de demeurer à Chaalons ou à Rheims, » & laisser ravaiger fondit gouvernement par l'armée Imperiale; ce a qu'il supplioit Sa Majesté d'avoir orrès-agreable, comme de celluy » qui a voiié tous ses moyens & sa ∞ propre vie pour fon très-humble »& très-fidel service; & qu'il luy » plaise commander qu'on luy des-» pesche son pouvoir : qui est, Mon-Aanj

374 MÉMOIRES DU MARECHAL

1552.

= » feigneur, tout le mesme langaige HENRI II. » que mondict maistre a flagorné aux poreilles du duc de Nevers ; & l'a » tant pressé de partir, qu'ils sont venus ensemble en ceste ville de » Chaalons, d'où ledit Duc part pre-» sentement pour aller coucher à » Vitry-le-brussé, & nous à Saincte-» Menehoud; duquel lieu aussi, je » vous ay despesché ce porteur seocrettement, qui m'est sidelle, vous » priant de donner ordre à vos affai-» res, & prendre garde à vous. Mon-» dict maistre ne s'est pas attendu à vous de faire venir sa compaignie; » mais il a en toute diligence envoyé 30 Chaubouchet, pour la faire partir odu lieu où elle est, & s'acheminer Ȉ grandes journées à Verdun. Vos-» tre très-humble serviteur, de Ma-» lestroiet. Il vous plaira brusler ceste plettre ».

Quand M. de Vieilleville l'eust veue, il demeura tout pensif & interdict, ne saichant sur qui il devoit rejecter ce malheur; encores se consoloit-il, que les Princes daignoient

bien prendre les charges qui luy = estoient destinées; mais il trouvoit HENRI IL. bien estrange que M. le Mareschal de St. André y eust procedé de ceste façon, & que par une telle ruze, il luy eust fourratté un honneur, que le Roy, de son propre mouvement, avoit resolu de luy faire; car quand M. de Nevers luy en eust escrit, il le luy eust fort volontairement cedé, & l'eust assisté de sa personne & de fa vie; estant trop adverty, que l'on ne gaigne jamais rien d'entreprendre ou de se prevaloir de quelque chose contre le gré & volonté des Princes. Toutesfois, il repputtoit ce traict de M. le Mareschal à l'amitié qu'il luy portoit, & qu'il craignoit de le perdre.

Le matin, ayant depesché ces trois courriers, chacun à part, à leur contentement, & selon les qualitez de leurs maistres, il donna la charge de son train au sieur de la Besnerye fon maistre-d'hostel, pour le faire marcher droict à Chaalons, à bonnes journées; & partit, luy dixief-

1552.

dérobé

Aaiv

276 Mémoires du Maréchae

1552.

me, pour venir aux Rosiers, sur la IFNRI II. levée, prendre la poste pour aller trouver le Roy à Fontainebleau, laissant Madame de Vieilleville fort desolée; à laquelle il ne voulut pas dire adieu, de peur de luy accroiftre son ennuy; mais pria M. & Madle. d'Espinay ses enfans, la consoler d'une esperance de son brief retour, & ne la poinct abbandonner, que ceste tristesse & ennuy ne fussent du tout évaporez; qui, ainsi le luy promirent, encores qu'il leur tardast beaucoup d'aller veoir M. & Made. d'Espinay, leur pere & mere, qui les attendoient en grande devotion à Sauldecourt,



CHAPITRE III.

HENRI II.

Le Roi envoye M. de Vieilleville à Verdun.

ARRIVÉ que fust M. de Vieilleville à Fontainebleau, & s'estre presenté au Roy, qu'il trouva fort peu accompaigné; car toute la jeunesse de la Cour, Princes, Seigneurs & aultres avoient suivy M. de Guyse, qui estoit desja party pour aller à Metz Lieutenant-general, donner ordre aux fortifications & aultres choses necessaires pour le siege; Sa Majesté luy dist, qu'il estoit fort fasché & desplaisant d'une traverse que M. de Nevers leur avoit donnée à tous deux : » Car j'avois, adjousta-• pil, resolu de vous envoyer mon »Lieutenant à Thoul; & il s'y est mallé jetter de bout estourdy, sans mon commandement ny pouvoir, » pour y estre obey; toutesfois ayant e faict paroiftre par ce traict l'ardente

378 MÉMOIRES DU MARÉCHAL

1552.

»affection qu'il a au bien de mon HENRI II. "service, je ne l'en puis revocquer, » vous priant de ne vous en donner » peinne; car je vous jure & promets, de bientost vous pourveoir od'une aultre charge, & de infail-

» lible affeurance, meilleure.

» En attendant, je suis d'advis que » vous partiez incontinant, pour »aller à Verdun affister M. le Mares-» chal de St. André; estimant que » vous luy serez fort necessaire, car » c'est encores la premiere ville de »frontiere qu'il a jamais eue foubs » sa charge; & de faire son cop d'es-» fay contre ung tel ennemy que » l'Empereur, qui s'est plus faict reodoubter par ruses, surprises, intel-»ligences & tradiments, que par »vaillance ou guerre ouverte, il n'y » auroit pas trop de seureté pour ceste mienne nouvelle conqueste: & affin » que vous ayez moyen de foustenir » les despences que vous avez faictes » en ce voyaige dernier, & qu'il vous » conviendra encores supporter, j'ay socommandé au Tresorier de mon

»espargne, de vous delivrer incontinant fix mille efcus: l'Aubespinne HENRY II. sa charge de vous dresser de cela, & vous en donner le brevet, qui » est desja signé de ma main ».

1552.

M. de Vieilleville, après avoir très-dignement remercié Sa Majesté, tant de ses honorables & si volontaires promesses, que de la franche liberalité du don, il delibera de fon partement; & deux jours après, il s'achemina au lieu que le Roy luy avoit commandé; durant lesquels, il fupplia Sa Majesté d'assembler le conseil pour regarder aux plus pregnants affaires, qui concernoient tout l'estat de de-là, affin qu'il apportast avec luy toutes les despesches, memoires & instructions necessaires pour MM. de Guyse & de Nevers, & M. le Mareschal de St. André; & ordonner des finances, & en quel tablier on les pourroit recouvrer au besoing, sans venir à la Cour les solliciter. Ce que le Roy trouva fort bon; de sorte, durant ces deux jours, on ne vacqua à aultre chose; & ne

pressantes.

380 Mémoires du Maréchal

1552.

fut aulcunement tenu confeil pour les HENRI II. parties. Ainsi il s'en alla, bien garny de tout ce que requeroit le fervice du Roy, pour les trois villes, dont les deux Princes susdicts reçeurent ung merveilleux contentement, & luy en firent de grands remerciements; car il trouva à Espernay & à Jallons leurs Secretaires, qui venoient en poste rechercher auprès du Roy, ce qu'il avoit desja obtenu; & les fift rebourfer chemin, dont ils furent très-aises; & celuy semblablement du Mareschal de St. André nommé du Tronchet. L'on ne trouvoit par tous ces chemins, que courriers allants & venants, grand nombre de trains, de bagaiges, de gentilshommes volontaires, compaignés de gens de pied & de cheval, & quelques scouadrilles de gens ramassez, qui ne laissoient pas de faire beaucoup de mal fous le manteau du service du Roy.

Estant arrivé à Chaallons le sieur des Paux * Gouverneur de la ville

^{*} Gentilhomme de Picardie.

fous M. de Nevers, le vint saluer en _ fon logis; auquel il fist entendre HENRI II. toutes les particularitez, desquelles Sa Majesté l'avoit chargé pour son fervice, puis envoya querir le Receveur general de Champaigne, les gens de Justice, & les Maire & Eschevins; aufquels il declara la volonté du Roy, prise & arrestée en son conseil tenu à Fontainebleau les 22 & 23 de Septembre 1552; principalement au Receveur general, que l'intention du Roy estoit, que toutes les finances de sa generalité & celles de Picardie & Bourgoigne, qui se devoient rapporter par commandement exprès de Sa Majesté à son tablier, ainsi qu'il luy fist apparoir par le refultat dudict conseil, & par les mandements & acquicts patants du Tresorier de l'espargne, & de quoy il auroit bientost nouvelles, estoient vouées, dediées, & irrevocablement reservées à M. de Guyse, à M. de Nevers, & à M. le Marefchal de St. André; & qu'il n'eust à les reffuser ny tenir en longueur,

15520

382 MÉMOIRES DU MARÉCHAT

15520

= à leurs simples rescriptions, accom-HENRI II. paignées de leur blancs-fignez : aux gens de justice, qu'ils assistassent leur Capitainne, là present, pour le bon ordre fur les chemins, au chastiment des voleurs, & compaignies desbordées & mal vivantes ; & fur-tout, d'avoir bonne intelligence ensemble, pour la garde de la ville. Il en dict aultant ausdicts Maire & Eschevins, avec louanges & affeurance qu'il donna à tous generalement, du contentement que le Roy avoit de leur fidelité, & de la prompte & affectionnée obeissance qu'ils rendoient à leur Capitainne quand il estoit question du service de Sa Majesté: à quoy il les prioit de vouloir continuer leur remonstrance; qu'il n'y avoit meilleur moyen de s'entretenir en bonne, ferme & indiffoluble union . qui estoit très-necessaire pour la confervation de leur ville & province; principalement en l'absence de M. de Nevers; & ayant un si puissant ennemy fur les bras; & quasi à leurs portes, avec une armée, telle, que de

cent ans on n'en a veu une pareille fur les frontieres de France.

HENRI II.

Toute l'assistance le remercia trèshumblement de ses bonnes remonstrances, avec offres & promesses de continuer de bien en mieux, comme bons & sideles subjects: cela dict, chacun se retira.

Le lendemain, fans attendre fon train, encores qu'il eust nouvelles qu'il estoit à Chasteau-Thierry, il reprint la poste pour aller à Verdun: tant estoit grand fon desir d'estre auprès de M. le Mareschal; aussi, qu'il l'avoit affeuré, par le Tronchet qui estoit party devant, du jour qu'il y devoit estre; & trouva à Ste Menehou le fieur de Chazeron, guydon de la compaignie, avec quelques gentilshommes; où après avoir repeu tous ensemble, par gaillardise, l'accompaignerent au grand galop jusques à Clermond en Argonne, distant de Verdun de trois petites lieues, où estoit M. de Fervacques, Enseigne, qui les y attendoit, avec plus de cinquante gentilshommes, & des Officiers de M. le Mareschal

qui luy avoient preparé son soupper : HENRI II. qui fust cause qu'il demeura la tout le jour ; car il avoit esté ainsi arresté, ayant mondict sieur le Mareschal projecté de faire quelque gentillesse en signe de rejouissance de sa venue: qui fust qu'ayant M. de Vieilleville, le lendemain matin, changé de cheval, & estant desja à plus de mychemin avec tous ceux qui luy eftoient venus au devant, M. le Mareschal s'estoit luy-mesme embusché avec cent ou fix-yingts chevaux, en des bois où il y a deux verreries, & en la plaine, entourée de bois de tous costés, & garnis de deux cents harquebuziers; il fort de fon embuscade, & se jecte sur M. de Vieilleville avec toutes ses trouppes fonnants la charge; d'autre costé, les harquebuziers fortent, le tambour battant, avec ung bruict d'harquebuzades le nompareil, & y firent les escarmouches fort gaillardes, car l'Enseigne & le Guydon vouloient fauver le Lieutenant, & tout le reste qui estoit en plus grand nombre

bre foustenir leur Capitainne en chef; = mais enfin M. le Mareschal le fist HENRI II. son prisonnier; & en cela se passa une fort belle & très-plaisante algarade. Car jamais on ne veid mieux voltiger chevaux, s'entrembrasser & caresser. Mais M. le Mareschal ne voulut permettre qu'il mist pied à terre pour le saluer; mais, tout de cheval, se festoyerent d'embrassades; luy faisant bien paroistre par l'ordre de ce passe-temps, la grande & parfaicte amitié qu'il luy portoit, & l'aife qu'il avoit, contre toute esperance, de le veoir encores, d'avoir pris la peine d'y estre venu en personne : car tant que le chemin dura, qui estoit d'une petite lieue, jusques à Verdun, il n'y avoit carrefour ny boccaige d'où il ne fortît des harquebuziers, qui s'escarmouchoient bravement, & des gensdarmes qui se donnoient coups de lance, & rompoient fort furieusement & dextrement leurs boys : où il se fist de trèsbelles courses. Et arrivasmes, en tels passe-temps & fanfarres à Ver-Tome II. ВЬ

15520

386 MÉMOIRES DU MARÉCHAE

15520

dun; où le capitainne Bronvilliers; HENRI II. Sergent Major de la ville, nous fistune falve fort gaillarde de cinq ou fix cents harquebuziers en la plaine devant la porte, où estoient semblablement fix cents corcelets, trois cents de chaque costé, & distants d'environ fix cents pas entre les deux bataillons, qui firent semblant de combattre & de s'approcher, branlant la picque en braves foldats; mais toute la cavallerie passe au travers à toutes brides, qui les departit : tout cela à la veue des habitans de la ville, qui estoient sortis pour en veoir le passe-temps, qui jouirent comme nous de ce plaisir, qui estoit trèsgrand & fort bien ordonné.

Estant devant le logis de M. le Mareschal, où tout le monde mist pied à terre, les embrassades recommencerent: car la pluspart de la compaignie, qui depuis Estrée-au-pont. n'avoit veu M. de Vieilleville, se voulut bien faire recognoistre; comme aussi firent tous les Capitainnes des bandes françoises, au nombre

de dix, qui y estoient en garnison, fachants bien qu'il leur devoit com- HENRI IL mander. Et cela faict, on alla disner; après lequel il ne fust question d'affaires ny de conseil; mais le reste du jour se passa en toutes sortes d'allaigresses & de plaisirs, principalement de courre la bague.

15520

CHAPITRE IV.

Monsieur de Vieilleville fait fortifier la ville de Verdun : L'armée de l'Empereur investit la ville de Metz.

LE LENDEMAIN, on monta à cheval pour ronder la ville par dehors, & recongnoistre les desseings projectez de l'ingenieur Camille Marin, present en ceste visite; auquel M. de Vieilleville dist, comme en colere; qu'il s'esbahissoit qu'il n'avoit encores mis en l'allignement de ses fortifications, avec la haulte & basse ville & les fauxbourgs, toute la banlieue

Bb ij

388 Mémoires du Maréchat

= à la ronde de Verdun; toutesfois HENRI II. que luy-mesme sçavoit bien, que M. de Guyse avoit faict desmolir 15520 deux ou trois groffes abbayes, & generalement tous les fauxbourgs de Metz; oultre ce, en ung retranchement de la ville, abbattre plus de maisons qu'il n'y en a en la basse ville de Verdun ; & qu'il fauldroit plus de dix mille hommes pour garder tout ce qui estoit alligné & où il avoit faict planter les paux : disant pieux. à M. le Mareschal, qu'il falloit abbandonner la basse ville & la brusler avec les fauxbourgs si l'ennemy s'y venoit presenter; & fortiffier seulement la haulte, & ce qui estoit costoyé de la riviere de Meuze ; donnant de si bonnes raisons de son dire, que ce Camille fust si espris, qu'il ne peult rien alleguer ny debattre au contraire. Et adjousta, M. de Vieilleville, qu'il scavoir desja les lieux où il falloit dresser des plates-formes, jusques au nombre

> desix. Ce que M. le Mareschal trouva le meilleur du monde : & fust suivie

> > H & H

ceste oppinion. De quoy le susdit Camille fust si despité, & si irrité, HENRI II. que le jour d'après il se derobba; & fans parler à personne, alla trouver à Metz M. de Guyse, pensant que l'on envoyeroit en toute diligence après, pour le prier de revenir. Mais on ne s'en fist que rire : aussi, que l'on sçavoit bien qu'il seroit là inutile ; car le sieur de St. Remy gentilhomme françois, natif de Provence, y estoit, & en repputation d'estre le plus suffisant Ingenieur en matiere de fortiffications, & d'admirables inventions d'artifices de feu, qu'on eust sçeu trouver en toute l'Europe : qui redonde grandement à la gloire françoise; car les Italiens s'attribuent la science des fortiffications, sur tout le reste de la chrestienté; encores par une bonne desbordée vantance, & trop audacieuse presomption, ils s'en disent inventeurs.

Au fortir de là, M. de Vieilleville fift venir nombre de massons; & commencea de faire le plan des plates-Bb iij

390 Mémoires du Maréchad

formes, tirer le cordeau, & planter
HENRI II. les paux; où toute la matinée se passa:
1552. & nomma la premiere, la Marefchale; la seconde, de son nom; la
troissesse, de Fervacques enseigne;
la quatriesme, de Chazeron guydon;
la cinquiesme, la comtesse de Sault;

& la sixiesme, de Thurenne.

Après disner, fust le plaisir de veoir tout le monde en besoigne : en quoy commencea M. le Mareschal à sa plate-forme, avec grand nombre de gentilshommes volontaires, fon Prevost & tous ses archers, ses domestiques de quelque qualité qu'ils fussent, & toutes fortes de valets, jusques aux paiges & lacquais; & n'y eust personne qui en fust exempté, ou pour charger ou pour porter la hotte; & chacun des susnommez, en cas pareil, print la sienne à tasche. La pluspart des gendarmes avec leurs valets, à celle de M. de Vieilleville, & toute sa maison; le reste, pour Fervacques; & les archers, pour le Guydon; & ainsi des autres; avec environ mille pionniers qui furent

départis, oultre les habitans qui = y firent des corvées, car c'estoit HENRI IL pour leur conservation; sans grand nombre de payfans, avec leurs femmes & enfants pouvants porter hottes, qui furent payez: & estoit ceste diligence si grande, qu'il sembloit veoir une armée drillante de fourmys, qui porte & traîne en sa fourmilliere tout ce qu'elle trouve, tandis que le chault dure, propre à sa nourriture pour fon hyver; fy bien qu'en moins de trois sepmaines, il n'y avoit plate-forme qui ne haulfast la teste par dessus les murs de la ville, plus de toise & demie : car on n'attendoit pas le jour esclorre pour venir aux attelliers; & ce qui animoit le commun, venoit de la diligence des grands. Et dura ceste furie de travailler jusques à ce que l'on cust sceu au vray, que le duc d'Alve vouloit attaquer Metz; & qu'il eftoit venu recognoistre la ville devers la porte Ste. Barbe, pour projecter le desseing & commodité du fiege, attendant l'Empereur; qui fut Bb iv

15520

reluifance

392 Mémoires du Maréchae

HENRI II. bre 1552.

= ung mercredy dixneufiefme d'Octo-

Sur ceste nouvelle, en vint incontinant une aultre, que le duc d'Alve avoit pris le quartier de la porte Champenoise avec toutes ses trouppes; & que le sieur de Brabançon s'estoit logé en la montaigne, vers la belle croix avec les siennes; & qu'ils avoient desja faict commencer les tranchées en toute diligence, tirant droict à la porte Saint Thibault pour y poincter & asseoir l'artillerie, que l'on disoit estre de trente canons en batterie, & douze grandes coulevrinnes pour les dessenses.

Ceste derniere fascha fort M. le Mareschal, M. de Vieilleville, & tous ces seigneurs qui s'estoient venus jecter dedans Verdun, en leur faveur, sur esperance d'ung siege; avec un regret infini de s'y estre arrestez: car il n'y avoit plus moyen d'entrer dedans Metz; & se desista l'on par desdain de toutes fortissications, laissants l'entreprise de quatre boulevers qui estoient fort advancez,

Te contentants des encoigneures de la ville, qui en pourroient servir, HENRI II. en y faisant des flancs; de sorte que tout le monde se degousta de bien faire.

CHAPITRE V.

M. de Vieilleville se met à la tête d'un détachement de la garnison de Verdun, & enleve un convoi de vivres aux Imperiaux.

M AIS M. de Vieilleville leur remist le cœur au ventre ; disant qu'il fe presentoit ung plus grand moyen de faire meilleur service au Roy en la campaigne, qu'en ung siege; car il estoit certain que l'armée de l'Empereur estant si grande, ne pourroit moins que de s'eslargir & estendre par toute la contrée, pour fourrager & chercher fes commoditez; & que s'ils le vouloient suivre, & la compaignie de M. le Mareschal, qu'il

394 MÉMOIRES DU MARÉCHAE

15520

les feroit resserrer en leurs limites HENRI II. & de si près, qu'il en seroit parlé à jamais; les priant seulement d'avoir bon couraige, & qu'il les meneroit & rameneroit, Dieu aidant, chargez d'honneur, de butin, & de prisonniers; & leur monstra le pouvoir qu'il avoit du Roy signé & scellé, de tenir la campaigne, & empescher les vivres d'aller au camp de l'ennemy.

A quoy s'accorderent fort facilement tous les braves Seigneurs, les Gentilshommes volontaires, & d'aultres Capitaines fans charge, plustost que de demeurer inutiles, se voyants conduicts par ung si excellent, magnanime & valeureux Capitainne, qu'ils fçavoient tous estre accompaigné de bonheur en toutes ses entreprises; & puis, de combattre avecques la compaignie de M. le Mareschal de Sainct-André, qui n'avoit fa pareille en France, ils s'affeuroient d'acquerir sans doubte beaucoup d'honneur; aussi qu'ils voyoient les Capitainnes des vieilles bandes, y estants en garnison, avec leurs ex-

perimentez & vieux foldats, brufler de ceste entreprise : qui les fist tous generalement se resoudre d'y hazarder leur vye, & d'obéir, sans aulcun estrif ou difficulté, à ce qu'il leur commanderoit. Doncques, cette resolution prise, M. de Vieilleville leur donna terme de huich jours pour se preparer au voyage, regarder à leurs armes & chevaux, se garnir de fommiers pour leurs vivres, ne faire poinct porter de licts ny de malles, car il ne falloit poinct changer d'habits, seulement quelques chemises, & qu'il leur feroit veoir ce qu'ils ne virent jamais.

Durant les huict jours, on apporta une très-facheuse nouvelle de la deffaicte du duc d'Aumalle *, près Nancy, au village de Sain&-Nicolas de Lorraine, par le Marquis Albert de Brandebourg: & d'aultant plus ennuyeuse, principalement à M. de

* Claude de Lorraine, | la qualité de Duc de Gui-Duc d'Aumale, second | se, depuis la mort de son fils de Claude, Duc de pere, arrivée le 12 Avril Guise, & frere cader de 1550. François, qui avoit pris

HENRI II. 1552.

396 Mémoires du Maréchal

= Vieilleville, que M. de Rohan * y 1552.

male.

HENRI II. avoit esté tué, qu'il aymoit sur tous les Seigneurs de France : ce qui advint le 4 de Novembre audict an 1552; & que ce Marquis amenant le Duc d'Au- avec luy son prisonnier, s'estoit venu rendre en l'armée de l'Empereur, auquel on avoit donné pour quartier, en ce siege, & à ses trouppes, qui estoient de huict mille hommes, avec vingt pieces d'artillerie, l'Abbaye Sainct - Martin, fous le mont Sainct-Quentin, du costé du pont des Mores & de la porte du pont Yffroy: fe retrouvant par ce moyen la ville de Metz assiegée, & enclose

> Le desseing de M. de Vieilleville estoit de passer la Mozelle, & de battre les chemins entre Thoul, le Pont-à-Musson & Nancy, bien adverty, que quelques trouppes d'Ita-

> de trois camps; de celluy du duc d'Alve, de Brabançon, & du mar-

quis Albert.

* René I du nom, Vicomte de Rohan. Les Auteurs de l'Histoire gé-fut tué, au 20 Octobre

néalogique des grands | 1552.

liens & d'Albanois s'estoient écartez du siege pour vivre & camper HENRI II. à leur aise. Mais faichant au vray le lieu où estoit campé le marquis Albert, changea d'oppinion, animé de la mort de M. de Rohan, qu'il regrettoit à gros fanglots incessamment.

15520

Doncques, les huict jours expirez, & que tous ceux qui estoient enroollez, pour fortir avec luy, se trouverent prests, il partit de Verdun, un mardy 22 de Novembre audict an, accompaigné de six cents bons chevaulx, fix cents harquebuziers, & deux cents corcelets d'eflite, & la fleur des compaignies vieilles, & des legionnaires de Champaigne & Picardie, qui y estoient en garnison, avec deux cents pionniers, pour rompre haves, buffons, & combler les fossés, & entrer dedans les terres, à cause des meschants fondriers chemins qui font en ce pays-là, qu'on appelle la Voyvre*, des

buiffons

^{*} La Voyvre est le nom que l'on donne à la partie du Barrois qui renferme les Baillages d'Etain, Briey , Longuyon & Viller-la-Montagne.

398 Mémoires du Maréchat

15520

fubjects & territoires de Lorrainne: HENRI II. & l'ayant M. le Mareschal accompaigné jusques à la porte de Fresne. aultrement de Metz, il print congé de luy, s'entredifants adieu, comme s'ils ne se deussent jamais reveoir. Et entrant dedans le villaige de Fresne, distant de Verdun de quatre lieues, fur le chemyn de Metz, le maire du villaige, qui est des subjects de Lorraine, le vint advertir qu'il y avoit environ deux cents Vallons ou Marengeais, qui fonttous Bourgoignons, à lieue & demye de-là, faisants estat de venir loger audict Fresne; auquel lieu il les guyda si fidellement, que ces pauvres gens furent furpris, & tous taillez en pieces : qui fut la premiere entrée de M. de Vieilleville, sur laquelle luy & toute fa trouppe firent de bons presaiges; car il ne leur cousta pas ung homme, ny pas ung blessé; & revindrent coucher audict Fresne, où il avoit laissé les deux parts des harquebuziers, & la compaignie de chevaux ligiers du Ca-

pitaine Boisjourdan, pour garder le = logis.

HENRI II.

Après ceste deffaicte, tous les habitants des villaiges de la Voyvre, appastez des dix escus qu'il avoit donnés au maire de Fresne, pour fa peine & fidelité, le venoient advertir de tout ce qu'ils pouvoient descouvrir de l'armée Imperiale, comme gens qui alloient librement par-tout, avec l'escharpe jaulne, sur le privilege de neutralité accordé de tout temps au duc de Lorrainne & à ses subjects, par l'Empereur & le roy François le Grand. Et entre aultres, le maire du villaige nommé Villefaleron, luy vint donner advis certain, qu'il devoit fortir, fur les quatre heures du foir, de la ville de Malatour, distant de quatre lieues de Metz, cent chariots de vivres. avec escorte de cinq cornettes de cavallerie ligiere, Italienne & Hefpaignole, conduicte par le sieur de Montdragon, pour aller au camp; & qu'il vouloit mourir, s'il y en avoit dayantaige, and and and

400 Mémoires du Maréchat

1552.

M. de Vieilleville luy demanda; HENRI II. en luy mettant quarante escus en la main, s'il ne scavoit point de chemin pour aller à couvert en son village, qui estoit une lieue au - delà de Malatour, tirant vers Metz: qui luy respondit que ouy, & qu'il le guyderoit bien feurement; mais qu'il y avoit deux bonnes lieues de 1 détour; torse 1. Non force 2, dist Monsieur de Vieilleville, nous avons du temps assez : 2 cela n'im- & à cheval, au son de la sourdine, retenant tousjours ce maire auprès de luy. Et print toute la cavallerie avecques luy, & environ trois cents harquebuziers des plus experts & aguerris, qu'il monta quasi tous à cheval, de la deffaicte du jour precedant; & commanda au capitainne Bronvilliers, & aultres Capitainnes, d'amener après luy le reste en diligence, à pied, sans aultre guyde que de leur piste; marchant en telle diligence & fans bruict, qu'il fe trouva audict Villesaleron sans eftre descouvert (car c'estoit tousjours dedans les boys). Ce ne fust pas

toutesfois

chemin détourné.

porte.

toutesfois la principale cause qui = empeschea les ennemys d'en avoir HENRI II. lumiere; mais le commandement general qu'il fist avant partir de Fresne, que tout ce que l'on rencontreroit par les chemins, qu'on le retint, fust-ce un ladre, & qu'il fust mené avec eux, fans le laisser aller. jusques après l'execution de son enprise; car tousjours, disoit-il, on prand langue des allants & venants, qui rompent souvent de braves desseings. De forte que plusieurs femmes, vieilles & jeunes, laboureurs, bergers & gueux, qui alloient chercher le pain, & d'aultres, firent la corvée avecques nous, fans les offenser ny faire aucun desplaisir.

Et estant là, il dist à M. de Sault. & au capitainne Boisjourdan: » Je » veux qu'il forte de Malatour trois »fois plus qu'il n'y en a : je les tiens » pour deffaicts, & tout ce qu'ils me-»nent, nostre *. Prenez chacun vos »compaignies, & chacun cent har-

Tome II.

15520

^{*} C'est-à-dire, je tiens que tout ce qu'ils ont est a nous.

15520

» quebuziers, & vous escartez les HENRI II. suns des aultres d'environ trois » cents pas, & me laissez faire la pre-» miere charge; & incontinant que vous entendrez que nous ferons »aux mains, venez l'un après l'aul-»tre, & de divers lieux, & vous » recommandez feulement à Dieu : » je n'ay pas esperance que vous trou-»viez où rompre vos lances ». Et leur monstra le lieu où ils se devoient poser: lesquels, après s'estre raffraichis, & leurs chevaux, audict villaige, firent ce qu'il leur estoit commandé.

> Et commanda au capitainne Rago, de se mettre, avec les cent harquebuziers qui restoient des trois cents, derriere son hôt; & lorsqu'ils verroient la charge, faire battre le tambour, & s'advancer à course, pour venir sur l'ennemy, & luy tirer en flanc. Par ainfy, il départit toute sa trouppe en trois, qui tous avoient une merveilleuse ardeur de combattre.

Mais ils n'eurent pas faict alte

plus d'une heure, attendant l'ennemy, qu'il eust nouvelles que Bron- HENRI IL villiers arrivoit avec sa trouppe de harquebuziers, fans auleun bruict; auquel il manda, que puisqu'il estoit desja au - deçà de Malatour, qu'il fe fermast là en quelque lieu à couvert, fans s'advancer en façon quelconque, finon quand il entendroit nouvelles de la charge, & qu'il fe jectast entre Malatour & l'ennemy, affin que les fuyarts n'entraffent; & que, du reste, il s'en remettoit à son experiance & valeur, comme à un vieil Capitainne routier, qui sçavoit bien faire la guerre à l'œil, & auquel il ne falloit poin& donner leçon.

Finablement, un foldat des noftres, que l'on avoit envoyé, avecques l'escharpe jaulne, descouvrir de loing quand ils fortiroient, rapporte qu'ils estoient sortis, à bien quart de lieue au-deçà de la ville, & parmy les charriots, fans ordre, horsmis seulement trois cornettes

Ccij

15520

404 Mémoires du Maréchat.

qui marchoient devant, encores affez

1552.

Alors M. de Vieilleville s'advance avec sa trouppe au petit pas, en l'ordre cy-dessus, & envoye dire au comte de Sault, & capitainne Boisjourdan, qu'ils s'advancent quant & quant. Montdragon descouvrant si inopinément notre trouppe, commence à vouloir mettre la sienne en bataille; mais trop tard: car M. de Vieilleville le charge de telle furie, qu'il le met à vau-de-route. D'aultre part, les deux aultres trouppes qui furvindrent, leur donnerent l'espouvante si grande avec l'harquebuzerie, trompettes, tambours, que sans soustenir, que bien peu, le combat, ils fuyent devers la ville. Mais ils y trouverent en teste le capitainne Bronvilliers, qui ayant bien retenu le commandement qui luy avoit esté faict, les escarmoucha d'une estrange façon; de forte qu'estants investis devant & derriere, & par les flancs, ne peurent eschapper la mort ou la prison. Bronvilliers, cependant,

bien advisé, poursuyvant quelques = fuyarts, entre pelle melle avec eux HENRI H. en la ville, & se saezit de la porte. Il en demeura environ six cents de morts fur la place; trois cents prifonniers, & les cent charriots ramenez en la ville; M. le vicomte de Thurenne bleffé, & le Lieutenant de M. le comte de Sault, tué, fans aultre perte. Il y en eust grand nombre qui laisserent leurs chevaulx le long des hayes, pour s'enfuyr à travers les champs.

- 1552a

CHAPITRE VI.

M. de Vieilleville se rend maître du château de Conflans.

LE LENDEMAIN matin, M. de Vieilleville, après avoir faict louer & remercier Dieu de ceste belle victoire, qu'il tenoit pour fort miraculeuse, envoya à Verdun six cornettes de cavallerie ligiere, & trois ou quatre aultres drappeaux, trois Ccin

406 Mémoires du Maréchal

15520

= cents prisonniers, M. le vicomte de HENRI II. Thurenne blessé, avec quarente des nostres aussi blessez, & le corps du Lieutenant du comte de Sault, ensemble vingt charriots chargez de vin d'Aussois & de Bar, dont il faisoit present à M. le Mareschal de Sainct-André, reservant pareil nombre pour luy & les plus apparants de sa trouppe. Quant aux aultres foixante charriots, c'estoient farines, lards, chairs salées de boeuf, en tonnes & falloirs, & toutes aultres fortes de vivres duisibles & necessaires en un camp, qui servirent bien au sejour qu'il sist à Malatour. Il donna un charriot tout entier, avec sa charge de farines & son attellaige de six bons chevaux, & deux muids de vin, au maire de Villesaleron, qui tenoit taverne en son villaige; ensemble deux ou trois accoustrements. Puis le renvoya, prenant asseurance de luy, d'estre fidellement adverty de ce qu'il apprendroit de l'ennemy; ce qu'il luy promit. Et après cela, il fist publier

à son de trompette & de tambour, = que personne n'eust à faire force ny HENRI II. desplaisir, en sorte quelconque, aux habitants de Malatour, ny de Villefaleron, ny y prendre aulcune chose, que de gré à gré, & en payant raisonnablement. Tout le reste du jour se passa à se raffraichir, traicter, & fe repofer : car depuis leur partement de Verdun, qui estoit le quatriesme jour, ils avoient esté nuict & jour fur pieds, & au combat, & fans despouiller. M. de Vieilleville despartit semblablement les chevaux de fervice, aux honnestes hommes, felon leurs merites; & les communs chevaulx, aux foldats: si bien, que tout le monde demeura contant, avec louange qu'ils luy donnoient tout hault, que c'estoit ung Capitaine qu'il falloit suivre jusques à la mort; car il donnoit tout, & ne retenoit rien pour luy; & qu'il faisoit fort seur de combattre sous sa conduicte, car on remportoit tousjours la victoire, avec peu ou poinct de hazard, ny de perte. CCIV

15520

408 MÉMOIRES DU MARÉCHAL

15520

Il fejourna douze jours à Mala-HENRI II. tour, durant lesquels il ne laissoit pas trop repofer ny perdre temps aux compaignons; car il envoyoit tousjours gens à tour de roolles battre la campaigne, qui ne revenoient jamais à logis les mains vuides, tant de prisonniers que de butin; & luymesme y alloit, se rendant subject au rang, pour ne fouller personne, & ofter toute occasion de murmure; encores que son authorité, & le commandement general qu'il avoit du Roy fur toute la trouppe, comme nous avons dict, l'en eussent peu & deu exempter : mais il luy fembloit bien, que par sa presence, les choses prenoient meilleure fin; & que les soldats, le voyant, combattoient de meilleur couraige. Somme, que par les courses de ces douze jours, il fe trouva deux cents Italiens, fixvingts - dix Hespaignols, & huictvingts & dix Reithres, tuez, qui s'escartoient par les villaiges de-çà de - là, brusquant fortune & leurs commoditez, par trouppes; une fois

de quatre, une aultre de fix, & de = dix, & quelquefois de vingt. En HENRI II. quoy M. de Vieilleville tira de grands fervices des Lorrains, avec leurs escharpes jaunes; car ils ne nous accusoient jamais aux ennemys, & luy venoient descouvrir où il y en avoit. Aussi, il les faisoit riches, & leur donnoit incessamment argent, chevaux, & habillements; & au reste, bonne chere, avec protection de leurs biens, familles & maisons.

Si bien qu'il n'y avoit soldat, qu'il ne fust à cheval; & la pluspart des goujarts, qu'il n'eust une cappe, manteau, ou cafaquin: car les chevaulx, habillements & armes, y eftoient à non prix, ne trouvant à qui les vendre: & beaucoup de prisonniers, avec grand nombre de charettes que l'on prenoit, chargées de vivres, qui alloient au camp, defquels les paysans de la Voyvre avoient bon marché, & quasi pour neant.

Nous euffions plus long-temps fejourné à Malatour; car il y faisoit bon, pour la grande abondance de 15520

pour rien.

410 Mémoires du Maréchae

15520

vivres que nous y avions amassées HENRI II. encores plus pour l'incroyable & advantaigeuse commodité de faire la guerre, à cause des boys, halliers, & groffes houffieres qui nous couvroient au sortir de la ville, à la faveur desquels nous faisions deux ou trois lieues sans estre descouverts de trouppe quelconque, jusques à ce que nous luy fussions sur les bras. Mais M. de Vieilleville ayant advertissement qu'il y avoit quarante ou cinquante Hespaignols en ung chasteau nommé Conflans, distant de quatre ou cinq lieues de-là, y voulut aller; & fist charger huict charettes d'eschelles, faisant marcher toutes ses trouppes en bataille; & laissa seulement à Malatour quarante ou cinquante foldats de volontaires, avec quarante harquebuziers. Et eftant devant Conflans, il le fist sommer, par ung trompette, de se rendre, aultrement qu'il les feroit tous pandre sans misericorde, s'il y entroit par force; dequoy il ne falloit aulcunement doubter. Eux,

ayants journellement nouvelles des === prises & charges que faisoient ceux de HENRI II. Malatour fur leurs gens, & principalement de la deffaicte de Montdragon, pensoient que ce fust une armée qui marchast; qui les fist entrer en telle frayeur, qu'ils demanderent terme de quatre heures pour y advifer.

1552.

M. de Vieilleville, qui ne vouloit pas, craignant d'estre descouvert par le camp du marquis Albert, attendre davantaige, les fist sommer pour la seconde fois, avec plus rigoureuses menaces, s'ils ne se rendoient; & fift crier par les foldats, qui avoient entouré le chasteau de tous costés : escalle, escalle; à la à l'escalade. sappe, à la sappe; & tirer harquebuzades aux fenestres, auxquelles n'y avoit une feule barbacane *; si bien, que ce bruict les estonna de telle forte, qu'ils mirent un drapeau blanc à une fenestre haulte, bien esloignée dutraict, demandant deux honnestes

* Barbacane; ouverture faite dans les murailles pour tirer à couvert contre l'ennemi ;

412 MÉMOIRES DU MARÉCHAE

Henri II.

hommes pour oftaiges, & qu'ils en envoyeroient deux de leur part pour parlementer; ce qui leur fust accordé. Aufquels fut respondu, rejectant toutes leurs demandes, qu'ils s'en iroient vies & bagues faulves, & tout ce qui appartient aux foldats, & non aultre chose, sans rien emporter du chasteau, ny du villaige; & qu'ils seroient conduicts en lieu de seureté. Et sur ceste capitulation, qui leur fust maintenue, & inviolablement gardée, car ils avoient affaire à un Seigneur de trop grande foy, ils fortirent, & furent conduicts jusques à une lieue près du camp du marquis Albert.



CHAPITRE VII.

HENRI II.

'M. de Vieilleville surprend la ville d'Estain.

CESTE execution faicte, il fust adverty que les habitants de la ville d'Estain, appartenant à M. de Lorraine, faisoient de grandes faveurs aux ennemys, & qu'ils leur amafsoient grande quantité de vivres, pour, puis après, les transporter au camp. A ceste cause, il delibera de les furprandre, & partit de Conflans, accompaigné de douze chevaulx feulement, faifant marcher après luy une bonne trouppe de foldats, assez à l'escart, & à couvert; mais, quand ils entendroient sonner la trompette, qu'ils s'advanceassent à toutes brides. Aussi fault noter, que M. de Vieilleville avoit quatre foldats à pied, accoustrez en lacquais, ayant chacun l'espée & la dague sur les reins, & chacun des douze gentilshommes, le sien.

414 MÉMOIRES DU MARÉCHAL

Estant devant la porte, il fist ap-HENRI II. peller le Maire & le Bailly, pour parler à eux. Arrivez qu'ils furent, 1552. avec quelques harquebuziers affez mal accoustrés, & hallebardiers de mesme, il leur dict, qu'ils entretenoient fort mal, & ingratement, la neutralité, de tant favoriser les ennemys de la couronne de France; car il estoit bien informé, que sans leur secours, le camp du marquis Albert fouffriroit infinies necessitez; & leur deffendoit, de par le Roy, sur peine d'encourir son indignation, & d'estre faccaigez, de plus envoyer au camp

> Le Bailly, qui estoit imperaliste, & installé en son estat par la Douairierre de Lorraine*, niepce de l'Empereur, luy respondit; qu'il faisoit ce que fa maistresse luy commandoit: aussi, que si les pauvres subjects perdoient ceste occasion de vendre leurs denrées, que de long-temps, ou ja-

imperial.

* Christine, qui avoit | Roi de Danemarck, & épousé François, Duc de | d'Isabelle d'Autriche

Lorraine, mort en 1540, fœur de Charles Ve étoit fille de Christiern III,

mais, il ne s'en presenteroit une

pareille.

M. de Vieilleville repliqua, qu'il ne luy fçauroit faire accroire que M. de Vaudemont, gouverneur de la province, fust de ceste oppinion, veu qu'il fçait bien, & eux aussi, que M. son nepveu, & leur Prince souverain, est en France avec le Roy.

Le Bailly va respondre, qu'il ne se soucioit pas trop de l'intention de M. de Vaudemont en cela, parce que la ville d'Estain, & toutes les terres adjacentes, estoient dediées & assignées pour le douaire de Son Altesse; & qu'il luy falloit, en bon & sidel serviteur, mesnaiger le bien de sa Dame & maistresse.

Et à nous, dict M. de Vieilleville, ne nous en vouldriez pas bailler pour nostre argent? Ouy dea, Monsseur, respondit-il. Or sus, lacquais, va dire M. de Vieilleville, entrez là-dedans, & nous en apportez pour six escus, pour nous & nos chevaulx. Sonnez, trompette, une allaigresse; car vous ferez tantost bonne chere. Les hallebardiers

HENRI II.

416 Mémoires du Maréchat

4552.

= voulurent faire quelque effort pour HENRI II. empescher l'entrée aux lacquais-soldats; mais ils furent servis à coups

en haut.

d'espée & de poignard, d'une estrange façon; & les quatre monterent incontinant à mont, pour empescher que l'on n'abbatist la herse : les douze chevaux enfoncent cependant la porte, & se tiennent dedans à la garde des ponts-levys; & tout aussitost la grosse trouppe arrive, qui entre dedans; se faisants, par ce moyen, maistres de la ville. Les hallebardiers, aufquels l'on avoit osté leurs armes, s'enfuyent, criants: aux armes; les François sont dedans. Il y avoit des Hespaignols chez le Bailly, environ dix ou douze, qui à ce cry saulterent par sur les murs de la ville, pour se sauver. Dequoy M. de Vieilleville fust très-marry; &, de colere, fist pandre le nepveu du Bailly, qui leur avoit donné ceste addresse; car il y avoit ung des parants du duc d'Alve, & ung aultre neveu du prince de l'Infantasque, qui venoient des Païs-Bas, de parler

à la Royne de Hongrie, & portoient lettres de sa part & créance Henri II. à l'Empereur son frere. Il envoya cinq ou fix chevaulx après pour les attrapper; mais les bois les leur fi-

rent perdre.

La colere, toutesfois, tant ne le surmonta, qu'il ne fist crier à son de trompette, que l'on n'eust à faire aulcune force ou violance aux habitants de la ville, sur peine de la vie; & qu'il les prenoit en fa protection, pour conserver la neutralité. Il y difna, & coucha; & le lendemain, avant partir, il y laissa M. de Boisjourdan en garnison, avec fa compaignie de chevaux ligiers; & le logea luy-mesme chez le Bailly, affin d'esclairer ses actions, & d'empescher quelque remuement; avec advertissement, qu'il luy donna, de ne laisser fortir personne sans son congé, &, fur-tout, qu'ils n'allassent au camp de l'Empereur, & n'y portassent aulcune commodité : & delà, s'en revint avec ses trouppes à Conflans. Mais, par les chemins, il Tome II.

15520

418 MÉMOIRES DU MARÉCHAL

HENRI II.

rencontra cent ou fix-vingts Allemands, qui traversoient sans ordre le grand chemin de Novyon, en leur quartier, qu'il chargea de furie, & les dessit : car il fault noter, que tant qu'il fust en campaigne, il ne marcha jamais sans l'armet en teste, & la lance en la main : l'on ne peult ignorer que ceux qui le suivoient ne fissent de mesme; c'est pourquoy, en toute rencontre, il avoit tousjours du bon, & renversoit tout ce qui se presentoit devant, par ceste promptitude, ne donnant loisir à l'ennemy de se recognoistre.

CHAPITRE VIII.

M. de Vieilleville force le village de Rougerieules.

IL ARRIVA affez tard à Conflans, avec 30 ou 40 prisonniers, & grand nombre de chevaulx, que l'on suff long-temps à reprandre, & à des-

pouiller les morts, qui estoient environ foixante; & y sejourna quatre HENRI II. ou cinq jours, pour se raffraichir, & fes trouppes, fans rien entreprendre, & aussi departir le butin. Ces jours expirez, il demanda à tous. tant gendarmes que foldats, s'ils avoient encores une bonne corvée dedans le ventre. Tous respondirent, de franc couraige, que ouy: & leur avoit bien tenu promesse; car au partir de Verdun, il leur avoit dict, qu'il les feroit veoir ce qu'ils ne virent jamais. » Car, disoient-ils, » nous n'avions jamais tant pasty, ny » veu de la guerre. Aussi vous estiez, prespondit - il aux gens de pied, » tous fort pauvres, mal accoustrés, » & à pied; maintenant vous reluyofez comme l'or, & estes montez » comme princes. Si ne vous ay - je » pas encores faict veoir tout ce que »j'ay en volonté. Or, que demain »chacun de vous s'appreste de me » fuyvre; car je veux fortir d'ici, & »approcher l'ennemy de plus près ». Ils respondirent, tous unanimement,

15520

Ddij

420 MÉMOIRES DU MARÉCHAE

Henri II. enfer, qu'ils le fuyvroient, & mour-

1552. roient à ses pieds.

Responce qui luy suft fort agréable: & envoya querir toute nuich M. de Boysjourdan, qu'il avoit laissé à Estain, & les aultres qui estoient demeurez à Malatour, assin de mettre toutes ses forces ensemble; car son entreprise estoit fort grande & hazardeuse: pour laquelle bien seurement executer, il avoit envoyé quatre hommes, avec escharpes jaulnes, habiles & sideles, en campaigne.

Toutes ses trouppes arrivées, après avoir conferé avec l'un de ses confidents, sous la fidelité duquel & de ses trois compaignons, il avoit tramé ceste entreprise, il part sur les quatre heures après midy, pour attaquer un villaige, distant de Metz cinq quarts de lieue, ou lieue & demye pour le plus, nommé Rougerieules, qui est en la montaigne, & la pluspart du villaige en pante, où estoient cinq enseignes de Lans-

quenets, & aultant de cornettes = Reithres. Et, quart de lieue, pre- HENRI II. mier que d'approcher le villaige, les trois aultres compaignons le vindrent trouver, qui luy dirent qu'il y faifoit bon, & que les Allemands estoient desja en leur Schloffroncg; qui fut cause, que M. de Vieilleville en bailla l'un, à M. le comte de Sault, avec ses chevaux ligiers, & cent harquebuziers; l'autre, à M. de Boysjourdan, avec pareil nombre; le tiers, au capitainne Bronvilliers, qui menoit le reste des harquebuziers; & le quart qu'il retint pour luy, ayant le hôt de la gendarmerie: toutes lesquelles trouppes vindrent ensemble, bien guydées, par quatre advenues, donner de telle furie dedans le villaige, avec un si grand bruict de trompettes, tambours, & harquebuzades, que tous ces Allemands espouvantez, furent furcueillis de si près, qu'ils n'eurent pas loysir de se recognoistre; & les tuoit-on à taz, par les rues & maifons, sans misericorde de nostre D d iii

15520

422 MÉMOIRES DU MARÉCHAL

1552.

costé, & sans aulcune ou bien pe-HENRI II. tite resistance du leur. Mais affin qu'ils ne donnassent l'allarme au camp du marquis Albert, il avoit, premier que d'enfoncer le villaige, mis fur le chemin du quartier dudict Marquis, cinquante sallades, que menoit Chazeron, pour attrapper les fuyarts; qui y firent tel devoir, qu'ils les tuerent tous au rays de la lune, & en demeura, pour le moins sixvingts : quant à ce qui fust tué dedans le villaige, il s'en trouva plus de sept cents. Ceux qui peurent eschapper, se sauverent dedans le bois, tirant vers Novyon, fur la Mofelle; mais bien esloignez de leur quartier: de forte que le marquis Albert n'en eust nouvelles que au lendemain, encores fur l'heure du difner.

> Tout le reste de la nuich, cependant, fust employé à fouiller les maisons, se saezir des hommes qui s'estoient cachez, & prandre les chevaux, dont il y avoit ung nombre, qui revenoit à plus de huist cents, & de fort beaux, que l'on appelle rouf-

au clair.

fins de Prusse, & doubles courtaux = de Dannemarck, avec une infinie HENRI IL quantité de toutes fortes d'armes; pour lesquelles enlever, leurs charriots nous servirent fort à propos.

De ce villaige, l'on voyoit la ville de Metz, là bas en la plaine, bien à cler, avec toute l'armée de l'Empereur; & l'ordre & l'affiete du fiege, & de son camp; comme l'on voit Paris de Montmartre, Rouan du Mont Ste. Catherinne, ou de Fourviere Lyon: chose si belle & agréable à veoir ; qu'il ne se pouvoit rien defirer davantaige, principalement les esclairs & tonneres de l'artillerie de chasque costé, qui s'entretiroient incessamment; &, furtout, les volées de trente canons de batterie pour la bresche, où les canonniers faisoient une telle & quasi incroyable diligence, qu'en moins d'une heure nous en vifmes tirer environ de dix-huict, dont le tremblement du bruict nous foubflevoit & faifoit perdre terre.

L'aube du jour apparue, qui estoit Dd iv

424 Mémoires du Maréchat

entre fix & fept du matin, car c'ef-HENRI II. toit en Decembre, il commanda que 1552. chacun en print le plaisir, mais en diligence; car ils avoient, disoit-il, affaire à ung très-mauvais & fort dangereux voisin; & qu'il vouloit partir avant l'heure finie; & que ceux qui n'avoient dormy, dormiffent à cheval; faifant tout aussitost fonner trompettes & battre aux champs: dont bien luy en print. Car, incontinant que le marquis Albert fust adverty de ceste deffaicte, qui luy estoit d'une ruineuse & fort deshonorable conséquence, il fift partir vingt Cornettes Reithres, & trente Enseignes de Lanfquenets, avec dix pieces d'artillerie; & luy en personne, pour

> foudroyer Rougerieules, & tout ce qui estoit dedans: mais il n'y trouva que le nid, qu'il fist brusser de raige; car nous estions desja à Fresne; & n'avoit sçeu ce malheur, comme nous avons did, par la providence de M. de Vicilleville, que sur l'heure du disner; de quoy adverty, il re-

tourna en son quartier, en telle & fi grande collere, que luy enflame- HENRI II. rent au cœur tant d'hommes & de chevaux morts, qu'il cuyda tuer à son arrivée son prisonnier Monsieur d'Aumalle; pour le moins, il luy presenta la dague sur la gorge; luy difant, avecques blasphemes & opprobres, qu'il estoit cause que l'on avoit ainsi tué par plusieurs fois ses gens, fur l'esperance de le recourre; & qu'il les faisoit venir exprès pour cest effect : mais il regnioit Dieu, que s'ils y revenoient plus, qu'il le tailleroit en pieces, sans misericorde, & le feroit crever à coups de pistolle: ainsi que nous rapporta l'ung des quatre, que M. de Vieilleville avoit laissé à Rougerieules, accoustré en payfant, qui faignit que les François luy avoient ofté ses accoustrements d'honneur, & ses chevaux, se disant Lorrain & domestique de son Altesse douairiere de Lorrainne; & fuivit ledit Marquis en son quartier, où après avoir sejourné jour & demy, & veu ce que dessus, nous revint trouver à Verdun.

1552.

délivrer.

piftoler.

HENRI II.

CHAPITRE IX.

M. de Vieilleville retourne à Verdun où il reçoit un ordre du Roi de se rendre à Toul.

IN NE SCAUROIT exprimer de quelle joye & allaigresse M. le Mareschal receust M. de Vieilleville, revenant ainsi victorieux, plain de gloire & d'honneur, & avec si peu de perte, qui n'estoit que de cent quatre hommes, la reveue faicte de ses trouppes; mais trop bien vangez d'ung nombre infini de morts, qu'il avoit laissés fans sepulture par les champs, en leur place; & tant de chevaux & de prifonniers, que incessamment arrivoient trompettes & tambours du camp de l'ennemy aux portes de Verdun, pour les requester. Aussi ces braves & vertueux gestes, conduits par une très-saige & très-advisée providence, ne s'executerent pas fans une indicible fatigue, travail & grand ha-

zard de sa personne: car trois sepmaines durant, en despit des froi- HENRI II. dures qui estoient excessives, il ne se coucha jamais en lict, & ne se despouilla que pour changer de chemise: aussi, par ceste vigilance, il furprenoit tousjours l'ennemy; & bien qu'il fust plus fort que luy au triple, il en avoit ordinairement sa raison. Mais ce qui le contenta merveilleusement, ce fust de veoir le fruict de son labeur, en l'Eglise de Nostre-Dame de Verdun; car tous les drappeaux de ses victoires, qu'il avoit envoyez par cy-devant à M. le Mareschal, y estoient plantez des deux costez de la nef; ausquels il adjousta les unze qu'il avoit conquis à Rougerieules fur le marquis Albert; faisants nombre de vingt & deux, tant de gens de pied que de cavallerie, qui furent envoyez quelques jours après à Sa Majesté.

Or, M. de Vieilleville, après tant de travaulx, faisoit bien son compte de se raffraichir quelques temps, & jusques à ce qu'il fauldroit desloger

1552.

428 Mémoires du Maréchab

1552.

du tout de Verdun; & donner sem-Henri II. blablement loisir de se reposer, à tous ceux qui l'avoient accompaigné, & beaucoup paty en toutes les susdictes factions. Mais la huictainne ne passa qu'il arrive ung courrier exprès devers luy de la part du Roy, avec lettres qui portoient en substance; que estant adverty, que l'Empereur ne pouvant forcer la ville de Metz, avoit resolu d'attaquer celle de Thoul; & doubtant que son cousin le duc de Nevers ne fust assez fort pour attendre & soustenir ung tel siege, mesme, que la ville n'estoit fortissée ny remparée en aulcune façon, mais seulement à la vielle mode, si bien qu'on la pourroit emporter d'escalade, il prioit, & neantmoins commandoit, fur tous les fervices qu'il luy vouldroit faire, de partir incontinant, la presente receue, pour l'aller assister & conforter de son bon conseil, menant avec ·luy le plus de forces qu'il pourra, & de celles avecques lesquelles il avoit si bien rembarré & faict resser-

rer les trouppes du marquis Albert de Brandebourg; sans, toutesfois, HENRI II. trop affoiblir son cousin le Mareschal de St. André; car on ne sceit encores laquelle des deux, au vray, l'Empereur vouldra attacquer, pour les ruses, fainctes & hourvaris, dont contretemps il a coustume d'user en toutes ses

entreprifes.

Ceste lettre receue, il delibera de partir incontinant; & ne print que trente hommes d'armes, & quarante archers de la compaignie, tous de Bretaigne, d'Anjou & du Meyne, avec cent harquebuziers des plus lestes, & qui luy portoient plus d'affection; & environ cinquante salades. bien choisis, des compaignies du comte de Sault, & de Boysjourdan, fans prendre aulcun chef ou Capitainne desdictes trouppes; se contentant qu'ils fussent tous sous sa charge, affin de laisser tous les Capitainnes avec M. le Mareschal. duquel il print congé: & ainsi s'en alla au regret de tout le monde.

Et se presentant aux portes de

1553.

430 Mémoires du Maréchal

= Thoul, M. de Nevers, qui sçavoit HENRI II. fa venue, luy vint audevant, & l'honora de telles parolles : » Monsieur 15520 » de Vieilleville, vous foyez le très-» bien venu; & remercie très-hum-» blement le Roy de l'honneur qu'il m'a faict de vous avoir envoyé icy » pour m'assister; car il n'eust sceu » faire choix de Chevallier que j'ef-» time, ny que j'ayme plus que vous; » esperant que vous & moy luy ferons » ung bon & aggréable service en ce » lieu; & fault que je vous die, que » je me fens merveilleusement for-» tiffié de vostre presence ». A quoy respondit M. de Vieilleville; qu'il avoit très-grande raison d'entrer en ceste créance; car il n'y avoit Prince en tout le royaume de qui il reçeust de plus grande affection les commandements, que de luy; & pour lesquels executer, il n'espargneroit

> Le lendemain on entre au conseil; la conclusion principale duquel fust de battre l'estrade, & tallonner tant

> jamais sa propre vie; & ainsi le cognoistroit à l'espreuve & aux effects.

que l'on pourroit les Albanois & = Italiens, qui estoient en grand nom- HENRI II. bre au Pont-à-Mousson, my-chemin justement de Metz & de Thoul, s'ils s'escartoient à l'accoustumée, faifants de grands dommaiges par leurs incursions aux terres de M. de Lorrainne; & s'offrit, M. de Vieilleville, d'ouvrir le pas à ceste entreprise, avec ce qu'il avoit amené de Verdun qu'il pleigeoit d'experiance & de valeur; dontilgarans & en luy baillant cinquante harque- rience & la buziers, de ceux qui auroient desja valeur. praticqué ceste routtine, il asseuroit M. de Nevers de les bien faire refferrer, & leur faire payer au double l'interest & les arreraiges de leurs volleries.

15520



HENRI II.

CHAPITRE X.

M. de Vieilleville envoie à Pontà-Mousson un espion qui trompe les ennemis.

M. DE VIEILLEVILLE avoit amené avec luy deux de ses confidents ou ferviteurs occultes, que les foldats & les ignorants appellent espions, car, au contraire, ce sont les vrais guides des armées ; ayant laissé les deux aultres à M. le Mareschal de St. André; l'ung desquels, il envoya fecrettement, après le conseil, au Pont-à-Mousson, bien embouché de ce qu'il avoit à respondre aux commeunes interrogatoires qu'on luy pourroit faire, & bien instruict des choses auxquelles il devoit soigneufement prandre garde; ayant pour couverture & garand de son voyaige, instruction de s'advouer de la maison de la Duchesse douairriere de Lorrainne, & qu'il alloit de fa part au camp

camp de l'Empereur. Et partit affez = tard, exprès pour avoir excuse legi- HENRI II. time de ne passer pour ce jour plus oultre, pour descouvrir leurs forces & entreprises, selon son bon esprit.

Ce très-habile homme, au desceu de tous, partit avec son escharpe jaulne, car on ne sçauroit trop secrettement despescher telles gens; & se presenta, en moins de trois heures, aux portes du Pont-à-Mousson, n'estant le chemin que de cinq lieues: l'on s'inquiert d'où il vient, où il va, qui il est, par où il a passé, ce qu'il va faire & negocier, & s'il porte lettres. Il demande estre mené aux chefs, tant estoit asseuré pour leur respondre. Et estant devant eux, qui estoient Dom Alphonso d'Arbolancgua Hespaignol, & le seigneur Fabrice de Case Colone, Romain; aufquels il respond, sur tous les poincts cy-dessus, si pertinemment, qu'ils ne le peurent surprandre, ny descouvrir sa vacation. Il demande congé de se retirer en son logis, & s'ils ont quelque affaire auprès de la Tome II.

434 MÉMOIRES DU MARÉCHAL

15520

= facrée Majesté, qu'il espere y estre HENRI II. demain, & leur faire bien fidelle fervice.

> Ils luy demandent, puifqu'il a pafféa Thoul, s'il fçeyt poinct, qu'il y foit arrivé des trouppes de Verdun, conduictes par un cavallier françois qu'on nomme Vieilleville. Alors il s'escria, disant : » Ho le meschant orapaut françois! Il fift derniere-» ment pendre à Estain, quant il le » furprint, un mien frere, qui se te-» noit avec le Bailly mon oncle; » parce qu'il avoit faict evader des » Hespaignols par sur les murailles » de la ville : que la peste luy creve » le cœur ; il me couftera la vie , ou »j'en auray la vengeance; car c'ef-»toit injustice trop grande, veu sque nous fommes tous tenus & » obligez de faire service aux Prinsces aufquels nous le devons, com-» me est l'Empereur & Madame sa » niepce ma maistresse; car si ces deux » Seigneurs eussent esté pris, on eust » beaucoup decouvert des affaires » secrettes de la sacrée Majesté de

"l'Empereur; & le meschant en a faict mourir mon pauvre frere, & HENRI II. mà ce que j'ay entendu, mon oncle ele Bailly d'Estain, fust en grand anger, n'ayant aultre couleur pour odorer sa meschanceté, que de les » accuser d'avoir contrevenu & en-» fraince la neutralité : que maudit » foit-il éternellement ».

Fabrice Colone, & Dom Alphonce, qui savoient tous les deportements de M. de Vieilleville, & ses victoires, ayants entendu specifier ceste-là, entre aultres, remarquerent ses parolles; & le tirants tous deux à part, luy promettent de le venger de la mort de son frere, pourveu qu'il face ce qu'ils luy diront. A quoy il respond qu'il n'y espargnera nullement la vie; mais il les supplie de luy permettre d'aller devers l'Empereur, luy porter la créance de Madame sa maistresse, qu'ils cognoisfent tous deux. Et luy demandants pourquoy il n'avoit lettres : Pour »ce, dist-il, que ma créance porte ⇒ung certain advertissement à l'Em-

E e ij

436 Mémoires du Maréchal

1552.

»pereur, des affaires secrettes du HENRI II. "Roy de France; & si j'estois pris »avec lettres, je mettrois la pro-» vince en combustion, car c'est of-» fenser la neutralité; & moy en » danger d'estre pendu, ou d'avoir pour le moins la question ». Ils se paissent de ceste bourde; & comme l'ayant desja, ce leur semble, gaigné, le firent conduire en son logis à l'Ange; avec commandement de luy ouvrir au plus matin la porte qui fe nomme, de Metz; & le laisser paffer, fans s'enquerir nullement de luy ny de ses affaires.

> Il se presente le matin, au poinct du jour, à la porte, qui luy est ouverte fans aulcune inquifition; & va au camp, où il demeure tout le reste du jour ; & engeolla si bien le duc d'Alve, qu'il apporte une lettre commune de sa part à Fabrice & Alphonce, touschant les affaires de leur charge; & fur-tout, qu'ils prennent garde aux entreprises d'un Capitainne françois nommé Vieilleville, qui a fort endommaigé le

eamp du marquis Albert, & dont l'Empereur a eu depuis deux jours advis certain qu'il est arrivé à Thoul, avec des trouppes; & speciallement, leur recommande le porteur; la volonté duquel il a descouverte estre affectionnée au service de sa facrée Majesté; & qu'ils ne doivent differer de l'employer, car il est à trop bonne maistresse, du sang de leur maistre, pour y faire ung saux bon.

Ceste lettre receue, ces deux le caressent infiniment, luy disant qu'il n'estoit de besoing de leur apporter certissicat du duc d'Alve pour sa sidelité, car dès le jour précedent ils avoient bien consideré son langaige, par lequel ils l'ont jugé comme naturel Imperial; & s'il avoit envye de s'enrichir, il falloit qu'il sist tous ses essorts de leur faire tomber entre mains ce Capitainne Vieil-leville, qui a tant endommaigé le camp du marquis Albert.

A quoy il respond, qu'il ne leur demande chose quelconque, fors que

E e iij

438 Mémoires du Maréchal

35520

s'il y peust parvenir, ils le luy don-HENRI II. nent à tuer, affin qu'il en voye le cœur, pour se vanger de la mort de son frere qu'il a faict ainsi mourir ignominieusement, contre tout droist divin & humain; les sommant, comme bons & fidelles serviteurs de l'Empereur, de donner main-forte à son entreprise; car ce a esté pour le service de sa sacrée Majesté, qu'il a esté ainsi vilennement pendu.

Eux voyants ce zele, encores avec larmes, car il les sçayoit aussi bien ou mieux faindre qu'une femme, n'en doubtent plus, mais l'embrasfent à tour de bras; & avoit, Dom Alphonce, une chaisne d'environ cinquante escus, qu'il luy veult mettre au col: mais il la rejecte, comme par colere, disant, qu'il ne prendra jamais rien d'eux, qu'il n'ait faict à l'Empereur quelque signale fervice, ailleurs qu'en ceste occafion, en laquelle il a plus d'interests que pas ung d'eux; car il y va de la vindice de son propre sang; les suppliant de ne l'en plus importuner,

& qu'ils le laissent faire; seulement, luy donnent congé d'aller trouver HENRI II. en diligence la niepce de l'Empereur, sa bonne maistresse, les asseurant de leur apporter à fon retour une bonne nouvelle.

15520

Le reffus de la chaisne, & toutes fes bonnes parolles, firent entrer Alphonce & Fabrice bien avant en la tonnelle; & de telle sorte, qu'ils dans le piege ne revocquoient plus en doubte fa fidelité; & eussent querellé quiconque leur eust voulu dire du contraire; mais le laissent aller, en esperance de le reveoir bientost.



E e iv

HENRI II.

CHAPITRE XI.

M. de Vieilleville attire les ennemis dans une embuscade.

IL PART; & vient trouver fon bon maistre, qui pensoit l'avoir perdu; car il y avoit trois jours qu'il ne l'avoit veu; & entrants, seulets en une chambre, il luy discourut de sa negociation; sur laquelle, M. de Vieilleville va projecter ung terrible & merveilleux stratagesme: car il le garda vingt-quatre heures, fans qu'il fust veu de personne, fors de quelque valet de chambre qui le fervoit. Lesquelles passées, il luy dist qu'il allast au Pont-à-Mousson, leur dire, que M. de Vieilleville doit partir demain au poinct du jour, pour aller trouver sa Maistresse qui l'attend à Condé fur Mozelle; & conferer ensemble de plusieurs choses touchant la conservation de l'estat de M. de Lorrainne son fils, qui est

en France pour l'apprehension qu'elle a, fi les guerres durent encores long- HENRI II. temps entre ces deux grands Princes, que l'on ne face danser à sondiet fils, la Piedmontoise; & qu'il retienne bien ces mesmes parolles: il adjoustera aussi, que M. de Vieilleville, qui crainct la garnison du Pont-à-Mouffon, mene avecques luy fixvingts bons chevaux, dont il y en a quelques-uns de bardez, pour l'accompaigner: mais il luy deffend, furtout, de ne se haster, affin qu'il avt loysir de dresser ses pieges, & trappuces, autrement fes ambufcades; & qu'il aille seulement le train de fon cheval.

Il desloge à unze heures du soir, du mercredy; & arrive fur les deux après mynuit, du jeudy, leur annonceant ceste nouvelle : mais il les fomme de luy tenir promesse, de luy donner Vieilleville pour en faire sa volonté. Eux, très-joyeux, qui ne pouvoient entrer en aulcune deffiance, veu fon langaige, principallement de la danse Piedmontoise; que

1552.

442 MÉMOIRES DU MARÉCHAE

HENRI II.

les deux Princes devoreroient à la longue l'estat du Duc de Lorrainne, comme ils ont faist celuy de Savoye; & puis sa peine d'estre venu toute nuist, le luy accordent fort libera-lement; & se preparent en toute diligence pour le venir attrapper, le tenant desja comme vaincu: car, contre six-vingts chevaux; ils fai-soient sortir toutes leurs forces, qui pouvoient estre de trois cents chevaux; & laissoient la moitié de leurs harquebuziers, pour la ville, qui estoient environ cinquante.

M. de Vieilleville, d'aultre part, assemble tous les Capitainnes de Thoul, en la presence de M. de Nevers, sur l'heure mesme du partement de ce consident; ausquels il faict entendre qu'il a une brave entreprise entre mains, mais qu'il les prie de ne s'ennuyer d'une cavalcade de dix heures seulement; les asseurant qu'elle ne sera inutile, ains en rapporteront ung grandissime honneur, & beaucoup de proussi. Tous s'y accordent, en très-grande assec-

tion, & s'apprestent en toute diligence. Ils fortent de la ville, tous HENRI II. ensemble, & marchent jusques à deux lieues & demye près du pont, devers les bois des Rouziers, & d'ung villaige nommé de Louarn; & estant là, M. de Vieilleville départ les trouppes, & les met en divers lieux par ambuscades; & luy, se tient en la plaine, avec les fix-vingts chevaux cy-dessus, commandant à tous, de retenir tout ce qui passera par le chemin, foit de cheval, foit de pied, femmes, filles, bergers ou laboureurs, affin que l'ennemy n'efvantast de ses nouvelles ; & à tous ceux qui auroient des chevaux criarts, de leur lier & ferrer la langue avec esguillettes ou fisselle : Item, que incontinant que l'ennemy se descouvriroit, de faire comme il feroit; & deffence aux trompettes, fur peine de la vye, de sonner, s'il ne le commandoit. Et fault noter que durant l'absence de ce consident, il avoit raudé tout ce païs-là, par plusieurs fois, pour mieux en reco-

1552.

444 MÉMOIRES DU MARÉCHAE

1552.

gnoistre les advenues, & en très? advisé Capitainne, poser & dresser fes embuches, pour les faire fortir

à propos ; comme il advint.

Ils n'attendirent pas trois heures, après toutes choses ainsy disposées, que l'ennemy parut, descendant le long d'une montaignette. Alors il dist: » Tournons visaige devers Thoul; » & faisons semblant de fuir, mais »au petit pas; & s'ils galoppent après » nous, galloppons austi jusques à ce »qu'ils soient au deçà de nos embus-»cades: & cela faict, ils font à nous, »fans perdre ung homme ». L'ennemy les voyant fuyr, va après au grand galop, avec ung merveilleux cry, comme de victoire. Mais quand ils furent au decà : Teste icy, s'escria M. de Vieilleville ; sonne trompette. baissent la Et baissant les visieres couchent le boys, & commençent à s'approcher. Tout aussitost ils vyrent M. des Clavoles, Lieutenant de M. de Nevers à Thoul feulement ; car M. de Bourdillon l'estoit de sa compaignie, & au gouvernement de Champaigne, sortir

lance,

d'ung bois avec fix-vingts bons chevaux ; M. d'Orvaulx d'Anjou, & HENRI II. M. d'Olivet de Bretaigne, partir à toutes brides avec les cinquante salades de Verdun, & aultres tant qu'on avoit prises à Thoul; puis le baron d'Anglure, avec deux cents Harquebuziers, tous à cheval, qui menoient ung bruict desesperé, courants comme postillons, deux ou trois tambours battants fur leur mesme chemin, & à leurs trousses; qui les estonna fort, & leur fist bientost changer de cry; car au lieu de victoire, ils s'escrierent : Tradimento, trahisons tradimento.

1552.

Cependant, M. de Vieilleville, & fa trouppe, renversent & portent par terre tout ce qu'ils rencontrent; comme il est croyable d'un effort de gendarmerie advantageusement montée, selon les ordonnances de France, de tel choix, & conduicte par un tel Capitainne, contre une cavallerie ligiere, qui s'arme & se nourrist sur sa paye; tant de lances dedans les flancs, & une infinité d'harquebu-

446 MÉMOIRES DU MARÉCHAE

15526

zades par les reins, & fur les croup-HENRI II. pes de leurs chevaux, de forte que l'on n'oyoit plus crier que : Misericordia*, misericordia, signor Vieillevilla: buona guerra, signori Francezi. Et commencerent à rendre les abboys ; car l'harquebuzerie abbattoit hommes & chevaux dru comme mousches. Qui fut cause que M. de Vieilleville fist cesser le combat, & le carnaige; & fe rendirent à fa mercy, quictants leurs armes. Il y en eust deux cents trente de morts sur la place; vingt & cinq de blessés, du nombre desquels estoit Fabrice Colone leur chef, & le reste prisonniers : & n'en sceust eschapper ung seul, qui ne fust subiect à l'une ou l'autre fortune ; tant avoit bien & dextrement, M. de Vieilleville, enfilé son entreprise.

^{*} C'est-à-dire : Miséricorde , Seigneur de Vieilleville : Bon quartier, Seigneurs François.



CHAPITRE XII.

HENRI II.

Monsieur de Vieilleville surprend la ville de Pont à-Mousson.

A PRÉS ceste brave & victorieuse execution, M. de Vieilleville pria M. des Clavolles de s'en retournes avec sa trouppe devers M. de Nevers. luy mener le feigneur Fabrice, duquel il luy faisoit present, & de mettre les aultres blessez & prisonniers en lieu de seureté : quant aux trois Cornettes qui ont esté conquifes fur l'ennemy, il luy testiffieroit les avoir veues; mais qu'il ne les luy pouvoit encores envoyer; car il en avoit necessairement affaire, pour luy fervir en une aultre entreprise qu'il venoit tout presentement de fantasticquer. Et luy demandant le fieur des Clavolles, quelle elle estoit, pour en rejouir M. de Nevers; il luy respondit, qu'il ne la pouvoit dire; car si elle luy eschappoit, comme il advient fouvent, tout le monde s'en

mocqueroit, & luy le premier; & Henri II. qu'il n'estoit pas de ces sots, qui vendent la peau de l'ours auparavant que de l'avoir pris : aussi, qu'il ne vouloit pas ressembler à Fabrice Colone, qui l'avoit donné à Suligny, ainsi s'appelloit ce consident, pour le tuer; & il le voyoit en sa misericorde. Ce langaige sist rougir ung petit M. des Clavolles, de s'estre

tant advancé.

M. des Clavolles party, M. de Vieilleville appella Suligny, auquel il dist telles parolles : » Prenez ma Cornette blanche, & mon habil-» lement de teste ; & mes brassarts ; » & vous en allez au Pont-à-Moufso fon; & quand vous en serez à quart » de lieue, commencez à galopper men criant : Victoire ; & que le feimgneur Fabrice a deffaict Vieilleville, » & toute sa trouppe; & qu'il i'amene » prisonnier, avec trente ou quarente »aultres gentilshommes françois; & »leur montrez pour enseignes ce » que vous avez. Voilà quatre valets »incogneus, qui vous ayderont à les porter;

porter; ensemble des tronssons de » lances françoyfes aux banderolles HENRI II. » blanches, pour mieux coulourer » vostre dire. Faictes, au reste, bonne myne, & m'injuriez tant que vous » pourrez; & que devant deux heures vous me verrez le cœur, si je ne le » rachete de dix mille escus; mais n'oubliez, incontinant que vous sferez entrez, de monter fur la » porte, & faisant semblant de pendre »mon enseigne & habillement de »teste, de vous tenir près des herso ses, trappes, & bacules, de peur »qu'on ne les abbatte. Et laissez à » Dieu le reste ».

Suligny defloge allaigrement pour executer sa charge, en laquelle il ne faillit d'ung seul poinct. Cependant M. de Vieilleville commanda à tous lanciers & harquebuziers, de cacher le blanc, & prendre les escharppes rouges des morts, & tout ce qui porteroit marque Imperiale ou de Bourgoigne; & des cornettes Hefpaignolles conquises, il en donna l'une à porter au sieur de Montbour-

Tome II.

450 MÉMOIRES DU MARÉCHAL

= cher, l'autre au sieur de Thuré, & HENRY II. la troissesme au sieur du Mesnil-Barré; commandant à tous en general, de tuer tous ceux qui sortiroient de la ville pour veoir les prisonniers françois s'ils n'estoient des habitans : & fi Dom Alphonce s'oublioit tant que de fortir de sa place, pour venir congratuler Fabrice d'une si belle victoire, qu'on le retint sans luy mal faire, fors de le desarmer: & marchons, dist-il, au nom de Dieu; que si personne ne se desvoye, la ville est nostre.

> Tout le monde fust esbahy de ceste parolle; car il ne s'en estoit encores descouvert à personne; & ne sçavoiton qu'il avoit en l'ame quand il fist ce commandement à Suligny. Toutesfois, ils marchent sans desordre, deliberants de se tenir prests, obeysfants, & attentifs à ce qu'il avoit

ordonné.

Suligny, à l'approcher de la ville, va crier en galloppant, avec fes quatre coustilliers *: Victoire, victoire, ce meschant dogue Franchiman de Vieil-

François.

1552.

* On nommoit ainsi les valets qui portoient la

leville est defaict, & toute sa trouppe; le seigneur Fabrice l'amene prisonnier à Dom Alphonce; voilà son armet, ses brassarts & son enseigne: il y en a plus de cent morts sur la place, le reste blessé ou prisonniers : si on m'eust voulu croire, onles euft tous taillez en pieces : victoire, victoire. La joye fust si grande par la ville, j'entends des gens de guerre qui y estoient demeurez, mais bien peu, car la pluspart estoit montée à cheval, d'allaigresse, pour veoir ce Vieilleville, & honorer le feigneur Fabrice, parce qu'ils cognoissoient l'homme pour l'avoir veu marchander la vye de M. de Vieilleville pour la vindicte de fon frere pendu à d'Estain, qu'il n'avoit jamais veu toutesfois, mais c'estoit de l'invention de M. de Vieilleville; de forte que Dom Alphonce voyant l'armet & les brassarts, qui estoient comme d'ung grand Prince, tant de tronsfons de lances & banderolles blanches, & la cornette blanche, il n'en

HENRI II.

confille; c'est-à-dire, le coutelas de l'homme d'armes ; & qui se tenoient à ses côtés,

452 Mémoires du Maréchal

HENRI II.

demande plus dadvantaige; mais se transportant de joye, monte luymesme à cheval, & vint au-devant de Fabrice, accompaigné de vingt hommes d'armes. Orvaulx & Olivet, tous chargez de rouge, viennent au-devant de luy, criants de loing : Victoria , victoria ; los Francesez son todos matados *. Luy, s'amufant au cry, & à ce langaige, s'advance tousjours; mais ils fe departent, & l'investissent, tuants tout ce qui le suivoit, sans espargner les staffiers, que l'on appelle en nostre langue, lacquets; & l'arrestent prifonnier. Il en venoit incessamment après luy, à la file; mais c'estoit autant de tué.

M. de Vieilleville commande à Mesnil-Barré de luy bailler la cornette qu'il portoit, qui estoit celle mesme de sa compaignie, & la mettre au milieu des deux aultres; & sut dict, par un nommé le Grec, qui parloit Hespaignol, comme naturel,

^{*} C'eft-à-dire : Victoire ; victoire ; tous les François

15520

s'il ne crioit victoire à l'approche de = la porte, qu'on luy donneroit de la HENRI II. pistolle en la teste : Mesnil - Barré estoit destiné pour cela. Alors M. de Vieilleville commande de doubler le pas; & quand ils furent à la portée de harquebuze, tout le monde commence à gallopper. Le Grec estoit devant, qui disoit merveilles en Hespaignol; de sorte que la garde, qui estoit Hespaignole, & assez pietre, voyant Dom Alphonce estre des courreurs & criants, faict largue, & laisse entrer tout ce qui se presenta. Mais on ne leur donna pas loisir de rehausser le pont; car ils furent tous taillez en pieces, en changeant de langaige. Et commença-t-on à crier, France, France: nos harquebuziers suzvindrent ausli-tost, qui prindrent la garde de la porte. Et se fist, M. de Vieilleville, par ceste brave ruse, aussi-tost executée que pensée, maistre de la ville.

A ce cry de France, il y eust plusieurs Hespaignols malades, quise sauverent de vistesse & à pied, avec leurs me-

454 MEMOIRES DU MARÉCHAL

1552.

decins, & aultres gens qui n'estoient HENRI II. poinct de combat. M. de Vieilleville se logea au logis de Fabrice Colone, qui estoit fort bien garny de toutes commoditez; & tous les aultres, à loge qui peult. Le reste de la journée se passa à fouiller les caves, greniers & magazins; où il fut trouvé une merveilleuse quantité de toutes sortes de vivres, que la duchesse douairriere de Lorraine y avoit faict venir, pour favoriser & raffraichir, par foubs main, l'armée de l'Em- . pereur fon oncle, en laquelle elle les faisoit conduire, fort aisément & fecrettement, par la riviere; & n'eftoient les batteaux, fur l'eau, plus hault de trois heures. Et en furent arrestez unze, chargez de farines, de bled & de vins, qui devoient partir fur les neuf heures au raiz de la lune; mais ils nous servirent bien.

CHAPITRE XIII.

HENRI I 15520

Dom Alphonse, battu & fait prisonnier, meurt de chagrin, d'une. lettre qu'il reçoit du Duc d'Albe : Colere de l'Empereur sur le peu de succès du siege de Metz.

QUANT à Domp Alphonce, il fust trouvé le lendemain roidde mort fur fon lict, tout vestu; car il ne fust pas en la puissance d'ung gentilhomme Néapolitain, duquel nous avons parlé cy-devant, nommé Jehan-Vincent de la Porte, aultrement le Seigneur Roux, de le faire depouiller; & ne tint à l'en advertir & presser par plusieurs fois, parce qu'il luy avoit esté baillé en garde par M. de Vieilleville fon Capitainne & fon maistre, qui l'en rendoit fort foigneux; non pas que le froid fust cause de sa mort; car le gentilhomme, & fix foldats qu'il avoit pour ceste garde, entretenoient le feu si

F fiv

456 MEMOIRES DU MARÉCHAE

grand en la chambre, que l'on n'y HENRI II. pouvoit quasi durer : mais la raige, & le creve-cœur de s'effre laissé si ligierement tromper, luy ravirent ainfy violemment la vie. A quoy ayderent fort la peur & la honte de Te jamais representer devant la face de son maistre, lequel estoit desja irrité contre tous les principaux Seigneurs & Capitaines de son armée, ainfy que luy avoit escrit le duc d'Alve, le jour precedent de sa prise; & estoient les lettres de ce subject : car nous les vismes traduites par le Grec, d'Hespaignol en François, aufquelles il y avoit quelques traicts de grande rizée : & commenceoient, après quelques falutations & recommandations, felon leur style, de cefte façon.

22 L'Empereur faichant au vray, » que la bresche estoit plus que raiofonnable, & que pas ung de fes » Capitaines ne s'advanceoit de l'enpfoncer, il s'y est faict porter par aquatre Lanfquenets; & l'ayant veue, »il a demandé, en grande colere:

DE VIEILLEVILLE, LIV. V. 457

Domment, playes de Dieu, n'entre-t-on = point là-dedans? Elle est si grande & HENRI II. » si à fleur de fossé : vertu de Dieu à oquoy tient-il? Je luy ai respondu, » que nous avions avertissement trèsocertain, que le duc de Guyse avoit » faict faire, derriere la bresche, ung retranchement fort large & fpa-»cieux, garny, au reste, d'ung mil-»liasse d'artiffices de feu, qu'il n'y a »armée qui ne s'y perde. Et puis: mort-D ..., dist-il, que ne l'avezvous faict effayer? Vous arrestez-vous » à ce que l'on vous rapporte? J'ay esté » contrainct de luy repliquer, que nous n'avons pas affaire à Dure *, »Ingolftat, Paffau, ny aux aultres » villes d'Allemaigne, qui se rendent, »n'estant qu'à demy combattues; ocar, là-dedans, il y a plus de dix mille braves hommes, foixante ou » quatre-vingts grands Seigneurs, & oneuf ou dix Princes du fang royal o de France, comme Sa très-Sacrée » Majesté a peu cognoistre, par les

1552.

^{*} Duren, ville du duché de Juliers, que Charles V avoir ashegée & prise sans heaucoup de résistance.

478 MEMOIRES DU MARÉCHAL

15526

» fanglantes & victorieuses faillies HENRI II. "qu'ils ont faictes sur nous, tousjours Ȉ nostre perte & grand desavantaige. » Il s'est, sur ceste remonstrance, haul-» fé de colere plus que jamais, difant: » Ha, je renye D ... je voy bien que je n'ay plus d'hommes : il me fault dire adieu à "l'Empire, à toutes mes entreprises, & sau monde, & me confiner en quelque monastere; car je suis vendu & trahy, sou, pour le moins, aussi mal servy que »Prince, portant tiltre de Monarche, » scauroit estre; & par la mort-D..., » devant trois ans, je me rendray Corodelier. Vous affeurant, Domp Al-» phonce, que si je n'eusse esté Hef-» paignol, j'eusse quitté sur l'heure » fon fervice: car s'il a esté mal servy men ce siege, il s'en fault prendre Ȉ Brabançon, lieutenant de la Roy-»ne de Hongrie, qui a eu le prinocipal commandement en ce siege, "d'aultant qu'il est comme François, »& la ville de Metz au climat de » France; oultre les intelligences hableants. adont il se vantoit de plusieurs pa-»cants, qu'il avoit là-dedans, du

DE VIEILLEVILLE, LIV. V. 459

nombre desquels sont les Tallanoges, les Baudoiches, & les Gor- HENRI II nays, des plus anciens gentilshommes de la ville de Metz.

1552.

»Et toutesfois nous avons affiegé » la ville par le plus fort endroit; "d'aultre part, nos mynes, qui ont mesté esventées, n'ont poinct joué, mais font devenues grimaces; de safaçon que toutes choses nous ont of fort mal fuccedé & réuffy, contre »toute esperance : aussi avons-nous » voulu combattre les hommes & le or temps: il n'est pas à s'en repentir; mais c'est le bon; & que pour cou-»vrir son oppiniastreté, il nous en mattacque, & rejecte fur nous tous » les malheurs & sa faulte; il voit »tous les jours ses gens de pied qui »meurent à tas, & principalement nos Allemands, qui sont en la fange » jusques aux oreilles : ne faillez de sfaire descendre les unze batteaux »de raffraichissement, que nous en-» voye fon Altesse de Lorrainne; car » nostre armée pastit infiniment; mais, ∞ fur-tout, tenez-vous fur vos gardes

460 MÉMOIRES DU MARÉCHAL

1552.

» de Vieilleville, qui est venu à Thoul HENRI II. » avec des forces de Verdun ; car »l'Empereur en a une merveilleuse »apprehension, pour ce qu'il conngnoist sa valeur & ses ruses, il y »a long-temps; jusques à dire, que nsfans luy, il seroit Roy de France. » Car quand il entra au Royaume, par la Provence, Vieilleville le » prevint, & se faisit d'Avignon, par »un fort rusé stratagesme; de sorte » que le Connestable dressa son armée, qui l'empescha de passer plus » oultre : si bien que son entreprise »& fon voyaige revindrent à neant, odont fut contrainct de s'en retouroner fur fes voyes, avec grande perte »& reprochable honte. Et depuis ce » temps-là, Sa Majesté l'a tousjours sappellé Lyon-Regnard. Je vous en adverty comme vostre parent; car » je ferois très-marry que nostre nastion donnast au maistre, occasion » de se fascher, plustost que les aulotres, qu'il favorise & respecte plus adleu frere. » que nous ; & adioz hermanez ».

Il fut fort aisé à juger, à tous ceux

DE VIEILLEVILLE, LIV. V. 461

qui leurent ceste lettre, qu'elle estoit = la vraye & principale cause de sa HENRI II. mort, ayant forfaict contre tous les poincts y contenus. M. de Vieilleville fut estrangement marry de ceste advanture; car il en vouloit faire ung present à M. le Mareschal de St. André, comme il avoit faict de Fabrice Colone à M. de Nevers : s'estant tousjours montré, de son aptitude naturelle, plus curieux d'amis que d'escus.

15520

Fin du Tome second.







